

7

8-c

54


6

1911 F


++


7-8.c.54






7-8.c.54











J. Amb. de Com. Hecop. Romae ibide m. 8
T R E S

THOMAE

sen

R E S G E S T A E

S. THOMAE Apostoli.

S. THOMAE Archiepiscopi Can.
tuarientis & Martyris.

THOMAE MORI Angliæ
quondam Cancellarij.

A V T H O R E

THOMA STAPLETONO


Anglo S. Theol. Doctore.

Additis duobus Indicibus, altero Capitum,
altero Rerum.



Bibliotheca

J. Honuphrij. 1629.



COLONIAE AGRIPPINAE,
Sumptibus Bernardi Gualteri,
ANNO M. DC. XII



ADMODVM
REVERENDO
IN CHRISTO PATRI
AC DOMINO
D. HERMANNO
MAYERO,

MONASTERII B. MARIAE
(vulgò Marien Kunster) Abbati
dignissimo, &c. Domino sibi
iugiter obseruan-
do S.



RES inter cæteras alienissimæ proprietates sunt, Admodum Reuerend. in CHRISTO Pater, quibus Hæreticæ Synagogæ soboles à Catholicæ Ecclesiæ filiis, quasi totidem à genuinis Leonibus Spuriij Leopardi degenerant. Prima, obstinata quædam

E P I S T O L A

dam in rebus fide dignis aut indignis discernendis præsumptio . Altera, sacrilega in Ecclesiasticam hæreditatem ac potestatem audacia. Tertia, inexplicabilis in carne & cuticulâ curandâ mollities.

Ad fidem profectò, quàm præposterâ methodo contendant, vel inde discimus, quod nihil illi conformè reputant nisi ipsi prius iudicij sui amussi examinatum probarint : heteroclyti nimirum Architecti, qui salutem ædificiarum suorum ædificare malunt suprâ ingenium hominum, quorum *cogitationes timida & incerta*, quàm reuelationem Dei , cuius verbo omnium naturæ Creaturarum firmanantur. Et verò, numnam aliâ de causâ realem IESV CHRISTI præsentiam in Eucharistico pane negant, quàm quia sensus eorum in tanti mysterij contemplatione deficiunt? (quasi impossibile ei sit, concludere speciebus sacramentalibus corpus suum, qui potuit utique grandiore miraculo incomprehensibilem

lem

DEDICATORIA.

lem diuinitatem corporis operimento occulere.) Quamobrem Sacramentorum numerum, satisfactionum meritum, Confessionis remedium, Indulgentiarum subsidium, Sanctorum patrocinium, quorum in singulis fermè Scripturæ paginis mentio renouatur, respuūt? an non, quia animalis ipsorum captus spiritualium id genus arcanorum, effectuumq; sublimitatem nō percipit? Infernum credo, vti & Purgatorium, in Catechesibus suis extinguerent, ni immortalis Sathanas sensibili propè conatu huic eorum temeritati reluctaretur.

Quod si tanto in articulis Fidei conuellendis furore sunt, minimè mirum (quæ secunda ex supradictis sectariorum proprietas est) euertere ab illis Euangelistarum Cathedras, & sacerdotum altaria, repudiari leges, & vilipendi Pontifices; alimenta pauperum CHRISTI transferri ad epulas Principum, ac summam eos solos ad Sacræ Rei-

EPISTOLA

publicæ gubernacula sedere velle, qui primi, si impendentia nauigationis suæ discrimina odorarentur, præ trepidatione arescerent. Enimuerò qui doctorem falsitatis arguunt, quã fidem discipulo habeant? qui Dominum timere nesciunt, quo pacto reuercantur ministrum? *Non est discipulus supra Magistrum, neque seruum supra Dominum suum.*

Ex altero hoc vitio tertium, nihilo prioribus tolerabilius, immoderatam scilicet corporis mollitiem, nasci necesse est. Nam qui eò superbiæ venit, vt nec Deo contradicere, nec *ceteros hominum* Pharisæico supercilio aspernari dubitet, sibi ipsi permitti solet, & destitutus, hinc quidem cœlesti auxilio, inde recto Rationis imperio in omnium scelerum & præsertim lasciuia abyssum deuoluitur. Utinam nectot, nectam recentia huius rei exempla suppeditarent Hæretici antagonista nostri, qui castimoniam ac virginitatem ex omnibus

Tem-

DEDICATORIA.

Templis, Scholis, domibus, conuenticulis & territorijs suis tam indispensabili edicto proscripserunt, vt haftenus ex probatissimis sectæ suæ coryphæis nè vni quidem ad eam eniti concesserint; imò deterius pro optimis Euangelistis nequissimos subinde adulteros ac lenones colât, qui libidinē suā saturare non valētes in sacris cēnobiorū adytis, ad illos, vbi omnia impunè licēt, transfugiūt.

Vides admodum Reuer. in Chr. Pater perniciosissimas artes & arma, quibus hodieq; nituntur, quantū in ipsis est, præcipuos Catholicæ Reip. nervos, Fidē, Iurisdictionē, & Castitatem præcidere. Vt aut infinitorum Martyrū constantia vsq; à sexcentis mille annis in triplici hoc auertendo detrimento manifestata fuit; ita clarissimè trium Thomarū virtus, quorū primus Apostol⁹ nostro non cōtentus orbe, ad alterū contendit, vt fidē propagaret, nō ambiguā illā, quæ solo sensuum & humanæ rationis incerto experimento nititur, sed

E P I S T O L A

alteram infallibilem, quam nec visu, nec tactu, sola autem Dei reuelatione per auditum concipi à Christo didicerat.

ALTER Cantuariensis Antistes pro immunitate & legibus Ecclesiasticis sibi dimicandum duxit. Cùm enim Henricus I I. Angliæ Rex conuocatis ad se Episcopis ac proceribus Regni leges ferret, vtilitati ac dignitati Clericorùm repugnantes, tamdiu Thomas pollicitationibus terroribusque spretis temeritati illius sacrum caput opposuit, donec impij sicarij sanguine ac cerebro ipsius pauimenta templi respergerent.

TERTIVS cognomento **MORVS** præfati Regni Cancellarius cò in martyrio suo gloriosior extitit, quò in causa quam tuebatur, similior Præcursori Christi. Arguebat Ioannes incestum Tetrarchæ Herodis; Thomas adulterium condemnauit Regis Henrici: Ioannes ad postulationem Herodiadis, Thomas ad suggestionem Bolenæ trucidati sunt.

At quia

DEDICATORIA.

At quia citius Elephantem sub ala,
 quam trium horum Angliæ lumi-
 num virtutes intra præfationis meæ
 angustias colligerem, ad personam
 Admodum Reuer. P. vestræ me con-
 uerto, cuius ille in Religione zelus
 omnibus bonis perspectus est, vt
 quanquam Hæreticorum vndique
 examinibus obsideatur, nequaquam
 tamen moueri potuerit, vt aut pri-
 scâ fide, & Ecclesiasticâ iurisdictione
 cederet, aut maculam aliquam Re-
 ligioso Fratrum suorum cælibatui
 aspergi pateretur. Hoc igitur si laudi
 ipsi tribuendum, vt profectò maxi-
 mæ; *Neque enim valdè laudabile est,*
 inquit Gregorius, *bonum esse cum bo-*
nis, sed bonum esse cum malis. Sicut e- Lib. 1. Mor.
nim grauioris culpæ est, inter bonos bo- cap. 1.
num non esse: ita immensi est præconij,
bonum etiam inter malos extitisse.
 non immeritò amplissimum ipsius
 nomen præsentī libro præfixerim:
 nam compendiosiore artificio nec
 prædicare potuissē D. HERMANNI
 MAYERI rarissimas dotes, & in Mo-

EPISTOLA DEDICATORIA.

nasterium B. MARIAE merita, nec
meum siue Ipsi, siue Celeberrimo
Benedictinorum Ordini, quod dudā
à me desideratum fuit, obsequium
consecrare. Optimus Maximus Deus
Admodum Reuer. P. V. conseruet.
Coloniæ Vbiorum. 8. Id. August.
CIC MDCLII.

Admodum Reuer. P. V.

Observantiſſ. cliens

BERNARDVS GVAL-
TERI, Ciuis & Bi-
bliopola Coloniens.

DE

**De tribus Thomis hoc libro de-
scriptis: per Authorem.**

*Tres Thomas libro quartus describit in isto:
Sed quàm vox rebus, tam tribus ille minor.
Tres tamen hos quisquis gaudet cognoscere le-
ctor,*

*Fortè optet quartum his esse tribus similem.
Quidni? Sed quartus magis his se optauerit esse
Nomine dissimilem, sed pietate parem:
Dei nisi fortè bonum communis Nominis omnes
Hos stimulos animo quos dederat calamo.
Id quoque, lectoris optauerit omnibus, ut sint
Nomine fortè alio, sed pietate pari.*

SVM-



SVMMA RERVVM
CAPITA QVAE IN HOC
LIBELLO CONTI-
nentur.

- D**E S. Thomæ Apostoli vita, rebus gestis ac
morte, Oratio 1. & seq.
De S. Thomæ Cant. Archiep. & Martyris Mar-
tyrio, eiusq; vera causa & modo, Apologeti-
cum. 24. & seq.
D. Thomæ Cant. Archiep. in exilio constituti ad
omnes Episcopos Angliæ epistola apologetica,
in qua doctè, disertè, fortiter, exilij sui cau-
sam defendit. 61.
Eiusdem ad Episcopum Couent. epistolum. 81.
Eiusdem ad amicum in vrbe epistola. 93.
Eiusdem ad quendam Angliæ Episcopum epi-
stola. 94.
Petri Blesensis epistola consolatoria in exilio
D. Thomæ. 82.
Eiusdem alia consolatoria super morte pretiosa
D. Thomæ, quæ etiam eiusdem Sancti præcla-
ras virtutes copiosè describit. 86.
Extractum ex Epistola Henrici II. Regis An-
glorum ad Alexandrum 3. Papam circa re-
bellionem in regno factam post martyrium
D. Thomæ. 93. Ale-

- Alexandri III. Papæ epistola ad Capitulum
Cant. exulante D. Thoma.* 93.
- Haorici II. Regis ad Alexandrum III. Papam
epistola circa exilium D. Thomæ.* 95.
- Episcoporum prouinciæ Aquitanie & Normaniæ
epistola ad eundem circa idem.* 98.
- Alexandri III. Papæ epistola ad Henricum II.
priori respondens.* 99.
- Petri Cellensium Abbatis ad D. Thomam tunc
Cancellarium Angliæ epistola.* 102
- Eiusdem ad eundem iam Archiepiscopum Can-
tuar. creatum epistola.* 103.
- Eiusdem ad eundem iam in exilio constitutum
epistola* 104.
- Petri de eleemosyna ad D. Thomam Cant. Ar-
chiepiscopum.* 107.
- Transumpta & descripta ex archiuis celeberrimi
Archimonaſterij Dompni Martini, alias
S. Iudoci in nemore dicti, prope Hefdinium
in finibus Artesie, Ord. Præmonſtr. de varijs
& illustribus ad D. Thomæ Cant. Archiepisc.
& Martyris illic memoriam, certasq; reli-
quias, miraculis* 108.
- Carmen rhythmicum, historicum, allegoricum &
morale, de illustri martyrio D. Thomæ Can-
tuar. incerto auctore, sed ei contempora-
neo.* 138.

VITA THOMAE MORI IN hæc Capita distribuitur.

P <i>Rotæmum</i>	149
1. Genus, educatio, studia	154
2. Adolſcentia mores, studia, actiones	158
3. Quamunera in Rep. geſſit & quomodo.	163
4. De multiplici eius eruditione & laboribus litterarijs	182
5. De doctis & claris viris quos multiplex Th. Mori eruditio familiares ei fecit.	195
6. De pietate morum & vita ſanctitate	217
7. Quantus honorum & laudis propria con- temptor fuerit	228
8. Quam fortis pecunia ac diuitiarum contem- ptor extiterit	241
9. Qualis Paterfamilias fuerit	246
10. Quomodo liberos ac nepotes ſuos educauerit	250
11. De Margareta Ropera filia Thoma Mori primogenita	263
12. Apophthegmata, ſapienter & piè dicta Tho. Mori	271
13. Acutè & facetè dicta vel reſponſa	281
14. Origo perſecutionis & offenſionis regia cõ- tra Tho. Morum	290
15. De prima Thoma Mori vexatione & exa- minatione	296
16. De eius incarceratione, variaq; illic tenta- tione	306
17. De duplici eius in carcere examinatione	324
18. De	

18. De accusatione & condemnatione	333
19. De ijs qua condemnationem & beatam viri mortem intercesserunt	343
20 De beata morte & Martyrio eius	552
21 Doctorum virorum iudicia de nece Thoma Mori	361
Clarorum & doctorum virorum varia epi- grammata in laudem Thoma Mori	374

APPRO-





DE S. THOMA APOSTOLO COLLECTA- NEVM, IPSO DIE NATA-

LIS EIVS IN ACADEMIA

Duacensi Publicè recita-
tum, Ann. 1586.



ON absque singulari diuini Spiri-
tus instinctu scriptum reliquit A-
postolus Paulus: *Memētote Prapōsi- Heb. 13.
torum vestrorum qui vobis locuti
sunt verbum Dei, quorum intuentes*

exitum conuersationis, imitamini fidem. In quibus
verbis monet Apostolus vt Ecclesiæ magistros
ac prælatos defunctos (hoc enim patet ex illis
verbis, *quorum intuentes exitum*) in memoria
habeamus, cum honore ac veneratione tantis
magistris debita recolamus, ac demum *religiosa
solennitate* (vt loquitur August.) *celebremus:* co ta-
men potissimum sine, *vt intuentes exitum con- Con. Faust.
uersationis imitemur & fidem:* id est, vt toto vitæ li. 20. c. 21.

& conuersationis eorum cursu perspecto, imita-
tores simus fidei & doctrinæ quam prædicaue-
runt, *in eadem fidei regula permaneamus.* Sic sanè
edocta Ecclesia Catholica sanctorum memorias
(iuxta Pauli verba) ita celebrat, vt eorum res ge- Phil. 3.
stæ, labores, vincula, tormenta, mors pro Christi
nomine suscepta diligenter populo exponantur.
At verò cum in omnium sanè sanctorum festis
studiosè istud exequatur, & omnium sanctorum

2 DE S. THOMA APOSTOLO

Ephes. 2.

& 4.

2. Cor. 8.

2. Pet. 3.

1.

2.

3.

4.

5.

17. c. 20

Hist. eccl.

vita, conuersatio, & conuersationis exitus, tanquam virtutum specula, vel potius nobilissima trophæa proponantur; tum verò in sanctis Apostolis Christi Domini, primis ecclesiarum magistris, adeoq; fundamentis fidei nostræ, quin studiosissimè ac religiosissimè id exequi debeat, nemini dubium esse potest. *Superadificati enim omnes sumus super fundamēta Apostolorum & Prophetarum.* Et Christus dedit ecclesiæ suæ primo Apostolos, deinde prophetas, &c. Quare Apostolos ecclesiarum gloriā Christi merito nuncupat Paulus. Et denique quod de præpositis in genere hic Paulus dixit, idem de Apostolis disertius Petrus monet quum ait, *Vt memores sitis eorum quæ prædixi verborum, & Apostolorum vestrorum.* Quū igitur in hodiernam diem memoria nobilissimi Apostoli D. Thomæ incidat, etsi propter celebritatem Aduentus Domini, officium eius in crastinum differatur; quumque huius Dominice euangelium ea quæ ad S. Ioan. Baptistam pertinent rursus complectatur, nec aliud ferè contineat quam quod de præcursoris huius excellentia in duabus superiorib. Dominicis iā diximus, quumque de hoc sanctissimo Apostolo, de quæ eius rebus gestis vix vllus (quod viderim) Homiliasta aliquid dixerit, imo vix quicquā de eius prædicatione ac laboribus sane maximis vulgo doctorum innotescat, ideoque quasi inter Apostolos obscurus habeatur; ac postremò quia cognominem mihi Apostolum vt præcipue collo, ita libentissimè (vt ingenue fatear) prædico (Ideo enim ab ipsis ecclesiæ cunabulis Apostolorum nomina filiis suis Christiani parentes imposuerunt, teste Eusebio, *ut quorum nomina præferunt, eorū se & patrocinii inuari, & exēplis in-formari debere intelligant*) ad huius sanctissimi Apostoli

postoli laudem, ad Christi gloriam, & ad nostrā
 instructionem, breue quoddam de huius Apo-
 stoli rebus gestis sane amplissimis collectaneum,
 à me vndique vt potui conquisitum, in medium
 afferam: & qualis ac quātus hic sanctus Aposto-
 lus fuerit, quæ vita, quæ conuersatio, quis cōuer-
 sationis exitus extiterit, diuino auxilio, & vestra
 patientia ac beneuolentia fretus exponam. San-
 ctissimus Apostolus Thomas *qui & Didymus*. 1.
 qui interpretatur Didymus (sic enim D. Ioann. *Ioan. 11.*
 qui solus ex Euangelistis ita loquitur more suo
 nomen eius exponit) etsi ex tribus primis illis A- *2. Gal. 2.*
 postolis qui *videbantur columna esse*, vt loquitur
 Paulus, nō erat, illis tamen proximus, & cæterorū
 post illos fere primus ac præcipuus quod fuerit,
 non leue argumentum est; quod ab ecclesia Ro-
 mana tum in canone missæ, tum in litanis pu-
 blicis, proximo post Ioannem & quinto semper
 loco ponatur. Certe eo tempore quo Christus
 Dominus suum in terris vicarium & supremum
 pastorem declarare voluit (quæ vtrique declara-
 tio non nisi solemnis admodum & coram testi-
 bus grauissimis fieri debuit) cum tres tantum
 Apostoli & tres discipuli quasi in præsentia epi-
 scoporum & sacerdotum, illi declarationi inter-
 essent, ex illis tribus Apostolis Thomas erat: vt
 non otiosè sed pertinenter commemorauit
 S. Ioannes. Zelum porro & amorem erga Chri- *Ioan. 21.*
 stum singularem, discendi quoque ardorem & *Amor erga*
 studium vehemens in hoc sancto Apostolo fuit *Christū &*
 se (quæ duo vel maxime discipulū commēdant) *studium di-*
 euangelium Ioannis, qui plura de hoc Apostolo *scendi in*
 quàm cæteri commemorat, & specialius erga eū *S. Thoma.*
 affectus videtur, manifestum facit. Hic enim
 S. Apostolus quum Christo ad Lazarum resusci- *Ioan. 11.*
 tandum in Iudæam iterum ire volente, cæteri di-

4 DE S. THOMA APOSTOLO

scipuli ei dicerent. *Rabbi, nunc quarebant te Iudei lapidare, & iterū vadis illuc?* Hic inquit solus Thomas pro singulari suo erga Christum amore & quidem ut alter Petrus, ad discipulos suos

Amor erga Christū eximius.

l. 7. c. 17. in Ioan.

dixit, *Eamus & nos & moriamur cum illo.* quasi diceret. Postquam Dominus ac magister noster in certum se vitæ discrimen conicere constitutū habet, quidni cum eo ad commune periculum pergimus, vitam cum eo ac sanguinem profunderē parati? Sic enim malo hæc S. Apostoli verba cum doctissimo Cyrillo Alexandrino, & cum V. Beda in hunc locum intelligere, quā cum quibusdam græcis trepidationi & incredulitati illa deputare. Neque enim trepidantis illa vox est sed amantis; nec deterrentis sed adhortantis; nec denique increduli sed planē maximē confidētis. Vnde nec minimo verbo Christus eum reprehēdit, sicuti Petrum simili confidentia loquentem grauitē corripuit. Sanē Theophylactus dum nimis acriter ridiculam quandam Origenis expositionē super hæc verba taxat, ipse satis absurdā protulit; ut rectē annotauit Cornelius Iansenius.

Matt. 26. In com. ibid.

Ioan. 10.

Atque zeli quidem & amoris erga Christum ardentissimi in hoc S. Apostolo argumentum hoc vnicum satis amplum fuerit. *Maiorem enim Charitatem nemo habet quam ut animā suā ponas*

Studium discendi.

quis pro amicis suis. Studium discendi & proficiēdi desiderium in hoc optimo Christi discipulo, ille locus ostendit, vbi altissimum passionis suæ ac postea ad patrem Ascensionis mysteriū Christo exponente, atque inter cetera dicente, *Et quō ego vado scitis, & viam scitis:* prudentissimē & appositē subiecit Thomas, *Domine nescimus quovādū & quomodo possumus viam scire?* Quid enim certius & exploratius quā cum in via necessariō errare, qui quo eundum sit nesciat, aut ab eo viā

Ioan. 14.

necel-

COLLECTANEVM.

necessariò ignorari qui viæ terminum ac finem prorsus ignoret? Quare ad hanc interrogationē tanto discipulo dignam, nobilissimam & diuinissimam responsionem Christus Dominus dedit, sententiamque subiecit qua vix in toto euangelio, aut sensu diuinior, aut gustu suauior, aut fructu fecundior inuenitur *Ego sum*, inquit, *via, veritas, & vita*. Videte enim quā multiplicem & iucundum & diuinum sensum, ex hac breui sententia sancti Patres tāquam ex purissimo flore sedulæ apes elicerint. Christus nobis *via est per vita actionem, veritas per fidei rectitudinem, vita per sanctificationis fontem*; ait Cyrillus. *Est via sanctæ conuersationis, veritas doctrina diuina, vita beatitudinis sempiterna* ait Leo Magnus. *Est via in exemplo, veritas in promisso, vita in premio*, ait S. Bernardus. Nempe sic Christus via est in qua per charitatem ambulamus, veritas cui per fidem adhæremus, vita ad quam per spem attolli debemus. Est via incipientium purgans eos per odium peccati, veritas perficientium illuminans eos per exempla virtutum: vita perfectorum vniens eos per puri amoris affectum. Rursum est *via secundum humanam naturam in qua ad nos venit & in qua ad patrem rediit. Veritas & vita est secundum diuinitatem*, ait Augustinus. Adhuc aliter Hilarius. *Nec ducit per erratico quia est via, nec illudit per falsa quia est veritas, nec in mortis relinquit horrore quia est vita*. Si via Duce alio non indigetis. Si veritas, nō loquor falsa: si vita, etiam morientes ad me venietis. Hac ille. Nec multum ab his diuerse. Chrysostomus. *Sum via quia per me venietis, sum veritas quia si ne dubio hac erunt qua dixi Sum vita quia neque ipsa mors prohibere poterit quo minus ad me perueniat. Hæc ille.* Iuxta hæc ergo pauca sed diuinis

*Christus
quomodo
via, veritas
ac vita.*

In Ioan. l. 9.

c. 33.

Serm. 2. de

resurr.

Serm. 2. de

Ascen.

Tract. 69. in

Ioan.

in lib. de es-

sentia patris

& filii.

Hom 72 in

Ioan.

6 DE S. THOMA APOSTOLO

- sima verba, quæ à S. Thom. oportunitissimè mōta
 quæstio nobis peperit, didicimus quod Christus
 nobis est mediator, magister, exemplum: in quē
 credere, quem cognoscere, secundum quem o-
 perari debemus. Adeo verum est quod dicit Scri-
 ptura. *Cor sapientis quarit doctrinam, & labia Sa-*
pientum disseminabunt scientiam. Ex huius enim
 sapientis interrogationis paruo semine quanta
 scientiæ seges pullulauerit, ex parte iam audiui-
 stis. At dicet quispiam; iste solus inter omnes A-
 postolos incredulus post resurrectionem fuit: I-
 ste solus aliis credentibus credere noluit? *Nisi vi-*
dero, inquit, in manibus eius fixuram clauorum, &
mittam digitum meum in locum clauorū, & mit-
tam manum meam in latus eius non credā. Quo-
 modo ergo tam incredulū Apostolū & duri cor-
 dis discipulum, quasi vnū ex primis & præcipuis
 Apostolis, & nescio quid singulare præ cæteris
 habentem prædicare audes? Iam enim vix Apo-
 stoli, imo vix discipuli nomen meretur qui nec
 tam crebris magistri p̄dictionibus, nec tam con-
 stāti condiscipulorū testimonio acquiescere vo-
 luit. Ego vero, Auditores, etsi hæc sanctiss. Tho-
 mæ verba & ratione & autoritate varia satis p-
 babiliter defendere, & ab omni reprehensione
 liberare possem, etsi cum Ambrosio, *non de Chri-*
sti resurrectione, sed de resurrectionis qualitate eum
dubitasse; etsi cū Augustino eū *hac omnia dixisse*
non quod ipse aliquid dubitaret, sed ut omnē suspi-
cionem incredulitatis aliorū excluderet, & rursum
quod verba ista inquirentis erant non negantis,
quia doceri voluit, confirmari desiderauit; ideoque
quod Domini responsum benignum & moderatum
in Apostolo suo non dubitationis vitium, sed solici-
tudinis instruxit affectum; vt idem ait Augustin.
 etsi *nimum amanti non ambigenti affectu eum*
 ista

Prouerb. 15.

Ioan. 20.

De D. Tho-
ma incre-
dulitate.

Lib. 10. in
Lucam.

Serm. 161.
de temp.

Serm. 156.
de temp.

ista protulisse vt Simcon Metaphrastes exponit, et si verba illa desiderij non incredulitatis fuisse cū Gaudentio episcopo Brixiano, et si denique cum Græcorum doctissimo Cyrillo Alexandrino eum vt sapientissimum Saluatoris discipulum temere credere quod adeo omnem rationem excedebat noluisse, nec ex infidelitate sed summo animi mœrore perturbatum eum ista dixisse, quia videlicet Dominum non viderat, nec an eum in hac vita amplius visurus esset, sciret, affirmare possem; ne tamen quicquam affectibus dare videar, aut Chrysostomo aliisque Græcis contradicere, qui satis asperè hæc S. Apostoli verba exagitant, dabimus incredulum eum ad momētum temporis fuisse; nimium suo vel amoris vel mœrore indulgisse; ac denique non ea qua Apostolum decuit fide & cōstantia, Domini sui resurrectionem accepisse. Cæterum hunc modici temporis lapsum, qualis postea confessio ipsius, quanta utilitas nostra compensauerit, attendite. Confessio certè talis tam disertam tam nobilis consecuta est, qualem in euangelio præterea nō legimus. Dominus meus, inquit, & Deus meus. O nobilissimā, o sincerissimā, o Thomæ Apostolo dignam confessionē. Et Dominum dicit & Deum, & Dominum suū ac Deum suum: & Dominū secundum humanitatem glorificatam (Dominum enim & Christum fecit Deus hunc Iesum quem vos crucifixistis ait Iudæis Petrus) & Deū quia patris æqualis est. Hæc vt plenissima ita & apertissima fuit S. Thom. confessio. Quid enim o Thoma vidisti vt sic exclamares! cicatrices vulnerum Deum probant? aut mortuus resurgens Deus continuo erit? At Lazarum antea resuscitatum vidiisti. Sed nō quod vidit adorauit, Aliud vidit, aliud credidit: hominem vidit, Deum credidit, ait Aug. Sed ex hac nobilissima

In vita
S. Thomæ.

In tract. de-
dicat. Con-
In Ioan. l.
12. c. 57.

In com. ad
hunc locū.

Confessio
D. Thomæ.
Ioan. 20.

Act. 2.

Lib. 12. cap.
59. in Ioan.

Confessionis
D. Thomæ
utilitas.

Vbi sup. c. 57
Increduli-
tatis D. Th.
fructus.

lissima confessione quanta fidei nostræ docu-
menta doctissimus Cyrillus Alexandrinus eli-
ciat, ex eius verbis audiamus. Rectè, inquit, Tho-
mas statim clamauit, Dominus meus, & Deus me-
us. Nam qui Dominus omnium natura est &
Deus, hunc Deum quoque verum esse necesse est:
& contra. Cum articulo autem dicitur utrumque
(ὁ κύριός μὲ καὶ ὁ θεός μὲ) ne quis nostra vel ange-
lorum similitudine, sed singulariter ipsum Dominū
& ipsum Deum dici existimet. Sed & hac dicen-
tem discipulum non increpat Saluator, neque re-
pellit sed laudat & complectitur. Patet igitur quia
non aliter quam Thomas confessus est, nos quoque
confiteri Dominus vult. Illud etiam animaduerte;
quia discipulus qui pedes & latus palpaui, ita eum
confessus est, ut in duos filios partitum non sit. Vñ
enim & eundem Dominum Iesum Christum co-
gnovit cum carne Hæc Cyrillus. At talis quidem
eius confessio fuit qua vna & Ariani & Marcio-
nitæ, & Manichæi, & Nestoriani hæretici cōfos-
si iacent Vtilitas porro & hæc maxima cōsecuta
est, quod veritas resurrectionis Domini nostri
(quo vno articulo nullus vel magis ad salutem
necessarius vel ad spem & consolationem nostrā
accommodatior est) ex hac D. Thomæ dubita-
tione, plane nobis indubitata & inuictè roborata
est. Ego, ait s. Cyrillus, per dispensationem puto
permisum fuisse Thomam ad infidelitatis crimen
incidere, ut nos per exquisitam fidem ipsius carnē
Christi, qua in cruce pependit, in vitam reuocatam
fuisse credamus. Discimus ergo ex hac Thomæ du-
bitatione resurrectionis mysterium in hoc corpore
nostro peragendum & in Christo primo iam para-
tum fuisse: nec per apparentiam aut per spirituale
quoddam corpus, id est, aëream ac tenue & aliud
a carne. Ideo enim non simpliciter videre Dominū

empit

cupit Thomas, sed clauorum signa querit & fixuras qua in carne fuerant. Sic enim ille discit & nos docet quod verè Christus renixerit. Hæc Cyrillus. Idem & Leo magnus obseruauit. Ait enim, ideo Christum vulnus lateris, fixuras clauorum, & omnia recentissima passionis signa Thoma mon-
strasse, ut agnosceretur in eo proprietates diuina humanaque naturæ indiuidua permanere. hæc ille.

Serm. 1. de
Resurrect.

Et alibi (vt citat S. Thom.) suffecit Thoma ad propriam fidem vidisse quod viderat: Sed nobis operatus est ut tangeret quem videbat. Nec dissimili-
ter S. August. Quam bona ignorantia qua eruditus ignarus, qua instruxit incredulos? Quam bona
incredulitas qua omnium seculorum fidei milita-
uit? Sed omnium pulcherrimè S. Gregorius. Nū-
quid casu gestum creditis, vt electus ille discipulus
Thomas Domino veniente deesses, post autem ve-
niens audiret, audiens dubitaret, dubitans palpa-
ret, palps crederet? Non hoc casu sed diuina dispo-
sitione gestum est. Egit namque miro modo super-
na clementia vt discipulus ille dubitans dum in
Magistro suo vulnera palparet carnis, in nobis vul-
nera sanaret infidelitatis. Plus enim nobis Thoma
infidelitas ad fidem quam fides discipulorum pro-
fuit: quia dum ille ad fidem palpando reducitur, no-
stra mens omni dubitatione postposita in fide solida-
tur. Hæc ille. Nihil ergo hæc D. Thomæ vel du-
bitatio vel infirmitas vel perturbatio, vel etiam
(si vultis) incredulitas eius iustissimis laudibus
detrahet, nihil eius in Christum amorem, obser-
uantiam, fidem imminuet; quam & tam celebris
ac nobilis confessio statim reparauit, & tanta fi-
dei omnium nostrum tamque valida confirma-
tio consecuta fuit. Tunc enim manus Thoma ac
digiti myrrham stillauerunt gentibus, cum omniū
certissime predicare potuit, quod ipse ob aliorum
utilita-

3. p. q. 54. ar.

4. ad 2.

Serm. 156. de
temp.

Hom. 26. in

Emang.

In c. s. Can.

*Cant. 5.*** Claud.**Viexmont.**in suo Cate-*
*chis.**Sixtus Sen.**Biblioth. 5.**l. 2. Sermo-**nes Disci-**puli Serm. 6.**de S. Thom.**Serm. de**temp. 115.*

utilitatem dubitādo palparat ac senserat, ut egre-
gie scripsit Philo Carpathii episcopus in com-
ment. in cant. ad illa verba. Surrexi ut aperirem
fratri meo. Manus mea stillauerunt myrrham.
Quam opinor ob causam à * Catechistis doctio-
ribus Articulus ille symboli Apostolici, *Surre-*
xit à mortuis, D. Thomæ tribuitur, quod & * Au-
gustinus disertè testatur.

Sed nunc qualis post Christi Domini Ascen-
sionem & post acceptum spiritum S. id est, qua-
lis Apostolus fuerit, dispiciamus. Non enim
discipulam Thomam & suas adhuc infirmitates
circumgestantem (quibus nullus Apostolorum
caruit) sed Apostolum Thomam nos prædica-
mus, & ecclesia celebrat. Quanto vel Thomas
vel alii Apostoli, ante acceptum Spiritum S. infir-
mi, increduli, timidi & ignavi magis fuerūt, tan-
to est Christi gloria maior qui huiusmodi quasi
peripsemata ac purgamenta mundi, piscatores,
rudes, ignaros homines, ita lauare, radere, & per-
polire, ita cælesti doctrina instruere, ita diuini
spiritus igne inflammare & actuosos efficere po-
tuit, ut non solum ipsi tanquam cortice, pomo-
rum saccaro & melle conditi, optima essent cō-
dimenta ac diuinis virtutibus affluenter ornati;
sed etiam sal terræ essent ad condiendos totius
orbis populos. Ille enim demum Sūmus artifex
est qui ex vilissima quauis materia, excellens ta-
men artis suæ opus producere valet. Nunc ergo
signa Apostolatus eius videamus. Hæc sane tanta
fuerunt ut *hic solus Apostolus uniuersum orbem*
terrarum percurrerit, ut ex Chrysologo affirmat
Siluester in rosa aurea, nosque iam, fauēte Deo,
maxima ex parte, ex bonis authoribus ostende-
mus. Ac primum quidem statim post Domini
nostri ascensionē & acceptum Spiritum S. D. Hic

Aposto-

D. Thomas
totū orbem
*percurrit.**Sil. Domi-*
nica 1. post
Pascha.

Apostolus in Orientem profectus est & tres illos
magos, qui Christum in praesepio adorauerant bap-
tizauit, eosdemque prädicationis suae socios ac ad-
iuutores fecit. Scribit hoc antiquum Calendarium
 vt citat Hector Pintus dialogorum par. 2. Petrus
 quoque de Natalibus in fine Homilię de epipha-
 niā. Sed & Ioannes Eckius in parua descriptione
 vitę S. Thomę quam ponit post homiliam 2.
 inter homilias de sanctis per annum. Sed ante
 hos omnes hoc affirmat S. Chrysostomus in o-
 pere imperfecto super Matth. hoc nempe illud
 est quod tum Dorotheus Tyrius antiquissimus
 scriptor & ante Nicenum Conc. 1. in sua Synopsi
 de vitis prophetarum & Apostolorum, & post
 eum adeoque ex eo S. Hieronymus in suo cata-
 logo virorum illustrium affirmant D. Thomam
Magis euangelium prädicasse. Eodem fere tem-
 pore hic idem Apostolus Thomas Thaddæum
 vnum ex 70. discipulis ad Abagarum regē Edes-
 senorum misit qui ei iuxta Christi ad eum per li-
 teras promissum euangelium prädicaret. Testes
 locupletissimi sunt Euseb. Pamph. hist. eccl. l. 1. c.
 13 & Niceph. li. 2. c. 7. Hinc Edesseni D. Tho-
 maxe semper coluerunt; & illustre ibi templū D.
 Thomę dicatum Socrates & Sozomen. testatur.
 Hinc forte antiquitus creditum est in Edessam
 corpus D. Thomę relatum fuisse, vt Rufinus, &
 martyrologia affirmant: nisi mauis dicere non
 corpus sed aliquam corporis particulam eò dela-
 tam fuisse. Nā in India corpus eius adhuc habe-
 ri, multis mox argumentis ostēdetur Sed primæ
 tantum ac rudes velitationes laborum Aposto-
 licorum hæ erant, præ immensis illis & pene in-
 credibilibus, quos per omnes fere mundi plagas
 hic sanctissimus Apostolus postea exantlauit. Is-
 tis enim perfunctis primitiis ad septentrionales
 mundi

Pintus p. 2.

Dial. 4. ca.

21.

Petr. de

Natal.

Ioa. Eckius.

S. Chrysost.

hom. 2. in

Matth.

Dorotheus

Tyrius.

D. Hieron.

Euseb.

Niceph.

Soc. l. 4. c. 14.

Sozom. li. 6.

cap. 18.

Rufinus l. 2

cap. 5. Beda.

Ado, Vsu-

ardus.

12 DE S. THOMA APOSTOLO

mundi partes se conuertit , & Germanis teste Dorotheo in Synopsi , quos Carmanos Hieron. in catalogo vocat, fidem prædicauit. Idem affirmat sophronius addens quod & Scythis quoque euangelium prædicauit, vt ex eo citat Ioann. Auentinus Annalium li. 2. Huic autem suffragatur & illud, esse adhuc in Germania vetustissimas ecclesias, Oudtraiecti ad Rhenum, Argentinæ, & alibi, D. Thomæ tanquam gentis Apostolo dictas, vt obseruauit vir doctissimus Ioan. Ledesim. in libello de officiis diuinis vernaculè non legendis. Sane Guilielmus Lindanus vir vnde-
 quaque doctissimus in præfatione exhortationis suæ ad Hollandos demonstrat D. Thomam fuisse Apostolum Germanorum. Quid quod & in vltima Septentrionali regione, sub ipso fere polo Arctico, visuntur adhuc ecclesiæ D. Thomæ Apostolo sacratæ, vt ipsæ mundi chartæ nobis demonstrant? Non debet ergo hac iusta & vera laude fraudari sanctissimus hic Apostolus, quin & Germanorum quoque Apostolus verè (quod erat) celebretur. Postquam in Septentrionem exiuerat huius Apostoli sonus, iam in meridiem & Orientem longe lateque se diffundere voluit, & ad ipsam vsque Aethiopiam in vltimis ferè Africæ finibus constitutam permeare Sed antequam eò pertingeret, plurimis circumquaque gentibus euangelium salutis annunciauit, Parthis, Medis, ac Persis, Hircanis quoque & Bactris, vt certissimi testes sunt dictus iam Dorotheus in Synopsi, Hieron. in Catalogo, & Sophronius, a Eusebius & b Nicephorus in histor. eccl. Alii (inter quos est Iacobus Nauarcha in epist. Asiatica) prius in Aethiopiam, posteaque in has alias gentes cum prædicandi causa commigrasse volunt. vt vt sit, quo ordine ad tot gentes peruenierit, certissimè exhi-

Ioan. Auentinus.

Ledesim.

a. 7.

Lindanus.

D. Thomas

Germanorū

Apost.

Parthis,

Medis,

Persis,

Hircanis,

Bactris prædicauit.

a l. 3. c. 1.

b l. 2. c. 40.

ex historiis constat ad omnes has gentes hunc Apostolum docendi causa peruenisse, & in eis docuisse. Quod in Aethiopiam delatus Abesinos docuerit qui nunc magno illi Pretecianni subiiciuntur, & in hunc usque diem fidem à S. Thom. acceptam retinent, præter manifestum Nicephori testimonium loco citato, ipsimet Abesini usque hodie testantur, qui hunc S. Apostolū præ omnibus aliis sanctis (sola b. virgine excepta) tantquam primum & proprium suæ gentis Apostolum, deuotissime colunt, vt scribit Hieronymus Giglo Italus & post eum Antonius duVerdier in sua sylua varię lectionis quam Petro Messia adiunxit Sed & Chrysost. Homil in 12. Apostolos, *Thomas*, inquit, baptizauit *Aethyopes* Nempe Abesini sunt qui hodie Cophti vocantur, siue Christiani cincturi & discipuli D. Thomę nuncupantur, quos se inter alias Christianorum sectas, Romanos, Francos, Nestorianos, Iacobitas, Maronitas, Armenos, Hierosolymis vidisse ante annos circiter 50. scribit Petrus Belonius in suis observationibus. Cophtos enim nostri appellant qui alias Aegophti vel Aegypti vocantur, vt nota uir Andreas Masius in præfat. in librum Moysis bar Cepha de paradiso, quod ex Syrica lingua in latinum vertit. Porro quàm Cophti isti ad Abesinos atque Aethiopas pertineant, idem Masius in alia eiusdem operis præfatione commemorat. Sed quia de varia D. Thomæ Apostoli peregrinatione longe sane maxima, quędam studiose collegit Iacobus Nauarcha supra allegatus, cuius hic verba proferam, ne meis verbis aliquid præter veritatem proferre videat. S. *Thomas*, inquit, in *Æthiopiam* delatus, *Abesinos* docuisse legitur. Inde in *Zocotoram insulam* ad *Æthiopia* promontorium, quod modo *Guarda sumi* nominant,

D. Thomas
Aethiopiam
Abessynorū
Apostolus.

Anton. du
Verdier. l. 2.
c. 1.

Petrus Bell.
l. 2. c. 85.
Andreas
Masius.

Iacobus
Nauarcha
epist.
Asiatica.

non adeo procul à freato maris rubri possum traher-
 cit, ubi & templum in ipsius memoriam extructū
 etiam hodie visitur: & insulani narrant suos ma-
 iores doctrinam fidei ab hoc Apostolo accepisse, ut
 late in epist. sua anno 1555. P. Gonsalvus Rodoricus
 qui in Zocotora fuit, scribit. Hinc recta in Persidem
 nauigasse videtur: inde in vicinam Mediam &
 Parthiam; quibus in locis omnibus ipsum verbum
 Dei proposuisse testatur Eusebius in Histo. eccl. ex
 Origen. tom. 3. explicat. in Genes. Deinde per Hir-
 caniam, Bactrianos & Sacos in Indiam Orienta-
 lem penetrasse affirmant Hieron. in epist. ad Mar-
 cellam, Metaphrastes in vita Thoma, Isidorus de
 patribus noui testamenti, item Abdias, peruenisse: &
 usque in Scythiam extra Imaum positam & Ca-
 tariam, & regnum Mangia siue Sinarum populos
 usque ad Oceanum peruagatum esse crediderim.
 Hæc Nauarchus. Certe Nicephorus scribit quod
 in vniuersa extremi Orientis ora & ad vltimum
 Oceanum apud Insulam quoque Taprobanam gē-
 temque Brachmanam (templis maximis exadifi-
 cati) verbum salutis predicauerit. His consonat
 quod F. Ioannes Gonzales de Mendoza Augu-
 stinianus, pœnitentiarius Apostol. in historia
 sua de Repub. Sinarum an. 1586. Barcælonæ edi-
 ta scribit l. 2. c. 1. multa hodie apud Sinas religio-
 nis Christianæ monimenta reperta esse à D. Th.
 apud illos populos prædicatæ. In India autem
 propriè sic dicta iuxta Indum fluuium, D. Tho-
 mam euangelium propagasse omnes ad vnum
 authores contestantur: Dorotheus Tyrius, Hie-
 ronymus, Sophronius, Eusebius, Nicephorus,
 Abdias, Isidorus locis citatis. Quibus adde Na-
 zianzenum Gregorium in oratione ad Arianos,
 Gregorium Magnum hom. 17. in euangelia, Da-
 mascenum in vita Barlaam & Iosaphat, Meta-
 phrastem

l. 3. c. 1.

Isidorus de
 vita & obi-
 tu sanct.
 § a. 76.

l. 2. c. 4.

phrastem in vita Thomæ, Gaudentium episc.
 Brixensem in tractatu de dedicatione ecclesiæ.
 Chronicon Viterbiense part. 14. *a* Vincentium *a* L. 10. c. 62.
 Beluacensem in speculo historiali, *b* Stephanum *b* ca. 7.
 Cyprium in Basilico phylactirio, & Ioach. Per-
 ionium in vitis Apostolorum. Operæ præcium
 autem hoc loco fuerit eximia quædam in hoc
 Apostolo sanctitatis argumenta, quæ nostro iam
 tempore apud Indos D. Thomæ Christianos a-
 nimaduersa fuerunt, in medium adferre. Totius
 Indiæ proprie sic dictæ (quæ nunc Cambaia di-
 citur) regnum vastissimum & maximum est Nar-
 singa. Ad huius regni ditiones pertinet prouin-
 cia Chiromandel cuius modica nunc ciuitas est.
 Malepur dicta. In hoc oppidulo vt in suis literis
 scribit P. * Gaspar, ad hunc usque diem corpus B. * Ex Goa.
 Apostoli Thomæ asservari incola etiam ante nostra *an.* 1553.
 tempora Christiani assueverant. Cuius etiam rei ar-
 gumenta non obscura adferunt. In sepulchro B. A-
 postoli inuentum corpus satis amplū ac procerū sua-
 vissimū de se odorem spargit, quod & magna in ho-
 diernum usq; diē in veneratione ab omnib. colitur,
 tam Christianis quā etiā gentilib. & Mahometani-
 nis: qui etiā eē deuotionis causa peregrinantur, vt
 scribit ex Marco Veneto Nauarchus. Hoc Apostoli
 sepulchrū (vt addit Gaspar) in rupe excisum est, in
 quo & sanguineas cernere est maculas & crucē in
 eo exsculptam. Sunt etiā in eodē sepulchro anea ta-
 bula in quibus scriptū erat, Regē illius loci D. Tho-
 certā telluris dimensionē ad templū extruendū do-
 nasse, vt meminit Oforius. Sed & huic sepulchro
 fidem faciebat ciuitatis præfectus lignum nobis o-
 stendens (ait P. Gaspar) incredibilis magnitudinis,
 (quod Apostolus dum viueret ē longinquis regioni-
 bus ad locum in quo palatium Regis extruendū
 erat (Archio vocant) mari miraculose adnexisse
 ferunt;

*Monimēta
apostolatus
D. Thomæ.*

*Sepulchrū
D. Thomæ.*

*Rerum Lus-
tan. lib. 3.*

*ferunt; cuius ligni ea est vastitas ut ne bonum quidem copiosa multitudo id loco mouere queat. Hæc in dicta epistola P. Gaspar. Vnde colligere licet non esse penitus fabulam de D. Thoma ex Iudæa in Indiam misso ut sub specie Architecti quem Rex querebat, euangelium illic annuntiaret, sed rem vere gestam fuisse sicuti à permultis authoribus illa refertur: ab Abdia in S. Thoma, à Vincentio Beluacensi loco citato, à Perionio, à Simone Metaphraste, & ab omnibus fere illis qui de D. Thoma scripserunt. Etsi enim veræ historiæ multa forte fabulosa & falsa postea admixta fuerint, vnde & Athanasius in synopsis Circuitiones & Itinerarium Thomæ Apostoli (librum sic dictum) pro apocrypho repudiavit, & August. similiter contra Faustum, tamen hunc S. Apostolum in India sub specie extruendi palatii ad regis notitiam euangelium attulisse, ex authoribus iam citatis manifestissime constat; quæque Abdias & alii authores citati de rebus in India ab Apostolo gestis commemorant, satis vera esse probabiliter affirmari potest. Maximè cum Abdias ipse Itinerarium prædictum non omni ex parte probauerit, sed (ut ait) *supernacaneis omisit ea memorauerit quæ fide certa constant.* Huc accedit quod B. Clemens qui post Petrum sedem Romanam rexir, epistolam ab hoc Apostolo Thoma de rebus à se in Parthia, Media, Perside, & India visis accepisse se memorat. Sed nunc ad D. Thomæ in India monimenta redeamus. In cruce illa quam in sepulchro D. Thomæ inuentam diximus, hæc verba insculpta erant, *Thomæ diuinum virum fuisse, à Dei filio, cuius erat discipulus, in eas oras regis Sagami tempore missum, qui Dei notitiam illas gentes doceret: ibiq; templum extruxisse, & res admirabiles effecisse, ac tandem**

lib. 22.

✠ forins li 3.

cum genibus flexis ad crucem illam oraret, à quodam Brachmanno fuisse hasta transfixum. Crucem vero eiusdem sanctissimi viri cruore tinctam, ad memoriam illius viri sempiternam relictam fuisse. Hæc Olorius. Est in Malauaria (in qua Calecutiæ regnum situm est) genus quoddam hominum qui ab iis qui S. Thomam occiderunt originem ducere dicuntur. De his scribit Marcus Venetus, qui illa loca omnia ante Lusitanorum illuc aduentum oculis perlustrauerat, fieri non posse, ut eorum quispiam etiam si à decem trahatur, in templum ciuitatis Malapur (vbi B. Apostoli corpus vti diximus sepultum iacet) inferatur. Confluunt eò non solum Christiani sed & Saraceni sancti opem implorantes, auferuntque secum puluerem loci qui rubricat vbi fuit Martyrio affectus, qui etiam varios morbos depellit. Hæc Marcus. Cui rei consonum est quod scribit Simeon Metaphrastes ex puluere loci vbi interfectus erat Apostolus, regis filium sanatum fuisse. Sed & illud quoque præclarum est & memoria dignum quod anno 1283. eodem loco contigisse scribit Marcus Venetus. Princeps loci cum non sufficerent horrea, iussit orizam (qua fere sola vtuntur) in xenodochium templi, ad peregrinos locum viscantes hospitio excipiendos constructum, inferri. Apparuit homini in somnis D. Thomas, minitans eum periturum nisi xenodochium veteri vsui restitueret. Perterritus Princeps & imperata facit & publicè quod acciderat narrat. Hæc ille Deniq; tanta fuit D. Thomæ apud populos illos etiam gentiles veneratio, vt (quemadmodum scribit Olorius de rebus gestis Lusitanorum) in ciuitate Cranganor vrbe Opulentissima regi Calecutiensis lib. 3. foederata indigena gentiles in D. Thoma hororem diem festum quotannis agerent Cal. Iulij. Neque

Marcus Venetus in Rebus Asiaticis.
Gentiles Indi D. Tho. Venerantur

*Thom. 2. li.
cap. 21.*

verò illud hoc loco prætereundum, quod ex E-
doardo Barbossa Lusitano scribit Belleforestius
in sua Cosmographia. Non longè à Coulano
oppido (distat autem illud non adeo multum à
Calecutio in tractu illo pulcherrimo qui Sinum
Arabicum ab occasu solis respicit) in promon-
torio quodam admodum in mare protenso, ar-
duo & sublimi, ingens quoddam & pulcherri-
mū videtur templum in D. Thomæ honorem ex-
structum, idq; ab ipso B. martyrii eius tēpore in
memoriam recentis miraculi, q̄ illius loci Chri-
stiani adhuc in suis archiuis scriptum retinent,
estq; huiusmodi. Concionante ad populum B.
Thoma, visa est in mari proximo ingens trabs
lignea ad terram appellere. Rex loci illam & ma-
gnitudine & pulchritudine insignē videns, iussit
in terram exponi, missis ad hunc finē multis tū
viris tum elephantis qui illam abducerent. Sed
illis frustra hoc conantibus, Rex ipse ad ripā ac-
cedit ut sua præsentia suorum animos ac labores
magis incenderet. Atqui quum nec ita quicquā
succederet, Regisq; desiderium magis accresce-
ret, D. Thomas Regem adit, trabemq; illam in
terrā sese educturum pollicetur, si vicissim Rex
tantū ei telluris concedat, quantum extruendo
templo sufficeret in honorē summi Dei (inquit)
qui fecit cælum & terram, quique me huc misit.
Rex pauperem illum & abiectum videns; quo-
modo, inquit, huic operi par esse poteris & solus
& pauper & tantis laboribus penè exhaustus? Illo
respondente se in virtute Dei quem prædicabat
id facturū (Deus enim, inquit, meus omnes tuas
& tuorum vires superat,) Rex confestim quantū
telluris petebat mensurari & consignari fecit.
Moxque vir Sanctus ad trabem accedens cingu-
lo trabem alligans ad terram templique locum
facil-

*Trabs hac
illud lignū
esse videtur*

facillimè eduxit, non absque omnium stupore. Templo autem consummato Rex certos ei reditus ex pipere illius loci (quod est in agro Coula-
mensi vberrium) in perpetuum concessit: quo etiam reditu ad hunc vsque diem Christiani veteres eius loci gaudent. Hæc ex Barbossa Lusitano scriptore Belleforestius.

*de quo supr.
ex epist.
P. Gaspar.*

Illud verò quod nunc reteram pene fidem superaret, nisi & multi & graues essent eius rei authores. Ioannes Patriarcha Indorum ann. salutis 1120 Romam peregrinationis causa veniens Calixto secundo Romano tunc Pōtifici (Cardinalibus aliisque præsulibus præsentibus) in consistorio publice declarauit S. Thomam Apostolū omni anno communicare populum suum (vtor Authorū verbis) manu propria porrecta dignis & retracta ab indignis. Huius rei authores ac testes habeo primum Helinandum Monachū frigidī montis in Chronica mundi quam ab initio vsque ad tempus suum maximovolumine per libros 48. digessit, vt scribit Antoninus pa 3. tit. 18. ca. 5. ex Vincentio Beluacensi in speculo historiali lib. 30. cap. 108. & Gesnerus in sua Bibliotheca. Hoc autem ex Helinando citat Discipulus ille cuius sermones circumferuntur, sermon. 6 de S. Thoma, & Dionysius Carthusianus sermo 3. de S. Thoma. Nauclerus quoque eandem historiam refert Generat. 38. Neque verò cuiquam hoc magis absurdum vel mirandum videri debet quam quod de S. Chrysostomo scribit Nicephorus, corpus eius à Theodosio iuniore (cuius pater Arcadius eum in exilium egerat) Constantino-
polim translatus, quū in Cathedra episcopali situm esset, alta voce dixisse, Pax vobis: vel etiam quòd Deus per os asinæ Balaam loqui non est grauatus. Quantò enim magis per corpora mor-

Helinādu.

*Discipulus.
Dionysius
Carthusia-
nus.*

*Nauclerus.
Nicephorus
Hist. eccles.
lib 14. c 43.
Num. 22.*

tua Sanctorum suorum vel loquetur vel iudicia sua exercebit? Multa alia priscae venerationis testimonia quae remotissimae illae gentes à multis iam seculis D. Thomam colebāt adferri possent. Sed ne sim æquo prolixior, illis prætermiſſis vnum recentissimae memoriae non tam miraculū quam diuinum planè sanctitatis in hoc Apostolo & nobilissimum testimonium, etiam frequenter ostensum hoc loco afferam. Scribit Hieron. Osorius de rebus gestis Lusitanorum lib. 3. *Crucem illam quam in D. Thomae sepulchro inuentam superius diximus in templum quoddam ad honorem D. Thomae à Lusitanis Christianis in Malapur extructum illatam, & super altare ipsius collocatam fuisse, simulq; institutum ut quotannis octo diebus ante Natalem Christi, res illic diuina feret, & Christiani eo conuenirent. Hoc autem dū fieri capisset anno 1561. & iam octauo ante Domini natalem die Euangelium de misso ad virginem Angelo in missa legeretur; ecce tibi repente crux tota in nigrum colorem vertebatur: ita tamen ut splenderet, ac si oleo fuisset delubuta: simulque instar ro-
ris gutta liquida de fluere cœperunt, quae paulatim grandiores facta, totam crucem humore largissimo compleuerunt. Cum autem sacerdos re diuina peracta linteis sacris crucem extersisset, linteae maculis sanguineis tinctae repente sunt. Hoc quotannis illic fieri, nec alio die quam iam dicto, nec alio tempore quam cum euangelium prædictum recitatur, per episcopum Cochimensem ad regem Lusitaniae cum publico ciuitatis testimonio perscriptum esse scribit Osorius. Atque haec quidem ad huius sanctissimi Apostoli ingentem gloriam, & ad laborum quos in ea orbis parte incredibiles suscepit, celeberrimum testimonium, placuit diuinæ bonitati in fine hoc seculorum exhibere. Ecce enim*

*Crux D.
Tho sanguine
asperſa.*

adhuc

adhuc Abel loquitur, adhuc sanguis Thomæ clamat vindictam de malis, misericordiam bonis, sibi verò honorem & gloriam sempiternam. Alexander usque ad Indos Imperium dilatauit. Traianus Persas & Scythas domuit. Antoninus de Germanis triumphauit. Sed horum omnium sepulchra vel nesciuntur, vel non coluntur, vel absque miraculis. D. Thomæ piscatoris sepulchrum & cognoscitur & colitur, & miraculis illustratur, nec solum à suis sed etiam ab alienis. Quam autem & quam infinitam multitudinem in toto illo orientalis mundi amplissimo tractu ad Christum conuerterit, quam innumera miracula fecerit, id est, beneficia surdis, cæcis, mutis, claudis, ægris, mortuis contulerit, quanta apud eos sanctitatis opinione vixerit, (adeò vt hodie usque Indi etiam infideles D. Thomam sua vernacula lingua *Auarijam* vocent. i. *virum Sanctum*) viuentem verò cum pro Deo colere aliquando voluerint, & effectum dedissent nisi vehementi quadam oratione eorum institutum & animos fregisset; quot reges baptizauerit, & regum proles ad Sanctæ virginittatis institutum adduxerit, inter cæteras Pelagiam regis filiā quæ Andronopoli sepulta in monumento illi imposito, *Thoma Apostoli filia* nuncupatur, apud Abdiam, Perionium, Vincentium Beluacensem, Simeonem Metaphrastem, Stephanum Cyprium, locis iam citatis legi potest. Pene prætermiseram quòd non solum in toto hoc orbe cognito ad extremos usque Garamantas & Indos laboriosissimus hic Apostolus & vt verè cum Nicephorus vocat, *vehementiss Christi amator* fidem propagandi causâ penetrauerit, sed etiam quòd in America ipsa & nouo illo occidentali orbe, euangelium prædicauerit. Sic enim hac de rescri-

Heb. 12.

Chrysost. in
hom. de 12.
Apostolis.

li. 2 c. 40.

plis ex Brasilia citeriori Americæ parte ann. Domini 1552 R. P. Emanuel Nobrega. *Habim*, inquit, *incola S. Thoma* notitiam quem Zome nuncupant (mutando θ in Z. dialecto propria) eumque *quis D. Tho.* hac iter fecisse à maioribus acceperunt, & vestigia Apostolica etiamnum cerni prope quendam fluvium affirmant; quod ut certius cognoscerem, ipse abij. & propriis oculis inspexi quatuor pedum & digitorum satis alte impressa vestigia, qua nonnūquam aqua excrescens cooperit. Ferunt autem ea relicta dum D. Thomas persecutores ipsum confingere volentes fugeret, flumenque diuisum fuisse, per cuius medium ad ulteriorem ripam sicco pede profectus in Indiam abiit. Pari modo narrant sagittas quibus ipsum petebant in sagittarios reflexas, silvasq; per quas gradiebatur cedentes viam præbuisse. Illum quoq; pollicitum fuisse se aliquando has regiones reuifurum. Hæc illa epistola. Quomodo autem potuerit D. Thomas, etiam absque miraculo Americam cognouisse, multis argumentis docet Iacobus Nauarcha in epist. sua Asiatica longè doctissima. Quæ cum ita sint, nullus fere (ve videtur) orbis locus exitit in quem huius sanctissimi Apostoli sonus non exiuerit, labor, doctrina, prædicatio non peruenit. Hæc sunt signa Apostolatus eius. Sic ille quo cæteris tardius Christo resurgenti credidit, eo cæteris feruentius Christi fidem propagauit. Sed quia in India postremò docuit, ibique pro Christo gloriosam mortem operiuit, ideo *Apostolus India* vulgo nūcupatur. Siue autem fuerit lanceis confossus, ut Isidorus, Nicephorus, & Sophronius locis iam citatis tradunt, siue gladio percussus obierit, quū nec lanceæ ignitæ nec fornax ardens ei nocere possent, ut Abdias, Vincentius, Perionius affirmant, locis etiam iam citatis, in India eum occubuisse

*Chr India
Apostolus
dicatur.*

cubuisse & gloriosum hoc die pro Christi nomine Martyrium obiisse, omnes consentiunt. Certè Dorotheus Tyrius in Synopsi (quem D. Hieronymus & omnes prioris sententiæ authores sequuntur) non propriè lanceis confossum D. Thomam scribit, sed *Calamo quem lanceam vocant, occisum ait*. Quod autem in Calamina vrbe eum & occisum & sepultum esse, hætenus creditum est, nos autem ex recentioribus in vrbe Malapur corpus eius repertum diximus, nullam necessariam contradictionem habet. Quæ enim hodie post tot secula Malapur dicitur, potuit eo tunc tempore Calamina dici. Atque hæc sunt, Auditores, quæ de huius sanctissimi Apostoli varia prædicatione, vita, laboribus, ac morte, literarum hætenus monumentis tradita comperire potui. Quæ sanè omnia vt in eius honorem ac Dei gloriam, cuius dona erant quæcumque præclare gessit, nos libenter cōmemorauimus, vosque beneuolè audiuiſtis, ita vt per eius sanctam intercessionem, tantorum meritorum participes, ac laborum eius imitatores esse possimus, sedulo Deum Opt. Max. orare, animoque ac viribus iuxta talenta cuiusque concessis, niti atque contendere omnes debemus. Sic enim præpositorum nostrorum maximè Apostolorum gloriosam memoriam dignè celebramus, si vt Paulus nos monuit, *eorum intuentes exitum conuersationis, imitamur & fidem*. Quod nobis concedat, qui est benedictus in secula Pater & Filius & Spiritus Sanctus.

Amen.



DE VERA CAUSA MARTYRII S. THOMAE CANTUAR. ARCHIEPI- scopi breue Apologeticum.



VVM anno superiore in vetustos
 quosdā manu scriptos codices in-
 cidissem, in quibus varias epistolas
 repperi vel ipsius S. Thomæ Can-
 tuar. Archiepiscopi & martyris ad
 diuersos, vel aliorum ad ipsum aut potius de ip-
 so, pro illa qua ab incunte ætate erga hunc san-
 ctum affectione fui, auidè transcripsi, & vt in lu-
 cem aliquando ederentur vehementer desidera-
 ui, duas ob causas. Primum quia hæretici Angli,
 vt in omnes sanctos irreligiosi & impii sunt, ita
 potissimum in S. Thomam gloriosissimū mar-
 tyrem contumeliosi sunt. Quia enim hic San-
 ctus nefariis Henrici 2. Regis conatibus fortiter
 se opposuit, isti autem in Anglia hæretici, (pene
 soli hodie Laicocephali) Regibus suis turpissimè
 adulantur; quia ille sanctus Pontifex quæ eccle-
 siasticæ iurisdictionis sunt propria, Regem sibi
 arrogare non permisit, isti vero fœdi parasiti v-
 niuersam ecclesiasticam potestatem. non secus
 atque temporalem Regibus Angliæ tribuendam
 affirmant, scribunt, iurant; necesse fuit vt tantam
 S. Thomæ lucem, fortitudinem, libertatem, te-
 nebricosi isti imbelles & serui Hæretici non so-
 lum sustinere non potuerint, sed & omnib. mo-
 dis

*S. Thomas
 Cantuar.
 hæreticis
 Anglis cur
 iniussus.*

dis obscurare, lacerare & taxare debuerint. Hanc ob causam hunc sanctissimum Martyrem quem innumeris miraculis domi forisque Deus illustravit, isti superbi gigantes Deo ipsi repugnantes, non alio nomine quam Becqueti proditoris dignantur. Becquet enim viro sancto cognomen fuit. Hanc ob causam non solum martyrologio expungunt (quod enim ecclesia probat, hoc debet semper hæresis improbare, sicuti quod Deus facit diabolus ferre non potest) sed in quibusdam suis Calendariis Anglicis ad diem S. Thomæ Cantuar. ponunt, *Becquet proditor*. Quibus bellis hominibus sic breuiter propono. Si proditor Becquet est, ut quid in Calendario vestro locum habet; nisi fortè proditores colatis. Si proditor non est, ut quid in Calendario vestro tam splendide mentiri libet, ne dicam blasphemare; nisi fortè mendaces magistri quum sitis, mendax etiam Calendarium habere vultis. Sed illis relictis ad rem. Hanc ob causam blaterant & cauillatur, contentionem huius Sancti contra regem suum *non de rebus fidei, religionis, vera doctrina, sincera disciplina, sed de rebus mundanis, possessionibus libertatibus, exemptionibus, prerogatiuis & similibus fuisse*. Sic enim Foxius ille mendax in suo *fol. 48.* pseudomartyrologio. Denique hanc ob causam in imaginem D. Thomæ Cantuar. primum omnium ab hæreticis Anglis sæuitum est, deiecta illa quæ ad pontem Londinensem fuit, antequam in tota Anglia vlla alia deiiceretur, ut in operib. Anglicis Thomæ Mori inuenio. Postremò hanc ob causam Rex Henricus 8. publico sed infami edicto hunc Sanctum è numero Sanctorum expungi voluit cuiusque ossa post annos 400. in honore habita, sacrilegè effodit & effossa publicè concremauit. Edictum ipsum postea proferemus.

Odiū igitur hæreticorum nostrorū contra hunc S. maximè pertinax & rabidum fecit, vt ea perlibenter in lucem ederē quæ ad huius Sācti maiore gloriā & cōmendationem ptinerent. Alia causa fuit nōnullorū extra Angliā Catholicorū, leuior quā par est, huius sancti existimatio & nōnullus etiā circa martyrii causam error. Cui occasione aliquā dedisse potest Gulielmi Neubrigensis hominis Angli de rebus Anglicis liber, circa tēpora D. Thomæ scriptus, sed ante an. 20. Hæreticorū opera Antuerpiæ editus: qui homo, vt maxima tūc cleri pars, magis politicus fuit quā monachū aut clericū, aut etiam bonū Christianum decuit. Quāquam nec quæ ille scribit, D. Tho. sanctitati vllā maculā inferūt, vt paulo post ostēdemus. Certè Ioānes Coelæus vir doctissim. & optimus Catholicus scribit *hunc sanctū Martyrem propter bona tēporalia & privilegia ecclesia sua, quæ auaro regi tradere noluit occisum fuisse: & addit Regē tantummodo petiisse vt de bonis temporalibus & privilegiis opulenta ecclesia sua nōnihil remitteret, atq; ad manus seculariū traderet.* Postremo affirmat *Roffensem & Morū S. Thoma Cantuar. ingenio & eruditione multo superiores fuisse.* Quæ vir ille verisimiliter ex libris hæreticorū, maximè Ioannis Balæi spurci hæretici, qui de scriptoribus Anglicis catalogū edidit, vel de Ioānis Foxii martyrologio falso dicto, hausit. Hæretici enim vt martyrii causā infamant, sic omnib. viri virtutibus detrahunt. Et extat quidē apud Laurentiū Suriū vita S. Thomæ Cant. 29. Decembris, à quodam Eduardo conscripta (quam tamen in compendiū redegit Surius) in qua quæ ad viri sanctitatē nobileq; martyriū spectant, satis multa habentur. Sed eiusdē Sācti vita multo copiosius & plenius, meliori methodo & ordine, maiori diligentia & fide

*In scripto
contra Sam
sonem.*

*Vitam S.
Thoma qui
scripserunt.*

fide, à quatuor viris doctissimis seorsim conscri-
pta & explicata fuit. videlicet ab Herberto de
Hoschan eius indiuidio comite postmodum
Cardinali & Archiepiscopo Beneuentano: à Io-
anne Salisburiensi, episcopo Carnotensi, à Gul-
elmo Cantuariensi monacho, & ab Alano Ab-
bate Teukesburiensi. Ex quorum quatuor libris,
vnum volumen collectum fuit, & *Quadrilogus*
nuncupatus: sub quo titulo Parisiis impressus
fuit ann. Domini 1495. Hunc ego librum Romæ
in hospitali gentis nostræ (quod nunc Semina-
rium est) ante annos 25. vidi & legi; moxque ex
eo quædam proferemus. Horum 4. Authorum
meminit in sua bibliotheca Gesnerus, & in suo
martyrologio Molanus, & in scholiis suis ad
martyrologium Romanum Soranus. Nam Be-
nedictus Abbas S. Petri de Burgo in Anglia non
vitam ipsam S. Thomæ (vt putauit Molanus di-
cens ex illis quinque concatenatam eius vitam
esse) sed de miraculis S. Thomæ post mortē ma-
ximè illustribus scribit. Ideo quadrilogus non
quinquelogus vocatur liber. Matthæus quoque
Parisiensis in suo chronico ad ann. Domini 1164
de vita & rebus gestis huius Sancti copiose scri-
psit. Sed & extat huius Sancti vita M. S. in vetu-
sto idiomate Wallonico vt historia Andegauē-
sis testatur. Sed & de hoc S. Martyre Bellefore-
stius in suis annalibus gallicis tom. 1. lib. 3. ca. 52.
53. & 56. frequentem & amplam mentionem fa-
cit. Porro sicuti ob causas prædictas, inuentas à
me epistolas in lucē edere opere præcium duxi,
sic eisdem epistolis breue aliquod commonito-
rium vel si mauis contra recentium hæreticorū
calūnias breue Apologeticon de causa iustissima
martyrii huius Sancti præmittere, necessarium
putaui. Certe S. Thomæ Cantuar. ingenium,
erudi-

*Quadrilo-
gus de Vita
S. Thomæ.*

eruditio, eloquentia qualis fuerit, vel vna eius epistola Apologetica ad omnes Cantuariensis prouinciæ (id est, tribus demptis totius Angliæ) episcopos manifestum lectori faciet. Cæteræ quoque epistolæ vel ad ipsum vel de ipso, quanti vir ingenii, quantæ sanctitatis fuerit, perspicuè docebunt. Sunt autem hæ paucæ ex multis quas in Bibliotheca vaticana Pontificia M. S. extare scribit Ioannes Cæsar Soranus in suis ad Romanū Martyrologium scholiis die 29. Decembris.

Causa persecutionis.
S. Thoma.

1. Causa persecutionis acerbæ S. Thomæ Cantuariensis talis fuit vt neque propriam propriæ ecclesiæ vtilitatem aut etiam dignitatem, sed totius cleri publicam spectaret, nec dignitatem atque vtilitatem tantum, sed ipsam à Christo datā potestatem ac iurisdictionem, quam neque sine scelere episcopus deferere, nec sine sacrilegio Rex sibi arrogare potuit: nec denique ius istud vlllo vel indiscreto zelo vel pertinaci animo, sed summa moderatione & qua maior esse non potuit, persequutus fuerit. Hæc tria quum ostendero, sanctissimi martyrii causam grauissimam satis explicatam dederō, simulque omnibus vel hæreticorum calumniis vel etiam aliorum quorundam falsis suspicionibus satisfacero. Rem igitur ab onō sed breuissimè repetam. Vetus ille
2. fuit Regum Anglorum morbus (maximè ab annis quingentis, quo ferme tempore Guilielmus
3. Normaniæ Dux Angliæ regnum vi occupans, victoris ius sequutus, grauius id subiectum tenuit, quam vlli præcedentes Anglorum reges) vt quemadmodum populi priuilegia ac libertates magis ac magis semper imminuebant vnde in illo regno frequentissimi leguntur tumultus populares, & legum Regis Eduardi (quæ ante Guilielmum Normanum vigeabant frequens flagitatio)

Cur Anglorum Reges libertates ecclesiasticas violant frequenter.

gitatio) sic etiā cleri immunitates, priuilegia & exemptiones, quibus videlicet ius suum regale violari existimabant, omnibus modis vel abrogarent, vel certē magis semper ac magis immi-
nuerent. Hunc autem animi morbum in Regibus Anglorum auxit, vel procerum instigatio, & adulatio, vel ipsius cleri ignauia & timiditas, vel etiam interdum legatorum Sedis Apostolicę nimia remissio & indulgentia. A qua certē huius mali originem profluxisse notauit Polydorus rerum Anglicarum scriptor accuratus. Rex Henricus eius nominis secundus, magni animi princeps & ciuilis iustitię Zelator egregius, si tamen modum in eo tenuisset, prædecessorum suorum vtriusque Guilielmi, Henrici primi, & Stephani vestigiis insistens (qui cleri immunitates sicut & populi multis modis violare conati sunt) in Consilio regio sanxerat ut cuncti etiam sacris initiati *Polydorus*
qui ceruos aut Damas intra sexta regia seu saltus *Virgilius*
occidissent; à Iudice prophano mulctarentur. Hanc *hist. Angli.*
legem regiam Hugo legatus Pontificis in Anglia *lib. 13.*
non abnuī ratam habere. Quæ res (ait Polydorus) non modo tunc sed in posterum quoque tempus ita ius infregit, ut etiam nunc sacerdotes in multis causis perinde ac ceteri apud prophanos Iudices conueniantur atque pro noxa puniantur. Ad eò ius semel violatum facile dissoluitur: atque Ordo sic magnum fecit detrimentum. Hæc ille. Rex enim iste quum vniuersam illam quam in animaduertendis clericis potestatem sibi venditabat, contradicente Thoma Archiepiscopo obtinere non potuit, hanc saltem portiunculam post nobile D. Thomę martyrium a legato pōntificio impetrauit. Sed ut ad originem dissensionis inter hunc Regem & Archiepiscopum Thomam ortæ nunc veniamus, ea de re sic Polydorus scribit

Loco citato.

bit. Cum Thomas Cantuariensis antistes; vir summa integritate atque prudentia (quem propterea Cancellarium regni ante episcopatum Rex creauerat) cerneret regem quotidie sacerdotes minus idoneos aut eligere episcopos aut ad alia perducere sacerdotia, ac ex præsripto Normanicarum legum, iure (ut ille aiebat) suo utendo, nihilque à maiorum consuetudine atque concessis alienum faciendo, omnem sacerdotalem ordinis auctoritatem dignitatemque frangere, & demum ius fasque conari trahere quo vellet, primò eum amice admonuit ut de negotio desisteret, æquiusque se aduersus populum gereret; deinde in ea re cum se parum proficere animaduerteret: statuit suas non remissius agere partes ut de laboris premio satis certū habens. Itaque omnia vite periculi oblitus, communis causa tuenda gratia, propalam Henrico resistere, multisq; eum argumentis ab incapto detertere conatus est. Hæc fuit prima Sancti pastoris sancta fortitudo, ut Regem potestatis suæ fines excedentem, intra iustos limites coerceret: nec ius sacerdotale diuinitus ei datū atq; cōmissum ignauè proderet: memor illius dicti Ambrosiani. Ita ergo quadā adulatione curuamur ut sacerdotalis iuris simus immemores, & quod Deus donauit mihi, hoc ipse aliis putem esse credendū? Nec aliter rem refert Guillelmus Neubrigensis eiusdem ferè temporis scriptor, etsi causæ D. Thomæ iniquior & in Regis causam propensior fuit. Rege, (inquit) circa curā regni satagenti & malefactores sine delectu exterminanti, à ludicibus intimatum est quoddā multa contra disciplinam publicam à clericis cōmitterentur ad quos laici non posset iurisdictionis vigor extendi. Quamobrem acri motu turbatus in spiritu vehementi contra malefactores clericos posuit leges: in quibus utique Zelū iustitiæ publicæ habuit:

sed

Epist. 32.

li. 2. c. 16.

sed feruor immoderatioꝝ modum excessit. Cum ergo ad discutiendos vel puniendos clericos noua quædam statuta fecisset, in quibus modum non tenuit, ita demum credidit fore rata si episcoporum essent consensu roborata. Conuocatis ergo ad eliciendum quocunque modo cōsensum Episcopis, ita omnes usque ad unum vel pellexit blanditiis vel infregit terroribus, ut regia uoluntati cedendum patendūque putarent, & nouarum legum illarum conscriptioni propria sigilla apponerent. Vsq; ad unum dico. Nam solus Cantuariensis Archiepiscopus flexus non est, sed ad omnem impulsu stetit immobilis. Tunc uero tanto uehementius Regis in eum furor efferbuit, quanto ipse regali magnificentia ratione dati & accepti magis obnoxius uidebatur. Vnde Rex cepit ei grauius existere, occasionibus eum undecunque exquisitis pulsare, eorum qua olim in regno Cancellarius fecerat, rationem exposcere. Ille intrepida libertate respondit se expleta seculari militia Ecclesie à principe cui militauerat, absolute fuisse dimissum, nec debere in se per occasionem magis quam ueritatem uetera replicari. Cumque in dies Regij furoris causa ingrauescerent, eo die quo plenius responsurus erat obiectis, sole ne illud officium de B. Stephano, scilicet, Sederunt Principes, &c. & aduersum me loquebantur & iniqui persecuti sunt me, iussit coram se in celebratione sacrificij solemniter decantari. Mox uiam ingressus est, Crucem argenteam ante se portari solitam manu propria baiulans, uolentibusq; quibusdam Episcoporum qui aderant ministrum portanda ante Metropolitanum proprium crucis suscipere, abnuie (non enim eos dignos existimabat qui crucem Metropolitanam ferrent, quum Crucem Christi portare recusauerant, Regi turpiter adulantes, & ecclesiasticam iurisdictionem ac disciplinam nefarie

fariē prodentes) *nec alium in illo conuentu publico Crucis baculum quantumcunque rogatus admisit. Iis tanquam excandescētis iam furoris fomitiūbus rege supra modum inflāmato, sequenti nocte clam profugiens transfretauit.* Hæc Neubrigensis, causam dissensionis inter Archiepiscopū & Regem non nisi in genere describēs, sicuti & Polydorus. Cæterum Quadrilogus ille de quo diximus, atq; etiam vita eius apud Suriū, & clarissimè Matthæus Parisiensis pag. 135. iuxta editionem Londinensem an. 1571. ipsos articulos disertè ponit, quos leges illæ nouæ quas Rex promulgare studuerat, complectuntur. Quibus explicatis euidenter apparebit, quam iusta D. Thomæ causa fuerit ut illis se totum opponeret, quam fædè reliqui episcopi officium neglexerint qui Regis voluntati morem gesserunt. Sex igitur potissimum articulos illæ leges habebant, qui non solū dignitati aut vtilitati aut etiam libertati & immunitati ecclesiasticæ repugnabant; verum etiam Iurisdictionem propriè sacerdotalem à Christo Salvatore Apostolorum successoribus datam vehementer imminuebant. Isti igitur articuli fuerunt. 1. *Quòd non appelletur ad Sedem Apostolicam sine Licentia Regis.* Qui articulus paulò latius in Quadrilogo sic habetur *Si emerferint ab Archidiacono debent procedere ad episcopum, & ab episcopo ad Archiepiscopum, & si Archiepiscopus d. fuerit in iustitia exhibenda, postremò ad regem est perueniendum, ut præcepto ipsius in curia Archiepiscopi controuersia terminetur: ita quòd non debeant vltèrius procedere absque assensu regis.* Hæc ibi. Si iste solus articulus inter regem & D. Thomam controuersus fuisset, satis iustam causam habebat Regiæ constitutioni sese exponendi. Hæc enim constitutio Regem substituit summo

*Sex articuli
quos proba-
re S. Thom.
noluit.*

*1. Articulus
lib. 5. c. 8.*

summo Pontifici, potestatem Sedi Apostolicæ propriam Regi attribuit, Concilio generali Sardicensi disertè contradicit, ipsum denique primatū pontificium Petro eiusque successoribus datum tollit. Secundus Articulus erat: *Quod non liceret Archiepiscopo & episcopo exire de regno & venire ad vocationē Domini Papa sine licentia regis* Quis non videt quam etiam hic articulus schismaticus & impius sit, & antiquissimis ecclesiæ canonibus contrarius, quibus caveretur ut episcopi frequentius Romanam sedem adeant, impediētes verò anathemate feriuntur? Scilicet si vel Concilium generale celebrandum, vel alicuius in Anglia episcopi opera uti volet ecclesia; vel aliquis Angliæ episcopus aut à suo primatē aut à confratribus suis iniuria aliqua pulsetur, non licebit ei ad Sedem Apostolicam omnium ecclesiarum matrem aditum habere nisi id placeat Regi. Et quid hoc aliud rursum est nisi ut Rex Angliæ sit apud suos Papa? Quid aliud hic Henricus secundus rectè postulavit, quàm quod Henricus 8. completa iam malitia, apertè sibi usurpauit, ut Supremum ecclesiæ Caput in Anglia esset? Sed videamus cætera. Tertius Articulus. *Quod non liceat episcopo excommunicare aliquem qui teneat de rege in capite, vel* (ut est in Quadrilogo) *aliquem domesticorum ministrorum eius, nisi Rex prius super eo consulatur.* Hic verò Articulus nōne in Christum ipsum blasphemus est, & generalem potestatem ligandi peccata, ecclesiæ datam; ad Regis iam beneplacitum coarctat? Nonne Christi verba corrigit hic Articulus, & petulanter atque impiè abrogat? Quum enim Christus dixerit: *Dic ecclesiæ: Si ecclesiam non audieris, sit tibi sicut ethnicus & publicanus,* iste Articulus sic iubet, Dic prius Regi; si ex ministris aut colonis regiis sit; & si Rege annuente ecclesiam non audierit, sit tibi sicut Ethnicus. O superba huius Henrici Regis insolentia, o fæda procerum

2. Articuli.

93 dist.

Iuxta & in decreto Zachariae Papae in epist. Nicolai ad Michaelē

3. Articuli.

Matth. 18.

D

tunc

tunc Anglorum adulatio. Oignaua episcoporum tunc Angliæ diuinitus datæ potestatis proditio. Regius ergo minister, ô episcope non æquè ecclesiæ & tibi subditus est quam quilibet alius è plebe? Immo Rex ipse nonne tibi subiicitur? Nonne tui gregis ouicula est sicut cæteri? Audi ignaue & politice episcope, ac per hoc episcopi honore indigne: Audi illum egregium episcopum & maximum theologum Gregorium Nazianzenum, quid Imperatori totius orbis etiam præfenti & in os dicat. *Vos quoq;*

*Orat. ad ci-
ues & Im-
peratorem
irascensem.*

potestati mea meisq; subsellis lex Christi subiicit. Scio te esse ouem mei gregis, sacri gregis sacram ouem. Vide quid Ambrosius fecerit Theodosio Magno Imperatori nobilissimo? Nonne eum ipsum excommunicauit propter cædem Thessalonicensium æquo grauiorem? ipseque paruit Imperator vt Christianum oportuit. Memineris Ioannem Chrysostomum Imperatricem Eudoxiam quia vitem Callitropæ viduæ reddere noluit, ab ecclesiæ ingressu toto populo spectante prohibuisse. Et tu ignaue domesticum regis times? aut aliquem qui tenet à rege in capite excommunicare non audes? imò proh pudor, proh scelus, promittis & chirographo te obstringis, te nūquam huiusmodi excommunicaturum, nisi id fortè Regi videatur? Scilicet vel docebit te Rex, an excommunicationem meruerit, vel tu scies eum probè meruisse, Christi tamen iudicium & mandatum voluntati regis subiicies: in vno Dux cæcus, in altero pastor impius. Vel hic solus Articulus iustissima martyrii causa fuit, quod nō est hoc loco operosius explicandum. Quartus Articulus. *Quod non liceat e-*

*Theod. li. 5.
c. 17.*

*In vita
Chry. per
Palladium.*

piscopo coercere aliquem de periurio vel lasa fide. Quid ergo? periurium peccatum non est contra primam tabulam, contra Dei honorem, contra conscientiam? periurus ad sacramenta admitti potest aut debet nisi de tam infami scelere coercitus? Aut omnes

iam

iam canones contra periuros lati, in sola Anglia vigorem & vim non obtinebunt? Aut canones alius exequetur quam episcopus? Aut episcopi non erit de periurio cognoscere æquè atque de adulterio, de fornicatione, de hæresi, de blasphemia, de aliis peccatis quæ vt à regno cœlorum sic à participatione sacramentorum omnes excludunt? Pergat ergo Rex & sicut in periurii causâ, sic in aliis omnibus sceleribus, atque flagitiis cognitionem sibi & iudicium reseruet. Quod quum fecerit, sedeat in ecclesia, absoluat & liget, clauis ecclesiæ exerceat, diuina sibi vsurpet, ac postremo cum lucifero dicat, *Similis ero altissimo*. Sicut enim gloriosus ille Angelus sua gloria, suo statu & ordine non contentus, Deus esse voluit; sic ille Rex qui de periurio aliisq; peccatis sibi soli cognitionem & coercendi vim reseruat, & potestatem ecclesiasticâ quæ diuina est, sua gloria regali, suo statu & ordine laicali non contentus, vsurpat ille Deo æqualis esse vult. Optimo igitur iure Alexander 3. Pontifex sex istis articulis ei propositis, tres quidem eorum, primum, tertium & hunc quartum penitus condemnauit, etsi alios tres vt Regi quantum licuit condescenderet, sustinuit & tolerauit. videlicet secundum iam dictum, de non exeundo regno sine licentia Regis, atque item quintum & sextum, qui isti sunt. *Quod s. & 6. Archiepiscopi trahantur ad secularia iudicia. Quod Rex & tunc alij laici tractent causas de decimis vel ecclesiis.* Hos inquam tres dum pax & concordia inter Archiepiscopum & Regem iniretur, propter bonum pacis, & sperans fore vt in illis Rex cum modum teneret quem Christianum principem tenere par erat, Summus Pontifex tolerauit ad tempus & dissimulare non est grauatus, nunquam autem probauit, nunquam collaudauit, vt aliqui ex nostris erranter dicunt. Sed verò tres illos alios vt manifestè impios & pestilentes, maximeque in

Christum & in totam hierarchiam ecclesiasticam ab eo institutam contumeliosos proflus & expresse damnauit: simulque D. Thomæ iustam contradictionem veroque pastore dignam comprobauit. Isti igitur articuli in quibus tum primatus ipse Sedis Apostolicæ, tum ecclesiastica potestas & iurisdictio ab ipso Christo Salvatore concessa, non vel ab Apostolis vel eorum successoribus ob necessariam politiam instituta (quod tamen tale esset vt à nullo rege violari deberet) grauiter vulnerata & violata fuit, odii & dissensionis inter D. Thomam & Regem Henricum causa extiterant. Propter hæc capita, propter netuos ipsos ecclesiasticæ disciplinæ, imo radices potius, quas isti articuli præstindunt, propter potestatem à Christo datam, quam bonus pastor asserere & tueri debet, non propter Regum audaciam deserre & prodere, S. Thomas Regiis cupiditatibus resistit, in exilium abiit, rapinam bonorum, & relegationem omnium propinquorum, nouo crudelitatis & barbaro exemplo) ac demum indignante semper Rege, impiorum gladios passus est Non propter suas possessiones, exemptiones, libertates, non propter suæ ecclesiæ priuilegia, non propter res mundanas, vt mendaces nostri magistri scribunt, sed propter totius ecclesiæ iustam & necessariam potestatem, propter publicum ecclesiæ ius, propter Deum & Christum eius cuius honorem tueri voluit, S. Thomas nobile martyrium subiit. Quamobrem verissimè Polydorus hac de re sic scribit. *Exiliū Thomæ causam hoc loco omnino me pueret ostendere, si talis esset, qualem etiam nunc bene multi amentia pleni prædicant; qui inuidiosas opes, inanes honores, inutilem potentiam, lubricam dominandi cupiditatem anteferrunt vera glorie, deblaterantes Thomam conseruandarum possessionum sacerdotalis ordinis causa tantum acceperisse iniuriarum. At Thomas non in conseruandarum rerum*

copiam

*Polidorus
lib. 13.*

copiam (qui apud Alexandrum Pontificem sponte se
episcopatu abdicauit) sed in dignitatem, in authorita-
tem sacerdotalem, in disciplinam bonorum morum
tuendam incubuit: quò scilicet Henricus & alii prin-
cipes eius imitatores non introducerent pessimos quos-
que in sacerdotum collegia, non imponerent illis suo
iure & arbitrato leges, non uterentur alienis opibus
pro suis; sed contenti suis imperiis, sinerent episcopos ri-
te constitui & constitutos suas obtinere prouincias, of-
ficioque fungi. Hæc Polydorus. At enim noster
Neubrigensis, politicus monachus, suam hic cen-
suram interponit & ait. Ego plane in viro illo. *vene-*
rabilis ea qua ab ipso acta sunt, ut nulla exinde proue-
niret utilitas, sed feruor tantum accenderetur regius
ex quo tot mala postmodum pullulasse noscuntur, lau-
danda nequaquam censuerim, licet ex laudabili zelo
processerint: sicut nec in beatissimo Apostolorum prin-
cipe arcem iam Apostolica perfectionis tenente quod
gentes suo exemplo ludaisare coegit, licet eum constet
laudabili hæc pietate fecisse. Hæc est audacis mona-
chi censura, non iam politica sed planè ethnica.
Quid enim? An propter turbationem regis & re-
gai veritas fuit deferenda, ecclesiæ ius prodendum?
Causa tibi prius dispicienda fuit, iustane an iniusta,
grauisne an leuicula esset. Si illa iustissima & gra-
uissima fuit, non propter futorem regium à tanto
viro à tanto Pastore deferenda erat. Scilicet Metce-
narium non pastorem eum esse voluisti, ut venien-
te lupo fugeret. Ille quippe iuxta S. Augustinum lu-
po veniente fugit qui ex timore humano peccatum o-
nis sua non arguit; multo magis qui peccato con-
sentit, & adhuc magis qui peccatum approbat: De-
nique maximè qui non approbat tantum sed & de
peccato legem fieri permittit. Deinde qualis rerum
æstimator iste monachus fuit qui ex præsentì tur-
ba momentanea & non ex totius Angliæ pace lō-

Gulielmi
Neubrigensis
iniqua &
inepta cen-
sura.

Tract. 46.
in Ioan.

*Mors S. Tho-
ma ecclesia
Anglicana
utilissima.*

gissima postea consecuta rem metitur ? Propter e-
nim solius Thomæ fortitudinem & constantiam
quam usque ad mortem tenuit & pro qua acerbis-
simum mortis genus sustinuit (à quatuor impiis
horrendè trucidatus in ipso templo suo, ipsaq; pre-
cationis publicæ hora) toti ecclesiæ Anglicanæ pax
& libertas restituta fuit. Rex Henricus à suis impiis
postulatis penitus destitit. Imò vt scribit Erasmus,
*per mortem B. Thomæ plurimum & authoritatis &
opum accessit status ecclesiastico apud Anglos: Quod
certè florentissimus postea per aliquot secula cleri
Anglicani status verum esse comprobauit. Sed &
huic cauillo ipse sanctus in epistola ad Angliæ e-
piscopos luculenter respondet. Si nobis (inquit) re-
cedentibus turbata sunt omnia, sibi impuet qui cau-
sam dedit, qui hoc procurauit, facientis procul dubio
hac culpa est non recedentis, persequentis non decli-
nantis insurias. Damnum enim dedisse videtur qui
causam damni dedit. Hæc ibi & plura quæ in sequen-
ti S. Thomæ epistola videre licet. Atqui D. Petrus
iustè fuit reprehensus etsi laudabili pietate id fecit
vnde reprehendebatur. Egregia scilicet compara-
tio. An verò D. Petrus pro illa sua simulatione ex
bono zelo profecta mortem sustinuit, eiusq; mortè
miraculis Deus illustrauit? An idè est peccare posse
vel in aliquo labi etiam iustissimos, & in eo facto
peccare & labi quod factum Deus illustribus mira-
culis comprobauit ? Nam & ipse Neubrigensis sic
de miraculis D. Thomæ postea scribit. Porro beati
Pontificis in conspectu Domini quam pretiosa mors
fuerit, quantaq; facinoris in eum commissi atrocitas
ratione & loci & temporis & persona (quidni maxi-
mè ipsius causæ?) signorum sequentium frequentia
declarauit. Hæc illè lib. 2. ca. 25. An verò solet Deus
zelum indiscretum cuiuscunque personæ signis se-
quentibus eisdemq; frequentibus comprobare? ze-
lus*

lus indiscretus haud dubiè vicium est & Deo displicet; cui etsi facile ignoscatur, præmium tamen aut certè gloriosa merces non tribuitur. Sed iste Neubrigensis sub Richardo rege huius Henrici filio & proximo successore scribens, Principi suo placere voluit. Alioqui Rex ipse Henricus post Martyrium S. Thomæ ita peccatum suum recognouit, vt non solum 1. maximo se studio purgaret, & 2. poenitentiam sibi à Sede Apostolica iniunctam obedienter expleret, verum etiam multis aliis modis S. Martyri satisfacere studuerit. Nam 3. & sororem eius Mariam sanctimoniam paulò post amplissimo foeminarum monasterio Berkingensi Abbatissam præfecit & 4. identidem cum filio suo Henrico mausolæum D. Thomæ supplex adiuit, (vt nostri annales testantur) & 5. amplissimis Donariis exornauit. Atque ex his manifestum satis euasit, quod initio diximus causam martyrii S. Thomæ talem fuisse, vt neque propriam propriæ ecclesiæ vtilitatem aut etiam dignitatem, sed totius cleri publicam spectaret; nec dignitatem atque vtilitatem tantum, sed ipsam à Christo datam potestatem ac iurisdictionem: quā nec sine scelere episcopus deferere, nec sine sacrilegio Rex sibi arrogare potuit.

Nunc igitur quod tertio loco posuimus, tribus verbis explicatum dabimus. Nempe D. Thomam ius istud ecclesiasticum nullo vel indiscreto zelo vel pertinaci animo, sed summa moderatione & qua facile maior esse non potuit, persecutum fuisse. Quid enim mitius, quid moderatius, quid prudentius respondere potuit, quum de legibus istis illi proponeretur, quàm quod Regi respondit, prima quidem vice se illas acceptaturum *saluo ordine suo*: Quo responso quum Regi non satisfaceret, altera vice respondit, *saluo honore Dei*. Quorum neutrum quū Regi placeret, sed vt Pontifex absolute legibus

*Henricus
Rex peccatum suum
agnoscit.*

*Ioan. Struue an.
1176.*

*D. Thomas
nullū fuisse
indiscretū
zelum.*

*S. Thomas
Regi quantum
licuit
placere studuit.*

illis subscriberet à rege vrgeretur, fecit quod certè facere debuit. Approbare eas noluit. Et quid obsecro æquitaris apud illum Regem sperari ab episcopo possit, qui nec ordinis sacerdotalis, nec honoris diuini in suis legibus ferendis cōsiderationem haberi permittit? Aut quis ita malè Christianus est vt aliquid à sacerdote flagitet, siue saluo siue non saluo ordine suo & honore Dei? Certe sacerdotis nomine indignus est qui illa duo quibuscunque Regum mandatis non anteponit, vt maiora minoribus, vt cœlestia terrenis, vt diuina humanis. At nihil aliud B Thomas fecit. Hancine igitur pertinaciam hæretice vocas, tu qui tam frequenter in ore habes (sed tunc quum à corde tuo longissimè abesse debebat) *Obedire oportet Deo magis quàm hominibus*? Per illa enim verba committis tu quidem ecclesiam cum scriptura, quasi non idem Spiritus loqueretur per ecclesiam qui loquitur in Scriptura: aut quasi ecclesiæ Christi Spiritus Christi certissimè datus in æternum non fuerit; sicut *Spiritu Dei inspirati loquuti sunt homines sancti Dei* Scripturarum nostrarum scribæ. At hic iubente aliud rege, & aliud postulante ordine sacerdotale, & honore Dei, verissimè id locum habet, *Obedire oportet Deo*, qui hunc ordinem instituit & cuius honor illi proprius est, *magis quàm hominibus*, id est Regibus terræ, qui *humani sunt creatura* vt Petrus loquitur. Iam verò tantum abest vt S. Thomas in iustissima sua causa zelo aliquo indiscreto offederit aut asperius quàm par erat erga Regem se gesserit, vt planè in alteram partem nimio quodam non offendendi Regem desiderio peccauerit. Primum enim suadente quodam Abbate transmarino viro magnæ autoritatis & existimationis, vt verbo saltem leges à Rege propositas admitteret; & nihil amplius ab eo Regem petiturum, neque contra ordinem ecclesiasticum aliquid

Ioan. 14. &
17.

1. Pet. 2.
D. Thomas
ad tempus
cessit Regi.

aliquid moliturum spondente; fecit id S. Episcopus, cum contentioni finem futurum sperans, & Regis offensionem quoad eius fieri potuit, omni studio declinans. Sed postulante tunc Rege ut palam idem polliceretur, grauiter ingemuit deceptum se esse, & id facere recusauit. Paulo post tamen in eodem conuentu suadentibus rursum duobus templariis magni tunc nominis viris, & sub certa fide promittentibus, si verbo tantum coram tota Nobilitate leges regias se approbare diceret Regemque verbo honoraret, Regem nec amplius postulaturn nec illas leges vnquam executioni mandaturum; acquieuit, pacis quidem studio laudabiliter, sed ab illis deceptus imprudenter & indiscretè. Rex enim hoc eius verbo accepto, iubet ut quod verbo dixit, scripto confirmet, suosque episcopos idem facere præciperet. Quo audito sibi impositum cernens vehementer indoluit, & verbo quod dixerat fortiter reuocato, Regiis legibus uti prius se totum opposuit, idque se facturum propalam contestatus est. Sed & huius suæ noxæ grauem sibi pœnam inflixit, suspendens seipsum à celebratione & sacrificio, donec à summo Pontifice absolueretur: Cuius absolutionis Pontificiæ sententiam Matthæus Parisiensis recitat. Quibus ita constitutis, manifestum fit nullum in D. Thoma pertinaciæ signum, nullum indiscretum zelum, nullum animi contra Regem maleuoli indicium deprehendi posse. Solum Dei honorem & Ordinis sui debitam dignitatem & conseruationem legitimam præ oculis habuit. Quo magis barbara, fœda, & infamis illa sententia ne dicam in Dei Sanctum blasphéma fuit, quam Hæricus 8. triennio post Rossensis, Mori, aliorumque in Anglia crebra martyria, à Deo videlicet iam desertus & hostis ecclesiæ factus, contra hunc celeberrimum martyrem anno regni sui 30. die 16. Nouẽ-

*Invita eius
apud Suriũ.*

An. Domi-
ni 1338.

bris, in palatio Westmonasteriensi per edictū publicauit. Quo etiam anno & die vt nostri annales testantur, Dominicanorum ac Franciscanorū monasteria edicto quoque publico subuertit, vt scias quis illum Regem spiritus rexit, quū hoc cōtra S. Thomam edictum promulgauit. Cuius hic tenorem, de verbo ad verbum subiicio, vt (quod initio dixi) quam pertinax hæreticorum gentis nostræ, in hunc Sanctū, odiū fuerit; quanta rabie huius nobilissimi Martyris memoriā nō obliterare modo sed & penitus extinguere atq; delere conati sed frustra fuerint, lectori Catholico adhuc magis innotescat: simulque cognoscat omnis ecclesia Sanctorum, non absque causa huius Sancti Martyris memoriā his paucis collectaneis à me illustrari, quem tam contumeliosè proscindunt, tam fædè lacerāt, tam impiè blasphemarunt impuri in Anglia hæretici, sub capite impurissimo. Est hic ergo illius sententiæ tenor, paucis sed necessariis antidotis intermixtus, ne quis forte toto veneno simul hausto, serius quā par est, medelam postmodum accipiat. Porro *quum manifestè nunc appareat* (nūc scilicet post quadringētos annos tam celebris martyrii in tota ecclesia Catholica tam celebriter honorati) *quod Thomas Becquet Cantuariensis quondam Archiepiscopus qui sanctis legibus* (nimirum quā sanctæ illæ leges essent, sex illi Articuli qui eas omnes complectebantur à nobis supra aliquo modo excusli satis toti orbi manifestum faciunt, docentque nihil his sanctis legibus magis impium aut sceleratum à rege Christiano iuberi potuisse) *contra cleri enormitates à Rege Henrico 2. pro bono publico, pace & tranquillitate regni factis repugnauit:* At illæ leges neque pro bono regni publico aut pace, sed pro Regis auaritia & ambitione, nec cōtra cleri enormitates aliquas, que non nisi paucorum erāt, sed cōtra cleri Iurisdictionem

Sententia,
Hericiana
cōtra S.
Thomam,,

”

”

”

”

ncm

nem vniuersam, sub prætextu iustitiæ in clerū dissolutum, ferebantur: vt ex præcedentibus apertè cōstat : Certè in dissolutos ac malè feriatos clericos nemo acerbius animaduertit quàm ipse S. Thomas in quo post susceptum episcopatum (vt in vita eius scribitur) *tantus erat iustitia zelus, vt nulli quantacunque dignitate is esset parceret, si quid contra iustitiam attentasset.* Sed & hanc ipsam ob causam Regi & Nobilitati infensus esse cæperat (vt ibidem scribitur) *quia ad præscriptum Canonum clericum populūque moderabatur :* Denique Regi postulanti vt ad secularia iudicia raperentur clerici, respondit vt episcopum decuit. *Ego Dei ministros laica potestati nō exponam : sed si peccent, ego eos sic puniam vt leges diuina ac patrum decreta sanxerunt :* sed & Rex ipse de seueritate S. Thomæ in literis ad Alexandrum Papam (quas hic postea proferemus) acerbè conqueritur: *ne (inquit) venenum suæ excommunicationis in nos & alios effundat:* Postremò quam rigidus disciplinæ ecclesiasticæ custos hic S. Episcopus fuerit, tum ex quibusdam eius epistolis hic sequentibus, tum in ipso martyrii puncto facillè apparuit : quem ideo sicarii occiderunt quia quos Roman. Pont. excommunicauerat, nec vllum adhuc pœnitentiæ signum dederant, ad Regis arbitrium absolute noluit. Quibus ita positis, totum huius præclaræ sententiæ fundamentum quàm sit impudens mendacium facillè lector videt: (*& sua propria voluntate regno excedens in Fræciam abiens, atque ad Roman. Pontif. dictis enormitatibus patrocinantem sese recipiens, dictarum legum abrogationem impetrauit :*) Quidni verò ex illo regno excederet episcopus, cuius Rex nec ordinis sacerdotalis nec honoris diuini in suis legibus ferendis considerationem haberi permisit, vt supra ostensum est ? Ad quem verò cōfugeret episcopus iniuriis grauissimis à Rege

*Apuđ Suriū
pag. 1035.*

Ibidem.

Ibidem p. 1037.

”

”

”

”

à Rege affectus (vt in vita eius apud Surium patet) nisi ad supremum totius ecclesiæ Christianæ Pontificem? ad quem tot retrò seculis ex Alexandria in

*Hist. tripar.
l. 4. c. 15.*

*In vita eius
apud Suriū.*

*In rescripto
Iulij ad O-
rientales
tom 1. Con-
ciliorum.*

*Hist. eccles.
lib. 2. cap. 8.*

Cap. 7.

Luc. 22.

Ægypto magnus ille Athanasius ex Adrianopoli Lucius, ex Gaza Asclepas, ex Ancyra Marcellus, ex Constantinopoli Paulus, ex Africa Fulgentius, ex Hispania, Gallia, Germania, reliquitque totius Christiani orbis prouinciis omnes semper episcopi

iniuria affecti confugere solebant: idque iuxta Niceni i. Concilii Canonem in hæc verba. *Vt omnes episcopi qui in quibusdam grauioribus pulsantur vel criminantur causis, quoties necesse fuerit, libere Apostolicam appellent Sedem, atque ad eam quasi ad matrem confugiant, vt ab ea (sicut semper fuit) piè succiantur, defendantur & liberentur.* Hæc ibi Patres

Niceni, quod in magno illo Sardiciensi Concilio ex omnibus totius orbis prouinciis (vt commemorat sigillatim Theodoretus) congregato, aliis verbis repetitum fuit. Denique ad quem alium s. episcopus confugeret, nisi ad eum de quo Christus dixit? *Tu conuersus confirma fratres tuos.* At enim & ipse Rom. Pont. enormitatum cleri patrocinator fuit. Nempe quia impios illos articulos supradictos nō contra enormitates sed contra totam Iurisdictionem cleri à Rege propositos approbare noluit: etsi tamen tres ex illis sex, quorum vnus de corrigendis per laicos clericis erat, idem Rom. Pont. Alexander tertius tolerauit ad tempus, adeoque in gratiam Regis ipsius, S Thomæ manus ad tempus ligauit: vt ex eius ad Regem epistola (quam postea proferimus) luculenter patet. Adeo impudens est hoc huius infamis Edicti mendacium. Sed libuit furiosis hominibus etiam Rom. Pont. mordere, & in calumniæ partem propter odium Sedis illius nefariè pertrahere. Sed nunc in sententia pergamus.

Occasione cuius ingens in hoc regno tumultus exorsus est.

¶ Nempe quia veritas odium parit, & simulate
odium generat, iuxta id quod Christus dixerat, *Nō
veni mittere pacem sed gladium*: quanquam de hac
momentanea regni perturbatione supra satis dixi-
mus cum Neubrigensi responderemus. Sequitur:
*Quumque mors eius, qua hactenus martyrium habi-
ta fuit, à seipso occasionem acceperit, eo quod (ut scri-
bitur) verbis contumeliosis respondit nobilibus illis,
qui ei suadebant ut pravam suam opinionem more-
que mutaret, ne populus amplius perturbaretur, &
præterea non modo unum ex illis lenonem vocauerit,
sed etiam alium quendam Tracy dictum sinu violent-
ter apprehensum ita concusserit, ut fere in ecclesia pa-
uimentum deiecerit, unde alio quodam eum idcirco
percutiente, pugna quadam exorta fuerit in qua di-
ctus Becquet per tumultum occubuit*: Hæc est alia
huius mendacis & infamis edicti fabula mendax,
quam scriptam esse dicunt: sed authore nullo.
Quare ad eius plenam & certam refutationem ne-
cesse est hoc loco, totam & veram factæ occisionis
historiam subiicere, ut à variis authoribus & certæ
fidei refertur: primum ab Edouardo monacho qui
S. Martyrem in vlnis suis tenebat donec altera à si-
cariis præcisa esset, interim dum Martyrium suum
gloriosum obiret, qui & illius vitæ Author est quæ
apud Surium extat: deinde in Quadrilogo à 4. illis
authoribus prænominatis viris gravissimis: à Mat-
thæo quoque Parisiensi chronico fidelissimo: qui
liber etiam durante hoc schismate Lōdini impres-
sus est an. 1371. Horum enim hæc est certa & fidelis
relatio, à qua nec Polydorus, nec Neubrigensis, nec
annales vlli nostri quos viderim (vidi autē varios)
vel verbo aliquid discrepans narrant. Reversus do-
mum Archiepiscopus cum summa animi deuotione ac
puritate celebravit Christi natalem: æque eo ipso die
post concionem terribili sententia percutit unum ex

Matth. 10.

“

“

“

“

“

“

“

“

“

“

“

2.

3.

Martyriū

S. Thoma

Cantuar.

reg. 16

Verba regis
irati quā
necis causā
dederunt.

Rex occidi
episcopum
noluit.

regis ministris propter facinus quoddam & casus mi-
nistros suos: itemq; Randulphū hominē scelestū totius
malitia incensorē. Tandē adiecit. A Iesu Christo ma-
ledicti sint, & à catu sanctorū deleatur eorū memoria
quicunq; inter me & Dominum meū Regē odium &
discordias seminabunt. Abierunt tū quidā magni viri
ad Regē, & sanctum martyre apud eū detulerunt: ita
ut Rex grauissimē cōmotus iteratis vocibus ita dixisse
feratur: Inertes ac miseros homines enutriui & ere-
xi in regno meo qui nec fidem seruant domino suo, quē
à plebeio quodā Clerico tam probrosē patiuntur illudi.
Aderant ibi nobiles quatuor genere conspicui, & è fa-
milia Regis. Ii hac verba ex ore Regis rapientes, sauius
ea quā Rex vellet interpretati sunt: moxq; in necē san-
cti viri conspirarunt: nesciēteq; Rege, mare celerrimē
traiecerunt. Rege ubi id cōperit suspicante mali quip-
piā illos moliri, mittenteq; nuncios, qui eos reuocarent:
sed illi iam longius antecesserant quā ut possent re-
uocari. Inuito quidē rege casum ab illis fuisse Archie-
piscopum vel inde satis liquet, quod ubi comperit cru-
delissimum facinus, incredibili dolore & horrore cor-
reptus fuit. Voluerat ille vel in carcerem cōjcere aut
alio modo coercere, ut à sententia illū deduceret. Sed
illi homines nefarij postquā in Angliā venerunt, ad-
iunctis sibi quibusdā ministris Regis, quos Archiepi-
scopus excommunicarat, & militum satellitumq; con-
tā manu, mentiebantur se iussos à Rege tollere è me-
dio Archiepiscopum. Itaq; die illo qui sanctorum In-
nocentiū festum sequitur, absoluto iam prandio, sese
colligunt aduersus virum pium & innocentem, qui iā
in interiorem domū secesserat cum domesticis de ne-
gotiis tractaturus. Soli autem quatuor cum uno sa-
tellite ingressi sunt, itumq; illis obuiam est honorificē
tanquam domesticis Regis. Illi inbent dici Archiepi-
scopo, velle se cum ipso Regis nomine colloqui. Annuit
vir sanctus, ut introducantur. Introducti diu sedent.

sacili,

paciti, & neque saluant, neque appellant Archiepiscopum. Tacet etiam ipse aliquamdiu: postea salutat Sicariorum pacificè. Illi pro salutatione reddunt maledicta, adeoque princeps in necem eius ferebantur precipites, ut nisi ostiarius litia. Clericos, quos vir sanctus exire iusserat, reuocasset; hasta quadam qua illic stabat, illum cōfodere voluerint, uti postea ipsi confessi sunt. Intro autem reuersis clericis, qui primarius erat in his quatuor viris, ita ait, Rex controuersis omnibus consopitis, te ad tuam sedē remisit. Tu maleficijs beneficia compensans, eos, quorū opera filius Regis coronatus est, à suo ministerio suspendisti, ministros Regis anathemate percussisti: ut satis appareat, te filio Regis, modo possis, coronam auferre constituisse. De his virum coram Rege purgare te velis, edicto. Ea enim causa nos huc missi sumus. R. spō. Mentitur egregiè. dit vir sanctus: Testis est Deus nunquam me filio Regis coronam eripere voluisse, cui ego mallem tres alias adiungere cum regnis amplissimis, modo id rectè atque ordine fieri possit. Neque vero ego suspendi à ministerio Episcopos, sed Dominus Papa id fecit: nec me decet absoluerè, ut vos vultis, quos ille ligauit. Tū illi: lubet, inquit, Rex, ut cum omnibus tuis è regno excedas. Contra Archiepiscopum: Sed me deinceps ait, Deo propitio, nemo inter ecclesiam meam & mare cōspiciet. Non veni ut fugerem. * Hic me reperiet, si quis quaſerit. Illis obijcientibus, quod animi furore percussus, ministros Regis ex ecclesia turpiter eiecisset, vir sanctus cū multo spiritus feruore illis respondit: Quisquis ausus fueris sancta Romana sedis instituta, vel ecclesia Christi iura violare, nec ultro satisfeceris, nō parcā, nec differā ecclēsiastica censura coercere peccantem. Hac illi viri Lici constantia percussis propius accedunt, dicuntque ei: In capitis tui periculum hac prolocutus es. At vir sanctus: Non me (inquit) terrent mina vestra, nec gladij vestri promptiores sunt ad feriendum, quam ego ad martyrium obendum.

Alium

* Sic Amb. Valentiniſatellitibus reſpōdit epist. 33.

Responsio episcopo digna.

Spiritus for-
titudinis Apo-
stolica.

Nō vult ad
templū qua-
si locum ta-
torem se
recipere.

Martyriū
suum pra-
dicat.

Templi fo-
res claudis
non permit-
tit.

Alium quarite, qui vos fugiat: me collato pede pro
Domino meo praeliaturum comperietis. Illis cum cla-
more & contumeliis exeuntibus, vir Dei suos consolaba-
tur, & ut nobis visum est qui praesentes adsumus,
ita sedebat imperterritus, ac si ad nuptias inuitatus
esset ab illis. Mox reuertuntur illi loricati, & cinctique
gladiis, & securibus armati. Foras autem clausa erat,
nec pulsantibus aperiebatur. Tum illi occultiore via
per pomarium ad sepe ligneam diuersunt, ferroque
& magna vi sibi aditum parant. Eo horribili strepitu
ministri & clerici pene omnes territi fugerunt. Hor-
tantibus illis qui remanserant, ut vir sanctus in eccle-
siam se conferret, plane recusauit. Non enim tali casu
fugiendum esse, sed dandum potius subditis exemplū,
ut mallet quisque feriri gladio quam videre legis di-
uina contemptum, & sacrorum canonum euersionem.
Instabant vero monachi: aiebant indecorum esse, &
vesperinis laudibus, quatum celebrabantur, ipsum
abesse. Illo vero non cessit, veritus se priuatum iri o-
ptata martyrii corona, si in templum esset ingressus,
cuius reuerentia arceri possent à tanto scelere parrici-
dae illi. Sane postquam ab exilio reuersus fuit, sic dixisse
fertur, tanquam certus iam se per martyrium hinc
emigraturum: Habetis hic dilectū Deo ac vere marty-
rem Elphegum: alium quoque vobis sine mora diuina
miseratio prouidebit. Monachi quoque cum eum per-
mouere non possent, valde inuitum abspertarunt in
ecclesiam: quam cum ingressi essent quatuor illi nobi-
les cuius rapidissimo sequuti sunt cum Hugone subdia-
cono deplorata nequitia, quem malū clericum appel-
labant. Volentes autem Monachi obserare fores eccle-
siae, prohibiti sunt à sancto viro, qui tum praeclare dice-
bat: Nos patiundo potius quam pugnando ex heste
triumphabimus: neque huc venimus ut repugnemus
se, ut patiamur. Adiunt mox sacrilegi carnifices, ex-
clamantque furibundi: ubi est Thomas Becquet, Regis

& regni proditor! Eo non respondente, maiori contentionem vociferantur. Vbi est Archiepiscopus? Tum ille plane intrepidus & imperterritus: Ecce adsum (inquit) non proditor regni sed sacerdos. Paratus sum pro illo mori qui me redimit sanguine suo. Absit, ut propter enses vestros aut fugiam aut à iustitia recedam. At illi, Absolve (inquit) quos excommunicasti & suspendisti à suo officio. Nulla (ait vir sanctus) ab illis exhibitae est satisfactio, itaque non absolvam. Rursus illi: Nunc igitur marieris, & recipies pro meritis: Ego vero, ait sanctus martyr, pro Domino meo mori paratus sum, ut* ecclesia meo sanguine pacem & libertatem assequatur. Praecipio autem ex parte omnipotentis Dei, ne quenuquam ex meis ladata. Mox illi facto impetu, in eum irruunt, conanturque extra fores extrahere, illic eum aut iugulaturi aut vinctum abspoliaturi, uti postea confessi sunt. Sed cum difficile posset loco moveri & unum ex eis acrius insistentem à se remouisset, is terribili incensus furore, enses contra eius verticem vibravit. Tum vero pius & sanctus Cernicem vir cernens adesse horam qua promissam perciperet offert per martyrii coronam, cernicem instar oratis inclinavit. cussoribus. iunctisq; & sursum erectis manibus Deo & S. Mariae beatoq; martyri Dionysio suam & ecclesiae causam commendavit. Vix ea prolocutum, nefandus vir, metuens ne populus eum eriperet ex manibus ipsorum, coronam capitis eius, vulnere capiti inflicto, tanta vi amputavit ut pariter secaret & praevideret brachium isthac referentis, qui solus, cunctis & monachis & clericis praemetu fugientibus, sancto martyri constanter adhaesit; & inter vlnas eum continuit donec altera eorum amputata est. Additus inde est alter ictus in sacrum caput eius, & ille mansit immotus nihil se commouens. Tertio percussus genua flexit, dicens submissa voce. Pro nomine Iesu & ecclesiae defensione paratus sum mori. Tum vero tertius ex illis sacrilegis percussoribus

* Nota vera martyrii causam.

Vide patientiam incrementum.

ribus ita procumbenti gravis infixit vulnus, ut cum sanguine pariter è capite cerebrum in eius faciem deflueret. Quartus interim abigebat supervenientes ut ceteri possent in ea horrenda cade liberius versari. Quinto loco accessit is, quem ante diximus, Hugo subdiaconus execrabilis, & posito pede in col- lum sanctissimi martyris, quod sine horrore dici non potest, cerebrum cum sanguine per pavimentum spar- sit, atque ad illos quatuor: Ab amicus hinc: isto post hac non resurget: Hæc est nobilissimi Martyrii vera historia. Iudicet nunc æquus lector an suæ si- bi mortis vliâ vel minimâ occasionē dederit. Nul- las hic audis Sancti episcopi vel contumelias vel pugnas. Respondit quidem quod ad rem attingebat fortissime: ut episcopum decuit, integerrime: ut paratum ad extrema, intrepidè: ut Christo & ec- clesiæ deuotissimum, piè ac sanctè. A iustitia re- cedere, impiorum munis locum dare, oblatam martyrii occasionem fugere non vult. Constantiæ, fortitudinis, pietatis & flagrantissimæ in Deum charitatis argumenta sunt ista. Sed loco moneri noluit, è templo se abduci passus non est: Ideoque vnum ex licariis acrius insistentem à se remouit, qui mox furore incensus ensen contra eius verticem vibrauit. Hæc videlicet illa sunt quæ hoc præcla- rum edictum amplificando, id est, de suo menda- citer adiiciendo ait S. Episcopū vnum ex eius sum- violentè apprehensum ita cœcussisse, ut fere in eccle- sia pavimentum deiacerit. Atqui nec tanta violentia eum à se remouit, nec hanc vim primus ille intulit sed prius facto impetu in eum irruerant sicarii; nec tumultuosè aut iracundè hoc fecit; sed id tantum e- git, ne è loco sacro à prophanis hominibus traheretur, vel quia ut antea ex domo sic nunc ex hoc lo- co exire noluit ne fugæ speciè res haberet, vel quia ex sua ecclesia episcopus inuitum se abduci meritò pati

an. 1170.
4^o kl. ianuar.
fer. 3^a hor. 9^{si}
undeni ma-
passus est.

Impuden-
tissima ca-
lumniatio.

pati non debuit, vel denique quòd hunc marty-
rio suo locum (si ita Deo videretur) praelegit:
Malens in ipsa ecclesia pro ecclesia sanguinem fū-
dere, quàm extra ecclesiam ab impiis sicariis aut
obscurè iugulari, aut captivum abduci (quod etiam
ipsi se postea facturos confessi erant si cum com-
modè è templo auellere potuissent) quo facto de
eius morte fingere postea maleuoli homines quic-
quid libuisset potuissent. At verò facile à sancto
viro irritabantur, qui ad eum occidendum desti-
nato venientes quamlibet eius rei occasionem ra-
piebant. Neque verò nouum aut insolens est san-
ctos Martyres certo quasi loco martyrium obire
velle. S. Lucia virgo & martyr quum eam ad lupa-
nar abducere milites vellent, in loco iudicii im-
mota perstitit & non nisi eo in loco occidi voluit.
S. Ambrosius Imperiali mandato cōuentus vt quo
vellet abiret ex ciuitate, respondit *deserenda ecclesia lib. 5. epist.*
sibi voluntatem subisse non posse quia plus Dominum orat. in Au-
mundi quàm saeculi huius Imperatorem timeret. xentium.
Paratus videlicet erat sanctus episcopus ne Aria-
nis Basilicam traderet, in ecclesia potius mori quàm
in exilium ire. Idem fecit S. Thomas, sed vt maio-
rem vim passus quàm Ambrosius, ita fortius re-
sistens. Reliquam verò sicariorum rabiem ac vio-
lentiam, tam inuicta animi fortitudine & admi-
rabili patientia tulit, vt tres gladiatorum ictus stans
& immotus exceperit, nihil aliud quàm Deum pie
precatus; de qua eius constantia sic in eius vita
scribitur post verba iam citata. *In his omnibus in-*
credibilem licebat Sancti Martyris videre constan-
tiam, vt qui neque manum neque vestem opponeret
percussoribus illis, nec vllum verbum vel clamorem
ederet, imò ne gemitum quidem aut aliquam doloris
significationem exprimeret, sed caput gladiis oblatum
E 2 teneret

teneret immotum, donac cerebro cum sanguine erumpente, tanquam oraturus, corpus in terram spiritum in sinum Abraha deposuit. Hæc ibi, ex quibus non tumultuantis pugnam sed patientissimi episcopi illustre martyrium deprehendere licet.

Sed nunc ad præclarum hoc Henricianum editum redeamus *Quin verò (quod amplius est) canonizatio ipsius non nisi ab episcopo Romano facta est, idque ideo quia athletam se præbuit illicitæ potestatis eius vindicanda, eumque hominem defendendi qui clerici flagitia toleraret maximè.* Hæc alia & vltima

*Canonizatio S. Tho.
per Rom.
Pont. legitima.*

causa est huius præclari editi. Displicet scrupuloso Regi quòd non nisi à Rom. Pont. sanctus hic martyr in canonem & numerum Sanctorum relatus fuerit. At eadem opera omnes quos colit ecclesia Sanctos, bonus hic Princeps è canone eradat. Neque enim alio iudicio Sanctos recipit populus fidelis quàm sedis Apostolicæ. Huius enim solius Sedis certum & infallibile iudicium agnoscit ecclesia. An forte in Anglia hæretica illi soli pro Sanctis habendi quos Rex Anglorum tales esse voluerit? An quod olim Senatus Romanus sibi arrogauit, vt dii non essent nisi quos Senatus decerneret; ideoque postulante Tiberio Imperatore Christum in Deos referre recusauit, vt narrat Tertullianus, hoc sibi Senatus regius in Anglia hæretica arrogabit vt Sancti non sint nisi quos ipse decernat? Aut nullum in Sanctis recipiendis certum & supremum iudicium hæresis Anglicana agnoscere volet? Opinor sane: quia nullos illi Sanctos venerari curant, quibus nihil est cum vera sanctitate commercii. At Rom. Pont. ideo Thomam in Sanctos retulit quia potestatem pontificiam asseruit, atque ita in sua quasi causa iudex fuit. Quasi verò eodem argumento ethnicus quiuis Princeps contra Christianorum Pontifices vti non possit, & dicere.

Isti

*Cauiillatio
nis refutatio.*

Isti Christianorum Pontifices pro Martyribus colunt qui nostris legibus restiterunt, qui athletas se præbuerunt eius fidei atque doctrinæ vindicandæ quam isti Pontifices tenent suosque subditos docent; ideoque in sua causa & pro seipsis non pro veritate pronuntiant. Neque enim certè magis absurdum est à Rom. Pont. Martyrem pronunciari qui pro autoritate Pontificia asserenda occubuit, quàm qui pro fide Christiana occisus fuerit: vtramque enim veritatem æquè asserit atque tuetur Roman. Pont. Quanquam tamen D. Thomas non solum pro autoritate propriè Pontificia aut ad primatum Rom. Pont. propriè pertinente; sed etiam pro autoritate ac potestate necessaria totius ordinis sacerdotalis gladiis impiorum occubuit: vt ex Articulis supra memoratis apertè constat. Neque Roman. Pont. Alexander 3. ideo D. Thomam in Sanctos retulit quia autoritatem primatus Pontificii vsque ad mortem defendit, sed quia pro totius ecclesiæ libertate adeoque iusta & necessaria autoritate, vsque ad mortem dimicauit: (Vnde sic orat Ecclesia. *Deus pro cuius Ecclesia gloriosus martyr & Pontifex Thomas gladiis impiorum occubuit, &c.*) ac denique quia infinitis & illustribus miraculis Sanctum suum statim post mortem Deus glorificauit. Ideoque Rom. Pont. diuinæ potius voluntati hac in parte morem gessit, quàm desiderium vllum suum adimpleuit. Et vix certè vllius Martyris passio, tam crebris, tam illustribus, tam recentibus miraculis glorificata legitur quàm huius beati Thomæ, sicuti omnes qui de eo scripserunt testantur, nosque paulo post proferemus. Vt videlicet quanto Martyrii huius vel causa incertior & odiosior, vel modus inusitator & rarior, adeoque magis dubius fuit, eo clarius & illustrius, omniq; dubitatione vacuum, per tot & tam præclara miracula

*Vera causa
Canoniza-
tionis S. Th.*

cula Deus illud reddere voluerit. Quam etiam ob causam in Oratione de D. Thoma sic specialiter precatur Ecclesia: *Concede propitius, ut omnes qui eius implorant auxilium, petitionis sue salutarem consequantur effectum.*

Sequitur in edicto. *Has igitur & alias urgentes ob causas quas hic replicare longum esset* (scilicet si tot præmissis mendaciis, & in tam infami edicto, huic rhetorico schemati vlla fides habenda esset) *visum est Regali Maiestati ex Consilij sui sententia expedire, ut dilectis suis subditis declaretur, quod hæc non obstante Canonizatione nihil in vita & conuersatione eius apperiat cur sanctus appellari debeat:* Quæ fuerit huius Sancti vita, quæ ab incunte ætate conuersatio, quæ maximè post episcopatum totius vitæ mortificatio; copiosè & ad miraculum vsque apparet in vita eius apud Surium, in Quadrilogo & apud Matthæum Parisiensem & in epistola quadam Petri Blesensis quam postea proferemus. Quanquam & Martyrii causa talis est, ut si nulla vitæ sanctitas præcessisset, sola tamen ad Sancti nomen ac rem adipiscendam sufficiat. *Maiorem enim charitatem nemo habet quàm ut animam suam ponat quis pro amicis suis.* Et mirum est hos homines sola fide ad salutem contentos, vitæ nunc & conuersationis integritatem ad salutem & gloriam cœlestem requirere. An forte quorum est apud eos vita & conuersatio sancta, eos pro Sanctis habent ac sanctos vocant? Certè hætenus nullos Sanctos Anglia hæretica vel hæresis Anglicana declarauit. Aut igitur nullos hætenus habuit vita & conuersatione sanctos, aut hæc contra S. Thomæ vitam ac conuersationem (ut illi volunt) non sanctam, ridicula cauillatio est. Sed pergamus in edicto. *Sed potius astutia debeat rebellis ac proditor fuisse contra Dominum & Regem suum.* Quantopere D. Thomas

Ioan. 10.

mas Regi suo Henrico 2. placere studuerit, quibus
& quam piis atque necessariis conditionibus adiū-
ctis leges Regias amplecti paratus fuerit, quanto
studio Regis offensionem cauerit, quàm denique
in ipsa causa inter ipsum & Regem, Regiæ volun-
tati ad tempus cesserit ac morem gesserit, quàm ni-
hil animo præfacto, obstinato, rebelli egerit, quàm
nullo indiscreto zelo Regis legibus obstiterit, in
superioribus perspicuè declaratum est. Sed verò
solenne est, ut qui in causa religionis Regum libi-
dini seruire nolunt, rebelles & proditores à Re-
gum parasitis & aulicis, id est, pessimis Christianis
nuncupentur. Sic Diuus Ambrosius à Calligono
eunucho *contemptor Imperatoris* vocatur, eo quòd
basilicam Arianis tradere iubente Imperatore no-
luit. Sic Decius Imperator Cornelium Roman.
Pont. quia epistolas ad Cyprianum scripsit, ab eo
que accepit, *contra Rempublicam peccasse* pronun-
ciat. Sic Iulianus Apostata Iuuentium & Maximum
Martyres gloriosos *sarquam perduellionis reos ta-*
cita Christiana professione, decollauit. Denique
tales proditores omnes in ecclesia Christi mar-
tyres fuerunt; qui *contemnentes iussa principum*
meruerunt habere coronas perpetuas. Sequitur e-
dicti conclusio. *Quare sua Majest. iubet expres-
& mandat; dictum Thomam Becquet deinceps*
nec haberi nec nominari nec existimari Sanctum, sed
episcopum Becquet: Imagines quoque eius & pi-
cturas omnes per totum regnum demoliri, eque o-
mnibus templis ac sacellis aliisque locis auferri: dies
quoque festos in eius honorem celebrari solitos am-
plius non celebrari, officia quoque, collectas, Antipho-
nas, orationes in eius memoriam factas, ex omnibus
libris & codicibus delari: Hic agit Antipapam vel
etiam Antichristum Henricus, qui quem Sanctum
per annos 400. ecclesia Catholica coluit, audet

L. 5. epist. 33.

In vita Cor

nelij per Da

masum.

Corysost.

homil. de

illis tom. 3.

“

“

“

“

“

“

“

“

“

“

omni cultu ac veneratione priuare, quasque de
 cœlo deturbare: quam insolentiam à nullo vnquā
 vel Gorho vel Vandalo, vel barbaro quouis Hære-
 tico perperratam fuisse facile quis vsquam legerit.
 Quod tamen sequitur magis adhuc impium, ma-
 gis Antichristianum est. *Inbet etiam sua Mai. alios
 dies festos iam abrogatos à nemine amplius celebrari;
 sed statuta & præcepta sua Maiest. desuper emanata
 obseruari: vt videlicet populus illi subditus amplius
 non decipiat & ab omni superstitione ac cultu ido-
 latria liberetur, quo præteritis temporibus conta-
 minatus fuit: idque sub graui indignatione sua Mai.
 & pœna arbitraria.* Quod in D. Thomam scelerato
 ausu Rex impius attentauit, id in omnes postea
 quotquot ei visum est Sanctos attetare non est ve-
 ritus: tanquam videlicet supremum ecclesiæ An-
 glicanæ Caput, qualem se scripsit. Non est hæc im-
 pietas pluribus hoc loco exaggeranda, quum ma-
 nifestam hæresim illa complectatur, & de nefaria
 hac atque absurdissima in causa religionis laicocœ-
 phalia, vteunque sit à nobis alio in libro disputatū.
 Sed vt ad D. Thomam redeamus, qui quod cum a-
 liis etiam Sanctis ab hæretica Anglia profigetur,
 honorificum illi censi debet, breuiter notabo,
 quanto maior fuerit & acerbior Henrici 8 quem
 S. Thomas offendere non potuit, quam Henrici 2,
 qui offensus ab eo grauiter videbatur, in hunc Sā-
 ctum impietas. Henricus 2 etsi viuentem perseque-
 batur vt eius libidini aduersum, tamen mortuum
 venerabatur vt supra paucis monstratum est, copi-
 osius autem in vita S. Thomæ apud Surium videri
 potest. At Henricus 8 post annos ferè 400. Sanctū
 in tota ecclesia habitum à tot Antecessoribus suis
 Angliæ regibus mirifice honoratum, tot ac tantis
 miraculis per totam Angliam illustrem, hoc infā-
 mi edicto omni veneratione spoliavit. Henricus 2
 per-

*De Principiis fidei doctrinal. li. 5.
 c. 17. & seq.*

*Cōparatio
 inter Hen-
 ricum 2 &
 Henricū 8.*

percussores S. Thomæ defendere noluit, sed Romæ
 ad poenitentiam tam atrocis facti petendam ab-
 gavit, ut scribit Neubrigensis, sed & totam huius
 Sancti necem omnemque eius causam à seipso
 quanto potuit studio longissimè amovit; adeoque
 iniuste & nefarie occisum fuisse, multis modis de-
 claravit: unde & ipsemet quoque poenitentiam à
 Rom. Pont. legatis iniunctam humiliter suscepit,
 ut refert Neubrigensis, eodem in loco. Henricus 8.
 in hoc edicto percussores iustificat, ipsum Sanctum
 suæ quodammodo mortis occasionem dedisse af-
 firmat. Henricus 2. occisi Martyris reliquias magna
 humilitate veneratus est, multis lachrymis veniam
 persecutionis iniustæ deprecatus est. Henricus 8.
 rebellem eum ac proditorem proclamat. Henricus
 2. certis redditibus annuis (ut est apud Matthæum
 Parisiensem & in Quadrilogo) memoriam S. Tho-
 mæ honoravit, & quibus potuit officiis factas San-
 cto iniurias reparavit; ut supra commemorauimus.
 Henricus 8. omnes illos redditus totumque mona-
 sterium Cantuariense sustulit atque subuertit. Hen-
 ricus 2. omnesque eius successores Anglorum Re-
 ges, memoriam ac Mausoleum D. Thomæ amplif-
 simis & magnificentissimis donariis exornarunt &
 locupletarunt. Henricus 8. ea omnia ut prædo ro-
 bustus expilauit. Henricus 2. leges illas iniquas quas
 viuentes Thomæ mordicus extorquere contendit,
 post gloriosum eius martyrium statim abrogavit,
 & Anglicanæ ecclesiæ pacem optatissimam reddi-
 dit. Henricus 8. easdem iniquissimas leges aliasque
 iniquiores reuocat, & earum nomine memoriam
 huius Sancti obliterare, sed frustra & inaniter, la-
 borauit. Postremò Henricus 2. Dei & ecclesiæ iudi-
 cio cessit: à Deo glorificatum, ab ecclesia in San-
 ctorum numerum relatum, humiliter & ut ecclesiæ
 filium decuit, honorauit & coluit. Henricus 8. post

annos fere 400. ossa huius Sancti, tanquam infamis alicuius vel hæretici vel malefici sacrilegè effodit; & flammis publicis (inaudito facinore) concremauit.

*Exempla
Sanctorum
Pontificum
S. Thomae
sequutus est*

Epist. 33.

*Theodorus
& Palladius
ubi supr.
Apud Suri-
um in vitis sin-
gularum.*

Nunc ut ad D Thomam redeamus, atque breue hoc apologeticum nostrum concludamus, nihil in ecclesia Dei nouum, nihil à boni Pastoris officio alienum fecit hic sanctus Pontifex & martyr. Fecit quod clarissimi & sanctissimi episcopi contra Principes & magistratus male feriatos non solum in causa fidei & dogmatum; sed etiam in quæstione politiæ & potestatis & disciplinæ ecclesiasticæ sartæ rectæ conseruandæ fecerunt. Fecit quod S. Ambrosius contra Valentinianum Iuniorum; eligens potius se occidendum militibus in ecclesiam immisis obicere, quàm Basilicam vnam hæreticis tradere, aut coram Imperatore de fide disputare. Sed & ipsum Imperatorem Theodosium excommunicare nō est veritus: ut iam dictum est. Fecit quod S. Chrysostomus, eligens potius in exilium pelli, quàm vel Imperatricem Eudoxiam inique agentem & Callitropæ viduæ vineam per iniuriam rapientem non coercere, vel contra iurisdictionem ecclesiasticam ab alienis episcopis in sua ciuitate iudicari. Fecit quod S. Anselmus Cantuar. antistes Gulielmum Rufum Angliæ regem acriter increpans, quod sedes episcopales, ipse interea fructibus gaudens, tam diu vacuas teneret: quod S. Edmundus Cantuar. etiam Archiepiscopus contra Ioannem Regem huius Henrici 2. filium & similia patri molientem: quod S. Dunstanus Archiepiscopus contra Edgarum Angliæ regem adulterantem: quod S. Lambertus contra Pipinum Austriz Ducem cum sua Alpaide simili scelere coniugale ius violantem: quod S. Hugo Lincolnensis episcopus contra exactiones iniustas Richardi 1. Regis Anglo-

Anglorum, qui ministros regios in suam diocesim
 missos excommunicationis fulmine retrocedere
 coëgit. Fecit quod S. Stanislaus Cracouiensis epi-
 scopus contra Boleslaum Poloniæ regem adulte-
 rum, passusque similiter sicut ille: qui iussu regis
 ante altare interfectus est: quod S. Nortbertus Ar-
 chiepiscopus Magdeburgensis contra ciuium suo-
 rum insolentiam, disciplinæ ecclesiasticæ seueri-
 tatem non ferentes; quorum medios furentiû cu-
 neos ingressus, furorem eorum sua autoritate &
 præsentia non sine aperto capitis discrimine re-
 pressit: quod S. Anselmus Bellicensis episcopus &
 S. Hugo Gratianopolitanus episcopus cōtra quos-
 dam Marchiones & magnates ius ecclesiasticum
 violantes facere non sunt veriti. Fecit denique (vt
 commemorandi finem faciam, etsi huiusmodi ex-
 empla vix finem inueniant) quod S. Fredericus e-
 piscopus Traiectensis contra Ludouicū Regem
 Galliæ; quod S. Antoninus Archiepiscopus Floren-
 tinus contra magistratum & populum Florenti-
 num: qui quum duos sacerdotes in crimine forte
 deprehensos publica ignominia affecissent; eos
 primum excommunicatos, postea zona collo in-
 dita ad fores templi iussit procedere, ibique spectā-
 te populo, conuerberatos terga absoluit. Fecit, in-
 quam; non sic in laicam potestatem animaduertens,
 sed sic sacerdotale priuilegium defendens.
 Postremò fecit contra Henricum 2. Regem San-
 ctus Thomas, quod contra Henricum 3. Imperato-
 rem sacerdotalia iura inuadentem fecit S. Anno
 Coloniensis Archiepiscopus; & contra Henricum
 4. Imperatorem multa sibi sacerdotalia vendican-
 tem, S. Benno Herbipolensis episcopus. Quorum o-
 mnium typus fuit summus sacerdos Azarias; qui
 Oziam regem munus sibi sacerdotale arrogantem
 templo expulit. Quod autem plerique horum sicut

2. Par. 26.

&

Epist. 33.

& S. Thomas, ab his regibus extrema passi sunt, illud etiam nouum non est aut à sacerdotali dignitate & gloria alienum, iuxta illud S. Ambrosii, qui Calligono Eunuchò cubiculario Valentiniani Iunioris dicenti ei: *Tu me uiuo Imperatorem contemnis? Tolle tibi caput:* respondit fortiter, *Tu facias quod spadonis est, ego patiar quod episcopi est.* Sic S. Thomas passus est ut multi alii præclarissimi episcopi: atque ut episcopum pro grege suo decuit. Quatuor autem illi sicarii quorum gladiis occubuit, fecerunt quod impiorum satellitum est, & ut parasiti ac Gnathones regii facere solent: uerbum uidel. ex ore Regis rapere, ut innocentes interficiant. Sed nunc satis est ipsum D. Thomam loquentem audire, suæque prouinciæ episcopis, grauissimè & disertè respondentem legere. Postea quæ de ipso S. Thoma uel ad ipsum alii scripsere & ad nostras manus peruenire poterunt, subiiciuntur.

(:)

EPISTO



EPISTOLA D. THOMAE AD EPISCOPOS ANGLIAE APOLOGETICA IN
qua exilii sui causam doctè, disertè,
fortiter defendit.

THOMAS Dei gratia Cātuariensis ecclesie minister humiliter venerabilibus fratribus suis vniuersis Cantuar Prouincia Dei gratia episcopis. si tamen vniuersi scribunt, salutem: & id agere quod nondum agunt.

Experuat
stom. S. Co
dice.



Raternitatis vestrae scriptum, quod tamen de prudentiae vestrae consilio communi non facile credimus emanasse, nuper ex insperato suscepimus: cuius continentia plus videtur habere

mordacitatis quam solatii. Et utinam magis esset emissum de pietatis studio, de charitatis affectu, quam de obedientia voluntatis. *Charitas enim non*

quirit quae sua sunt, sed quae Iesu Christi Erat quippe de iure officii vestri, si veritatem habet Euangelium,

Monet epi
scopos officij
sui.

(quod quidem habet) si rectè agimus eius officium, si fideliter eius negotium geritis cuius repraesentatis figuram, magis enim timere qui potest animam & corpus mittere in gehennam, quam qui potest corpus occidere: magis obedire Deo quam hominibus, patri quam Domino: eius exemplo qui factus est patri obediens usque ad mortem. Mortuus est utique

ipse

ipse pro nobis, *nobis relinquens exemplum ut sequamur vestigia eius.* Commoriamur ergo & nos ei. Ponamus animas nostras pro liberanda ecclesia sua à iugo seruitutis, & oppressione tribulantis, quā ipse fundauit, eiusque comparauit libertatem sanguine proprio: ne si secus egerimus, meritò cōprehendat eos illud euangelicum: *Qui amat animam suam plus quam me non est me dignus.* Optimè nosse debueratis, quoniam si iustum est quod præcipit Imperator, eius debetis exequi voluntatem: si verò contrarium, responde. *Quoniam oportet obedire Deo magis quam hominibus.* Vnum vobis dico, vt saluā pace vestra loquar, multo tempore silui. expectans si fortè inspiraret vobis dominus vt resumeretis vires, qui conuersi estis retrorsum in die belli: si fortè saltem aliquis ex omnibus vobis ascenderet ex aduerso, & opponeret se murum pro domo Israel: vel simularet saltem inire certamen contra eos qui non cessant quotidie exprobrare agmini Domini. Expectaui: Non est qui ascendat. Sustinui: Non est qui opponat. Silui: Nō est qui loquatur. Dissimulaui ego: Non est qui vel simulatione certet. *Reposita est mihi de reliquo querelæ actio, vt meritò clamare debeam. *Exurge Deus indica causam tuam.* Vindica sanguinem ecclesiæ tuæ quæ cuiuscerata est, quæ facta est oppressione exanimis. Supbia enim eorū qui oderūt eius libertatem ascendit semper: nec est de cætero qui faciat bonum: non est vsque ad vnum. Utinam fratres dilectissimi is esset vobis affectus in defensionem libertatis ecclesiæ, qui paret & propinatur nobis in eius confusionem in literis vestris, vt credimus, minus legitimè appellatoriis. Verum fundata est ipsa supra firmam petram: nec est qui possit eam conuellere etsi concutere. Vt quid ergo queritis me confundere, imò vos ipsos in me; imò &

*Ignavia episcoporum
graniter
culpatur.*

me vobiscum, hominem qui suscepi in me omne periculum, sustinui tot opprobria, toleraui tot iniurias, expertus sum proscriptionem pro omnibus vobis? Expediebat quidem vnum affligi pro ecclesia ista vt vel sic eximatur à seruitute. Discutite mente simplici causam istam: examine negotium: diligenter attendite quis debeat huius esse finis negotii; vt deducta Maiestate imperii, postposita penitus personarum acceptione, quarum Deus acceptor non est, faciat ipse vos intelligere quidem quid egeritis, quidque quod intenditis agere. Auferat ipse Deus velamen de cordibus vestris, vt cognoscatis quid agere debeatis. Dicat ex omnibus vobis qui nouerit, si vnquam post meam promotionem alicuius vestrum tuli bouem vel asinum: si pecuniam, si causam alicuius iniquè iudicaui; si alicuius vestrum dispendio comparau mihi compendium: Reddo quadruplum Si vero non est quod offenderim, vt quid me solum derelinquitis in causa Dei? Quare vos ipsos vobis ipsis opponere curatis in causa ista qua nulla specialior est ecclesiae? Nolite fratres, nolite vos ipsos & ecclesiam Dei confundere quantum in vobis est. *Sed conuertimini ad me & salui eritis dicit Dominus. Nolo mortem peccatoris quantum ut conuertatur & viuat.* State mecum fratres in praelio. Apprehendite arma & scutum, & exurgite in adiutorium mihi. Accingimini gladio verbi Dei potentissimi, vt simul omnes fortius & validius valeamus vna resistere pro officii nostri debito aduersus malignantes, aduersus operantes iniquitatem; aduersus eos qui quaerunt tollere animam ecclesiae quae est libertas: sine qua nec viget ecclesia nec valet: aduersus eos qui quaerunt sanctuariū Dei hæreditate possidere Festinemus ergo simul omnes id agere, ne ira descēdat super nos tanquam

*Innocentius
suam cum
Samuele &
Paulo de-
monstrat.*

*Hortatur
suos egregie.*

*Libertati
anima eccle-
sia.*

super

super negligentes pastores & desides, ne reputemur canes muti non valentes latrare : ne exprobetur nobis à transeuntibus: *A senioribus Babylonis egressus est iniquitas* Reuera si me audieritis, scitote quoniam Dominus erit nobiscum, & cum omnibus nobis in cunctis viis nostris ad faciendam pacem & defendendam ecclesiæ libertatem. Alioquin iudicet Deus inter me & vos, & requirat ecclesiæ cōfusionem de manibus vestris: quam velit nolit mūdus necesse est stare firmiter in verbo Domini in quo fundata est, donec veniat hora eius vt transeat de hoc mundo ad patrem. Iudicabit quidem eō quod reliquistis me solum in certamine: nec est qui velit mecum ascendere ad pugnam ex omnibus charis meis: solum adeo, vt cogitet forte quilibet vestrum vel dicat: *Va soli: quia si ceciderit non habet subleuantem.* Sed reposita est mihi hæc spes mea in sinu meo, quoniam solus non est cum quō Dominus est: qui *cum cecideris non collidetur.* *Supponit enim ipse Dominus manum suam.*

Thomas solus à suis relictus.

Causa exilij

Vt itaque veniamus ad rem, exciditne vobis, dicite fratres mei, à memoria vestra, quid ageretur mecum & cum ecclesia Dei, quum adhuc essem in Anglia; quid in exitu meo; quid post exitum; quid & agatur diebus istis? quid maximè apud Northamptoniam, quum iterum iudicaretur Christus in persona mea ante tribunal præsidis: quum arctaretur Cantuaria ob iniurias sibi & ecclesiæ Dei passim illatas: & sine delectu Romanam audientiam appellaremus? Bona sua (malè dicimus sua quum sint bona pauperum, patrimonium crucifixi; quæ potius ei sunt commendata quàm donata.) * sub Dei protectione ponere & ecclesiæ Romanæ? Quis vnquam (etsi aliquando iniuste proscriptam diuina declarauit clementia) vidit, audiuit Cantuariam, iudicari, condemnari, cogi ad *

*Hæc facta sunt post reiectas leges Regias.
* Locus obsecratus.*

in

in curia regis, à suis præcipuè suffraganeis? Vbi est inuenta iuris ista vel canonum authoritas aduersa, imò peruersa peruersitas? vt quid enormitas ista non parit vobis erubesceniam? Erubescencia enim immittit confusionem: confusio elicit poenitentiam: poenitentia excutit satisfactionem coram Deo & hominibus. Ob tot quidem & tantas Deo & ecclesiæ suæ illatas iniurias, & mihi propter Dominum, quas sustinere non debui salua conscientia mea, nec sine discrimine vitæ meæ potui emendare, nec dissimulare sine animæ periculo: elegi potius declinare ad tempus, vt habitarem salubrius in domo Domini quam in tabernaculis peccatorum, donec completa esset iniquitas, reuelarentur corda iniquorum, & manifestarentur cogitationes cordium. Illa tot iniuriarum illatio fuit causa appellationis meæ. Hæc fuit occasio recessus mei quem dicitis inopinatum: qui magis secundum ea quæ proponebantur aduersum me, & quæ agebantur mecum (si veritatem loquimini qui nouistis) debuisset fuisse inopinatus: ne impediretur præscitus. Sed domino vertente casus aduersos in melius, prospectum est Domini nostri Regis honori & suorum: ne quid fieret in me in ipsius ignominiam & generationis suæ. Melius enim consultum his qui suspirabant in necem meam, qui sitiebant sanguinem meum, qui aspirabant ad fastigiū ecclesiæ Cantuariæ (vt vulgo dicitur & creditur) in nostram perniciem. Utinam minus ambitiosè quàm auidè. Appellauimus & appellati sumus: & rebus ecclesiæ Cantuariæ nostrisque & nostrorum (sicut iuris exigit ratio) in tuto manentibus, nostram prosecuti sumus appellationem. Si nobis recedentibus & in discessu nostro prout dicitis, turbata sunt omnia; sibi imputet qui causam dedit, qui hoc procurauit. Facientis proculdubio culpa

* Voluit
Rex Archi-
episcopum
obligare ne
excederet
regno.
Vide vitæ
eius apud
Surium 29.
Decembri.
Causa fuga
grauissima.

Recessus Scilicet inopinatus ne impediretur præscitus.
Regi Archi-
episcopum
suis legibus
contradic-
tem condē-
nante ad
Sedem A-
post. appel-
lauit.

hæc est, non recedentis : persequentis non declinantis iniurias. Damnum enim dedisse videtur qui causam damni dedit. Præsentauimus nos curiæ. Nostras & ecclesiæ proposuimus iniurias. Aduentus nostri causam & appellationis exposuimus. Nō affuit qui nobis responderet vel in aliquo. Expectauimus nec venit qui aliquid nobis obiiceret. Nulla aduersum nos reportata sententia. Antequā venirerur ad Regem (nobis adhuc de more expectantibus in curia si forte aliquid nobis opponeretur) ad nostros accessum est officiales. Interdictum est eis ne in aliquo super temporalibus nobis obedi-
rent: ne nobis vel nostris quicquam ministraretur ab ipsis, citra mandatum regis & conscientiam; te fratre Lundoniarum cum Richardo de Welce-
stria, & Eboracensi (sicut dicitur) dictante sententiam. Festinatum est tamen ad Dominum Regem. Viderit ipse. In caput eius conuertatur qui hoc dedit consilium, sine iudicio. Sineratione, post appellationem, nobis etiam adhuc in curia morantibus, spoliata est ecclesia. Spoliati sumus & nos cum nostris; proscripti & ipsi clerici cum laicis, viri cum mulieribus, mulieres cum infantibus in cunabulis. Addicta sunt fisco bona ecclesiæ, patrimonium Crucifixi: Pars pecuniæ conuersa in vsus regios: pars in tuos frater Lundoniarum si vera sunt quæ audiui-
mus, & ecclesiæ tuæ. Quod si ita est, exigimus à te, præcipientes tibi in virtute obedientiæ quatenus infra quadraginta dies post istarum susceptionem literarum quicquid inde tulisti, vel in vsus ecclesiæ tuæ conuersum est, remota omni occasione & dilatione infra tempus prænotatum in integrum nobis restituas. Iniquum est enim & iuri valde contrarium ecclesiam ditari de alterius incommodo. Si laudas authorem scire debes super rebus ecclesiæ ablatis eum non legitime

Episcopi contra Archiepisc. suum dictant sententiam.

Crudelitas Regis in absentem S. Thomæ.

Spoliata absente Archiepisc. eccl. Cantuar.

legitimè posse præstare authoritatem qui violentâ facit iniuriam. Quo ergo iure peruerso, quo ordine canonum transposito poterunt se tueri raptores, sacrilegi, bonorum ecclesiasticorum inuasores, nō restitutis ablatis ecclesiæ? Opponent ne appellationis obstaculum? Absit. Quæ noua imo quæ iuri contraria introducitis in ecclesiam istam? Videte quid agatis. Certè cudetur in vos faba ista & in ecclesias vestras, si non melius vobis prospexeritis. Periculosè enim ageretur cum ecclesia Dei si raptor sacrilegus alienorum bonorum inuasor, maximè ecclesiæ, tutus esset aduersus eam appellationis auxilio. frustra enim iuris implorat auxilium qui iuri non obtemperat, imò qui est contrarius Iuri. Sunt ne istæ iniuriæ quas addimus iniuriis? labores quos laboribus adiicimus, quia ista & alia enormia quæ fiebant & fiunt in ecclesia ista non sustinimus? quia grauati appellauimus? quia recessim⁹ à curia? quia ausi sumus super iniuriis ecclesiæ & nostris conqueri? quia super his omnibus non tacemus? quia ista parauimus corrigere? Periculosè certe affligitur cui saltem conquerendi solatium negatur. Vos amici mei qui altiora sapitis inter alios, qui geritis vos aliis prudentiores (quoniam solent filii huius seculi prudentiores esse filiis lucis) ut quid decipitis fratres vestros? & subditos quare inducitis in errorem istum? Quæ authoritas quæ scriptura contulit hanc prærogatiuam Principibus in ecclesiasticis, quam vos vultis ei conferre? Nolite fratres, nolite iura regni & ecclesiæ confundere. Discretæ quidem sunt potestates istæ, quarum vna potestatem & vim sortitur ex alia. Legite Scripturas, & inuenietis quot & qui perire reges qui nisi sunt sibi sacerdotale officium usurpare. Prouideat ergo vestra discretio, ne ob istam presura diuina vos atterat iniuriâ: quam si venerit nō

*Spoliatores
ab Archie-
pisc. excom-
municati
appellant.
Contradi-
ctionem suā
defendit.*

*Mali episco-
pi eccl. liber-
tatem pro-
dunt.*

*Comparant
Regis gra-
tiam eccle-
siae dispēdio.*

effugietis de facili. Consulite etiam Domino Regi, qui eius comparatis gratiam ecclesiae dispendio; ne (quod absit) pereat ipse & domus eius tota, sicut ipsi periere qui in consimili deprehensi sunt delicto. Si verò ab hoc incæpto non destiterit, qua animi conscientia non puriemus ista? Qua puritate conscientiae ista dissimulabimus? Dissimulet quidem qui hanc habet dissimulandi auctoritatem: non ego; ne veniat in animam meam ista dissimulatione. Innuitis literis vestris, imò apertè dicitis, me reclamante regno, ecclesia suspirante & ingemiscente, fuisse promotum. Scitis quid dicat veritas: Quod mendacium scienter loquitur occidit animam. verba verò sacerdotis semper debent comitem habere veritatem. Deus bone, Nunquid nō erubescet aliquis de piebe ista dicere? Consulite conscientias vestras. Aduertite formam electionis: Assensum principis per filium suum & per eos qui ad hoc missi sunt. Filii & cum omnibus regni primatibus. Si aliquis eorum contradixit, si reclamauit vel in aliquo loquatur qui nouerit: dicat qui conscius est. Si verò turbatus iam fuerit aliquis, non dicat pro sua molestia, toti regno & ecclesiae factam fuisse iniuriam. Literas quoque domini regis & omnium vestrum diligentius attendite, postulantes nobis cum magna instantia pallium & obrinuissē. sic se habet rei veritas. Verum si quem torisit inuidia, si quem afflixit ambitio, si cui tam pacifica, tam legitima, tam sine contradictione facta electio, dolorem & amaritudinem impressit animi, eatenus ut ob hoc machinetur & velit turbare omnia, indulgeat ei Dominus & non imputet, eoque suam minimè culpam taceat, suamque animi indignationem in conspectu omnium publicè confiteri non erubescat. Dicitis me de exili sublimatum ab ipso in gloriam. Non sum reuera atauis

*Promotionē
suam defen-
dit.*

*Ad obiecti-
onem dege-
neris igno-
bilitate.*

editus

editus regibus. Malo tamen is esse in quo faciat sibi genus animi nobilitas, quàm in quo nobilitas generis degeneret. Fortè natus sum de paupere tugurio. Sed cooperante diuina clementia quæ nouit misericordiam facere cum seruis suis, quæ elegit humilem vt confundat fortia, in exilitate mea antequam accederem ad Regis obsequium; satis copiosè, satis abundanter, satis honorificè sicut ipsi nouistis (prout abundantius inter vicinos meos & notos cuiuscumque conditionis fuerunt) conuersatus sum. Et Dauid de post fætantes assumptus cōstitutus est vt regeret populum Dei: cui aucta est fortitudo & gloria quoniam ambulauit in viis domini. Petrus verò de arte piscatoria electus factus est ecclesiæ princeps, qui sanguine suo meruit pro nomine Christi in cœlis habere coronam & in terris nomen & gloriam. Utinam & nos similiter faciamus. Successores enim Petri sumus non Augusti. Nouit Dominus quo intuitu nos ipse desiderauerit sublimari. Respondeat ei sua intentio: & nos respondebimus ei pro officii nostri debito: fidelius per misericordiam Dei in seueritate, quàm qui blandiuntur ei in mendaciis. *Meliora animi sunt verba amici quàm fraudulentæ oscula inimici.*

Optat Martyrium.

Seueritatis cultor.

Impingitis nobis ingratitude notam per quandam insinuationem. Credimus quia nullum peccatum criminale est quod imponeret infamiam, nisi processerit ex animo. Vnde si quis homicidium inuitus commiserit, etsi homicida dicatur & sit, non tamen homicidii reatum incurrit. Sic dicimus. Etsi Domino nostro regi obsequium debeamus iure dominii, etsi teneamur ad reuerentiam præstandam iure regio, etsi Dominum sustinuim⁹, si filium paterno affectu conuenimus, si in conuētu non auditi & dolentes necessitate officii seueritatis censuram exercemus; plus credimus nos pro

Quod Regi non fuerit vel inobediens vel ingratus.

*Iure pater-
no & patro-
natus Chri-
sto obedi-
entiam, magis
quam Regi.*

ipso facere & cum ipso quàm contra ipsum : plus ex eo promereri gratiam quàm ingratitudinis notam vel poenam ; Sæpius enim ceterè beneficium confertur inuito. Vnde commodius prospicitur eius inde inuitati qui , & non aliàs , urgente necessitate reuocatur à perpetrat one delicti. Præterea defendit nos ab ingratitudinis nota pater noster & patronus, qui est ipse Christus. Iure paterno tenemur ad eius obedientiam, qua non obseruata puniemur iusta exheredationis poena. Potest enim pater exheredare filium ex certa causa. Ipse enim dixit. *Si non annuntiaueris impio iniquitatem suam, & moriatur in delicto suo, sanguinem eius de manu tua requiram.* Ergo si delinquentem non conuenimus, si non audientem non corripimus ; committimus in mandatum & tanquam inobedientiæ rei iure exheredamur. Iure patronatus quo eius sumus liberti : quoniam *quum essemus serui peccati facti, sumus liberi iustitia* per eius gratiam , obligamur ei ad reuerentiam & obsequium. Vnde quoniam nemini nisi ei salua fide tenemur obnoxii, si fit contra eum in dispendium ecclesiæ pertinaciter , merito si non punimus commissum , pro ea parte sollicitudinis in quam vocati sumus, collatum reuocabit à nobis ob ingratitudinem solus ipse beneficium : ex quo verè apparebimus ingrati. Proponitis nobis periculum ecclesiæ Romanæ ; iacturam temporalium ; periculum quidem nostrum & nostrorum ; nec fit mentio de periculo animarum. Intentatis nobis etiam comminatorium de recessu Domini nostri regis (quod absit) à fidelitate & deuotione Roman. ecclesiæ. Absit inquam vt vnquam Domini nostri regis deuotio & fides ob temporale commodum vel incommodum à fidelitate & reuerentia Romanæ discedat ecclesiæ. Quicquid criminale & damnable esset in priuato, nedum in

*Ad obiectio-
nem de pe-
riculis.*

*Schisma
Anglicanæ*

in

In principe qui multos secum trahit post se. Absit *parturiens*
 etiam quod quis vnquam eius fidelis hoc vnquam *per S. Tho-*
 cogitare debeat, ne dum dicere: subditus aliquis, *ma constā-*
 nedum episcopus. Videatque vestra discretio, ne *tiam abor-*
 oris vestri verba inficiant aliquem vel plures in a- *tum fecit.*
 nimæ suæ dispendium & damnationem, ad instar
 calicis aurei qui dicitur babylonis interius, & ex-
 terius veneno illiniri: de quo quū quis biberit non
 timeat venenum quum viderit aurum; & sic in pu-
 blicum veniat vestri operis effectus. Ille enim qui
 non fallitur, opus furtivum producit in lucem, &
 machinationes denudat iniquas. In tribulatione
 quidem & sanguinis effusione consuevit ecclesia
 crescere & multiplicari. *Proprium enim est ecclesia*
ut tunc vincat quum arguitur; tunc obtineat quum
laditur; tunc intelligat quum deseritur. *Hilarius de*
 Nolite ergo fratres super ipsam flere, sed su- *Trinit. l. 7.*
 per vos ipsos: qui facitis vobis nomen sed non
 grande ex hoc facto & dicto in ore omnium: qui
 prouocatis in vos Dei odium & vniuersorum; qui
 paratis innocenti laqueum; qui cuditis nouas &
 ingeniosas rationes in subuersionem libertatis ec-
 clesiæ. Fratres per misericordiam Dei laboratis
 in vanum. Stabit enim ipsa ecclesia, etsi sæpius
 concussa, in ea fortitudine & firmitate in qua fir-
 miter fudata est donec veniat generale dissidium,
 donec filius ille perditionis surgat: quem non cre-
 dimus de partibus occidentalibus ascensurum, nisi
 peruerse mutatus fuerit ordo rerum, & series scri-
 pturarum. Si verò de temporalibus agatur, plus ti-
 mere debemus iacturam animæ quàm tempora-
 lium. Scriptura verò dicit. *Quid prodest homini to-*
tum mundum lucrari, anima verò sustinere dispendi-
um? Periculum utique nostrum & nostrorum peni-
 tus abiicimus. Non enim timendus est ille qui cor-
 pus perdit, sed qui corpus & animam.

*O fortem &
 bonum Pa-
 storem.*

*Ad obiectio-
nē de quo-
rūdam ex-
communi-
catione.*

Arguitis nos super suspensione venerab. fratris nostri Sarisberie, & excommunicatione Ioannis illius schismati exdecani; prius (vt dicitis) inflicta pœnaliter quàm de cognitione processa legitimè, quàm de ordine iudiciorum canonicè prodita. Respondemus quoniam vtrumque istorum iusta notaui pœnæ sententia: illum suspensionis, excommunicationis istum. Si perfectè tenetis negotii seriem, si rectè attenditis iudiciorum ordinem, non erit vt credimus hæc vestra sententia. Hoc quidem habet autoritas quæ vos latere non debet, quoniam in manifestis & notoriis non desideratur ista cognitio. Perpendite diligentius quid actum sit à Sarisburienſi super decanatu post Domini Papæ prohibitionem & nostram sub excommunicatione factam: & tunc rectius intelligetis, si de manifesta inobedientia suspensio rectè sequatur. Vnde beatus Clemens. *Si praelatis suis non obediunt cuiuscunque ordinis vniuersi, omnesq; principes tam inferioris quam superioris ordinis atque reliqui populi, non solum infames sed & extorres à regno Dei & confortio fidelium, & à luminibus sanctæ Dei ecclesiæ alieni erunt.* De Ioanne de Oxenford dicimus quòd diuersis modis excommunicantur diuersi. Alii lege eos denuntiantes excommunicatos. Alii sententia notati: Alii communicatione & participatione excommunicatorum. Illum verò quoniam incidit in hæresim damnatam, communicando schismaticis, & Domini Papæ excommunicatis, reatumq; & maculam excommunicationis in se contraxit, quæ pestis more lepræ inficit & intingit, consimilique pœna & facientes & consentientes confundit; & quoniam contra Domini Papæ mandatum expressum & nostrorum sub anathemate, decanatum Sarisburie excommunicatus vsurpauit, denuntiavimus, & excommunicavimus & excommuni-

municatum firmiter tenemus : & quod de eo factum est in decanatu & super decanatu cassauimus & cassatum tenemus ; sicut & Dominus Papa iam ipsemet cassauit auctoritate octauæ Synodi, cuius hæc est sententia. *Si quis palam vel abscondè cum excommunicato locutus fuerit, aut iunctus communionē, statim in se cōtrahat excommunicationis poenam.* Et Concilium Carthaginense dicit. *Qui communicauerit cum excommunicato, si clericus est deponatur.* Videat ergo discretio vestra ne quis vestrum cum eo communicauerit. Calixtus enim Papa dicit, *Excommunicatos quosque à sacerdotibus nullus recipiat ante utriusque partis examinationē iustam : nec cum eis in oratione aut cibo , aut potu aut osculo communicet : nec Aue eis dicat : quia quicumque in his vel aliis prohibitis scienter excommunicatis communicauerit , iuxta Apostolorum institutionem & simili ipsi excommunicationi subiacebunt.* Hic est ordo canonicus, non canonibus (vt credimus) incognitus , sed auctoritate canonica fultus. Et ne miremini si quandoque condemnatur absens, legite Paulum ; qui absens publicè fornicantē cum nouerca sua non conuictum testibus, non cōfessum, etiam absentem, cuius crimen omnes sciebant & non arguebant (sicut vos istius , quem non de iure defendit regia potestas) eiecit à cætū fidelium & iudicauit tradi eum Satana in interitum carnis, vt spiritus saluus fieret, sicut nos istum. Cæterum quia hoc tempore in partibus istis multa huiusmodi & satis grauiā in absentia nostra sunt enormia, quæ de cætero licet absentes corpore , præsentem tamen auctoritate, salua animi nostri conscientia præterire non debemus nec possumus incorrecta, tibi frater Lundoniarum , qui nosse debueras illud Gregorii septimi ; *Si quis episcopus fornicationi presbyterorum , diaconorum , vel crimini incestus in sua*

parochia,

*Nota.**Episcopi ap-
pellantur cō-
tra seipfos.**Qui admit-
tuntur ad
appellandū.*

zipere, coercere malefactores, ut vel sic desistant
ecclesiam Dei persequi? An non satis est si ipsi sa-
uierint in ecclesiam, nisi & vos pro eis vobis ipsis
& ecclesiae in eius perniciem opponatis? Quis va-
quam audiuit hæc mirabilia? Et audietur, & præ-
dicabitur in omni populo & gente, suffraganeos
Cantuariensis ecclesiae, qui cum Metropolitano
suo ob defensionem ecclesiae eiusque libertatis de-
berent viuere & mori, omniaque sustinere dispen-
dia, velle ad mandatum regium quantum in ipsis
est, suspendere potestatem ipsius & auctoritatem,
ne seueritatis disciplinam exerceat in delinquentes
aduersus ecclesiam Vnum certè scio. Duorum
personam simul gerere non rectè potestis, appel-
lantium & appellatorum Vos estis qui appellastis:
vos estis aduersum quos appellatur. Nonne vna
est ecclesia? & vos de corpore eius estis? En certamē
satis legitimum, satis canonicum, ut qui membra
sunt ecclesiae in eam certamē cum capite suo quod
est Christus. Timeo fratres ne (quod absit) dicatur
de nobis. *Isti sunt sacerdotes qui dixerunt: Vbi est
Dominus? & tenentes legem nesciunt eam.* Præter-
ea discretionem vestram latere nō credimus, quo-
niam non solent audiri appellantes, nisi quorum
interest, aut quibus mandatum est, aut qui nego-
tium gerunt alienum. Interest ne vestra ut non co-
erceantur delinquentes aduersus ecclesiam? Absit.
Imo certè contrarium Si vero is qui subuertit ec-
clesiae libertatem, qui bona ipsius inuadit, & occu-
pat, & in suos vsus conuertit, in sui defensionem
minimè super hoc auditur appellans, multo minus
pro eo appellātes. Ergo nec domino regi suffragatur
appellatio à vobis pro ipso edita, nec vobis prodest
pro ipso emissā. Vnde si hoc casu appellare non pōt
nec mādare, sic nec vos super hoc mandatū ab ipso
accipere.

accipere. Adiicimus & vos in parte ista nullatenus eius gerere posse negotium. Nemo enim episcoporum alterius contra se negotium gerere potest: maxime in oppressione ecclesiae cuius ipse defensor est: & praesertim ut generaliter laedatur ecclesiae conditio. Ergo si nec vestra interest appellare, nec super hoc mandatum valetis suscipere, nec alienum gerere negotium; non auditur appellatio vestra nec de iure tenet.

Est ne ista deuotio, & consolatio vestra; hincine fraternae charitatis affectus Metropolitano vestro pro vobis omnibus exulanti à fraternitate vestra exhibitus? Indulgeat vobis Deus hanc inclementiam. An ignoratis fratres quod chaos magnum in fraudem legis & canonum inter nos & vos fixatum sit, ut non possit aliquis de nostris sine discrimine capitis, vel captionis, vel truncationis membrorum ad vos transire? etsi de vestris aliqui liberius possent si vellent transmeare ad nos. Et idcirco miramur quem ordinem exigitis, ubi nullus ordo circa nos, circa ecclesias, vel ecclesiasticas personas, sed horror (qui utinam sempiternus non sit) & iniuriae observantur, quum spoliati simus & nostri; quorum quidam tam clerici quam laici capti redempti sunt: cumque post istam quam dicitis appellationem edictum generale sit propositum, sicut dicitur, ut nemo de nostris inuentus sit in terra ista qui non capiatur: nemo vestrum vel aliorum amicorum nostrorum, literas nostras vel nuntios audeat suscipere. Est haec reuerentia Appellationi debita exhibita & observata? infra cuius tempus, si iusta est, nil innouari oportet? Vos ipsi videritis. Quo ergo iure, quo ordine desideratis à nobis literas vestras & nuntios benigne suscipi & audiri? Non tamen hoc ideo dicimus quicquid vobiscum agatur & cum nostris, ut quicquam circa personam

Dominique

*Expositio
grauiter cum
suis suffraganeis.*

*Comparant
Regis gra-
tiam eccle-
siae dispendio.*

*Promotionē
suam defen-
dit.*

*Ad obiecti-
onem dege-
neris igno-
bilitate.*

effugietis de facili. Consulite etiam Domino Regi, qui eius comparatis gratiam ecclesiae dispendio; ne (quod absit) pereat ipse & domus eius tota, sicut ipsi periere qui in consimili deprehensi sunt delicto. Si verò ab hoc incæpto non destiterit, qua animi conscientia non puniemus ista? Qua puritate conscientiae ista dissimulabimus? Dissimulet quidem qui hanc habet dissimulandi auctoritatem: non ego; ne veniat in animam meam ista dissimulatio. Innuitis literis vestris, imò aperte dicitis, me reclamante regno, ecclesia suspirante & ingemiscente, fuisse promotum. Scitis quid dicit veritas? O: quod mendacium scienter loquitur occidit animam. verba verò sacerdotis semper debent comitem habere veritatem. Deus bone, Nunquid nō erubescet aliquis de plebe ista dicere? Consulite conscientias vestras. Aduerite formam electionis: Assensum principis per filium suum & per eos qui ad hoc missi sunt. Filii & cum omnibus regni primatibus. Si aliquis eorum contradixit, si reclamauit vel in aliquo loquatur qui nouerit: dicat qui conscius est. Si verò turbatus iam fuerit aliquis, non dicat pro sua molestia, toti regno & ecclesiae factam fuisse iniuriam. Literas quoque domini regis & omnium vestrum diligentius attendite, postulantes nobis cum magna instantia pallium & obrinuisse, sic se habet rei veritas. Verum si quem torfit inuidia, si quem affixit ambitio, si cui tam pacifica, tam legitima, tam sine contradictione facta electio, dolorem & amaritudinem impressit animi, catenus ut ob hoc machinetur & velit turbare omnia, indulgeat ei Dominus & non imputet, eoque suam minimè culpam taceat, suamque animi indignationem in conspectu omnium publice confiteri non erubescat. Dicitis me de exili sublimatum ab ipso in gloriam. Non sum reuera atavis editus

editus regibus. Malo tamen is esse in quo faciat sibi genus animi nobilitas, quàm in quo nobilitas generis degeneret. Fortè natus sum de paupere tugurio. Sed cooperante diuina clementia quæ nouit misericordiam facere cum seruis suis, quæ elegit humilem vt confundat fortia, in exilitate mea antequam accederem ad Regis obsequium; satis copiosè, satis abundanter, satis honorificè sicut ipsi nouistis (prout abundantius inter vicinos meos & notos cuiuscumque conditionis fuerunt) conuersatus sum. Et Dauid de post fætantes assumptus constitutus est vt regeret populum Dei: cui aucta est fortitudo & gloria quoniam ambulauit in viis domini. Petrus verò de arte piscatoria electus factus est ecclesiæ princeps, qui sanguine suo meruit pro nomine Christi in cœlis habere coronam & in terris nomen & gloriam. Vtinam & nos similiter faciamus. Successores enim Petri sumus non Augusti. Nouit Dominus quo intuitu nos ipse desiderauerit sublimari. Respondeat ei sua intentio: & nos respondebimus ei pro officii nostri debito: fidelius per misericordiam Dei in seueritate, quàm qui blandiuntur ei in mendaciis. *Meliora enim sunt verba amici quàm fraudulenta oscula inimici.*

Optat Martirium.

Seueritatis cultor.

Impingitis nobis ingratitude notam per quandam insinuationem. Credimus quia nullum peccatum criminale est quod imponeret infamiam, nisi processerit ex animo. Vnde si quis homicidium inuitus commiserit, etsi homicida dicatur & sit, non tamen homicidii reatum incurrit. Sic dicimus. Etsi Domino nostro regi obsequium debeamus iure dominii, etsi teneamur ad reuerentiam præstandam iure regio, etsi Dominum sustinui, si filium paterno affectu conuenimus, si in conuëtu non auditi & dolentes necessitate officii seueritatis censuram exercemus; plus credimus nos pro

Quod Regi non fuerit vel inobediens vel ingratus.

*Iure pater-
nostri patro-
natus Chri-
sto obedi-
entiam, magis
quam Regi.*

ipso facere & cum ipso quam contra ipsum : plus ex eo promereri gratiam quam ingratitudinis notam vel poenam ; Sæpissimè cetèrè beneficium confertur inuito. Vnde commodius prospicitur eius indeiunitati qui , & non aliàs , urgente necessitate reuocatur à perpetrat-one delicti. Præterea defendit nos ab ingratitudinis nota pater noster & patronus, qui est ipse Christus. Iure paterno tenemur ad eius obedientiam, qua non obseruata puniemur iusta exhæredationis poena. Potest enim pater exhæredare filium ex certa causa. Ipse enim dixit. *Si non annuntiaueris impio iniquitatem suam, & moriatur in delicto suo, sanguinem eius de manu tua requiram.* Ergo si delinquentem non conuenimus, si non audientem non corripimus ; committimus in mandatum & tanquam inobedientiæ rei iure exhæredamur. Iure patronatus quo eius sumus liberti : quoniam *quum essemus serui peccati facti, sumus liberi iustitia* per eius gratiam , obligamur ei ad reuerentiam & obsequium. Vnde quoniam nemini nisi ei salua fide tenemur obnoxii , si fit contra eum in dispendium ecclesiæ pertinaciter , merito si non punimus commissum , pro ea parte sollicitudinis in quam vocati sumus, collatum reuocabit à nobis ob ingratitudinem solus ipse beneficium : ex quo verè apparebimus ingrati. Proponitis nobis periculum ecclesiæ Romanæ ; iacturam temporalium ; periculum quidem nostrum & nostrorum ; nec fit mentio de periculo animarum. Intentatis nobis etiam comminatorium de recessu Domini nostri regis (quod absit) à fidelitate & deuotione Roman. ecclesiæ. Absit inquam vt vnquam Domini nostri regis deuotio & fides ob temporale commodum vel incommodum à fidelitate & reuerentia Romanæ discedat ecclesiæ. Quicquid criminale & dâmnabile esset in priuato, nedum in

*Ad obiectio-
nem de pe-
riculis.*

*Schisma
Anglicanum*

In principe qui multos secum trahit post se. Absit etiam quod quis vnquam eius fidelis hoc vnquam cogitare debeat, ne dum dicere: subditus aliquis, nedum episcopus. Videatque vestra discretio, ne oris vestri verba inficiant aliquem vel plures in animæ suæ dispendium & damnationem, ad instar calicis aurei qui dicitur babylonis interius, & exterius veneno illiniri: de quo quū quis biberit non timeat venenum quum viderit aurum; & sic in publicum veniat vestri operis effectus. Ille enim qui non fallitur, opus furtibum producit in lucem, & machinationes denudat iniquas. In tribulatione quidem & sanguinis effusione consuevit ecclesia crescere & multiplicari. *Proprium enim est ecclesia ut tunc vincat quum arguitur; tunc obtineat quum ladicur; tunc intelligat quum deseritur.* Nolite ergo fratres super ipsam flere, sed super vos ipsos: qui facitis vobis nomen sed non grande ex hoc facto & dicto in ore omnium: qui prouocatis in vos Dei odium & vniuersorum; qui paratis innocenti laqueum; qui cuditis nouas & ingeniosas rationes in subuersionem libertatis ecclesiæ. Fratres per misericordiam Dei laboratis in vanum. Stabit enim ipsa ecclesia, etsi sæpius concussa, in ea fortitudine & firmitate in qua firmiter fūdāta est donec veniat generale dissidium, donec filius ille perditionis surgat: quem non credimus de partibus occidentalibus ascensurum, nisi peruerse mutatus fuerit ordo rerum, & series scripturarum. Si verò de temporalibus agatur, plus timere debemus iacturam animæ quàm temporarium. Scriptura verò dicit. *Quid prodest homini totum mundum lucrari, anima verò sustinere dispendium?* Periculum vtrique nostrum & nostrorum penitus abiicimus. Non enim timendus est ille qui corpus perdit, sed qui corpus & animam.

parturiens per S. Thoma constatiam abortum fecit.

Hilarius de Trinit. l. 7.

Oportet enim bonum Pastorem.

*Ad obiectio-
nē de quo-
rūdam ex-
communi-
catione.*

Arguitis nos super suspensione venerab. fratris nostri Sarisberiae, & excommunicatione Ioannis illius schismati exdecani; prius (vt dicitis) inflicta poenaliter quā de cognitione processa legitimē, quā de ordine iudiciorum canonicē prodita. Respondemus quoniam vtrumque istorum iusta notaui poenae sententia: illum suspensionis, excommunicationis istum. Si perfectē tenetis negotii seriem, si rectē attenditis iudiciorum ordinem, non erit vt credimus hāc vestra sententia. Hoc quidem habet authoritas quae vos latere non debet, quoniam in manifestis & notoriis non desideratur ista cognitio. Perpendite diligentius quid actum sit à Sarisburiensi super decanatu post Domini Papae prohibitionem & nostram sub excommunicatione factam: & tunc rectius intelligetis, si de manifesta inobedientia suspensio rectē sequatur. Vnde beatus Clemens. *Si praelatis suis non obediuerunt cuiuscunque ordinis vniuersi, omnesq; principes tam inferioris quam superioris ordinis atque reliqui populi, non solum infames sed & extorres à regno Dei & consortio fidelium, & à luminibus sanctae Dei ecclesiae alieni erunt.* De Ioanne de Oxenford dicimus quod diuersis modis excommunicantur diuersi. Alii lege eos denuntiantē excommunicatos. Alii sententia notati: Alii communicatione & participatione excommunicatorum. Illum verò quoniam incidit in haeresim damnatam, communicando schismaticis, & Domini Papae excommunicatis, reatumq; & maculam excommunicationis in se contraxit, quae pestis more leprae inficit & intingit, consimilique poena & facientes & consentientes confundit; & quoniam contra Domini Papae mandatum expressum & nostrorum sub anathemate, decanatum Sarisburiae excommunicatus vsurpauit, denuntiauius, & excommunicauimus & excommuni-

municatum firmiter tenemus : & quod de eo factum est in decanatu & super decanatu cassauimus & cassatum tenemus ; sicut & Dominus Papa iam ipsemet cassauit auctoritate octauæ Synodi, cuius hæc est sententia. *Si quis palam vel abscondè cum excommunicato locutus fuerit, aut iunctus communionē, statim in se cōtrahat excommunicationis poenam.* Et Concilium Carthaginense dicit. *Qui communicauerit cum excommunicato, si clericus est deponatur.* Videat ergo discretio vestra ne quis vestrum cum eo communicauerit. Calixtus enim Papa dicit, *Excommunicatos quosque à sacerdotibus nullus recipiat ante vtriusque partis examinationē iustam : nec cum eis in oratione aut cibo , aut potu aut osculo communicet : nec Aue eis dicat : quia quicumque in his vel aliis prohibitis scienter excommunicatis communicauerit, iuxta Apostolorum institutionem & simili ipsi excommunicationi subiacebunt.* Hic est ordo canonicus, non canonibus (vt credimus) incognitus, sed auctoritate canonica fultus. Et ne miremini si quandoque condemnatur absens, legite Paulum; qui absens publicè fornicantē cum nouerca sua non conuictum testibus, non cōfessum, etiam absentem, cuius crimen omnes sciebant & non arguebant (sicut vos istius, quem non de iure defendit regia potestas) eiecit à cætū fidelium & iudicauit tradi eum Satana in interitum carnis, ut spiritus saluus fieret, sicut nos istum. Cæterum quia hoc tempore in partibus istis multa huiusmodi & satis grauiā in absentia nostra sunt enormia, quæ de cætero licet absentes corpore, præsentem tamen auctoritate, salua animi nostri conscientia præterire non debemus nec possumus incorrecta, tibi frater Lundoniarum, qui nosse debueras illud Gregorii septimi; *Si quis episcopus fornicationi presbyterorum, diaconorum, vel crimini incestus in sua*

E s parochia,

parochia, precio, precibus siue gratia interueniente consenserit, vel commissum auctoritate sui officij non impugnauerit, à suo suspendatur officio; illudque Leonis: Si qui episcopi talem consequuntur sacerdotem qualem esse non liceat, etiam si aliquo modo damnum proprii honoris euaserint, ordinationis eius ulterius non habebunt; nec illi unquam sacramento intererunt, quod iuramento praestiterunt; quoniam in istorum sententiam canonum sicut pro certo audiuius deliquisti dupliciter; mandamus tibi, & in virtute obedientiae mandando iniungimus, quatenus si ita, & infra tres menses post nostrarum susceptionem literarum, venerabilium fratrum nostrorum coepiscoporum consilio de tanto excessu sic studeas te offerre correctioni & satisfactioni; ne ceteri tuo exemplo in consimile delictum incidant; & & nos pro negligentia tua debeamus tibi seuerius proponere mandatum.

De appellatione episcoporum contra ipsum.

Opponitis nobis contra metum grauaminum, non remedium per appellationem sed impedimentum, quo minus (sicut intelligimus) exerceamus aduersus malefactores, inuasores bonorum ecclesiasticorum; disciplinae censuram ecclesiasticae, ne in Dominum nostrum regem vel terram suam, in personas vestras & ecclesias aliquid statuamus, & eo ordine quo progressi sumus contra Saresburiensem, sicut dicitis, & eius exdecanum, Absit à nobis ut aliquid in eum vel terram suam, in vos & ecclesias vestras inordinate statuerimus vel statuamus. Sed quid est si eo delinquatis modo vel consimili quo iam deliquit Salisburiensis? Nunquid hac appellatione potestis suspendere auctoritatem nostram ne in vos aut ecclesias vestras seueritatis disciplinam exerceamus, si delicti enormitas hoc exigat? Aduertite diligentius, si haec sit legitima appellatio, & quae sit haec appellationis forma. Sci-
mus

mus quia omnis appellans aut suo nomine appellat aut alieno. Si suo, aut à grauamine quod ei infertur, aut quod timet sibi inferri. Certum teneamus quod nullum grauamen vobis (Deo gratias) adhuc à nobis illatum est, vnde debeatis ad appellationis confugere remedium. Nec credimus vos ad præsens habere causam aduersum nos aliquam, quæ specialiter vestra sit. Si contra metum grauaminum, ne quid de cætero statuam in vos vel ecclesias vestras, videte si sit iste metus qui debeat venire in homines constantissimos: Si hæc sit appellatio quæ debeat suspendere omnem auctoritatem & potestatem nostram, quam habemus in vos & ecclesias vestras. Creditur verò à sapientibus, credimus & nos eam nullius esse momenti: tum quia formam appellationis habere non videtur, tum quia rationi consentanea non est; imo totius iuris penitus auxilio destituta. Si alieno appellastis nomine, aut Domini regis, aut alterius. Si Domini regis, certe nosse debuerat discretio vestra, quoniam introductæ sunt appellationes ad pulsandam iniuriam non ad inferendam: ad subleuandos oppressos, non ad amplius opprimendos. Vnde si quis non confidentia iustæ causæ, sed causa afferendæ moræ, ne contra eum feratur sententia, appellauerit, huiusmodi appellationem cenfeo non esse recipiendam. Quis enim erit ecclesiæ status si subuersa eius libertate, si rebus eius occupatis & detentis, episcopis à sede propria expulsis, vel non pacificè cum omni securitate omniumque ablato- rum restitutione admissis, raptores, occupatores, inuasores, ne coërceantur licitè appellauerint, & se defenderint per appellationem? Quæ erit ista ecclesiæ destructio? Videte quid egeritis, quidque dicatis. Nonne vicarii Christi estis? Nonne vices eius in terra geritis? Nonne vestrum est cōuenire, corripere,

In qua causa potest appellari.

Episcopi Angli appellauerunt contra Archiepiscopum suum in fauorem sacrilegorum & raptorum.

Nota.

*Episcopi ap-
pellarunt cō-
tra seipsos.*

*Qui admit-
tuntur ad
appellandū.*

ripere, coercere malefactores, ut vel sic desistant ecclesiam Dei persequi? An non satis est si ipsi sa-
uierint in ecclesiam, nisi & vos pro eis vobis ipsis
& ecclesiae in eius perniciem opponatis? Quis un-
quam audiuit hæc mirabilia? Et audietur, & præ-
dicabitur in omni populo & gente, suffraganeos
Cantuariensis ecclesiae, qui cum Metropolitano
suo ob defensionem ecclesiae eiusque libertatis de-
berent viuere & mori, omniaque sustinere dispen-
dia, velle ad mandatum regium quantum in ipsis
est, suspendere potestatem ipsius & auctoritatem,
ne seueritatis disciplinam exerceat in delinquentes
aduersus ecclesiam Vnum certè scio. Duorum
personam simul gerere non rectè potestis, appel-
lantium & appellatorum Vos estis qui appellastis:
vos estis aduersum quos appellatur. Nonne una
est ecclesia? & vos de corpore eius estis? En certamē
satis legitimum, satis canonicum, ut qui membra
sunt ecclesiae in eant certamē cum capite suo quod
est Christus. Timeo fratres ne (quod absit) dicatur
de nobis. *Isti sunt sacerdotes qui dixerunt: Vbi est
Dominus? & tenentes legem nesciunt eam.* Præter-
ea discretionem vestram latere nō credimus, quo-
niam non solent audiri appellantes, nisi quorum
interest, aut quibus mandatum est, aut qui nego-
tium gerunt alienum. Interest ne vestra ut non co-
erceantur delinquentes aduersus ecclesiam? Absit.
Imo certè contrarium Si vero is qui subuertit ec-
clesiae libertatem, qui bona ipsius inuadit, & occu-
pat, & in suos vsus conuertit, in sui defensionem
minimè super hoc auditur appellans, multo minus
pro eo appellātes. Ergo nec domino regi suffragatur
appellatio à vobis pro ipso edita, nec vobis prodest
pro ipso emissā. Vnde si hoc casu appellare non pōt
nec mādare, sic nec vos super hoc mandatū ab ipso
accipere.

accipere. Adiciamus & vos in parte ista nullatenus eius gerere posse negotium. Nemo enim episcoporum alterius contra se negotium gerere potest: maxime in oppressione ecclesiae cuius ipse defensor est: & praesertim ut generaliter laedatur ecclesiae conditio. Ergo si nec vestra interest appellare, nec super hoc mandatum valetis suscipere, nec alienum gerere negotium; non auditur appellatio vestra nec de iure tenet.

Est ne ista deuotio, & consolatio vestra; hincine fraternae charitatis affectus Metropolitano vestro pro vobis omnibus exulanti à fraternitate vestra exhibitus? Indulgeat vobis Deus hanc inclementiam. An ignoratis fratres quod chaos magnum in fraudem legis & canonum inter nos & vos fixatum sit, ut non possit aliquis de nostris sine discrimine capitis, vel captionis, vel truncationis membrorum ad vos transire? et si de vestris aliqui liberius possent si vellent transmeare ad nos. Et idcirco miramur quem ordinem exigitis, ubi nullus ordo circa nos, circa ecclesias, vel ecclesiasticas personas, sed horror (qui utinam sempiternus non sit) & iniuriae observantur, quum spoliati simus & nostri; quorum quidam tam clerici quam laici capti redempti sunt: cumque post istam quam dicitis appellationem edictum generale sit propositum, sicut dicitur, ut nemo de nostris inuentus sit in terra ista qui non capiatur; nemo vestrum vel aliorum amicorum nostrorum, literas nostras vel nuntios audeat suscipere. Est haec reuerentia Appellationi debita exhibita & observata? infra cuius tempus, si iusta est, nil innouari oportet? Vos ipsi videritis. Quo ergo iure, quo ordine desideratis à nobis literas vestras & nuntios benignè suscipi & audiri? Non tamen hoc ideo dicimus quicquid vobiscum agatur & cum nostris, ut quicquam circa personam

*Expostulatio
grauiter cum
suis suffra-
ganeis.*

Dominum

*Sustinet Re-
gem coer-
cendum esse*

Domini regis vel terram suam , circa personas & ecclesias vestras vnquam inordinate fecerimus, vel per Dei misericordiam facturi simus. Credebamus quidem si rectè intelligitis, si cupitis vtiliter ecclesiæ subuenire, de nimis ordinata & longa patientia magis à vobis culpari , quam de seueritatis mora commendari. Mora enim trahit ad se periculum: quia nimis ordinata patientia plus habet remissionis quàm commendationis , plus vitii quam virtutis. Et inde est quod breuiter vobis dicimus & affirmamus cōstanter, Dominum nostrum regem nullatenus fore iniuste grauatum , si aduersus eum à Domino Papa & à nobis ipsi legitimè literis & nuntiis ac sapissimè conuentum, satisfacere quum possit nolentem , seueritatis censura processerit. Non enim iniuste grauatur quem ius punit legitimè. Et vt omnia breuissimo fine concludam, certum tenete quia raptores , inuasores , occupatores bonorum ecclesiæ , eiusque libertatis subuersores nec tueretur Iuris authoritas , nec appellatio defendit. Propterea fratres, si cupitis ei prodesse, prout iustum est, quod & nos cupimus (nouit Deus quī scrutator est cordium) illo procurate ei subuenire modo quo non offendatis in Dominum , non in ecclesiam , non in ordinem vestrum : quo & expeditius & salubrius animæ suæ periculum quod iam in foribus est, valeat euadere. Hæc iccirco dixerimus si inspirante ei diuina clementia de consilio vestro satisfecerit ecclesiæ , quæ gaudebit de filii sui reuersione , & cum gratiarum actione ac deuotione multiplici parata fuit & est semper eum suscipere. Gaudebimus & nos. Iudicium verò vestrum quo dicitis eum satisfacere volentem , paratum etiam satisfacere , si super aliquo de libertatibus ecclesiæ inter ipsum & nos (sicut dicitis) orta est contentio (quod quidem satis miramur si ali-

*Episcoporum
frivola Re-
gis excusa-
tio.*

si ali-

si alicui vestrum hoc est indubium, quum toti fere mundo sit notum) quia non est consentaneum rationi, imò penitus luri contrarium, si non suscipimus; imò quia non suscipimus, in quo delinquimus? Estne causa ista sufficiens, est ne preemptoria, quo minus sæpissimè & canonicè conuentus non satisfaciens, iniurias addens iniuriis, seueritate diuina coerceatur? Absit. Scimus enim vos nulla ratione in hac causa, Iudicis officio inter ipsum & nos fungi posse: Tum quia aduersarii eius estis & esse debetis in ea, ob defensionem libertatis ecclesiæ (cuius partis defendendæ officii vestri necessitate cura vobis commissa est & sollicitudo credita, quam si negligenter omittitis, si periculosè dissimulatis, vos ipsi videritis) tum quia non legimus superiores ab inferioribus, Metropolitanos maximè à suis suffraganeis iudicari posse: tum quia nobis & ecclesiæ quidam vestrum suspecti sunt; vtinam non omnes, diuersis rationibus quas in præsentī tacemus. Audiat itaque Dominus meus postulationem fidelis sui, consilium episcopi, patris exhortationem, vt beneficiat ei Dominus & augeat dies suos & annos, & filiorum suorum in tempora longa. Permittat ecclesiam frui pace & libertate sub ipso tanquam sub rege Christianissimo. Ecclesiam Romanam vt iure & libertate in terra sua quam habere debet & habet in cæteris regnis. Restituat Cantuariæ ecclesiæ & nobis iura sua & libertates, & omnia ablata cum pace & securitate nostra vt liberè & quietè possimus Deo militare sub ipso: & ipse debeat obsequio nostro vt prout ei placuerit: * *saluo honore Dei & ecclesiæ Romanæ & ordine nostro.* Istæ sūt dignitatis regiæ leges optimæ quas petere debet & obseruare rex christianissim⁹, quib⁹ gaudere debet & florere sub ipso ecclesia.

Istæ

*Hortatur
Regem ad
resipiscētiā.*

1.

2.

3.

* *Iustissima
S. Episcopi
exceptio.*

Istæ sunt leges obtemperantes legi diuinæ , non derogantes : quas qui non obseruauerit , inimicus Dei constituitur. *Lex enim Domini immaculata cōuertens animas.* De legibus enim suis dicit Dominus. *Leges meas custodite.* Et propheta *Va qui con- dunt leges iniquas , & scribentes scripserunt iniustitias. Vt opprimerent pauperes in iudicio , & vim facerent causa humilium populi Dei.* Non erubescat ergo Dominus meus redire ad cor ; humiliari in cordis contritione , & humilitatis mansuetudine coram Domino satisfacere ei & ecclesiæ suæ de iniuriis illatis. *Cor enim contritum & humiliatum Deus non despiciet,* sed amplectitur sincerius : sicut & S. David, qui cum peccasset, humiliavit se coram domino , petiuit misericordiam & obtinuit veniā. Sic & Rex Niniue & ciuitas tota cum interminata esset ei subuersionis seueritas, quoniam in cinere & cilicio humiliavit se Domino, mutata sentētia meruit ultionis censuram contritione cordis & lachrymarum compunctione redimere. Non enim hæc fratres vobis scribimus vt facies vestras cōfundamus , sed vt lectis literis nostris & intellectis valeatis & velitis officii vestri necessitates fortius & validius exercere. Optamus vos de cætero melius agere , vt sit nobis pax celsior & libertas amplior ecclesiæ. Orate pro nobis vt non deficiat in tribulatione ista fides nostra , & securè possimus dicere cum Apostolo, quia neque mors neque vita , neq; angeli , neque aliqua creatura poterit nos separare à charitate Dei, quæ subiecit nos tribulatione, donec veniat qui venturus est ; qui faciet nobiscum misericordiam suam, & ducet nos in terram promissionis, terram fluentem lacte & melle, quam non dabit nisi diligentibus se. Valete omnes semper in Domino : & instantius oret (petimus) pro nobis tota Anglicana ecclesia.

Thomas

THOMAS DEI GRATIA CANTUAR.

*Archiepiscopus & Apostolica sedis legatus**Venerab. fratri Richardo Con-**entoensi episcopo*

SALVTEM.

Scripseramus vobis & aliis fratribus nostris
 ut suspenderetis denuntiationem excommu-
 nicatorum nostrorum, donec innotesceret an
 Nuntii Domini papæ quæ ad reformationem pacis
 ecclesiæ venerant, possent eam iuxta formam quæ
 Dominus papa præscripserat impetrare à Domino
 rege. Sed quia Dominus rex mandatis Apostoli-
 cis non acquiescit, & Nuntii infecta pace reuertun-
 tur, vobis in virtute obedientiæ præcipiendo man-
 damus, quatenus præfatos excommunicatos no-
 stros, scilicet Gaufridum Cātuar. Archidiaconum,
 Robertum vicarium eius, Richardum de Welce-
 stria, Wilhelmum Giffart, Ioannem Cumin, Ni-
 gellum de Sacauilla, Richardum de Luci, Adam
 de Cerringis, Thomam filium Bernardi, denuntie-
 tis excommunicatos esse: & eos per parochiam ve-
 stram, prout canonum censura præscribit, præci-
 piatis ab omnibus fidelibus euitari. Similiter de-
 nuntiate excommunicatos esse qui ecclesias aut
 officia vel beneficia ecclesiastica contra sacrorum
 canonum institutionem de manu laicorum acci-
 piunt; & qui Nuntios Domini Papæ vel nostros ne
 ecclesiæ necessitates prosequantur, impediunt: &
 qui personas ecclesiasticas diuina celebrare contra
 prælatorum suorum obedientiam cogunt: quia om-
 nes istos iusto anathemate Catholica & Aposto-
 lica damnat ecclesia. Vale.

*De quorum-
 dam exco-
 municatio-
 ne.*



EX CODICE M. S.
EPISTOLARVM 194. PE-
TRI Blesensis Archidiaconi Ba-
thoniensis.

CONSOLATIO IN EXILIO B. THOMÆ
ARCHIEPISCOPI CANTUAR.

*Charissimo amico suo M. Ioanni de Salesberia
Petrus Blesensis Bath. Archid. Salutem in
auctore Salutis.*

Epist. 22.



Voties communes ecclesiæ Anglica-
næ pressuras Dominique vestri Tho-
mæ Cantuar. Archiepiscopi exilium
diligenter attendo, plurimum mihi
cedit ad solatium quod pro iustitia
Dei & pro ecclesiæ libertate se murum opponit; &
ex ipsa persecutione hac finem merebitur glorio-
sum. Video quia positi estis inter malleum & incu-
dem; & assiduè supra dorsum vestrum fabricant
peccatores. Veruntamen si in Christo & pro Chri-
sto pugnatis, ipse non permittet vos tentari supra
id quod potestis ferre; sed faciet cum tentatione
prouentum: tolletque Dominus virgam peccato-
rum desuper sortem iustorum vt non extendant
iusti ad iniquitatem manus suas. Si veritas non
mentitur, vestræ persecutionis exitus beatitudo in-
terminabilis erit. *Beati* (inquit Christus) *qui perse-*
cutionem

executionem patiuntur propter iustitiam. Petrus Apostolus dicit. *Nemo ex vobis patiatur quasi homicida aut fur, aut maleficus aut alienorum appetitor.* Martyrium enim facit non poena sed causa: Sicut Apostolus ait. *Sed & si quid patimini propter iustitiam beati.* Donum quidem Dei est, sed & donum optimum pro Christo contumelias sustinere. *Vobis* (inquit Apostolus) *donatum est pro Christo, non solum ut in illum credatis sed ut etiam pro ipso patiamini.* Vobis itaque congratulor quia iustitiam in iudiciū conuertistis, quia iniquorum rebellionem atque contumaciam suspensionis animaduersione deprimitis, si tamen hoc facitis rationis & iustitiæ motu, non zelo ultionis aut aliæ iniuriæ appetitu. Nihil quæso faciatis ex rancore vel odio: sed omnia vestra in charitate fiant. Nec enim ex persecutione hac salutis manipulos colligetis, nisi tota intentio vestra procedat ex intimo charitatis. Porro cum per clibanum iracundia siue persecutio in sacra pagina designetur; in leuitico docemur sacrificium quod in clibano coquendum est, prius aspergere oleo charitatis ne comburatur. Illius enim animus qui ad tolerantiam persecutionis se præparat, prius demulcendus est oleo charitatis, ut nec in aduersis à charitate deficiat, nec aduersus fratrem suum zelo ultionis aut odio inardescat. Meritoriū igitur vobis est atque apud Deum & homines commendabile, si inobedientiam subiectorum iustitia mediante compescitis. *Beati enim qui custodiunt iudicium & faciunt iustitiam in omni tempore.* In executione quidem iustitiæ non debet esse personarum acceptio aut delectio. Si sit frater aut filius; si sit prælatus aut subditus; semper quætur fructus iustitiæ: *semper iusto iudicent qui iudicant orbem terra.* Nam quum Leuitæ occidentes fratres & filios suos vlti essent peccatum idolo-

*Seneritas
disciplina
ex charitate
exercenda*



*S. Thoma
fortitudo
episcopalis
laudatur.*

latriæ, ait illis Moyſes. *Conſecraſtis manum veſtram hodie; unusquisque in fratre ſuo & in filio ſuo, ut detur votis benediſſio.* Plurimum quidem commendabile eſt in Domino veſtro, quod ſic ſolus aſcendit ex aduerſo, quod opponit ſe murum pro domo Iſrael; & arguit pro manſuetis terræ. Ieſum habemus hodie ſingularem & vnicum inter filios excuſſorum. Pro patribus noſtris natus eſt nobis filius, qui exemplo Apoſtolorum ſolus hodie facit vindictam in nationibus, increpationes in populis. Et ſicut illi principes populorum qui modo cōgregati ſunt cum Deo Abraham pro iuſtitia Chriſti, tanquam dii fortes terræ vehementer eleuati ſunt; ſic & honor iſtius, ſi in exhibitioe iuſtitie perſeuerauerit, eleuabitur in immenſum. Quod enim nunc exulat, quòd multa in eius cōtumeliā attentantur, ei totum in gloriā beneficio patientiæ conuertetur. *Quod leue eſt & momentaneum tribulationis noſtræ* (ait Apoſtolus) *immenſum gloria pondus operatur in nobis. Exhibeatis vosmetipſos tanquam Dei miniſtros in multa patientia.* Nam virtus eſt vidua quam non patientia firmat. Et quis à primitiuis eccleſiæ cunabulis ſine patientia triumphauit? Sanè licet plurimum habeat de ſpiritu fortitudinis Dominus veſter, dicitur tamē quòd propter coronationem noui regis Anglorum ab * Eboracenſi factam, atque ob quædam priuilegia, ſicut dicunt, contra ipſum ſubreptitiē impetrata adeo turbatus eſt, quòd à puſillanimitate ſpiritus & tempeſtate pene moti ſunt pedes eius, pene effuſi ſunt grefſus ſui. Veruntamen vos qui eſtis manus Archiepiſcopi & oculus eius, ſanctis exhortationibus veſtris, confortate manus diſſolutas & genua debilia roborate. Non eſt mirum ſi turbetur à tribulationibus & preſſuris. Veruntamen ſi totus innitatur, totus inhæreat ei qui in electis ſuis mittit radi-

*Nona offenſio
ſuo Archiep.
exulis.*

** Idque in
Prouincia
Cātuariēſ.*

radices, omnem ventum tentationis & turbinis securus excipiet. Certè patres antiqui quum essent quandoque inter angustias frequenter tædio sunt affecti. Vnde & fortis illa tolerantia passionum qua feruebant in Domino, tepere & torpere videbatur ad tempus donèc induti virtute ex alto per gratiam diuinæ consolationis in spiritu fortitudinis resurgebant. Elias fugiens à facie Isabel & affectus tædio huius vitæ proiecit se subter vnam iuniperum petiitque animæ suæ vt moreretur. *Sufficit* (inquit) *mibi, Tolle animam meam.* Apostolus etiā simili tædio intabescens, *supra modum*, inquit, *grauati sumus ita vt taderet nos vinere.* Propheta hæc tædia frequenter expertus, dicit. *A fortitudine manus tua ego defeci, & tabescere fecisti sicut araneam animam meam.* Porro charitas in eis inualecebat ex tædio, & ex ipsa infirmitate fortitudo crescebat. Quod alicui fortè incredibile videretur, nisi Apostolus, qui frequenter hæc in libro experientiæ legerat, testimonium super hoc ferret. *Quando enim* (inquit) *infirmior tunc fortior sum.* Sed & ei dictum est, quia *verum in infirmitate perficiuntur.* Si ergo propter ingruentiam malorum quæ sustinet Dominus vester, & pro suorum desolatione, & pro exiliū huius diuturnitate, videritis ei torporem mentis obrepere, sitis ipsi solatio ne desperet; ne titubet. In proximo enim est tempus visitationis suæ. Nam si mirabiles sunt elationes maris, mirabilis est in altis Dominus qui procellam conuertit in auram, & indignationem regis in gratiam. Per legatos Apostolicæ sedis intellexi, cum quibus à Romana curia vsque ad Bononiam veni; vel Anglorum regi in proximo firmissimè reconciliabitur, vel ad maioris Patriarchatus eminentiam transferetur. Sane qualitercunque voluerit Dominus negotium eius disponere, si talis perseverat qualis est hodie, securus

Sancti interdū in tribulatione deficiunt.

S. Thomas ad maiore Patriarchatum eius. hendus.

rus expectet exitum huius pugnae. Ideoque voces palplantium non attendat ; sed sequatur spiritum Dei qui in eo est: & quocunque ibit Spiritus, & rotae pariter gradiantur. Scio enim quod gloriosius erit sui certaminis cursus, si tantummodo perseueret in eo quem cepit fortitudinis & constantiae statu. *Qui enim legitime certauerit coronabitur.* Quumque omnes virtutes currant ad brauium, sola perseuerantia coronatur. Rogo autem vos tanquam Dominum & magistrum meum ut me de vestro & ipsius statu frequenter instruatis. Nam quum aliud non possim, oro iugiter pro vobis, ut praeueniente Altissimi gratia, regis Anglorum gratiam, vestrarumque rerum liberam administrationem obtinere possitis. Librum vestrum de nugis curialibus legi & mirabiliter me refecit. Nam & ibi optima forma eruditionis est, & propter artificiosam sententiarum varietatem, inaeestimabilis materia voluptatis. Bene valete.

*Li. de nugis
curialibus
citatur Gesne-
rus.*

CONSOLATORIA SVPER MORTE B. Thomae Cantuariensis Archiepiscopi.

Epist. 27.

*Charissimis fratribus & amicis suis Canonicis de
Vello mag. Petrus Blesensis Bathon. Ar-
chidiac. salutem & dilectionem.*

*Epist. elegan-
tissima di-
uina eloqui-
um plena.*

DEcessit pastor animarum nostrarum, cuius obitum flere decreueram: sed recessit non decessit; abiit non obiit. Mors ei per quam mirificauit Dominus sanctum suum, non est mors sed dormitio, portus mortis & porta vitae: introitus in delicias caelestis patriae, in potentias Domini, in abyssum claritatis aeternae. *Peregredis siquidem profectum sacrum pecunia secum detulit, in plogilunia re-
uersu-*

perforatus. Eius enim anima diues meritis recedens à corpore, in resurrectione generali & plena ad antiquum hospitium reuerteretur. Cum multas virtutes quasi merces varias in vnum fasciculum comportauerit ad nundinas cælestes profecturus, plena dierum vetula mors, seculi scilicet anus improba, litigiosa, querula, importuna, inuida, inimica, & subdola cæpit deuoluere sarcinulas eius, & scrupulosius explorare, si quid esset in illo meritorum inuolucro, quod ad ipsius Dominum pertineret. Ipse autem tanquam vir circumspectus & prudens noluit viæ suæ sustinere dispendium. Diu enim desiderauerat dissolui & esse cum Christo: & tunc vel maxime desiderabat exire de corpore mortis huius. Modicum itaque pulueris proiecit in os vetulæ, quasi vice tributi & nomine vectigalis. Inde cæpit falsus ille rumor populariter euagari & passim plebescere, quia *fera pessima denorauit Ioseph.* Tunica siquidem qua spoliatus est, fallax nūcia mortis erat. *Ioseph enim uiuit & dominatur in tota terra Ægypti.* Beata eius anima corruptibilibus exonerata exuuiis de puluere huius conuersationis libera euolauit in cælum. Assumpta est ab eo qui dixit; *Vado parare vobis locum. iterum autem veniam & assumam vos ad me ipsam.* Consummatum in breui expleuit tempora multa. Raptus est ne malitia mutaret intellectum eius. Vocatus est in cælum quo mundus non erat dignus: nec est extincta lucerna hæc, sed statu transitoria percussa est, vt luminosius splendeat, & iam sub modio non abscondita luceat omnibus qui in domo sunt. *Visus est oculis insipientium mori: sed vita eius abscondita est cum Christo in Deo.* Mors cum vicisse & absorbuisse visa est; sed absorpta est mors in victoria. *Desiderium cordis aima tribuisti ei Domine.* Diu enim militauerat tibi, *propter verba labiorum tuorum custodiens vias duras.*

*Mors seculi
anm.*

*Tunica Ioseph
mors
sanctorum.*

S. Thoma à prima aetate sanctitas. Satis à primitiuis adolescentiæ moribus cæpit morum maturitate senescere, atque carnalis insolentia motus vigiliis, ieiuniis, disciplinis, cilicio & iugis continentia baltheo cohibere. Vocatus est itaque à Domino tanquam Aaron *ad dandam scientiam salutis plebi eius, reddere populum acceptabilem Domino, sectatorem bonorum operum, & parare Domine plebem perfectam.* Elegit cum Dominus in sacerdotem sibi, ut esset in populo eius ductor & doctor, vitæ speculum, poenitentia forma, & sanctitatis exemplum. Deus scientiarum Dominus dedit ei linguam eruditam & infuderat ei abundanter spiritum sapientia & intellectus, ut esset inter doctos doctior, inter sapientes sapientior, inter optimos melior, inter humiles socius, inter maximos maior. Erat præco verbi diuini, tuba euangelii, amicus sponsi, columna cleri, oculus cæci, lingua muti, pes claudi, sal terræ, patriæ lumen, Minister Altissimi, vicarius Christi, Christus Domini. Tota conuersatio eius erat scala honestatis, morum ædificatio, & structura salutis. Erat in iudicio reclusus, in dispensatione industrius, in præcipiendo discretus, in loquendo modestus, in consilio circumspectus, parcissimus in cibo recipiendo, in donando largissimus, in ira pacificus, in carne Angelus, inter iniurias mansuetus, timidus in prosperis, securissimus in aduersis, in elemosynis effusus, in misericordiis torus. Erat religionum gloria, delicia plebis, timor principum, Deus Pharaonis. De isto possumus fiducialiter dicere & cantare, *quia post aurum non abiit, nec sperauit in pecunia thesaurus; qui nec acceptor munerum nec acceptator esse dignatus est personarum.* Cæteri in eminentia cathedralis apicem sublimati, statim curam carnis propensius agunt, circumspectius se diuertant; non minus timent corporis ægritudinem quàm gehennam,

S. Thoma virtute & mirabiles.

S. Thoma post episcopatum solito sanctior sibi quo senior.

isto possumus fiducialiter dicere & cantare, *quia post aurum non abiit, nec sperauit in pecunia thesaurus; qui nec acceptor munerum nec acceptator esse dignatus est personarum.* Cæteri in eminentia cathedralis apicem sublimati, statim curam carnis propensius agunt, circumspectius se diuertant; non minus timent corporis ægritudinem quàm gehennam,

nam, & in omnibus spatium vitæ productionis affectant. Iste verò à primo suæ promotionis ingressu summo desiderio appetebat finem vitæ; imò vt verius loquar, viuendi principium. Nam sicut Salomon ait, *Cum consummauerit homo tunc incipit.* Huius enim vitæ transcuntis egressus, ingressus est ad illam quæ non transit, nec definit vitam. A tenerioribus annis incipiens, singulis ætatibus quasi singulis diei horis tanquam diligens cultor & strenuus in vinea Domini Sabaoth laborauit, & sic in consummatione sanctorum vitæ transitorie cursum clausit. Sane iam diu conuersatione cælestis, & corpore peregrinans, anhelabat ad illas cælestes delicias temporalis vitæ transitorio compendio. Ideo propositum & signum peregrinationis arripens, de torrente in via bibit, propterea exaltatum est nomen eius in patria. Si Domini & fratres nostri monachi cathedrales pupilli facti sunt absque patre, Deus qui eduxit de mortuis pastorem magnum ouium in sanguine testamenti æterni Dominum Iesum Christum, ipse vt verbo Moysi vtat, prouideat virum qui sit super multitudinem hanc. Porro plurimi conqueruntur & impatientissimè ferunt, quod Christi tunica inconsutilis, inter eos & episcopos terræ scissa est, nec tantum vacca & aries, sed turtur & columba diuise sunt & altrinsecus separata. Ausa est irumpere vsque ad religionis professores magistra illa discordiæ, odii fomes, & occasio scandalorum presumptuosa: scil. usurpatio scorsim & singulariter eligendi; vt contempta & abiecta episcoporum & Abbatum deliberatione communi, fieret electio clandestina & furtiua & consuetudini contraria, inimica legibus, damnata decretis & moribus reprobata. Cæteri omnes qui nunc iniuriam & contemptum suum deputant eam quam monachi fecerunt electionem, in personam

*Ambitio
cleri.*

quæ nominata est sua vota libenter & vnanimiter
 sine omni scissura & scandalo contulissent. Nunc
 autem vereor ne hæc electio (quod Deus auertat)
 sit eius deiectio; & hæc acquisitio vmbriticæ liber-
 tatis conuertatur ecclesiæ Christi in materiam ser-
 titutis. Sane pestis hæc & aliæ innumerabiles cor-
 pus ecclesiæ generalis hodie inficiunt & corrup-
 punt. Iruunt laici in sancta sanctorum. Sanctuarii
 vero lapides disperguntur in capite omnium pla-
 tearum. Conuertuntur hodie claustra in castra &
 fora: religiosi in ethnicos, pastores in lupos, lilium
 in spinam, aurum in scoriam, frumentum in lolium,
 vinum in acinum, oleum in amurcam. Respiciat
 Dominus in faciem testamenti sui & non det in
 conuulsiōem vineam quam plantauit dextera
 eius, ecclesiam quam acquisiuit sanguine suo.
 Suscitet spiritum Moysi & erigat cornu illius vni-
 cornis, episcopi illius vnicè summi & singulariter
 generalis, quatenus arripiat iudicium manus eius:
 vt cornu suo ventilet Syriam, intonet contra Edō,
 fulminet contra vitulos Bethel, contra idola Ægy-
 pti, contra pingues Samariæ, contra sacerdotes
 Baal, contra pastores pascentes semetipsos, contra
 iudices qui iudicant iniquas leges, contra canes
 mutos non valentes latrare, contra amphoram
 Zachariæ, contra vasa pastoris stulti, contra ambi-
 tionem Simonis Magi, contra tyrannidem seculi
 & ambitionem claustri, contra preuaricantes, con-
 tra arrogantes, contra oppressores pauperum,
 contra turbatores ecclesiasticæ pacis
 & fidei subuersores.

*Rom. Pont.
 authoritas
 ad malorū
 remedium
 imploratur.*

EXTRACTVM EX EPISTOLA 66. PE-
tri Blesensis ad Gualterum Panormitanum
Archiepiscopum.

QUod autem de morte B. Martyris quæritis,
in verbo Domini & in ordine diaconi vo-
bis dico, me nullo modo habere in consci-
entia Dominum Regem Anglorum huius rei cul-
pabilem extitisse: huiusque fidem plenissimam vo-
bis facient, Dominus Thedimus Portuësis episco-
pus, & Dominus Albertus Cancellarius; qui pro-
pter hoc in partibus nostris legatione fungentes
explorauerunt & cognouerunt innocentiam viri,
atque sub vmbra illius hoc à quibusdam attentatū
fuisse, totamque hanc iniquitatem à * sanctuario
processisse. Accepta siquidem ab eis canonica pur-
gatione illius, illi de mandato Summi Pontificis
publicè sententiauerunt eum ab hoc crimine co-
ram Deo & hominibus esse innoxium; & in quos-
dam magnates, quorum malitiam in hac parte
manifestè conuicerant, notā infamiae retorserunt.
Illud quoque noueritis Dominum Regem glorio-
sum Martyrem in omnibus angustiis suis patronū
habere præcipuum. Eadem siquidem die qua pri-
mum tumultum Martyris visitauit, regem Scotiæ
persecutorem & impugnatores fortissimū ca-
ptum vinculis carceralibus mancipauit: continua-
toque deinceps fauore successuum, ope Martyris
de vniuersis hostibus gloriosissimè triumphauit.
Sciatis igitur certissimè quod charitatem illam qua
se olim rex & Martyr mutuo dilexerunt, neque
mors neque gladius aboleuit. Fortis enim est vt
mors dilectio: & quum omnia transcant, charitas
nunquam excidit.

*Excusatur
Rex de mor-
te S. Thom.*

* *Nota.*

*S. Thomas
Patronus
Regis,*

EXTRACTVM EX EPISTOLA HEN-
rici 2 Regis Anglorum ad Alexandrum 3.
Papam, inter epistolas Petri Blefen-
sis. epist. 162.

*Regnum
Anglia
Rom. Pont.
Feudatariū
Rege Hen-
rico 2. teste.*

*Rex. a filiis
rebellibus
afflictus
Rom. Pont.
authoritatē
agnoscit, o-
pē implorat*

Quoniam ergo vos extulit Deus in eminē-
tiam officii pastoralis, ad dandam scientiā
salutis plebi eius, licet absens corpore, prae-
sens tamen animo, me vestris aduoluo genibus,
consilium salutem deposcens. Vestrae iurisdictionis
est regnum Angliæ, & quantum ad Feudatariū
iuris obligationem, vobis duntaxat obnoxius re-
netur & astringor. Experiatur Anglia quid possit
Romanus Pontifex: & quia materialibus armis
non vitur, patrimonium beati Petri spirituali gla-
dio tucatur. Contumeliam filiorum poteram ar-
mis rebellibus propulsare. Sed patrem non possum
excere. Et licet errata eorum quasi mentis efferatae
me fecerint, retineo paternos affectus: & quandam
violentiam diligendi eos mihi condicio naturalis
importat. Excitet ergo prudentiam vestram spiri-
tus consilii: vt conuertatis corda filiorum ad pa-
trem. Cor enim patris pro beneplacito vestro con-
uertetur ad filios. Et in fide illius per quem reges
regnant vestrae magnitudini promitto me disposi-
tioni vestrae in omnibus paritutum. Vos ecclesiā
suae Patet sancte diu Christus seruet incolumem.

Ex peruetusto codice manuscripto.

*Scripta est
durante exi-
tio S. Tho-
ma.*

Alexander episcopus & seruus Dei dilectis
filiis toti capitulo S. Trinitatis Cantuarien-
sis eccl. salutem & Apost. benedict. Quoniā
ecclesia vestra ad ordinationem & dispositionem
venerabilis fratris nostri & Archiepiscopi vestri
pri-

principaliter noscitur pertinere, ita quod priorem nisi quem vobis assignauerit Archiepiscopus, non solebatis habere, vniuersitati vestræ per Apostolica scripta præcipiendo mandamus & in virtute obedienciæ iniungimus, quatenus illum quem vobis iam dictus Archiepiscopus in Priorem secundum antiquam ecclesiæ vestræ consuetudinem assignare voluerit, omni occasione & appellatione postposita recipiatis; nec alium ibidem eligere, vel ad alicuius suggestionem seu assignationem suscipere præsumatis. Datum Bencuenti xvii. Cal. Iunii.

B. THOMAE CANT. ARCHIEPISCO.
ad amicum in vrbe epistola.

GRatias non quas debemus, sed quantas interim possumus agimus dilectioni vestræ, quæ pro nobis imo pro ecclesia Dei multa sustinuit; & nos pro viribus consolata est in omni tribulatione nostra. Confessus est nuper rex Anglorum coram rege Christianissimo, Archiepiscopis, episcopis, proceribus, & omnibus qui aderant, quod nihil aliud quærit aut quæsiuit à nobis nisi obseruantiam consuetudinum; quarum plures* Apostolicæ sedis conuellunt maiestatem & ecclesiæ præiudicant libertati. Qualiter autem res processerit latotes præsentium plenè indicabunt. Et quia nolumus in consuetudines secundum verba simpliciter & absolutè iurare, discessit indignatus, non sustinens* honoris Dei vel ordinis nostri vel diuini iuris aliquam fieri mentionem. Supplicamus igitur bonitati vestræ de qua sicut de nobis ipsis confidimus, quatenus nobis assistatis in causa Domini: & necessitatem nostram imò ecclesiæ, quam à nuntiis audietis, sicut nostra & omnium spes est, apud Dominum Papam expedire studeatis.

*Hoc apparet ex 6. Articulis in nostro Apologetico sumpta.

*Vide Regio importunitatem ut in Apologetico explicatum est.

B. THO.

B. THOMAE AD QVENDAM AN-
glia episcopum epistola.

*Arguit epi-
scopū de qui-
busdam de-
lictis.*

Vestra fraternitas ignorare non debet quod
privilegium meretur amittere, quod concessa
ab utitur potestate. Vos autem sicut accepimus
in alienis episcopatibus ecclesiarum vacan-
tium omnes solvere praesumitis & ligare: & petitione
laicorum aut aliorum quibus sacramentorum dis-
pensatio non incumbit, ecclesias dedicatis, & exer-
cetis alia quorum non accepistis ab Apostolica se-
de, vel matre vestra Cantuariensi ecclesia potesta-
tem. Quod tanto credibilius videtur, quanto cer-
tius constat vos sine speciali mandato Rom. Pon-
tificis dudum quod minimè licebat, quantum in
vobis fuit, exsoluisse excommunicatos nostros, nō
obseruato tenore literarum Domini Papæ. An hoc
rectè feceritis vestra discretio providebit, quoniam
oportebit super his reddere rationem. Nam persi-
stentes in scelere & voluntate peccandi qui eccle-
siarum bona diripiunt & eis incumbunt violenter,
nec ipse Petrus coram Deo posset absolvere. Ne
ergo cuiusquam instinctu de cætero talia praesum-
matis, prohibemus in virtute obedientiae, & in pe-
riculo dignitatis & ordinis, ne curam pastorem
& episcopale officium extra proprium episcopatū
ulterius exerceatis, sed ea sitis potestate contenti
quam vobis ecclesia contulit in ordinatione ve-
stra. Hoc autem vobis non interdicens, quin ad
preces episcoporum vestrorum quibus communi-
care licuerit, vices eorum quum necessitas exegerit
in rebus licitis impleatis. Sed vos ab ecclesia-
rum vacantium & episcoporum qui excommuni-
cati sunt officio praecipimus abstinere, & curam
pastorem exercere, quatenus facultas affuerit, in
proprio episcopatu.

EPISTOLA HENRICI REGIS Anglorum ad Alexandrum 3. Papam.

Episcepos nuntios nostros ad pedes paternitatis vestre direximus rogantes & supplicantes quatenus querelis quæ inter nos & Cantuariensem vertuntur finem debitum iustitia mediante poneretis. Et tandem placuit Paternitati vestre ut iuxta petitionem nostram de latere vestro legatos nobis mitteretis cum potestatis plenitudine, ut omnes controuersias nostras plenè decidere & determinare possent remoto appellationis obstaculo. Qui quum in hac potestate sicut nuntii nostri ad nos reportauerunt, & literis vestris continebatur expressum (quas adhuc penes nos habemus) missi fuissent, sicut per eosdem legatos quum ad nos peruenissent accepimus, potestas illa ad iniuriam nostram illis * subtracta est. Unde cum nos ad omnem iustitiam coram eis nos offerremus, præfatus Cantuariensis qui ita & iniquè & malitiosè erga me se habet, sicut vobis & toti mundo innotuit, coram illis iustitiæ parere contempsit. Ob cuius defectum alios deinceps nuntios ad Maiestatem vestram transmisimus per quos literas vestras recepimus, quas & ipsas adhuc penes nos habemus; in quibus terram nostram & personas regni nostri à præfati Cantuariensis potestate eximebatis, donec ipse in gratiam nostram rediisset. Quod quum ante restitutionem gratiæ nostræ (nescimus ob quam causam) immutaueritis, dum alii inimici nostri in curia vestra adhuc morantur, & antequam nouissimi legati vestri ad nos peruenissent, Viuianus scilicet & Gratianus, ipse in personas regni nostri & in quosdam familiares & seruientes nostros qui singulis diebus nobis assistebant, * excommunicationis sententiam promulga-

* Rō. Pont.
melius informatus
potestatem datam reuocauit.
Iustitiæ causa iniquitatem,
moderatio
S. Thoma malitiam
omnem longissime abfuisse lucet
clarius ostendit.
Vide Apologeticum.

* Sanctus episcopus et

*sera eccle-
siastica di-
sciplinam
ne quidem
in exilio re-
missis.*

mulgavit. Cum verò prænominatos nuntios debito honore suscepissemus, qui tam per literas vestras quàm viua voce protestabantur quòd ad honorem nostrum & regni exaltationem venissent, primo loco de absolueudis excommunicatis tractauimus, qui non solum ad nostram verum etiam ad vestram & corùdem legatorum iniuriam videbantur excommunicati; petitionibus illis quas ex parte vestra proponebant nobis, quantum poteramus ob reuerentiam & amorem vestrum pio assensu condescendentes. Proponebant siquidem literæ vestræ quatenus sæpèfato Cantuariensi Archiepiscopatum suum, pacem & amorem nostrum redderemus. Nos verò proposito omni honore vestro, communicato consilio Burdegalensis & Rothomagensis Archiepiscoporum, Cenomanensis, Redonensis, Baiocensis, Luxouiensis, Constantiensis, Saguntini episcoporum; Fiscamensis, Beccensis, S. Wandersil. Cadomensis, Troiartensis, Ceretensis, Rieuallensis, Mortimarif. Trionens. Belberens. & quorundam aliorum abbatum, nec non Gaufridi Antisiodorensis & quorundam aliorum religiosorum virorum, concessimus antedicto Cantuariensi (licet ipse sicut vobis multoties significauimus, absque conscientia nostra & coactione aliqua à regno nostro exierit) vt in bono & in pace rediret, & possessiones suas omnes haberet sicut habuit quando à regno exiuit, & ipse & omnes qui cum eo vel pro eo exierunt, ad honorem Dei & ob amorem vestrum * *salua dignitate regni nostri.* Cumque nuntii vestri coram supra nominatis viris responsum hoc absque omni contradictione recepissent, excommunicatos illos qui præsentés aderant, absoluerunt. Conuenit autem inter nos vt alter eorum Viuianus scilicet pro excommunicatis illis qui in Anglia erant absolueudis transfreta-

* *Hac exceptio omnes illas iniquissimas leges complectebatur quas Archiepisc. admittere recusauit.*

ret. Gratianus verò ad verba hæc sæpe nominato Cantuariensi transponenda rediret. Mane autem facto quum ab eis quibuidam negotiis nos (accepta prius ab eis licentia) trahentibus recessimus, nescimus cuius instinctu aut quo spiritu concessis stare recusauerunt, cassantes verbum illud quo nos *dignitatem regni nostri saluam* fore dixeramus. Quod tam nobis quam illis qui nobiscum aderant nullo iure ab eis cassari debere videbatur. Nos autem huius rei seriem ad vestram conscientiam referendam esse duximus, de vestra semper discretione præsumentes, quod vos in nullo honori nostro derogare velitis, *vel* * *regni nostri dignitati*: obnixè ** Saluo certe timore Dei ordine ecclesiastico & iure diuino.* conferentati vestræ supplicantes, quatenus attentè considerantes honorem & vtilitatem quam vobis & curiæ vestræ contulimus, & in futurum nisi per vos steterit conferemus, sic rem temperetis, ne tantum penes vos possint illius d̄ perditionis proditoris nostri malitiôsæ blanditiæ, quantum euidentia *d̄ Rex irat⁹* tot & tantorum virorum testimoniis corroborata *nescit quid loquitur.* causæ nostræ merita: sed iuxta petitionem nostrā eos qui excommunicati sunt absoluat, & ne in alios venenum suæ excommunicationis effundere possit, provideatis. Ne si minus in hac petitione nostra exauditi fuerimus, tanquam de vestra beneuolentia desperantes, * *Addit minus.* aliter securitati nostræ & honori prospicere compellamur. Et quoniam singula quæ à nobis sunt dicta & proposita difficile scripto comprehenduntur, transmittimus ad pedes paternitatis vestræ clericos & familiares nostros R. Archidiaconum, Salisbur. & Rich. Barre qui plenius vobis cuncta quæ hinc inde agitata sunt exponant. Quibus in cunctis quæ ex nostra parte vestræ sanctitati proponant, fidem indubitatam habeatis: de quorum reditu festinanter maturando vestra precamur & consulimus sollicitè provideat discretio:

H

quo-

quoniam mora eorum diuturnior periculum & damnum intolerabile ecclesiae posset afferre:

AD ALEXANDRUM 3. PAPAM Episcopi Normania & totius Aquitania.

Nititur relatione papae.

Post nuntiorum vestrorum à Domino rege Angliae decessum, ad ipsius curiam ab eo vocati venimus, ibi ex certa relatione Archiepiscoporum & aliorum terrae suae qui ob hoc conuenerant magnatum accepimus, quod idem Dominus Rex nuntios vestros & literas debita veneratione susceperat. Quippe quae ei promptam benignitatis vestrae gratiam promittere videbantur. Propositis siquidem ab eis petitionibus vestris de consilio praedictorum optimatum suorum praefatum regem benignè respondisse asserabant quod pro amore vestro & honore, Archiepiscopum Cantuari. ad Archiepiscopatum suum redire & omnia quae tenebat quando exiuit cum integritate reciperet; & deinceps bene & in pace possidere ad honorem Dei, salua nimirum regni sui pristina dignitate concedebat. Asserabant etiam quod quum inter Dominum Regem & praedictos nuncios vestros super hoc tractatus prolixior haberetur, tandem utrinque complacuit ut eos qui praesentes aderant statim absoluerent, & ad illos qui in Anglia erant absoluendos alter eorum M. Viuianus illico transiret; alter ad condictionem pacis executionem remaneret. Postmodum verò reuocato quem praebuerant

a Dignitas regia ut illa Rex tunc intellexit maximè de rogauit.

consensu, verbum *conseruanda in posterum regia dignitatis* admittere noluerunt: ea quae vtiliter & prouidè ordinata fuerant exequi recusantes: tanquam in hoc verbo à *ecclesiastica dignitati aliquid derogaretur*: cum omnibus sanius & rectè intelligentibus videatur, quod dignitas regia ecclesiasticam

cam

cam prouehat potius quàm minuât dignitatem: *Vide 6 articulos in nostro Apologetico.*
 sicut versa vice ecclesiastica libertas regiam adornat & veneratur maiestatem. Est enim in his duobus rebus firmissimus amicitiarum nodus & amica connexio: quum & regiam excellentiam dignitas ecclesiastica prouehat, & pacem ecclesiasticam regia conseruet autoritas. Nos itaque paternitatis vestræ genibus obuoluti, quanta possumus supplicatione pietatem vestram oramus, ne in tanto rerum discrimine *literarum apices & verborum cōtentiones potius* quam ipsam amplecti velitis veritatem: sed iuxta datum vobis à Deo discretionis & consilii spiritum *dormitet aliquantulum* apud vos seueritas disciplinæ, vt magis proficiat māsuetudo & benignitas gratiæ: *c. causa unius* (sicut decet pium patrem) multorum aut certe innumera bilium periculum discrimen præferatis.

ALEXANDRI 3. PAPAE AD HENRICUM Angl. regem epistola.

EXcellentix tuæ nuntios, dilectos scil. filios nostros electum S. Augustini Reginal Archidiaconum Sarisbur. & Rich. de Barre & regiam sublimitatis literas per eosdem nobis transmissas ea qua decuit benignitate admisimus: & illius feruentissimæ charitatis ardorem quem circa nos & ecclesiam Dei à nostræ promotionis exordio magnificencia tua tam constanter exhibuit ad animum reuocantes sollicitè, his quæ nobis iam dicti nuntii ex parte celsitudinis tuæ discretè satis & cum omni diligentia intimauerunt, licet nimis ardua & difficilia essent, aurem beneuolâ curauimus adhibere. Illius siquidem honoris & reuerentiæ quâ regia serenitas nobis instante necessitatis tempore, sicut excellentiæ tuæ nos sæpè intimasse meminim⁹,

b Quando limites suos non excedit sed ecclesiastica subordinatur.

c Articuli controuersi non erant nudi literarum apices.
d Boni scilicet non episcopi sed politici.

e Non est causa sed totius ecclesie ab uno defensa.

Hac epistola respondet licet is Regie Henrici præcedentibus.

*S. Pontificis
iusta excep-
tio.*

*Monet Regē
gramiter.*

*Papa suspē-
dit Archie-
pisc. exulem
ab excom-
municatio-
ne, in hac u-
no petitioni
regia acqui-
escens.*

tota, prout maior pars christianitatis cognouit, deuotione impendit, non immemores existentes, ad petitionum tuarum *in quibus cum Deo possumus* promotionem vehementer accendimur. Nec aliquid nobis vnquam honoris vel gratiæ satis esse videtur qua celsitudini tuæ indulgere possimus. Verum attendentes quod tu cui omnipotens Dominus inter filios hominum tot diuitiis abundare, tanta prudentia & discretionē pollere concessit, contra eum cui seruire regnare est, pugnare non velis nec eius resistere voluntati, præsertim quum strenuitati tuæ toties contulit de hoste triumphū, de vniuersa illius bonitate confidimus, & speramus quod animum & voluntatem tuam circa ecclesiam & eius negotia mitiorem efficiet; & ad id cor tuum quod beneplaciti sui fuerit inclinabit; licet memorati nuntii cōstanter assererent te tāra turbatione esse commotum, quod vnerabilem fratrem nostrum Archiepiscopum Cantuar. nullo modo in gratiam tuam reciperes, nec circa eum tuus poterat animus aliquatenus mitigari. Nos autem qui paternæ circa personam tuam affectionis obliuisci non possumus, sed te sicut catholicum principem & regem Christianissimum in omnibus *quantum honestas permittit* honorare & exaudire optamus, credentes firmiter & sperantes quod discreta prouidentia tua in his quæ Dei sunt & ad ecclesiæ negotia spectant, gloriosius esse suam vinci quam vincere voluntatem nequaquam ignoret, præfato Archiepiscopo sub spe & fiducia quod ille in cuius manu corda regum, consistunt animum tuum mitigabit, dedimus in mandatis & omnino inhibuimus ne in te aut terram tuam vel in personas regni tui interdicti seu excommunicationis sententiam donec ipsum in gratiam tuam recipias & tibi reconcilietur, proferre vlla ratione atten-

tet.

tot, aut in aliquo grauare præsumat. Et quoniam
 literas illas quas magnificentiæ tuæ anno præteri-
 to per nuntios tuos vltimo destinauimus viribus
 de cætero constat carere, si prædictus Archiepisco-
 pus intereat aut terram tuam vel personas regni
 tui in aliquo grauare præsumpserit, præsentem lite-
 ras poteris in argumentum nostræ voluntatis o-
 stendere, & te & tuos à suis grauaminibus immu-
 nes ostendere. Quod autem in scriptis nostris vel
 legatis varietatem inuenisti nullatenus admireris,
 cum & B Paulus propositum suum sæpius mutasse
 legatur: licet nos in hac parte nostrum immutasse
 propositum minimè recolamus: quum nobis (etsi
 non ex parte tua) pro certo fuerit intimatum quòd
 prænominatus Archiepiscopus illis mediantibus
 tibi deberet reconciliari: quòd etiam ex quibusdā
 scriptis quæ nobis ostensa fuerunt visi sumus plen-
 ius concepisse. Vnde contigit quòd eosdem le-
 gatos hac de causa iuxta verbum nuntiorum tuo-
 rum ad regiam sublimitatem transmisimus, qui-
 bus cum fiducia ista coram quibusdam fratribus
 nostris dum adhuc coram nobis præsentem essent,
 iniunximus in cognitione causarum inter te &
 Archiepiscopum ordine iudiciario nulla ratione
 procederent: præsertim cum de reconciliatione
 sicut diximus quasi certi essemus. Et ideo pruden-
 tia tua si taliter scripsimus & mandauimus in nul-
 lam debet admirationem deduci, nec alicui muta-
 bilitati quod propter honorem tuum & sub spe ta-
 li fecimus imputare: præsertim cum homi-
 nes simus & in multis decipi ac cir-
 cumueniri possimus.

(1)

*Ex codice
manuscri.
pro perue-
tustomona-
sticis S. A.
mandi.*

AD S. THOMAM TVNC CAN-
cellarium Regis Anglorum.

*Domino & amico suo Charissimo Thomae Can-
cellario regis Anglia, Frater Petrus
Cellensium Abbas se & sua.*

*S. Thoma
Cancellarij
humilitas
& mode-
stia.*

*Thomas se-
cundus post
Regem in
4. regnis.*

Quem fortuna non extollit propria, magis pro humilitate quam pro sublimitate est admirandus. Gloria vobis cum prosperitate (vt accepi ab his qui viderunt & nouerunt) ambitiosius quam contentiosius contendit; nec confundit aliquando superata, nec vnquam insolescit de victoria. Cedit gloria prosperitati, sed gloriolæ sed prosperæ. Quælibet obtineat, humilitatē seu moderationem non amputat. Gloria accedit sed non superbia: prosperitas venit sed non effusa. Inde est quod de nube tantæ sublimitatis ad latibulum nostræ paupertatis misistis quia venire non potuistis. Rogastis de familiaritate & amicitia. Quod rogastis si admitteretur, admirationi procul dubio habendum esset pro rogantis & rogati fortuna. Quæ enim proportionalitatis habitudo inter Abbatem Cellensem & Cancellarium regis Angliæ? Pene non est comparatio, vbi non est existimationis adaptatio. Secundum post regem in quatuor regnis quis te ignorat? Primum in miseris fratribus nostrorum quis me non reputat? Dicam de compendio, quia quantum de vobis excellentiora, tantum de me sentio & scio viliora. Nullo ergo modo ad ingressum amicitiae manum porri-go. Sed si vel de grege accidentalium amicorum fuero, bene mecum fecisse dignationem vestram estimabo. Primitias autem illas non mitto, quia ampliorem gratiam facere propero. Non habebam sermo-

sermone illos magistri G sed quæro:& statim scriptorem cum omni instantia huic operi ad opus vestrum designo. Vale.

DOMINO ET PATRI CHARISSIMO

Thomæ Archiepiscopo Cantuariensi & Apostolica sedis legato, F. Petrus Cellensis qualiscunque minister, se ipsum.

FActi sumus sicut consolati in consolatione sanctitatis vestræ tam affectuosa, tam pia, tam plena dulcedine & charitate. Reddat vobis Spiritus paracletus consolationem suam; quia misericorditer respicere voluistis desolationem nostram. Suscitauit siquidem corda nostra cisi non emortua, iam tamen elanguida susceptioli literarum vestrarum. Dominis & amicis nostris hanc vestram dignationem & consolationem ostendimus, & in spe viua & consilio eorum, Martyrem vestrum peregrinari ad vos destinauimus. Excipite illum:& quia vix in terra sua habet vbi reclinet caput suum, interim sub vmbraculo vestro militet, & stipendia ad nos condigna reportet. Confidimus equidem in bonitate Dei & in liberalitate animi vestri, quam iam prægustauimus, quia quamuis in baculo suo transeat mare vestrum, tamen sit rediturus in turmis multarum benedictionum. Discretionis sanctitatis vestræ fratres nostros & nuntios disponendos committimus. Dominum quoque & confratrem in omni oratione & beneficio omnium nostrorum vos annumeramus. Valete.

Mittit quasdam reliquias Martyris ad S. Thomam.

Pius Archiepiscopus confratrem se facit religiosorum personarum,

Ad eundem in exilio constitutum.

DOMINO ET PATRI CHARISSIMO
*Thomae venerabili Cantuariensi Archiepiscopo,
 F. Petrus Abbas S. Remigij, ex toto corde
 deuotissimam salutem.*

*S. Thoma
 exulanti-
 laus.*

Sollicito reuoluens animo quam potius materiam assumam, quum vobis scribere volo, vix occurrit: non deficiente quid dicatur, sed Reuerentia eius comprimente manum cui dicatur. Nihil enim dignum vestri animi fortitudine dicere possum; nihil addere constantissimæ tolerantiae vestrae: nihil denique docere omnia à longe prospicientem atque fines rerum & causarum futurarum plenissimè demetientem animum. Fæni atque pælearum æceruum vt quid anteponerem præsepio cui adhæret bos adipe & pinguedine opulentissima saginatus & satiat? Equidem hoc vnum mihi ad ministerium aliquod impendendum in obsequio vestro non indignè reseruatum reperio, si muscas abigere possem vestram sanctitatem oblatratione inuidiosa pungere volentes, vel saltem interpretatione peruersa denigrare sinceritatem fidei vestrae insistentes. Plane muscæ istæ morientes quæ in Aegypto abundanter Pharaonem regem Aegypti tanquam virum muscarum circūdant, Domino opitulante non perdent suauitatem vnguenti. Seruabitur namque in diem sepulturæ Iesu, & prædicabitur in generatione & generatione quòd Archiepiscopus Cantuariensis murum se opponens pro domo Israël vestigia sanctorum antiquorum imitatur, dum Christum in cruce nudum pendentem nudus sequitur. Quo modo igitur cum Abraham potero abigere easdem muscas contaminare volentes illibatum Domini sacrificium,
 nisi

nisi facto ventilabro de authenticis scripturis quo vel feriantur vel saltem effugentur? Dicunt enim, Non debet Archiepiscopus tam instanter sua repetere à Rege Angliæ vt dimittat reconciliationis pacem pro amissa pecunia. Falluntur specie veri vel adulatione falsi. Qui specie veri decipiuntur, instruendi sunt: qui adulatione falsi, repellendi. Simplicitas enim reuocanda est; malitia prorsus abijcienda. Certe pensandum est in omni tam contractu quàm actu quid propter quid faciendum vel quid dimittendum sit. Pensanda etiam sunt tempora & diuersi status temporum, secundum quos mutantur merita causarum. Nam in primitiua ecclesia sola patientia locum habuit vt auferenti tunicam dimitteretur & pallium. Alius enim erat & alibi, id est, extra ecclesiam qui persequabatur: alius & alibi, id est intra ecclesiam qui patiebatur. Modo verò iam adueta ecclesia, non licet filiis ecclesiæ quod aliquando licuit inimicis. Decet enim matrem corrigere filium, sicut decuit pupillo tolerare aduersarium. Distinctus namque sapphyris legitur venter sponi; vt quemadmodum ante passionem suam dixerat Iesus, *qui non renunciauerit omnibus quæ possidet, non potest meus esse discipulus*, & similia; sic in passione dicat Apostolis. *Qui non habet gladium vendat tunicam, & emat*. Verba quidem bona, verba consolatoria nō immerito exigeret causa iusta in oculis Dei, in oculis autem insipientium dubia & infirma; nisi virtus patientiæ omnem transcenderet consolationem; & plus gauderet de consolatione quàm malleus feriens proficeret de percussione. Ferrum ferro acuitur & de malitia regis Angliæ virtus vestra inuincibilis clariùs illustratur. Quo fortius premit oliua torcular, eo profusius oleum producit. Candelabrum ductile de auro purissimo non facit Beseleel in tabernaculo

Obiectio contra constitutionem S. Thomæ.

Ecclesia principes Christianos corripit vt mater, ethnicos tolerat vt pupillus.

Domini nisi productis laminis contritione limi & mallei. Nondum contritus est malleus vniuersæ terræ. Adhuc necessarius est vt suppleat quæ defunt passionum Christi in corpore vestro. Sed quem moneo? quem exhortor? cui calcaria adhibeo? Sine dubio qui freno indiget: qui paratus est plus ambulare quàm via extendatur; qui etiam metas velociter transcurrere nullis retardatur periculis. Procul enim odoratur bellum. Exilium reputat patriam; quia omne solum forti patria est. Sine labore laborat: sine fame esurit: sine dolore patitur, sine amaritudine felle & absynthio cibatur. Vir est in millibus vnus. Cum gigantes gemunt sub aquis, ipse ridet & irridet fortunam cum inuersione rotæ suæ. Vale.

REVERENDISSIMO IN CHRISTO
Patri & Domino Thoma Dei gratia venerab.

Cantuar. Archiepiscopo F. Petrus de elec-
mosyna & F. I. de curia Dei salu-
tem & sincera dilectionis
affectum.

*Epistola fa-
miliaris &
commenda-
titia.*

A Nostriis vtilitatibus non recedit quod vti-
liter accrescit vsibus amicorum. Hoc enim
habet amicitia proprium vt sit ei suavis &
iucunda possessio quicquid à suis professoribus
possidetur. In sinu gratiæ vestræ dilatato corde &
affectu prompto M. Girardum benignius collegi-
sti. Vicissitudinem quam potuit retulit. Amicus
fidelis inuentus est. Factus est strenuus propugna-
tor; tristitiæ vestræ allegator insignis; assertor pro-
uidus causæ vestræ; & operum vestrorum præco-
niator eximius. Nec sibi pepercit nec suis vt vobis
proficeret: & totum se vestris sic impendit vsibus,
& gra-

& gratiam rependit pro gratia vt nihil sibi lætum proponeret nisi quod honori vestro militaret & nomini. Si à fructu magno circa vos fidelem eius operam torrens iniquitatis absorbit, non est minori dignus amplexu si quod voluerit implere nō valuit, quia quantum potuit utilis esse non destitit. Nunc igitur si in conspectu principis illius magnorum suffragantibus meritis pacem potuit inuenire, esse non debet à cordis vestri conspectibus alienum: sed vt credimus in mente vestra debet florere cum gratia; si apud eum gratiam receperit cum quo familiarius & fidelius ad honorem & pacem vestram possit inire commercium. Qui enim amicus est omni tempore diligitur; & amicitia certa nulla vi, nulla necessitate excluditur. Rogamus igitur dilectam nobis in Christo charitatem vestrā, & beneuola persuasione consulimus, vt fideli vestro nullius conditionis opponatur dura necessitates: quia sicut ait Ouidius,

Leuis alit flammam, grandior aura necat.

Et æterna Sapientia: quæ attingit à finē vsque ad finem fortiter, suauiter disponit omnia: & cum magna reuerentiæ disponit nos.

Beac valeat semper in Domino
vestra serenitas.



TRANS.



TRANSSVMPTA ET
 DESCRIPTA EX ARCHIVIS
 CELEBERRIMI ARCHICAENOBII
 Dompni Martini, aliàs, S. Iudoci in nemore
 dicti prope Hefdinium in Arthesia dio-
 cesis Ambianensis, ordinis Præmon-
 stratensium.



VM Cantuariam profectus fuisset
 D Henricus de Maingnieux tunc re-
 ligiosus dicti monasterii & pastor
 Tortefontanus, ac postea Abbas,
 peregrinationis gratia, nec dum pri-
 mo anno præterlapso post illustre martyrium D.
 Thomæ Cantuariensis Archiepiscopi, humaniter
 susceptus fuit à Priore cænobii Cantuariensis, ab
 eoque accepit partem indusii dicti sancti, & porti-
 unculam vestis pluuiialis, & aliquid ex dalmatica.
 Non ita multo post alius dicti monasterii religio-
 sus Guillermus nomine aliusque sacerdos quidam
 detulerunt ex Anglia ad dictum monasterium* in-
 tegrum rochetum dicti sancti quo ipso die marty-
 rii sui vsus fuerat, simulque cilicii partem quo su-
 per nudo utebatur, vtrumque sanguine martyris
 sic aspersum vt nulla lotione elui sanguis potuerit.
 Quumque septimo Iulii die hæ reliquię ad dictum
 monasterium perlatae fuissent, inde vsque ad D.
 Martini in hyeme festum paruo in honore habe-
 bantur, donec tandem in sacristia cum omni reue-
 rentia ea reponi cum aliis preciosioribus reliquiis
 Reuerendiss. tunc episcopus Ambianensis (in cuius
 diocesi

* Hæ S. Tb.
 reliquia vs-
 que hodie in
 dicto mona-
 sterio habē-
 tur.

diocesi situm est dictum monasterium) consuluit. In festo autem Pentecostes sequenti quum antea peregrini certiores facti fuissent in monasterio Dompni Martini latere rochetum & cilicium S. Thomæ, (re videlicet iam longius diuulgata) postquam peregrinationem suam absoluisent apud S. Iudoci iuxta mare, monasterium ordinis S. Benedicti, reuersi sunt maiore numero ad cænobium Dompni Martini, minantes se fores effracturos nisi aperirentur ad inspiciendas D. Thomæ reliquias: quas etiam sacellanus quidam à Priore Cantuariensi paulo post eo missus certas esse confirmauit; asserens se manicam dicti rochetti abscidisse; quòd sanguinis gutta inde ablui ac deleri nulla quamuis frequenti lotione potuerit. Hinc arctissima & fraterna societas inita est inter Cantuarienses monachos & Martinieneses, atque deinceps crebris litteris confirmata.

SEQVUNTUR IN DICTI MONASTERII archiuis plurima miracula variis temporibus ad reliquias predictas S. Thomæ Cantuar. diuinitus exhibita, numero 67. & per totidem capita digesta. E quibus pauca illustriora ad Dei & Sancti eius gloriam excerptimus, & subiecimus stilo nihil mutato.

NE quis autem miretur sanctos quandoque in certis locis velle honorari, exemplo sit visio cuiusdam illustris & affecta ætate viri. Is enim Rumaldus nomine, cum ex pago Ber- Cap. 14. mensi alijs multis comitatus Cantuar. nauigaret, somno pressus vidit D. Thomam sibi ita loquen-
tem

tem: *Reuertamur quæso filij charissimi: ego enim sine dubio ad Archicœnobium S. Iudoci in nemore, quod Dompni Martini dicunt pergo: ibique die Dominico vsque in diem Martis residebo.* Interim socii dictum Rumaldum excitant, qui ob gratiam visionem interruptam eos increpans visum aperuit, vt reuerterentur exhortâs. Verum alii in nauigatione persistentes Cantuariâ appulerunt, ibique J. Thomæ honoratis exuiis, cum pro more nullû ibidem specimen miraculorum eius tum experti fuissent, ad Antistitium Dompni Martini reuerſi cum monachis & peregrinis visionem indicarunt, & quod hisce diebus nulla signa à S. Thoma Cantuariæ fuissent exhibita, etiamsi adessent multi peregrini: contrâ ex peregrinis Dompni Martini didicerunt à supradicto die Dominico vsque ad diem Martis crebra in cœnobio Dompni Martini miracula edita fuisse.

22.

*Cæcatus
uideri sanatur*

Muliercula quædam altero oculorum usu priuata Cantuariam sese contulit, Venerandi sacri corporis D. Thomæ gratia, quo tamē factò visum minimè recepit. Hinc ad cœnobium Dompni Martini profecta fuis precibus, oblationibusque datis, in multorum præsentia visum recepit. Quamobrè in gratiarum actionem exclamans ad stantes ait. Nunc quidem compertum habeo hunc sanctissimum Martyrem hoc in loco hominibus variâ statuiffe conferre beneficia, quapropter huc cum omni fiducia accedite. Simili encomio quocûque terrarum pergebat D. Thomam prædicabat. Nec enim ab eius laudibus cessauit, donec ad suam ciuitatem pertingeret in Burgundia sitam, vbi magis ac magis Martyris signa assiduè propalabat.

23.

*Hercules
morbo uir*

In Heidinensi territorio seu Nomarchia nobilis quispiam nomine Eurardus nonnunquam ad
co gra-

eo graui ac vehementi agitabatur morbo, vt 4. ho- *illustis li-*
 mines fortissimi ægre eum continerent. Verum *beratur.*
 hoc Herculano morbo aliquandiu correptus, tan-
 dem in Dompni Martini monasterio preces faciēs
 ex applicatione sacrarum reliquiarum D. Thomæ
 (imprimis eiusdem byrri) vt ouis mansuetissimus
 effectus est, nec in posterum hanc sensit agitati-
 onem. Quapropter multis deinceps annis quoad
 superuixit, sese ad hoc cœnobium cōferebat & Deo
 & S. Martyri gratias acturus. Nam & singulis anni-
 uersariis diebus festis dicti S. Thomæ quæ in po-
 stremam solennitatem post natalem Domini in-
 cidunt, illi cereum quinque librarum offerebat. In
 ipso autem recuperatæ salutis die, cereum vnum
 pro sui corporis pondere conflatum ad honorem
 martyris eidem ecclesiæ donauit. Prætermitto alia
 amplissima beneficia & dona quibus idem Illustis
 vir Eurardus Ecclesiam Dompni Martini multum
 amplificauit.

Illustis quidam eques Atrebatensis non exi- *28.*
 guas facultates pro extirpando calculo, qui vesicâ *Eques tor-*
 ipsius excoriabat sæpius frustra impenderat. Itaque *quatus à*
 omnem medicorum industriam ac malagmata *calculo li-*
 quæuis valetudini suę parum prodesse animaduex- *beratus.*
 tens, D. Thomæ Martyri peregrinationem in Cā-
 tuariam & inde ad Dompni Martini ecclesiā san-
 ctè vouit. Quam cum persoluisset, domum reuer-
 sus dormiendo ingentem lapidem virili membro
 sine vlllo plane dolore eiecit Huiusvastitatem cum
 omnes mirarentur, eum cum muneribus argento
 inclusum Cantuariam misit pro gratiarum actio-
 ne. Porro ecclesiæ Dompni Martini mappam insi-
 gnem donauit, quæ deinceps summo altari ad Dei
 ac Martyris honorem accommodata est.

Mulier quædam necessitate pressa filium ad *29.*
 stipem emendicandam ablegarat. Is verecundia *Mortuus*
 offusus, *resuscitatus*

offusus, sub lignorum strue sese abscondit sicque præ fame atque algore extinctus, eo quod domum non reuerteretur, a matre per vicos oppidi Fani S. Pauli ubi agebat diligenter inquisitus, mortuus sub lignis inuentus est, idque à tribus iam diebus vt coniciebat mater. Hæc itaque ad memoriam reuocans, quod vnà cum filio superioribus festis Pentecostes sacras D. Thomæ reliquias visitasset, in quibus & sæpe sacrum fecisset & postremò Martyrium passus fuisset, Nunquid, ait, & meæ & filii deuotionis oblitus iam nos despicias? Iure fortassis ob mea crimina deserat, sed saltem obsecro filioli mei annos duntaxat decem nati misereatis. Noui equidem quod facile à Domino Deo eius resurrectionem impetrabis. Ideo vehementius tuum imploro subsidium. Hæc & huiusmodi flexis genibus precata cum surgere ab oratione vellet, humi prostrata ac sensu penè destituta ad tempus mansit, donec filius apertis oculis iam ore hiarat & labia moueret. Hinc mater Deum sanctumque Martyrem benedicens vnà cum filio ducentis aut supra hominibus comitata, qui rem omnem viderant, in ecclesiam Dompni Martini sese contulit ad inuiscendum S. Thomæ byrrum, Deoque & sancto gratias agendum. Sequenti anno ipse puer à mortuis excitatus supra quingentos iuuenes annum decimum sextum non excedentes ad inuiscendas dicti religiosi Martyris reliquias in Archicœnobium Dompni Martini perduxit, in scis etiam puerorum parentibus. Cumque ex ephebis excessisset ipse iuuenis ex coniuge multos suscepit filios, quos annuatim in festis Pentecostes cum vxore ad ecclesiam Dompni Martini conducens, quantum Deo displiceat parentibus filios non esse morigeros suo exemplo exponebat. Vnde & multi iuuenes oppidi S. Pauli, longè obsequentiores parentib. facti sunt.

Mulieri

Mulieri cuiusdam nomine Mariæ Ambianensi erat filia à paucis annis viro matrimonio iuncta; quæ anguillarum vehementi desiderio tabescens in morbum inciderat; nec eius causam aperire præterquam matri ausa fuit. Hæc igitur ut hoc malo filiam subleuaret, celeri festinatione anguillas (in quibus erat & scorpio seu coluber) emptas dum ad coquendum præpararet à scorpione percussa sic est ut eius manus in tumorem & nigredinem illico verteretur. Interim domum reuersus Maritus scorpionis spiculum incurabile esse non dubitans (quod nuper eo ictus quidam alius nulla medicorum opera sanari cum non posset & vita decesserit) & Dei & S. Thomæ auxilium implorat, cereos aliasque deuotionis oblationes præparat, cutrū cum vxore conscendit ut S. Martyris byrrum & anulum inuiseret. Itaque iam itinerti insistens, miratur etiam tunc coniugem remisso dolore in somnum præter solitum incidere. Hæc autem dormiens in curru Diuum Thomam Archiepiscopali veste ornatum videt, qui sublati prioribus malagmatibus & emplastris atque lintecolis alia plane manui suæ applicabat. Quæ somno soluta cum visioni rem omnino respondere miraretur, & longe melius quam antea se habere gratularetur, in posterum hæc D. Thomæ medicamenta variis læsionibus adhibuit: atque sanauit etiam eos qui apostematibus, læsionibus, cæterisque morbis vulgo Sancti Iuliani, & Sancti Fiacri appellatis laborabant. Denique, ad ecclesiam Dompni Martini appulsa mulier cum manum Diui Thomæ malagmatibus denudasset, ut S. Martyris sacris reliquiis applicarentur, mirata est nullum in vulnere apparere vestigium. Cuius beneficii meritis S. Thomæ diuinitus accepti memores tam maritus nomine Philippus quam vxor Maria tribus aut quatuor

33.

*A scorpionis ictu mui
Uter sanata.*

tuor annis postea inter natos ac cognatos facultatibus dispersis , ac multis in usum monasterii collatis, cum amicis omnibus valedixisset, & se & sua Dompni Martini Archicœnobio consecraverunt : quorum alter fratribus inserviebat, coniux vero eorum vestes & linteamina atque industria purgabat : sicque Deo ad honorem sancti Martyris dicati, vitam sanctam usque ad mortis atticulum perduxerunt.

34.
*Mortuum
resuscitatum*

Quendam hominem defunctum linteo inuolvebat mater in pago Beaurainensi aliàs Bellorenensi vulgo Beaurain; quæ cum filii vultum horridum plane & à vivente longè mutatum doleret lachrymis offusa ad S. Thomam orationem convertit , ad ipsius sacras exuvias peregrinationem promittens, si mortuo filio succurrere dignaretur : & ecce illico mortuus apertis oculis, & è facie eius sudore irrumpente ; Heu , inquit , quàm grauibus tormentis affectus fui , longeqûe vehementiora passus fuisset, nisi adfuisset mihi venerandus Archiepiscopus. Itaque vir excitatus à mortuis intelligens hunc fuisse S. Thomam martyrem, illico adiit Dompni Martini cœnobiarchiam ; S. Martyris byrrum , annulum aliasque reliquias veneraturus. Vbi tanta devotione erga benefactorem statumque religionis affectus est , ut & se & suam operam illis omnino dedicaret. Illic enim permanens usque ad mortem pro suæ industriæ conditione & plumbum conficiebat eoque testa reficiebat atque vitreas fenestras imaginibus decorabat. Tantas verò cum lachrymis & Deo & S. Martyri gratias agebat , tantoque ardore erga sanctum Martyrem inflammabatur , ut cum inter alia vitrea opera Divam Agnetem pingere statuisset, miratus fuerit suum opus in imaginem D. Thomæ transiisse, in cuius sacello diebus festis ardentissime

mè orabat, neque in posterum visus est ridere aut aliquo ludo se exercere. Atque his pietatis operibus ornatus demum ad cœlum emigravit.

Heroïna quædam nomine Aquilina alias Agnes Kietet Domina Donriher mortuum foetum eiecit, etiam naturali forma imperfectum. Quam obrem matrona probatissima pergravi mœrore confecta nullum plane solatii recipiebat subleuamen, utcunque obstetrice prudentissima asserente, eam esse Dei voluntatem ac providentiam talem cui impium foret resistere. Nihilominus enim illa mœstitia pene consumpta lachrymas ad S. Thomam fundebat hoc modo eiulans: Noui equidem potentissime Martyr & Deo dilectissime te quicquid voles ab omnipotenti Deo saluatore statim impetraturum. Iam enim sæpius ad aures meas peruenerunt tua illustrissima miracula, de quibus nulla ratione dubito. Noli igitur pati ut huius abortiui anima ad Limbum inferorum abeat. Et hoc quidem licet fortassis parentum flagitia exigant, ipse tamen infans nullius commissi reus, cur portabit iniquitatem patris, contra scripturæ sacræ sententiam? Diuinam igitur clementiam exora ut & suæ amarissimæ passionis tuique martyrii meritis mei miserimæ peccatricis misereri, huicque abortiuo vitam infundere dignetur. Hos & huiusmodi gemitus cum quædam eius familiarissima pedissequa audisset, omnem, inquit, metum ac sollicitudinem in Deum reponens, suffragium implorans Martyris: Ego statim imaginem ceream eiusdem cum hoc abortiuo ponderis ad byrrum & alias D. Tho. sacras reliquias deferam. Illa cum eo peruenisset fusisque precibus & donis oblati eandem statuam porrexisset, illico inter brachia obstetricis abortiuus animam cum vita suscepit, labra mouens vertensque oculos cum palpebris. Ad hæc

37.

*Abortiuum
vita reddi-
tus, cum in-
signibus
gratitudi-
nis testimo-
niis.*

eidem accessit membrorum omnium perfectio, ita ut nulla plane in eo macula aut defectus appareret. Quamobrem ipsa velociter ad matrem recurrens puerum viuentem obtulit, lotumque ex more aqua tepida, indies magis ac magis conualescere experta est. Itaque ne sacri baptismatis charismate frustraretur, & in gratiarum actionem filium viuificatum mater in monasterium Dompni Martini præmisit ad honorandas S. Thomæ reliquias, rogans imprimis dicti loci Abbatem Ancherium, ut ipsius pueri parrinus esse dignaretur. Quod ille non recusans cum in baptisterio Tortisontis regenerationis lauacro tinxit D. Thomæ nomine insigniens. Hinc cum ingenti gaudio ad matrem reductus est, quæ in accepti beneficii gratiam monasterium amplis muneribus affecit, quoniam etiam ad miraculi memoriam cubiculum castri in quo puer natus & resuscitatus est, sublime Dompni Martini nomen retinuit, ubi frequenter postmodum religiosi Martinienſes humaniter excepti multisque beneficiis affecti fuerunt. Quid quod non tantum ipsa piissima mater erga cœnobium Dompni Martini semper fuit optime affecta ac benefica, sed & eius omnes posterī. Ad hæc septennem filium generosissimo domus suæ equo insidere iussit, atque inde cereum equum cum puero ad pondus vtriusque cum effingi curasset & viuum & cereum equos Dompni Martini ecclesiæ obtulit atque donauit ad Diui Thomæ honorem. Demum moritura ut in cœmiterio fratrum sepeliretur humillimè rogauit, sine vlla tamen pompa aut inscriptione vel cruce vel effigie vel marmore, modo nomen eius martyrologio ad nomen Martii hoc modo ascriberetur: *Commemoratio Aquilina Domina de Donriher.* Et ne vlla ratione suo nomine grauarentur religiosi, noluit

noluit eos certis obsequiis pro se obstringi, satis contenta si communibus orationibus participaret; ne scilicet eius in hoc monasterium beneficia coram Deo extinguerentur. Porro filius vigesimum attingens annum deuotionis causa Hierosolymam adiit, ibique ob singularem bellicam virtutem & nominis claritatem eques creatur, sacrisque locis sanctæ Crucis Christi, & aliorum monumentorum passionis Dominicæ deuote adoratis in patriam rediit; ubi post reditum annis circiter quindecim ex hoc seculo transmigrans corpus suum apud matris sepulturam pari humilitate collocari voluit: sui dominii hæredem faciens soto-rem vnicam.

Vt Diui Thomæ nomen latius spargeretur, voluit etiam Dominus noster Iesus Christus eiusdem miracula ad remotiores prouincias peruenire. Erat enim quædam clarissima matrona nomine Argentila in ciuitate Nemoracensi Galliæ Celticæ vnicum habens filium nomine Odonem. Hic pustulis onustus videndi vsum perdiderat. Quapropter eius mater mortui mariti hæredem adeo grauitè afflictum dolens nullis parcebat expensis vt medicorum arte lucem recuperaret. Verum vt parum humana præsidia adesse vidit, ad diuinum recurrit auxilium, varias peregrinationes sanctorum per se aut per alios exoluens. Demum cum parum profecisset, à quibusdam peregrinis certior facta in cœnobio Domini Martini D Thomam recentem martyrem variis ac stupendis clarere miraculis, etiam hanc peregrinationem cum filio, famulo ac ministra, cum clerico comitata, non est verita suscipere. Ibique byrro & annulo Sancti Martyris reuerenter honoratis, donisque vltro oblatis post quatuor sui aduentus dies cum seruis domum repetiit relicto ibidem clerico cum filio;

45.
*Visus nobis-
sissimo in-
ueni resti-
tuitur.*

q̄ quotidie omnes horas canonicas tā diei q̄ noctis quindecim dierum spatio frequentabat in sacello D. Thomæ deuotissimè orantes. Decimo autem & tertio peregrinationis die cum ipse Odon natus annos circiter octodecim, iamque duorum oculorum lumine penitus priuatus sacrum in sacello D. Thomæ audiret (quod ibidem singulis diebus celebrari suis expensis curabat) tempore eleuationis ven. Eucharistiæ vidit quandam albam rotunditatem, tum à clerico petens vtrum ibi non esset corpus Domini nostri Iesu Christi; quod postquam ita esse submissa voce à clerico accepit; in huiusmodi vocem (cum tamen nec presbyterum nec tedam accensam animaduerneret) irrupit: O mi creator sis obsecro benedictus: Laus tibi omnipotens Deus & tuo Sancto Martyri Thomæ. Hanc exclamationem cum audisset celebrās sacrum, non dubitabat de gratia Odoni diuinitus exhibita; ideoque sublimius ac prolixius solito sacram hostiam eleuabat. Deinceps verò indies vsque ad decimum quintum diem suæ peregrinationis clarius perspiciebat. Hinc ad matrem in patriam reuersus Deum ac sanctum Thomam magnis efferebat laudibus quod perspicacius quam vnquam in vita res omnes perspiceret. Nec in posterum de accepto beneficio ingratus fuit, sæpissime S. Martyris inuissens reliquias, successu autem temporis matrimonio iunctus atque suscepto ex coniuge filio & filiisque conjugibus factis post vxoris mortem extremam senectutem in monasterio Dompni Martini transegit, eiusque ecclesiæ non exiguis opibus traditis, sepulturæ locum elegit in claustro apud resectorium.

49.

*Paralitici
admiranda
curatio.*

Vir quidam ex præfectura Boloniensi iam duobus annis lecto decubuerat omnium membrorum vsu destitutus; quem vt recuperaret magnam iam dudum

dudū pecuniam in chirurgorū medicorumque exp-
 pertissimorū expenderat operā ac industriam. Itaq;
 cum iam nihil superesset in quo iuuaretur excepta
 Dei omnipotentis benignitate, iste infirmus dor-
 mitans vocem audit huiusmodi; *Heus heus Ludo-*
nice, surge, quid hic quiescis? Cur ad cœnobiarchiā
Dompni Martini non properas ubi sancta reliquia D.
Thoma martyris coluntur? Quæ nunc supersunt opes
ne dubites illius ecclesia tradere foundationi atq; orna-
mento, cum tantas iam frustra in Medicorū aries ef-
fuderis. Iam adest tempus ut abiectis hominum pra-
sidiis ad diuina recurras. Quid de omnipotentis Dei
virtute dubitas? Nunquid creberrima & stupēda mi-
racula nō intellexisti qua fortissimus fidei Christiana
athleta D. Tho. Martyr quam latissimè operatus fue-
rit? Surge, excitate, itineri te accinge. His dictis cum
 sonitu disparuit visio. Verum infirmus sibi persua-
 dens quiescentis hanc esse phantasiā & inane som-
 nium quod suis auribus suggestum fuerat, parum
 admodū curauit. Attamen Dei pietas per duas se-
 quentes noctes eadē plane inculcauit. Demum au-
 dita tertia admonitione, excitatus ille miser infir-
 mus dubia mente multa agitare cæpit, varicque a-
 pud se disputās inter spem & metum ita loqueba-
 tur. Cum iam ab hinc annis duobus lecto non
 exieris qua ratione illuc proficisceris? Nam neque
 iter nosti quo ad Diui Martini Abbatiam sit cun-
 dum, neque aliquod vehiculi genus adest quod te
 illuc vehat. Contra vero diuina instigante mise-
 ricordia in spem se erigebat, nihil Deo & sanctis
 eius sciens esse impossibile. Quamobrem post ter-
 tiam visionis monitionem duos scipiones sibi pa-
 rari iubet, atque à suis indutus itineri se commit-
 tit cunctis amicis eius ob magnam infirmitatem
 quam in eo videbant laborem peregrinationis dis-
 suadentibus, Verum ille spem omnem in Deum &

D. Thomæ suffragia collocans, profectiopem dissuadentibus cum vix dum limen domus fuisset egressus confidenter respondit: Quid obsecro ab incepto itinere me remoramini, cum sanis vnius duntaxat dici sit via, quæ vndecim horis confici queat? Nunquid eam vel saltem vno mense conficiam? Quapropter hac de re quæso ne apud me plura verba faciatis. Ego hanc peregrinationem cum Dei præsidio & sancti Martyris tandem exequar, vel Deo ita volente moriar. Neque cuiusquam vestrum exposco auxilium, nisi vt pro mei itineris suscepti successu orare dignemini. Sic Deo se commendans nunc sustentaculis innixus, nunc pectore procumbens aut genibus & cubitis se sustentans reptabat, corpusque infirmum vt potuit volurabat; sicque tandem duodecimo die suscepti itineris ad ecclesiam Domini Martini peruenit. Sequenti die parum sollicitus exantlati laboris quem in via perpessus fuerat tunc sub dio dormitans nec fatigationem moleste ferens primum omnium reptauit in sanctuarium D. Thomæ, ibique omnium peccatorum suorum cum essent festa Pentecostes exomolegesim fecit: tum lachrymis perfusus coram imagine gloriosissimi Martyris statim sanitatis gratiam impetrauit. Cum enim à peccato cum absolutum signo crucis confisarius reliquias S. Thomæ martyris manibus tenens consignasset, illico is qui ad instar globi iacebat, caput erexit cum magna veneratione ac cordis contritione reliquias gloriosi Martyris plorando honorans. Præterlapsa hinc semihora, alterum genu flexit, moxque alia media hora elapsa aliud quoque erexit. Atque ita vtrisque genibus insistens paulatim per singulas horarum medietates singulorum membrorum consolidationem ac firmitatem recepit. Demum in vespertis suprascripto Reueren-

uerendo Abbate D. Anchiero Dompni Martini dicente, *Deus in adiutorium meum intende*; sublimi voce respondit cum aliis, & *ad adiuuandum me festina* (erat enim latinæ linguæ non ignarus) assidue Diui Thomæ imaginem cum magna cordis contritione ac amaritudine animi contemplans. Deinde verbis hisce gallicis sanctum Martyrem est allocutus: *O Monsieur saint. Thomas à moy ayder uoullie toy haſter; tu vois la miserableté de ma maladie & l'eſperance de mon cœur. Et doncq ſoye Zententif à mon ayde.* Tum celeberrimus martyr Diuus Thomas suæ spiritualis medicinæ pharmaca depromens, supplicem exaudiuit viresque totius corporis ei plane integras, antequam vesperis finis imponeretur, restituit. In cuius rei testimonium scipionibus abiectis ibique relictis sese in pedes erexit: atque per templum ac claustra nullo baculo fultus liberrimè deambulauit. Tertio demum post diē expeditè domum reuersus est, cum iam in eodem cœnobio omnes carnis impetigines ac scabiēs deposuisset, quibus integrum corpus scatens potius horrendi leprosi speciem quam alterius ægroti referebat. Ecce quantum potest sacri martyris meritum & suffragium.

Duo Alemaniæ comites, quorum vni Otho alteri Hermes nomen erat, inueterato odio & graui bello inter se dissentiebant. Nihilominus vtrique summa erat erga D. Thomam Archiepiscopum deuotio; eum & mane & vesperi hac salutabant antiphona: *Opem nobis ô Thomas porrige, rege stantes, iacentes erige, mores actus & vitam cor rige & in pacis nos viam dirige.* Versus. *Corona aurea super caput eius.* Resp. *expressa signo sanctitatis gloria honoris & opus fortitudinis.* Oremus. *Deus pro cuius ecclesia gloriosus Archipontifex Thomas*
l s gladiis

58.
Duo Comites post longa intestina odia per S. Thomam mirabiliter conciliantur.

gladiis impiorum occubuit, præsta quaſumus, ut omnes qui eius implorant auxilium petitionis ſue ſalutarem conſequantur affectum. Per Chriſtum, &c. Hinc accidit quinto feſto Pentecoſtes quod Diui Thomæ dicatum eſt ꝓ amicus-Dei D. Thomas ſanctiſſimæ memoriæ Archiepiſcopus quondam Cantuarienſis nocturna viſione ſupradicto Othoni apparuit ita inquiring: Cur quæſo eos odio perſequeris quos amore proſequor? Nunquid tibi in mentem venit, quoties te bellantem contra paganos iuuerim? ſicut etiam eius aduerſario Hermeti adfuerat ꝓ hæc obſecro non ſolum ad mentem reuoca, ſed & memineris meſſe Thomam Archiepiſcopum Cātuarienſem; qui tibi ſeriò iniungit, vt hoc die Iulii

*7. Iulii in
Anglia ce-
lebrari olim
ſolita eſt
Translatio
D. Thomæ
Cantuar.*

7. infra annum coram me compareas in eccleſia Dompni Martini in finibus Artheſiæ ꝓ quo ſæpè veniſti dum ex monaſterio S. Iudoci ad mare redire ꝓ eoque deduces filium tuum Goſſonum vt melius ei ſit. Hæc ſi non feceris quam graviter Deum offendant qui iniuſta bella gerunt ſtatim experieris. Eadem verba in ſomno Hermeti Comiti fecit ſanctus Thomas, præcipiens etiam vt filium ſuum Almaricum ꝓ quem Amouly vulgo dicimus ꝓ conduceret. His autem comitibus erant duntaxat duo filii & totidem filiæ. Iamque ſupradictus Goſſonus uſum videndi perdiderat dum apud in ſyluis venaretur, ramo quodam in oculum irrupente, vixque annum decimum & ſextum attigerat. Vt igitur ad dictum diem in cœnobium Dompni Martini appellerent ambo Comites, inſcii tamen mutuæ viſionis, itineri ſe accingunt. Prior Hermes illuc cum perueniſſet ſacrum in D. Thomæ ſacello audiebat: & ecce alter Otho etiam intrat eccleſiam, certiorque factus de aduentu Hermetis aduerſarii ſtatim cingulum cum enſe humi in templo deponit, nec vult ſacellum

Jum Diui Thomæ ingredi ne Hermetis oratio interturbetur, famulis quoque suis interdicens ne quis eorum illum attingeret. Interim quidam ex famulis Hermetis adesse Othonem nunciat quidque de suo ense fecisset. Tum Hermes erectis in cœlum oculis: Gratias, inquit, tibi ago Domine Deus ac sancto Martyri: Hic Otho nobis est gratissimus: pariterque deposito cingulo gladium ad pedes imaginis sancti Martyris deposuit; atque missæ sacrificium ad finem usque deuotè audiuit vna cum Othone qui è sacello prodeuntem Hermetem pileo deposito honorifice salutauit, tanquam & Dei & Sancti Thomæ amicum ac famulum. Hunc cum humanissimè resalutasset Hermes eodem modo, eorundem filii eandem salutationem præstiterunt. Postea ambo duos enses in manu sancti Martyris collocarunt in signum pacis compositæ ac fœderis perpetui, etiamsi parui non essent precii. Deinde idem Otho cum Hermete alteri sacro interfuit, & ambo pariter cum filiis oblationem sacerdoti fecerunt manibus se complectentes cum summa deuotione. Mox supradictus Gossonus oculum recuperauit. Nec ita multo post Gossonus filiam Hermetis in vxorē duxit & Almaricus Othonis natam, quibus matrimoniis (ut erant hi duo filii ætate pares) etiam inter parentes firmior amicitia iuncta est. Verum ut ad eorum exitum è monasterio Dompni Martini redeam, non defuerunt tum latētes antiqui hostis insidiæ, qui cum horū principum fartam tectamq; amicitiam effringere non posset, Othonis Comitis famulum (qui superioris discordiæ ac belli primarius auctor fuerat) in suos casses attrahere est conatus. Cum enim ambo Comites arctissimo familiaritatis vinculo iuncti portā ipsius monasterii egredere

centur,

rentur, dictus seruus hanc amicissimam reconciliationem iniquo adhuc, ut aiunt, ferens animo, vix dum ad lapidis iactum ab eodem processerat cœnobio, cum equo deiectus statim expirauit. Quâ obrem pergravi mœrore affectus Otho, iuxta Hermetis consilium, inuocato D. Thomæ auxilio, ad imaginem & reliquias sanctissimi Martyris exanime corpus deportari fecit. Vbi cum vnius horæ spacio iacuisset orantibus pacificis Comitibus vna cum toto Monachorum cœu, cum Dei misericordia tum sancti Thomæ suffragiis, non solum ad vitam reuocatus est dictus minister, sed etiam sacramento pœnitentiæ salutari à peccatis absolutus. Deinde cum suarum insidiarum technas Comitibus exposuisset, veniamque pro conceptis criminibus & ab eis & ab eorum filiis implorans fuisset consecutus, animam omnipotenti Deo reddidit. Comites verò cum summa familiaritate in patriam reuertentes Diui Thomæ martyris & Archiepiscopi Cantuariensis miracula & gesta maximis efferebant laudibus, glorificantes Deum qui talem potestatem dedit sanctis suis.

39.

Cum in sanctis suis Deus omnipotens semper fuerit & sit mirabilis, & supradictis D. Thomæ stupendis, omnique admiratione dignis prodigiis ac signis non solum se mirabilem præbuit, sed etiam toti Galliæ ac Angliæ, imò vniuerso pene orbi sanctissimum martyrem celeberrimum fecit, dum huius beneficia amplissima experti sunt cuiusvis status homines, cum nobiles tum ignobiles sed & reges quoque & episcopi atque Archiepiscopi. Nā ut ab ecclesiasticis exordiamur, cum illa mulier de qua superius scriptum est abortiuo suo meritis S. Thomæ apud Dompnum Martinum ad vitam reuocato, Landunum se inde recepisset, miraculi-
que

que rumor ad aures Domini Walteri eiusdem
 vr̄bis episcopi peruenisset, nolebat tamen hic vlla
 ratione sibi persuadere, etiam multis rei veritatem,
 cum eadem muliere, attestantibus, tanti miraculi
 specimen suffragiis ipsius martyris accidisse. Ita-
 que in hac incredulitatis pertinacia ad decem pene
 dies persistens demum Deo ita disponente, deci-
 ma post nocte tam vehementi sinistri brachii fri-
 gore corripitur ab humeris vsque ad digitorum ex-
 tremitatem, vt à nemine vlllo fomento calefieri
 posset interius: Nam & palpantibus exterius adeo
 erat frigidum, vt tanquam gelu ac glacie rigidum à
 nullo tangi posset, qui prius ad ignem non appo-
 suisset manus. Quin etiam quasi congelatum o-
 mnino foret nullis illud hominum viribus ad cu-
 bitum vel ad manus articulos complicari potuit.
 Quid tandem? Ab inimicis & vicinis ipsaque mu-
 liere consilium accipere episcopus cogitur omni
 iam humano subsidio destitutus, qui ei suaserunt
 tandem vt Diui Thomæ sacris reliquiis peregrini-
 nationem cum veneratione promitteret. Quam
 cum vouisset cetero brachio ad sancti Martyris ho-
 norem confecto, sequentis noctis quiete refocilla-
 tus iter aggreditur ad Dompni Martini cœnobium
 in finibus Artesiæ, ibique coram rochetto cæteris-
 que pretiosis Diui Thomæ reliquiis cum Dei ele-
 mentiam exorasset omni dolore liberatur; adeo vt
 ad altare sancti Martyris ipso die sui aduentus
 missam liberrime celebrauerit. Ne autem tanti
 miraculi memoria ex hominum memoria elabe-
 reretur, & vt ipsi Dompni Martini fratres animæ suæ
 salutem haberent commendatam, suum nomen
 ecclesiæ illius martyrologio inscribi iussit quinto
 Octobris die, eo nimirum quo sanitatis gratiam
 à Deo sancti Thomæ precibus fuerat consecutus.
 Multis quoque muneribus ipsam Dompni Martini
 eccle-

*Incredulus
 Episcopus
 D. Thomæ
 miracula
 cogitur ag-
 noscere.*

ecclesiam affecit; singula à D. Thoma superius patrata approbans miracula, quorum & ipse particeps fuerat.

61.
Regina Castellæ curatur.

Excellentissima Domina & Princeps Ioâna Regina Castellæ & Leonis, Comitissa Pontinii, audiens Radulphum venerabilem Archidiaconum Pontinensem morbo fistulari quem medici ac chirurgi æntam vocant laborantem D. Thomæ meritis curatum fuisse, pro sanitate etiam muliebrium, ecclesiam Dompni Martini adire non est grauata; vbi oblati muneribus, peractaque deuotione, eam amplissimis donis auxit: siue ornamenta ecclesiastica, siue vitreas fenestras spectes quæ eiusdem insigniis decorantur; vnde & nomen ipsius cum celebri memoria martyrologio etiam inscriptum ad septimum & decimum diem mensis Martii, quia ita fieri petierat, sibi que obsequium annum eodẽ die celebrari. Simili ratione in eodem codice nomen dicti R. Archidiaconi Domini Radulphi celebratur decimo quarto Septembris, quo die ad ecclesiam Dompni Martini adueniens S. Martyris subsidium perceperat: adeo vt in posterum nullo dolore grauatum se senserit.

62.
Duo episcopi in cõcordiã redeũt.

R. Episcopus Sueffionensis nomine Goessenus intentatam habens litem contra alium potentiorẽ episcopum cuius nomen erat Albero (sed loci titulus non exprimitur) quia potentia & facultatibus hunc superare non poterat, etiamsi æquitate præualeret, ad S. Thomæ præsidium recurrit; ei suæ ecclesiæ Sueffionensis æquam protectionem commendans, qua ad sanguinis effusionem ecclesiæ Cantuariensis defenderat authoritatem. Vouit itaque ad Diui Thomæ sacra pignora in cœnobio Dompni Martini peregrinationem & cereum tantæ longitudinis, quanta erat agrorum terræ de quibus erat controuersia. Sequenti nocte Alberoni

Alberoni Antistiti S. Thomas apparuit in somnis
vt à controuersia desisteret : monens etiamsi effe-
ctum quem desiderabat sortiretur, ne tamen per-
uersa cordis auaritia deciperetur. Ad monentis S.
Thomæ Cantuariensis Archiepiscopi verba atton-
nitus Albero cum stupore excitatus, etiamsi non
agnouisset hortantis vultum, nihilominus vt li-
tem cum episcopo Sueffionensi componeret iti-
neri statim sese accingit. Verum postquam audis-
set Sueffionensem præfulem iam iter parasse ad
Archimonasterium Dompni Martini in D. Tho-
mæ Archiepiscopi Cātuariensis honorem, ad me-
moriā reuocans visionis grauitatem Archiepi-
scopalem, diutius de Archipræfule Thoma Can-
tuariensi minimè dubitans, etiam versus idem cœ-
nobium viam dirigit, eoq̃ue vna ambo episcopi
appulerunt, vbi coram imagine ac sacris reliquiis
D. Thomæ Albero Sueffionensi episcopo fateri
culpam suam non est veritus : Goesleumq̃ue verò
& aperto luri inniti, quod ipse sanctissimus Archi-
episcopus Thomas ipsi in somniis declararat. Nec
plura addens Albero Goesleno episcopo contesta-
tæ litis expensas persoluit. Porro ipse Goeslenus ce-
cum longitudinis quingentorum brachiorum
{ quantum scil. circuitus capiebat ager controuer-
sus } iuxta promissa in ecclesiam Dompni Marti-
ni contulerat; quo etiam nudis pedibus & capite
perrexerat ab vrbe Sueffionensi per Corbeiam, iter
nimirum triginta septem leucarum. Quod equi-
dem graue admodum fuit viro tenero & huiusmo-
di laboribus insueto. Vt autem huius peregrina-
tionis perpetua extaret memoria, huiusmodi Rmi.
ac piissimi episcopi. nomen Martyrologio conse-
cratum est ad vigesimum quintū Octobris sanctis
Crispino & Crispiniano dicatum; quo ipse domo
adco longam exorsus fuerat peregrinationē. Simili
autem

autem deuotione ac labore videl. nudis pedibus ac capite nudo vt peregrinationem absolueret ita reditum confecit: Deum Opt. Max. laudans & gratias agens quod nihil detrimenti suum ob hanc controuersiam cœnobium percepisset. Ideoq; à reditu suo quotidianam adiecit abstinentiam à carnibus & piscibus quotidie ielunans, diebus festis atque dominicis exceptis; multa quoque beneficia cœnobio Dompni Martini contulit. Ipso etiam die inixtæ concordie qui in tertium Nouembris incidit coram supradicta imagine D. Thomæ Archiepiscopi, idem Albero nomen suum describi iussit in martyrologio eiusdem ecclesiæ, cui non parua commoda deinceps attulit.

63.

*Philippus
Comes Flā-
dria à secre-
tione morbo
curatur.*

Philippus Illustris Comes Flandriæ secretiore quadam infirmitate agitatus, cum à medicis nulum adiuuentum posset consequi, ad honorem D. Thomæ & eius pignora quæ apud Dompnum Martinum honorantur, sui ponderis ac magnitudinis ceream statuam huic vouit ecclesiæ; neque hac oblatione contentus adiecit & arma seu cataphractum equum cum lancea & gladio atque non mediocrem summam pecuniæ. Cumque harum rerum latores sese itineri commisissent, melius sese habere cœpit Comes, paucisque postea diebus omnino conualuit: quod ipsemet verbis fratribus postmodum confirmauit, suam offerens liberalitatem si qua in re eius opera ac fauore monasteriū Dompni Martini indigeret: atque in memoriam suæ sanitatis & gratiarum actionem, nomen suum in martyrologium referri voluit eo die quo sua oblatio D. Thomæ fuerat præsentata, hoc est primo die Iunii; Denique eandem ecclesiā plurimis donis exornauit.

67.

*Ioanna Rē-
gina Frācia
puerperij do-
lorē libera-
tur, &c.*

Illustrissima ac clarissima Regina Franciæ ac Nauarræ Domina, iam sex dierum spatio puerperii graui-

grauitatem pene intolerabilem perpessa fuerat frustra plane & medicorum expertissimorum arte, ac sapientum obstetricum industria adhibita, demum de vita prolis suaeque salute ut ipsi confirmabant Medici desperabat; cum ecce ipsis ab ea recedentibus, Ducissa Nemoracensis adueniens, serenissimæ Reginae crebra miracula; quibus apud Domini Martini Antistitium florebat S. Thomæ exuiaz, coepit exponere, Imprimis ob oculos ponens admirabilem curationem cæcitatis cuiusdam pueruli (cuius mater Nemoraci tunc agebat) hoc domesticò miraculo permotâ Regina statim præsentibus multis se eo peregrinantes missuram stipulata est cum statua pueruli argentea pondere vtrumque Marcærum, quam sanctissimæ Trinitati atque D. Martyri dedicabat Quarta hinc parte horæ vel circiter prolem absque cuiusquam adminiculo enixa est, quæ suscepto baptismo tribus diebus superuixit. Verum filii morte vehementius afflictâ Regina votum Deo & reliquiis Martyris factum neglexit; Vnde tempore promissionis factæ iam elapso, longe vehementius morbus in mamilla eius exarsit; quæ cum nullius remedii vini posset admittere, tū demum promissi memor, constitutos peregrinos, una cum oblatione promissa ad Abbatiam Domini Martini transmissit, alium præterea adiungens, qui mamillæ speciem Argenteam vnius marcæ ad reliquias S. Martyris deferret, quo facto sanitatem consecuta est. Quamobrem nomen quoque suum Martyrologio inscribi curauit secundo Aprilis die, quo prolis grauedine exonerata fuerat, ut hac ratione fratrum Domini Martini cum in vitam post mortem orationibus commendaretur quibus etiam amplissima fecit dona.

68.

*Miraculorū
cōprobatio.*

Cum superioribus capitibus quam plurima non tamen omnia in Monasterio Domini Martini me-

ritis D. Thomæ Archiepiscopi & Martyris patrata miracula in medium protulerimus ne quis forsitan de eorum vel frequentia vel magnitudine in posterum vacillet, à quibus ea fuerint approbata & confirmata paucis dicemus. Sampson Carnotensis Ecclesiæ quondam episcopus, & postmodum Remensis Archiepiscopus circa annum salutis 1139. teste Sigeberto creatus, cum varia & stupenda S. Thomæ ex multis fide dignis viris audisset, de ipsis plenius volens informari, Richardum etiam Ambianensem & Walterum Landunensem, Gosselinum Sueffionensem Reuerendissimos episcopos aliosque grauissimos viros tam illustribus familiis quam dignitatibus claros, atque inferioris notæ homines probos audire super hac re voluit, ex quibus eadem quæ prius didicerat, confirmari audiuit. Particularius verò eximius quidam sacræ Theologiæ doctor & Rhemensis ecclesiæ beatissimæ virgini Mariæ dicatæ canonicus (quem ob vitæ sanctimoniæ celebrant) nomine Ausculphus eidem Illustrissimo ac Reuerendissimo Archipræsuli Rhemensi exposuit; quantopere ipsemet quondam dolore colico alias iliaco morbo vexatus, calculoque laborans, cum in sacello D. Thomæ ecclesiæ Dompni Martini sub sacrosanctæ missæ sacrificium ab Hefdingensibus fundatæ oraret, supra semilotum calculorum ad instar arenæ marinæ emisserit festis pascalibus, atque his rationibus omni dolore liberatus, mediam partem calculorum Reuerendissimo atque Illustrissimo Archiepiscopo detulit. Quamobrem is plenius informatus cætera etiam sancti Martyris signa rata esse iussit atque confirmavit: maximè cum Reuerendissimi præsules Ambianensis Dominus Richardus & Theobaldus (de quibus supra) diligentem super his inquisitionem atque examen fecissent, nec non testimonium sanctissi-

Etissimum ac firmissimum exhibuissent. Siquidem
 Reuerendissimus Richardus imprimis ad cœno-
 biarchiam Dompni Martini profectus ex ore gra-
 uissimæ Angletæ Dominæ Donthier ac Domini
 Pontinii Dominæ Dompnipetrei, præfectæ castri
 Hesdiniensis, mulieris quoque Ambianensis quam
 momorderat vipera, & iuuenis Stephani Ambia-
 nensis, Assonis Brunensis, alteriusque viri Mon-
 straliensis aliorumque plurimorum affirmatione
 didicit superius narrata sine ulla dubitatione me-
 ritis Sancti Thomæ Archiepiscopi & Martyris
 cum in suis tum in aliis personis fuisse euidenter
 perpetrata, quod etiam coram dicto Reuerendis-
 simo episcopo Richardo ad Abbatiam Dompni
 Martini acciti testimoniis affirmarunt. Sed & ad
 alios absentes ministros suos misit idem Anti-
 stes. Quibus omnibus auditis, Illustrissimum
 Antistitem Rhemensẽ Dominum Sampsonem
 certiorẽ per literas reddidit: qui hisce eiden-
 tissimis miraculis inflammatus, cœnobium Dom-
 pni Martini amplissimis muneribus auxit & exor-
 nauit. Quin etiam multorum compescuit inso-
 lentiã qui huic nonnulla incommoda inferte
 conabantur. Quapropter etiam martyrologio
 ecclesiæ nomen eius insertum fuit ad festum Mat-
 thæi Euangelistæ, quod in vigesimum primum
 Septembris diem incidit; quia ipse fratrum suf-
 fragiis commendati exolcerat, attestans supra-
 dicta omnia Diui Thomæ signa esse verissima.
 Deinceps autem Diui Thomæ Martyris ob cele-
 britatem miraculorum fama per orbem volitan-
 te, etiam vsque ad Concilii Turonensis conuen-
 tum sub Alexandro quarto Pontifice Maximo
 habitum horum notitia peruenit. Cum enim ibi-
 dem interessent nonnulli religiosi Archicœno-
 bii Dompni Martini, quidam etiam Archiepi-
 scopi

scopi atque episcopi, sed & varii Legati Regum Franciæ & Angliæ cum aliis multis prælatis harum rerum consciis, hi omnes ea certissima esse testati sunt. Quamobrem illud Antistitium quam plurimis dotibus exornarunt. Imprimis vero qui in se S^{ti} Martyris virtutes fuerant experti. Ideoque eius Concilii patres suum nomen illius ecclesiæ Martyrologio inscripserunt, vt quotidianis piorum fratrum orationibus commendarentur. Quorum vt recentior sit memoria hic nomenclaturam faciemus.

1. Primum omnium ad vigesimum primum Septembris supradicti Reuerendissimi atque Illustrissimi Archiepiscopi Rhemensis Domini Sampsonis huic Martyrologio inscribitur nomen.
2. Secundo loco Archipræsul etiam Rhemensis eodem in codice celebratur Thomas nomine, decimo quinto Februarii.
3. Christianus Archiepiscopus 25. Augusti.
4. Galfridus Archipræsul 18 Iulii.
5. Ethilus Archiantistes 7. Septemb.
6. Anselmus Antistes Ambianensis 10. Maii.
7. Richardus episcopus Ambianensis 23. Maii.
8. Theobaldus Ambianensis præsul 11 Maii.
9. Eurardus Ambianensis Antistes 28. Octob.
10. Walterus episcopus Landunensis 5. Octobr.
11. Gasselinus Sueslionensis Antistes 25. Oct.
12. Albero episcopus 3. Nouemb.
13. Galterus episcopus 28 Iulii.
14. Godescalcus præsul 7. August.
15. Desiderius episcopus 1. Septemb.
16. Walonus episcopus 7. August.
17. Godescalcus secundus episc. 7. Septemb.
18. Astulphus episcopus 19. Septemb.
19. Ioannes præsul Sabinensis 2. Oct.
20. Theo-

20. Theodoricus Antistes 9. Nouemb.
 20. Iordanis episcopus ac fundator 7. Decemb.
 20. Odo episcopus Beluacensis 27. Iunii.
 21. Milo primus Abbas S. Iudoci in Nemore, quem
 nunc Dompnum dicunt Martinum, postea
 episcopus Teruanensis, descriptus est in Mar-
 tyrologio ad 16. Iulii. Denique omnium su-
 pradiCTORUM, quorum nomina in Martyro-
 logium relata sunt numerus est quinque
 Archipræsulum & viginti duorum episco-
 porum : qui omnes hanc Dompni Marti-
 ni hæteriarchiam bonis & spiritualibus &
 temporalibus plurimum auxerunt atque ex-
 ornarunt.

Vt etiam orationum fratrum monasterii Dom-
 pni Martini participes fierent meritis ac
 suffragiis sanctissimi Martyris D. Thomæ,
 tam Franciæ Reges ac Reginæ quàm Illu-
 stres Comites Pontinii, Flandriæ, Arthe-
 siæ atque aliarum prouinciarum guberna-
 tores qui huius S. Martyris ac Archiepi-
 scopi Cantuariensis virtutes senserunt ex-
 pertique fuerunt, hi inquam omnes sua no-
 mina supradicto martyrologio consecra-
 runt.

1. Imprimis Christianissimus Rex Franciæ Phi-
 lippus piæ memoriæ vt latius narratur in
 martyrologio 15. Iulii.
2. Item Ludouicus Serenissimus Rex Galliæ 19.
 Septemb.
3. Item alius Ludouicus Franciæ Rex 28. Se-
 ptemb.
4. Item piæ memoriæ Philippus Rex Galliæ 15.
 Iulii, pro cuius animæ refrigerio anniuertsa-
 rium cantatur annuatim.
5. Ludouicus alius Franciæ Monarcha 2. No-
 uemb.

uembr. pro quo, etiam obsequium persoluitur annuatim.

6. Domina Constantia Franciæ Regina, de qua superius, etiam Martyrologii scriptis celebratur ad 5. Oct.
7. Ioanna Regina Galliæ & Nauarræ 2. April. Martyrologio inseritur.
8. Guilielmus Comes Pontinii inscribitur Martyrologio 5. Oct.
9. Ioannes Comes Pontiniensis ac Berensis vna cum vxore relatus est in Martyrologium 1. Iulii atque ambo anniuersariis honorantur.
10. Simon eorundem Comitatum præfectus non solum Martyrologio 21. Septemb. inseritur, sed etiam annuariis precibus fratrum iuuatur.
11. Philippus Flandriæ Comes nomen suum etiam Martyrologio iussit inscribi ad 1. Iunii. Hic & pro singularibus eiusdem erga monasterium beneficiis, obsequio anniuersario decoratur.
12. Margareta Flandriæ Comitissa & Artesiæ ad 4. Ianuarii scribitur in Martyrologio.
13. Denique Simon Comes Montisfortis tanquã fundator in Martyrologio scribitur ac celebratur ad 25. Iunii.

Neque verò hi soli & præfules & Reges ac Comites sancti Thomæ martyris virtutes experti suo testimonio ratas fecerunt, verum & plurimi alii tam ecclesiastica dignitate ornati quam secularis status viri probati sua inquisitione ac experientia comprobarunt, suorum etiam testimoniis vicinorum fide dignorum vtentes. Nam imprimis magister Guilielmus Poullain præfectus ac Dominus hospitalis seu Xenodochii sancti Nicolai à Monstrolio,

strolio, Item magister Guilielmus Machne, pastor Aubinensis & Bonniensis: necnon Thomas de la Cousture curatus de Belrain, itemque Pastor de la Contee ad Canciam. Dominus Mathæus Merchier & Dominus Iudocus Bersin pastor Salchoy & S. Remigii, qui omnes D. Thomæ sanctuaria nō solum apud Abbatiam Dompni Martini visitant, verum & ob beneficia ab eo accepta munera cum temporalia tum spiritalia obeluerunt. Quod si ad plebeios descendamus, cum viri tum mulieres adhuc superstites: Rogerius à Loric Montriherensis, alius item vir Tortifontis nomine Ioannes Tarquelin & Domicella collaye à spina; alius insuper homo molinensis cui nomen Ioannes le Caron & Isabella de Foutibus ex Ray oriunda, plurimique alij variis gratiarum donis à D. Thoma ornati testimonium virtutum eius præbuerunt.

EXTRACTVM EX CHRONICO COMPENDIOSO omnium Abbatum Archicænobii Dompni Martini seu D. Iudoci in memorie, versibus conscripto.

QUARTVS ABBAS.

Anscherus sequitur, Thoma miranda Britanni
Cuius adornarunt celebrem miracula mirram.

Proxima lux aderat qua magni armauit Olympi
Rector, Apostolicum linguis flammantibus agmen.
Tum memoraturus duri monumenta doloris
Mystica, quo fulmen soboles æterna trisulcum
Eripuit summi manibus genitoris, ad aras,
Ancherus stabat modulato gutture promens

K 4

Gloria

Vide supra
Num. 39.

Vide supra
Num. 49.

Gloria caliculis, & pax mortalibus; Ecce
Inclusa in ade puer materna extinctus in alua
Ossibus admotus Thome (mirabile dictu)
Continuo aethereas hausit diuinitus auras,
Atque animam populo vitamque stupente recepit.
Altera lux aderat non certis clara Calendis
Qua pater Anscherus decantaturus auito
Hesperias de more preces, hac ore sonabat:
Propius in auxilium, cal. q. soliq. Monarcha
Atque parens intende meum; Mirantibus ecce
Omnibus, ante sacri profundans Martyris ossa
Nullo vota sono, sublimibus ora resoluit
Vocibus, ac monachis modulantibus assonat, omnes
Rumpe moras, laturus opem mihi; moxque salutem
Membrorum recipit, quorum priuatus ab annis
Munere iam binis fuerat, votisque potentem
Martyra supplicibus cumulat Diuumque parentem.
Huius reliquias ac ossa salubria Thome
Angla Diues opum Dompni transmisit in, ad eum
Martini, magnoque solum decorauit honore.

1172.

QVINTVS ABBAS.

A Lestanus & hac Hugo miracula Thoma
Obstupet; illo operante gradu vestigia recte
Figere collustrat claudos, & lucis egenas
Ac anima veteris reuocari ad lumina vita,
Ac varia mutilos donari membra salute.

AD DOMPNI MARTINI COENO-
bitas de Reliquiarum S. Thomæ Aduenta.

EPIGRAMMA.

T Hura pi, date thura, volent tua dona saba:
Come serenatam, grex nemorose, ci mam.
Plaude manu, pia pange manu tibi pectora, lu-
Gaudia discutiant; lux veneranda venit. (Etum
Lux

Lux veneranda venis, nunc quoque notanda lapillo:

Pauper es? hac nimum mox opulentus eris:

Hospes ab extremo veniet tibi maximus orbe,

Anglia non isthoc hospite digna fuit.

Is tibi fundet opes, & opem cuiusq; beatus.

Quem tanto dignum Principe, Christe facis.

Gaude igitur Martiniadum sacra copia fratrum;

Ecce tibi Thomas advenit. Aula micet.

Excute postea seram, bipatentibus excipe portis

Tantum heros: fores excute, rumpe seram.

Ille tibi magnas sua per miracula vires

Suppetet, ille tuos nobilitabit agros.

Tanto igitur gratare Duci. Vastri esse parentem

Cænobij Thomam dicere iura potes.

ANNVS QVO D. THOMAS

OCCVBVIT.

Centum & mille hyemes, septem quoq; lustra da-
bantur,

Anglorum Thomas cum cadit ense decus.

Cuius gratia.

Regalis Thomas sacer Archiepiscopus urbis

Extremum charo pro grege calcas iter.

Dies suffocationis.

Lux aderat terris nato Celeberrima Christo

Cum Thomas incubuit sanguinolentus eques.

Locus occisionis.

Victa soluturus summam assistebat ad aram

Ecce potens ferro noxia turbarnis.

Auctores cedis.

Britto Richardus onat, Mornilius Hugo cruentis

Dentibus insultans, verbera crebra rotat.

Tracius hinc Guillelmus adest. Reginaldus & urso

Sanior inde ruit; tela, necemq; ferunt.

Encomium D. Thomæ.

His igitur Thomas magnatibus occidit: illis

Non cedit virtus. Victor ad astra subit.

K 5

Astra

*Astra subit victor, longum victurus in aenum,
Victurusque alii fulmina prompta patriæ.*

Aliud de Anno Martyrii D. Thomæ.

A Nno milleno centeno septuageno,
Anglorum primas corruit ense Thomas.

Persona, Causa, Modus, Tempus,
Locus.

Q Vis moriturus Prasul. Cur? Pro grege. Qualiter?
Ense.

Quando? Ipso Domini Natali. Quis locus? Ara,
Authores cædis.

R ichardus Breton, necnon Mornilius Hugo
Guilhelmus Tracy, Reginaldus filius urbi,
Thomam martyrium fecere subire beatum.
Fortis & invictus, his quatuor ensibus ictus
Primas Anglorum Thomas petit alta polorum.

DE MARTYRIO S. THOMAE CAN-
tuar. Archiepiscopi, Carmen Rythmicum,
Historicum, Allegoricum & morale,

Ex peruetusta Codice M. S.

A Nte chaos iurgium indigestæ molis.
Adhuc hyle grauida særu magnæ prolis,
Necdum orto lumine lunæ neq; Solis,
Nec discretis ære, terra, mari, polis.
In natura in serie rerum mundanarum
Prouidè disposuit dator gratiarum
Sub pressura grauium, onere curarum,
Post laborem requiem; Dulce post amarum.
Beth Abel lugentibus est leuamen natus.
Raptus Enoch requie curas est solatus:
Post vt Chaldaicum exul euocatus
Abram in spe seminis stellis est æquatus.

Pos.

Post Agar ludibrium Saræ natus datur.
 Post Liam ad libitum Jacob vxoratur.
 Ioseph luens somnium dum male tractatur,
 Post malorum cumulum regno principatur.
Pressis Jacob filiis iugo Pharaonis.
 Patria promissa est repromissionis.
 Multus in periculis maior fit in donis
 Magnus Rex David pater Salomonis.
 Iob in damnis vnicus, vas electionis,
 Post væ, cæmen cecinit duplis auctus bonis.
Quos in aquis gratiæ lauit à peccatis
 Palmis, costa, pedibus, in cruce foratis.
 Regno his restituit illis prælibatis.
 Præit calix culmina ob spem Maiestatis.
Culmina per calicis meruit amara
 Thomas honor præfulum, gemma Deo chara
 Nox in lucem claruit, Lux resplendet rara
 Parens noui gaudii contra spem fit Sara.
Væ & cæmen prætuli. Volo væ præire,
 Vicem sequi carminis, cæmen vocis diræ.
 Sequor morem Comici. Scio vos hæc scire
 Prius væ & tristia: post Euax & liræ.
Zelo domus Domini zeli dux accensus
 Iuris est funiculo iura Dei mensus.
 Hinc offensus furor est. Institit offensus,
 Vt vel iustus disfluat vel ruat intensus
Rus Hamptonis dicitur mansio regalis
 Plaga rus cognominat septentrionalis:
 Struxit hic consilium concio feralis.
 Hic cum Christo Domini fit conflictus talis.
Rixis, minis, probris, est publicè pulsatus.
 Mitem furor impetit vt Iesum Pilatus.
 Non tacet, non titubat, non est immutatus.
 Non est ante Baalim timidè curuatus,
Cum Naboth legitimè mente stabilita,
 Perdam, ait, potius vineam eum vita

Quam

Quàm in hortum olerum sit me dante trita,
 Et tutando vineam stat armatus ita.
 Cum lob patientia membris loricatis
 Scutum sibi prætulit bonæ voluntatis
 Munit illum lancea longanimitatis:
 Cassis spei, gladius verbi veritatis,
 Armis fudit talibus ut inuictus Leo.
 Nil leonis tumidi, nil ferinum in eo.
 Solum id conaminis in hoc Nazaræo,
 Mori siue viuere non offenso Deo.
 Stat in petra firmiter firmi fundamenti.
 Infirmare nequit hunc fluctus visve venti,
 Deest pallor vultui, deest timor menti.
 Danieli comes est feras non timenti.
 Ut in agnum irruant lupi circumfusi,
 Tractant de legifero legibus abusi.
 Sed nox patrem liberat tutrix interclusa,
 Et venantur aerem vana spe delusi.
 Ne augmentet scandalum maior angaria
 Se consulto transtulit fugæ fultus via
 Implens euangelium & præcepta Dia
 Et furori regio cedens cum Helia.
 Sicut Saulis lanceam fugit manus fortis,
 Sicut Iacob iniurias auidi consortis,
 Sicut à fera pessima puer magnæ sortis
 Tu Ioseph ereptus es, ab ipso puncto mortis.
 Exit lucis Angelus ex Anglorum metis
 Linqvit ratis regimen statibus & fretis.
 Lupis oues, medicis ægros indiscretis.
 Quum pastor ipse quæritur, fugit fraudem retis.
 Ad hunc lucis exitum cessit vitæ vena.
 Ad rapinam Satanas lupis laxat frena:
 Oves & ouilia duplex præmit pœna,
 Iugo subdens seruitus & vorax crumena.
 Sanctum datur canibus, scurris dominatus:
 Iacent iura Canonum, iacet præsulatus.

Est cum sanctuario clerus confiscatus.
 Confiscatis omnibus Bel non est pacatus.
 Addit scelus sceleri furor effrenatus
 Suos iubet eiici nulli miseratus:
 Exulat cum lectulo languidus sublatus;
 Anu cum edentula puer recens natus.
 O vindictæ nouitas, nouus modus iræ.
 Vectos cunis exules lectulis abire,
 Ægros, Anus, paruulos, persequi, sæuire,
 Infantes & immeritos impiè punire.
 Sic infantes abstulit filios Rachelis.
 In his Christum persequens, impius, crudelis,
 Sine fuso sanguine, sine mortis telis
 Alter hic Herodes dat locum querelis.
 Iob in Thoma genuit series malorum
 Et hic ventus turbinis, hic fraus Chaldecorum.
 Damnum hic familiæ, damnum hic bonorum.
 Damna fert & videt innocens suorum.
 Cælum & non animum mutat transmarinus:
 Constat hic vt alibi, magis plusquam minus,
 Prenit quicquid imprimit furor serpentinus.
 Nullis malis frangitur vir planè diuinus.
 Crucem ferre Simoni sciens nil prodesse
 Vt vir prudens facit velle de necesse.
 Illum palam cruciat crucis onus impressæ:
 Palam hic & clam vult crucis cultor esse.
 Rem mirandam refero tem horroris miri,
 Ab illis hoc edoctus qui nesciunt mentiri.
 Premi morte iugiter fuit vita viri.
 Multis morte grauius esset sic puniri.
 Noctis ei requies somnus experts moræ
 Hausta somni specie, preces mox in ora
 Fletu fessis oculis, genibus labore,
 Auxit hæc præludia ludo grauiore.
 Suo quodam subinde solo sociante,
 Flagris clam affligitur illo flagra dante

Fit in sancto carnifex carnis sacrosanctæ
 Scutica vel rabidos equos edomante.
Libet in hac serie paululum morari.
 Hanc amaritudinem dulce est profari.
 Sensit quæ vix sentiunt probitate rari.
 Nec sic solent indui nec sic flagellari.
Explens in Canonico monachum beatus
 Veste se induerat vtriusque status,
 Sub his est cilicio duplici sagatus.
 Aprat hoc fœmoribus, vestit illo latus.
His nudatus omnibus vir virtutis tantæ
 A ministro scinditur scutica pulsante.
 Scissa sunt flebiliter in te pater sancte
 Collum, dorsum, humeri, vix intactæ plantæ,
Post flagrorum ferulas sagis mox armatus
 Post tam levis ponderis roseos ornatus
 Mox in sagi cicla de loris est arctatus.
 Aspero cilicio tegens cruciatus.
Reindutus splendidis, sic honorans onus
 Talis suis latuit verè latro bonus.
 Iugis dum his institit, annus sit octonus.
 Rarum intersticiū, rarè rigor pronus.
Factus Thomas baiulus virgæ pastoralis
 Iugis his septeanio perstitit in malis.
 Quæque nox crucifera, rara non pœnalis.
 Sola nox est libera festi principalis,
Sæpe tortor intulit, sistens à flagellis
 Homicidam fieri pater me compellis.
 Sæpe laxat eligens fieri rebellis.
 Sæpe lassum simulat pius versipellis.
Post tot zelos nata pax non de pacis colo
 Patrem nātis reddidit & natali solo.
 Cum vox pacem resonat, & cor pacem nolo.
 Pax est ea picea pacis sono solo.
Sic blanditus est Ioab suo successori
 Ferro manum applicans dum os iungit ori.

Sic

Sic collusit Ismael fratri Iuniori
 Ludens ad ludibrium, par persecutori.
 Vt post Scyllam mittitur in Charibdim naui
 Vt laxatis laqueis inescatur auis
 Sic reuifit exulem male pax suauis
 Miscens crucis poculum sub verborum fauis.
 Quidam terræ malleus cuius Aquilonis
 Venam soluit iurgii, fons seditionis,
 Inspirauit turbinem persecutionis.
 Postque odor Anglicæ fætet regionis.
 Hæsit ei belliger contra virum sanctum
 Quidam de confinio choreæ gigantum
 Complex eis additur ex te Trinouantum
 Nouans in cognomine secularum cantum,
 Hinc sunt fata semina per quæ turbo totus
 Per quæ ventus turbanis est in væ permotus
 Princeps ille sibilus si sit mero lotus
 Si sit rarus pumice non erit ignotus.
 Ex tunc scelus ausa est militaris manus
 Quo eclypsim pertulit sol meridianus
 Quo in patris filius cæde fit prophanus
 Quo in sacro perimit sacrum christianus.
 Reprobantem reprobos debitis ruinis
 Inuaserunt præfulem iurgiis & minis
 Bini bis de finibus missi transmarinis.
 Dedit hæc sors prouida nomina bis binis.
 Tres sunt: mortis villicus, Thrax & vrsus natus
 Vt sit tetras, tribus est Brito sociatus.
 Paria rebus nomina facit hic reatus,
 Truces & mortiferos, brutos, vrsi status.
 Iubent hi siccarii præfulem laxare
 Quos sedes Apostolica iusserat ligare:
 Sed impœnitenti veniam donare
 Aut maioris vincula nequit retractare.
 In sua Metropoli in sede sua tentum
 Irruit hic incitans sibilus serpentum.

Sed

Sed in vanum incitant, sibilant in ventura;
 Se commassat azymis expuens fermentum,
 Magnum nefas ratus est lutum deaurare
 Chore Dathan Abiron iustos declarare;
 Lazare te mortuum vinclis extricare.
 Veni foras, prius est: post euinculare.
 Canonum in serie ius est regulare
 suos sibi præsules papam secundare,
 Nemini quos alligat competit laxare.
 Ut sit eius soluere cuius est ligare.
 Dum ad cædem confluunt, Aulæ mutans sedem
 Cui suis subiecit Sanctam Sanctus ædem
 Sub Nerone Senecæ nouant hi mercedem.
 Sub Herodis legibus Sancti vatis cædem
 Zachariæ sub Ioa cædem & hæredem.
 O foelicem Thoma te quum huc tulisti pedem:
 Patrem ut eriperet fratrum grex fidelis;
 Ostium obstruxerat filus his cautelis.
 Obstans pater intulit: Est in his tutelis
 Persequens obsequium, pietas crudelis.
 Scram fratres pellite, studio cum rebelli
 Lex est hic vim perpeti, non vim vi repelli.
 Non in domo Domini lex aut locus Belli.
 Non erit me præsule templum arx castelli.
 Se passurum prædicans Iesus probra gentis
 Sic errotem arguit Petri renitentis.
 Thomæ vox hæc æmula vocis est sequentis.
 Vade retro Satana: Carnis sunt quæ sentis.
 Imperat & impetrat patris vox seuera,
 Cedunt ostiarii, cedit pulsa sera.
 Intran canes Stygii duce te Megæra.
 Hominum in specie canes sunt re vera.
 Strictis intrant gladiis; efflant hic furorem.
 Hostem regni quærimus Regis proditorem.
 Thomam temerarium, perfidum pastorem.
 Iam iam quem est meritis sentiet, dolorem.

Hic

Hic sum, ait Pontifex Satanæ collegis,
 Neque regno pestifer nec saluti Regis
 Thomas sum Dominici dictus pastor gregis
 Pro tutela perpeti promptus sacræ legis.
Si me vnum quæritis, præcipiens dixit eis
 Per vos quicquam pati nolo quæquam ex meis,
 Ex vna cæde scilicet futuris satis ipsis.
 Sic suis pie consulens seipsum offert eis.
Non à facto sermo est talis alienus,
 Quo in Christus irruit coetus dolo plenus.
 Habet id quod legitur hoc loquendi genus.
 Ego sum quem quæritis Iesus Nazarenus.
In facto & officio Iesum imitatus
 Sese palam obrulit sponte propalatus.
 Hic est Christo obuius alter Iudæ reatus.
 Hic à magistratibus missus grex armatus.
Inhiant & ineunt scelus scelerati
 Membra, caput, lacerant. Patrem necant nati
 Homicidæ plurium qui in vno debent pati.
 Monachi, Canonici, Præsules, legati.
Res stupenda posteris: horror hac ætate.
 Non arcentur gladii loci sanctitate.
 Matrem orbant filii trucidato patre.
 In Matre perimitur frater à confratre.
In macellum vertitur area altaris.
 In altaris area ruit lux solaris.
 Quinque passus impetus ensis militaris,
 Tortus est Dominici prælo torcularis.
Vulnerum in numero formam fert Messias
 Situ fert martyrii formam Zachariæ.
 Thomas Thomæ Didymo par est fati die.
 Quinto post & ante partum Matris pie.
A ferarum filiis fuso iam cruote
 Cerebrum diffunditur inhumano more
 Atræ vernat area candido rubore.
 Tanquam ornata liliis roscis cum flore.

Nato Christo Iustus est propter Christum stratus
 Cœlitus est Stephano cum Ioanne natus,
 Dignus Dei gratia dignè coronatus.
 Et est innocentibus innocens litatus.
 Ensem hic, tu asciam Sancte Dionysi
 Passi poena simili verticis præcisi.
 Pares rosas additis horto paradisi,
 Estis pari precio pares mihi visi.
 Aequat se Parisiis vrbs Cantuariensis
 Dum securis aciem æmulatur ensis.
 Geminum præputium nullis par impensis.
 O quam gratus crater est supernorum mensis.
 Pastor dum percutitur, sparsæ sunt ouillæ
 Ut se fuga liberet, fugit hic & ille.
 Fletus fit in populo, clamant fientes mille.
 Nostræ lucis meta est huius mors scintillæ.
 Mira miris persequar. Manibus piorum
 Procurato mortuo more mortuorum
 Vermes tot in vestibus visi sunt sagorum
 Ut sit cædes altera morsus tot tortorum.
 Dicam quid hic sentiam de hoc sancto reo.
 Cauda iuncta capiti se libauit Deo
 Finem dum considero, dum per vitam meo
 Martyr est me iudice quæque pars in eo.
 Quid nunc agis Moyse Deus Pharaonis
 Vbi virga vigilans, crux correctionis?
 Manna si superfluit vermes interponis.
 Mannæ virga socia normam dat patronis.
 Ad radicem arboris ferrum non appones?
 Blandè terret tonitrus sibilo si tones.
 Iosue & Phinees pie pius non es,
 Heli sine verberare si tam reos mones.
 Sed in cœlum ponere vercor os meum.
 Neque reum dixero Pharaonis Deum,
 Eos reos iudico dehortantes eum.
 Filios sanguisugæ qui excusant reum.

Manus

Manus, pedes, labia, si lauet Pilatus,
 Per salutem Cæsaris mundum se testatus,
 Si per astra Lucifer juret adiuratus,
 Non hæc teos expiant: non delent reatus.
Morem sequens Comici, malis finem pono.
 Flebile principium sine mutans bono.
 Lyra mutet elegos dulci plaudens sono.
 Thomas sedem carceris mutat cello throno.
Ver proscriptis hyemem; flores paruere.
 Cete quem sorbuerat viuit lonas verè.
 Nostra sentit Niniue sanctum se habere.
 Væ vertentem in Euax fletum in gaudere.
Longè iungit fœdera Thomas columbinus,
 Quem liuoris sorbuit futor serpentinus,
 Iam in tuto residens, iam Deo vicinus,
 Implet Dei laudibus nostræ terræ sinus.
Vicit Cantuariâ Montepessulanum.
 Visita est Salernia. lactat se in vanum
 Thomas nouus medicus dum apponit manum,
 Signatis insanabilem mox resignat sanum.
Noua viri gratia digna recenseri.
 Viuis solet medicis, mortuis non mederi.
 Omnè facit medicis mors operam deleri.
 Facit hunc mors medicum, & operas augeri,
Non hic subest physicæ pgonis doctrinæ
 Neque pulsus consulit neque vas vrinæ.
 Non est opus hominum modus medicinæ,
 Medicinæ modus est opus vis diuinæ.
Thomas lapsu erigitur, incipit finitus,
 Verè viuit mortuus signis insignitus.
 Qui dum Cantuarię miros nouat ritus,
 Fit hic gestu dulcium paradisi situs,
Hic nouauit vetera paradisi lura,
 Nouus Thomæ fluuius nostra rigans rura,
 Hic lecytus viduæ vasa poscens plura.
 Hic vbertas olei stat non defectura,

Hic effectus multiplex Manna cæli panis
Hic emundans Naamam fluminis Iordanis.
Hic ocellus Syloe salus male sanis,
Lumen cæcitatibus conferens humanis,
Donum Petri datur hic claudis spem habenti.
Donum Dono Dicitur auri vel argenti.
Hic dat potens Epheta, loqui non loquenti,
Surdus audit, effluunt morbi virulenti.
Hic est facta reagens nomen ars sophistæ:
Hic insanos leniens cythara psalmistæ:
Hic das vitam mortuis vitæ dator Christe:
Hic ad Thomæ gloriâ pellis omne triste,
Hic descensus Angeli, hic est aquæ motus.
Hic vitæ salutaris aquæ mixtæ potus.
Hic est quo spem refouent notus & ignotus.
Cum insomni somnians, astans & remotus.
Sic suos sibi supplices Thomas hic defendit:
Has gratias hæc munera Deus hic ostendit,
Et per Thomæ sanguinē quem pro eo impendit
Facit multos scandere quo Thomas ascendit.

VITA



VITA ET ILLVSTRE MARTYRIVM THOMAE Mori, Angliæ quondam supremi Cancellarii.

PROEMLIVM.



Qvod à multis annis, multi doctissimi, clarissimi, optimique viri, diu multūque desiderarunt; quod alii non pauci sed frustra tentarunt, vel morte præuerti, vel alijs negotijs præpediri, quod ad Dei gloriam & lectoris ædificationem, addo etiam voluptatem singularem facit; vt Thomæ Mori viri clarissimi, pietate, eruditione, morum elegantia & suauitate ornatissimi, vita, mores, res gestæ, ac nobilissimum pro fide orthodoxa, Catholica, Apostolica, Romana susceptum martyrium, describerentur; illud ego diuini numinis auxilio fretus, atque adeo Mori ipsius precibus atque intercessionē confisus aggredior. Non sane vt ipsius Mori gloriæ ac laudibus mea oratione aliquid accedat, cuius vt in cælis tantus est splendor, quantus oratione capi ac ne mentē quidem concipi nō potest, ita & in terris tanta est celebritas, vt eius viri virtutes, non dicō exornare & amplificare, sed vel per censere ac commemorare vix queam. Cæterum ad hoc me scribendi argumentum perpulerunt; primum certē ipsius Dei gloria & Ecclesiæ Catholicæ dilectio, quam ne Morus quidem vel ad momentum desereret, extremum potius capitis supplicium.

plicium subire voluit; deinde patriæ meæ nunc sene & afflictissimæ & sœdissimæ {cuius dum viveret singulare decus & ornamentum Morus fuit; iusta commiseratio; & bonorum quidem non modica consolatio, improborum verò digna confusio. Quum enim quantus vir Thomas Morus fuerit, quàm omnium & virtutum & scientiarum numeris absolutissimus, constiterit; habebunt gentis nostræ pii & boni vnde gaudeant, quem imitentur, de cuius laudibus & ipsi gloria-tur; habebunt improbi & scelerati, fidei ac religionis desertores vnde confundantur, de quo iniquissima morte sublato sempiterna ignominia afficiantur. Sed ad hoc argumentum me perpulit desiderium multorum & eruditione & virtute præstantium virorum, quibus in hoc diuturno exilio familiarem me esse contigit, qui de Thomæ Mori vita ac moribus, de martyrii eius vera causa, modo, forma, & singulis circumstantiis certi aliquid & explorati habere vehementer cupiuerunt. Quam sane ob causam ante annos viginti, & amplius Ludouicus Pacæus Dominicanus Hispanus vir doctissimus & facundus, vt Thomæ Mori vitam in lucem emitteret, plurimum laborauit; sed ex hac luce ereptus, perficere quod statuerat non potuit. Non diffitebor porro ad hoc me argumentum peculiari quodam affectu iam dudum incitatum fuisse, vel quod consortium nominis cum mihi chariorem reddidit, vt idcirco cum collectaneis nostris de Diuo Thoma Apostolo, & de Diuo Thoma Cantuariensi Archiepiscopo & martyre Thomam Morum coniungerem; vel quia eodem me mense & anno in hanc temporariam lucem educi & nasci contigit, quo in æternam lucem, nobili martyrio perfunctus, natus est Morus. Postremò de vita ac rebus gestis

Thomæ

Thomæ Mori eo libentius & confidentius scribo, quo his de rebus certiora & plura ad meam noticiam peruenerunt : quæ memoriæ iam dudum mandata ne mihi exciderent, neue & me senio iam appetente citius ex hac vita sublato penitus interirent, huic scripto mandare & posteritati tradere volui. Norunt fortasse alii de hoc sancto & clarissimo viro multa quæ me latent. Sed interim quæ mihi comperta fuere, satius duxi omnibus communicare, quàm vt quæ alii norunt frustra expectando, & à me collecta penitus intereant, & aliorum, si quæ sunt, in lucem non veniant. Nunc autem his nostris in lucem emissis, si quid est à me prætermissum quod ab alijs habetur, dabitur illis iusta occasio vel sua nostris addendi, vel alio prorsus & meliori & vberiori modo Thomæ Mori vitam scripto mandandi. Ego in hunc nostrum commentarium ea referam quæ vel ex scriptis eius tum Latinis tum Anglicis & quæ numero & magnitudine Latina multum superant, vel ex viua voce & relatione certa collegi, eorum qui per aliquot annos domestici eius fuerant, aut alioqui familiares ei extiterunt, posteaque grafsante hoc nefario schismate in hoc Belgio aliisque orbis partibus pro fide nobiscum exularunt. Ab illis enim quàm plurimam audiui à Thomæ Moro sapienter dicta & facta. Huiusmodi autem fuerunt, Ioannes Clemens doctor Medicus, cuius adhuc pueri meminit in sua Vtopia Morus his verbis. *Nam & Ioannes Clemens puer meus qui adfuit, vt scis, vna, vt quem à nullo patior sermone abesse in quo aliquid esse fructus potest, quonia ab hac herba qua & Latinis & Græcis literis cœpit auirefcere, egregiam aliquando frugem spero, in magnam me coniecit dubitationem* Vxor quoque eius Margareta quàm inter filias suas educatam Morus

In epist. liminari ad Pet. Ægidium

In fine operum Angli. Londini anno 1557.

In operibus Anglic. pa. 1422.

pro filia habuit, ut ex vltima eius ante martyrium susceptum epistola constat, ubi his verbis ei valedicit. *Mitto iam dilecta mea filia Clementis lapidem ipsius arithmeticum, ipsique & filiolo meo, omnibusque liberis eius, diuinam benedictionem & meam impar-* pio. Ioannes item Harrisius cum vxore eius Dorothea Coly adhuc hic Duaci superstite, quorum ille Thomæ Mori secretarius intimus, hæc Margaretæ Roperæ filia primogenita Mori perdissequa fuerat. Ioannes quoque Haivvodus quo per aliquot annos familiariter Thomas Morus usus fuerat. Ac postremò Gulielmus Rastellus Thomæ Mori ex sorore Elisabetha nepos, vir grauissimus, ac regnante serenissima Regina Maria, alter ex supremis Angliæ Iudicibus; ipsi autem Moro circa vltimam ætatem familiaris admodum ut ex epistola eiusdem ad Thomam Cromyvellum patet. Ex horum omnium in hoc communi exilio nostro conuersatione familiari quæ mihi cum eis ante aliquot annos intercesserat, plurima per occasionem de dictis ac factis Thomæ Mori libenter audiui, diligenter retinui, & nunc fideliter collegi Sed omnium maximè in hac me collectione iuuerunt Ioannis Harrisii hominis industrii & in bonis literis atque ipsa veterum patrum lectione egregiè versati (a quo adeo Iacobus Pamelius in suo tum Cypriano tum Tertulliano elucidando plurimis in locis adiutus fuit) scripta & collectanea, multæque Thomæ Mori epistolæ propria eius manu conscriptæ, quæ mihi omnia defuncti vidua adhuc nobiscum superstes communicauit. Euolui denique & inspexi non intelligenter omnes horum temporum scriptores, qui de Thoma Moro aliquid scripisse videntur, Erasmmum imprimis eiusque epistolarum farraginem, aliasque scorsim Thomæ Mori epistolas per Episcopium Basileæ impressas anno 63 Reginaldum

ginaldum Polum contra Henricum 8. Ioannem Cochlaeum contra Sampsonem, Paulum Iouium de viris illustribus, Guilhelmum Paradinum in exegemate de rebus Britannicis, varias denique doctorum virorum epistolas, Gulielmi Budæi, B. Rhenani, Hieronymi Buffidii, Petri Agydii, Simonis Grinæi, & aliorum. Quæ postremo Polydorus Virgilius, Rouerus Pontanus in suo Indice rerum memorabilium, Ioannes Fontanus in sua historia Gallica nostri temporis, Onuphrius in Paulo tertio, & Laurentius Surius in suis commentariis hæc de re scripserunt. His ergo omnibus præsidii instructus, de Thomæ Mori vita, rebus gestis, ac potissimum illustri Martyrio, non breuem modo commentarium, sed fortè etiam iustam quandam historiam conficiam. Visum est autem tum ad lectoris memoriam iuuandam, tum vt ordine ac methodo tota procedat narratio, per æcta capita rem vniuersam complecti & prosequi.

L 5

GENVS,

Thomas Morus Londini non celebri sed honesto loco natus, non ex prima nobilitate, nobilis tamen, patrem habuit Ioannem Morum equestris ordinis virum, de quo in suo epitaphio (quod post patris mortem & Cancellarii munus abdicatum ipse sibi confecerat) sic scribit:

*In epitaphio
quod in operibus
Thomae Mori
Latinis ex-
stat.*

*Ioannes Morus eques, & in eum Iudicium ordinem à
principe cooptatus qui regius confessus vocatur, homo
civilis, suavis, innocens, mitis, misericors, aquus & in-
teger, annis quidem grauis, sed corpore plus quam pro
aetate virido, postquam eo sibi productam vitam vi-
dit, ut filium videret Anglia Cancellarium, satis in
terra iam se moratum ratus, libens emigravit in cae-
lum Matris nomen nescitur, quippe quæ adhuc in-
fante Thoma Moro mortua est. Fratres nullos ha-
buit; sorores duas: Ioannam Richardo Stafertono
viro nobili, & Elisabetham Ioanni Rastello etiam
nobili nuptas. Mater eius prima nocte à contractis
nuptiis (ut Thomam Morum ex patre suo referen-
tem audiuit Ioannes Clemens) vidit in somnis
quasi in anulo suo nuptiali descriptum numerum
prolium quas habitura erat, & formas singularum,
quarum vna tamen sic obscura erat, ut eam digno-
scere non posset (passa enim est postea de vna abor-
tum) altera miro quodam supra cæteras splendore
gluxit. Sed & nutrix eius dum flumen equo trans-
mitteret, quum magno in mergendi periculo se
videret, ut infantis incolumitati consuleret, proie-
cit eum temerè à se ultra septem flumini propin-
quam: quem quum repeteret, inuenit supra omnem
spem penitus illæsum, & omnibus suis membris
incolumem: Sed & infans venienti nutrici arrisit.*

*Fuerunt hæc non obscura præfagia in magnum a-
liquando*

liquando & excellentem virum, hunc puerum
 euasurum. De S. Moronto viro non minus nobili-
 tate (nepos quippe erat Erckenvvaldi sub Sigeberti
 maioris domus in Francia) quàm pietate illustri, *Beda hist. Anglic. lib. 3. cap. 19.*
 (suis quippe sumptibus collegium insigne sacerdo-
 tum extruxit atque dotauit ante annos iam ferè
 mille, quod hodieque Duaci extat) prorsus simile
 narratur. S. Richarius qui hunc Morontum ex sacro
 fonte susceperat, quum matrem Moronti S. Ri-
 chardem Coenobii Marchenensis fundatricem in-
 uiseret, eique equo conscenso valediceret, postu-
 lante matre vt filiolo { erat enim adhuc infans } in
 brachia accepto benedictionem ei suam abiens im-
 partiret, hoc dum facere vellent, equo præter morem
 ferociente, & quasi subito furore correpto exilien-
 te, puerum in terram proximam deiecit; qui tamè
 casu nihil lesus matri accurrenti & leuanti suauiter
 arrisit. Non absimile præsagium Morus & Moron-
 tus habuere: vterque nobilis, vterque aulicus { hic
 Theodorico regi sigillifer, ille Henrico regi scrinii
 magister } vterque sanctus. Quum autem ad eam æ-
 tatem peruenisset puer qua solent parentes filios
 suos ad studia mittere, datus est Latinis literis im-
 buendus in pædagogio regio Londinensi sub N.
 Holt, præceptore non incelebri. Deuoratis autem
 primis Grammatices rudimentis, puer ad maiora
 adeoque maxima natus Oxonium mittitur Aca-
 demiam percelebrem, tum vt Philosophiam audir-
 et, tum etiam vt Latinis Græca adderet. Recens e-
 nim tunc ex Italia venerat Grocinus, qui primus æ-
 tate Græcas literas in Angliam inuexerat, Oxoniiq;
 publicè professus fuerat. A cuius sodali Thoma Li-
 nacro Græcas literas Oxonii didicit. De quo sic in
 epistola ad Dozpium scribit. *Quum ipse iam olim
 Aristotelis opus audirem Græcè, prælegente mihi at-
 que interpretante Linacro, libuit interdum &c.* Pa-

ter interea, sic puerum in bonis literis educari voluit, ut frugi ac sobrius esse à prima ætate disceret, nihilque aliud quàm literas ac studia sua amare. Hanc ob causam sic ei necessaria subministravit, ut ne quidem teruncium in sua potestate cum habere permetteret, præter id quod ipsa necessitas postulabat. Quod adeo strictè observavit, ut nec ad reficiendos attritos calceos, nisi à patre peteret, pecuniã haberet. Solebat hoc Morus ipse de suo patre sæpè narrare, vehementerque factum laudare. Sic enim (inquit) factum est ut nulli me vitio aut voluptati darem, ut horas meas noxiis & vanis lusibus non impenderem, ut quid esset luxus vel luxuria nescirem, ut pecunia malè uti non addiscerem, denique ut nihil nisi studia mea amarem & cogitarem. Nèpe fuit patri per totam vitam obsequentissimus, ut nunquam vel patrem ipse offenderit, vel quocunque patris dicto aut facto offensus fuerit. Cerrè etiam Cancellarius regni factus non detrectavit publicè in palatio Westminsterii (loco ludiciorum publico) à patre flexis genibus, iuxta optimum gentis nostræ morem, benedictionem petere. Solent enim apud nos liberi quotidie mane ac vespere benedictionem flexo poplite ab utroque parente petere. Qui mos si apud alias quasdam gentes obtineret, haberent parentes filios magis morigeros, haberet Respublica subditos magis obsequentes, haberet Ecclesia fideles magis obedientes. Quo semel enim est imbuta recens servabit odorem testa diu. Tamen si vero etiam apud nos viri iam facti, & vel coniugati, vel ad aliquam aut Ecclesiasticam aut secularem dignitatem euecti, præsertim nobiles, hoc obsequii genus parentibus suis amplius non præstent, aut cerrè rarius præstent, tamen Thomas Morus pro insita sibi à teneris annis pietate & humilitate, etiam sceptræ Anglicani regni gerens, &

primus

*Pecunia su
persu^o usus
pueris no-
xius.*

*Obedientia
filiat^{is} in su-
prema di-
gnitate.*

primus post Regem, senem patrem hoc honore, p-
sequi non recusavit: Quem etiam domi suæ senem
aluit, eique in summa dignitate constitutus oculos
clausit. Tanta videlicet erat Mori in patrem pietas
& obedientia, tantus vicissim honor amorque pa-
tris in filium; tam vera charitas inter utrumque; ut
nescias uter altero dignior fuerit, filius tali patre;
aut pater tanto filio. Certè patet scilicet qui
tantum habuisset filium. Sed & hoc ad teneram
Thomæ Mori educationem scilicet accessit;
quod Cardinalis Mortonus Archiepiscopus Can-
tuariensis, non solum dignitate sed virtute ac eru-
ditione Angliæ tunc Primas, & idole & profectu
pueri adductus; eum in familiam suam adsciuit,
apud se aliquandiu nutriuit, ac demum Oxonii a-
liquo tempore aluit. Qualis & quātus vir iste Mor-
tonus fuerit, ipse Morus; Mecenatis sui nec im-
memor nec ignatus, his verbis in sua Utopia descri-
bit. Sic enim Raphaëlem suū loquentē intrōducit.
*Interea multum debui. Rēverendissimo Patri Ioanni
Mortono Cantuariensi Archiepiscopo & Cardinali,
ac tum quoque Angliæ Cancellario, viro mi Petre
(nam Moro cognita sum narraturus) non authorita-
te magis quā prudentia & virtute incomparabili.
Etenim statura ei mediocris erat, nec aetati quanquā
serā cōdens; vultus quem reuerere non horreās, in
cōgressu non difficilē, serius tamen & grāvis. Libido
erat asperius interdum compellendo supplicantes ex-
periri, sed sine noxia, quid ingenij, quam animi præsenti-
am quisque prae se ferret, qua velut cognata sibi vir-
tute, modo abesset impudentia, delectabatur, & ut in-
doneam ad res gerendas amplectebatur. Sermo politus
& efficax, iuris magna peritia, ingenium incompara-
bile, memoria ad prodigium usque excellens. Hac e-
nim natura egregia, discendo atque exercendo proue-
nit. Huius consilii Rex plurimum fidere, multum*
Respuit.

*In Utopia
Mori.*

Mori.

*Respub. nisi videbatur; quippe qui ab prima fere in-
uenta protinus à scholâ coniectus in aulam, maxi-
mis in negotiis per omnem versatus aetatem, ac va-
riis fortuna astibus assidue tractatus, prudentiam re-
rum multis magnisque cum periculis didicerat. Hæc
in Utopia sua Morus. Quæ ideo transcripsi, ut sub
quanto viro Morus puer pietatem ac prudentiam
imbiberit, lector intelligat. Lusi adhuc puer epi-
grammata quædam non minus pia quàm festiua
lingua vernacula, quæ magno volumini operum
eius Anglic. initio præponuntur. Sed & in domo
paterna in tela depicta humanæ vitæ vanitatem
versibus Anglicanis supra ætatem eleganter ex-
pressit, quibus in fine hos Latinos subiecit.*

Has sietas quemcunque iuuat spectare figuras,

Sed mira veras quas putat arte homines,

Iste potest veris animum sic pascere rebus,

Ut pictis oculos pascit imaginibus.

Namque videbit uti fragilis bona lubrica mundi,

Tam cito non veniunt quàm cito prætereunt.

Multa alia in eadem ætate contra fortunam lusi
versibus vernaculis. Certè (si Erasmo credimus)
progymnasmata illa seu versus è Græco in latinū
versos Thomæ Mori & Gulielmi I. ilii, aliis eius e-
pigrammatibus præfixos etiam puer lusi. Nam in
Erasmi ad Morum literis anno Domini 1520. scri-
ptis ait plæraque eius epigrammata ante annos 20
ab eo scripta, quo certè anno non nisi decimum
septimum ætatis annum Morus attigerat. Atque
ex his quidem quasi ex vngue Leonem, quanta in-
genii magnitudo, quæ industria, qualis pietas fu-
tura erat, facile fuit conicere.

Adolescentia mores, studia, actiones.

CAVTV II.

Thomas Morus post annos pubertatis ex-
actos, ut primum in virum adolescere cœpit,
maiora

maiora semper cum ætatis accremento, eruditionis ac pietatis documenta præbuit. Eruditionem ac in bonis literis (quibus mirificè semper affectus fuit) profectum loquuntur varia eius eo tempore conscripta epigrammata, siue ex Græco in Latinum conuersa, siue à seipso inuenta; quæ ut lepida ac iucunda admodum sunt, ita nihil scurrile, nihil contumeliosum aut fordidum habent. Sed satius est ut aliorum magis quam nostrum hæc de re iudicium lector audiat. B. Rhénanus in epist. ad Bilibaldum Pircheimerum de epigrammatibus Thomæ Mori sic scribit. *Verobique mirus est Thomas Morus: Nam elegantissimè componit, & felicissimè vertit. Quam fluunt suauiter huius carmina? Quam est hic nihil coactum? Quam sunt omnia facilia? Nihil durum est, nihil scabrum, nihil tenebricosum. Candidus est, argutus, latinus. Porro gratissima quadam festiuitate sic omnia temperat, ut nihil unquam viderim lepidius. Crediderim ego Musas quicquid usquam est iocorum, leporis, salium, in hunc contulisse. Sunt autem huius sales nequaquam mordaces, sed candidi, melliti, blandi, & quidni potius quam amarulenti. locatur enim, sed ubique citra dentem ridet, sed citra contumeliam* Hæc Rhénanus. Idem fuit iudicium doctissimi poetæ Leodegarii à Quercu, humaniorum literarum Lutetiæ professoris regii. In selectis enim suis epigrammatibus quæ ex tam variis scriptoribus magno iudicio collegit, vnius Mori plura epigrammata suo Collectaneo inseruit quàm cuiusquam alterius scriptoris; quum tamen satis pauca Mori extent, præ maximo epigrammatum numero quæ ab aliis in lucem sunt edita. Huius ingenii fortissimi inuidens Germanus Brixius scripserat Antimorum, sed ea cum gratia & commendatione ut Morum quidem enixissimè Erasmus per literas roga-

In epist. præfixa epigrammatibus Mori.

rogauerit, ne amicum suum Brixium ea quam merebatur responsione obrueret; de ipso autem Brixio eiusque inepto Antimoro in hæc verba scribat.

*In farragine
epistolae
lib. 15.*

Audio post editum à Brixio; Antimorum quid eruditi loquantur de Brixio; qua ut de illo non libenter audio, ita de te minus libenter audire velim. Quamobrem quum sentiam quam arduum sit tam virulento libello laceffitum sic attemperare responsum ut nihil indulgeas affertibus optimū ceriē sentis si rem totam ita ut mereatur negligas atque cōtemnas. Neque verò hæc tibi consulērem; optime More, si quicquam esset in Antimoro quod tibi sic labem aspersisses ullam ut opera pretium sit eam curare abstergendam. Hæc Erasmus: ante cuius epistolam iam Antimoro responderat Morus, suadentibus id grauissimis amicis, liberque in lucem editus fuerat, & quædam exemplaria distracta: sed in gratiam Erasmi ut supprimeceretur, Morus acquieuit. In eadem ætate quædam ex Luciano in Latinū vēterat, quas vocat in Græcis literis studiis sui primitias. Sed & postea quā Luciani declamationem pro tyrannicida vertisses aliam quæ illi Lucianicæ responderet pro ingenii exercitio composuit; quæ quidem Lucianicæ nec inuentione, nec eloquentia quicquam cedit. Eodē etiam tempore Londini in Ecclesia D. Laurentii August. de Ciuitate Dei publicè docuit; non quidem eius operis Theologica discutiēs, sed Philosophica tantū atque Historica, qualia sunt priorū eius operis librorum sola fere argumenta. Istud autem tanto hominum concursu tanta cum commendatione fecit, ut Grocino relicto, qui antea bonarum literarum palmam tulerat ad Morum audiendum omnes confluerent. Sic adhuc adolescens, & poetam se & Oratorem & Philosophum atque Historicum insignem ostendit. Certē Ioannes Coletus vlti aeris exactique iudicii, (quo vitæ præceptore
Mo-

*In epist. de-
dicatoria
ad Thom.
Ruthalumi.*

Morus adolescens utebatur) in familiaribus collo-
quiis subinde dicere solebat (vt scribit Erasmus in
epist. ad Huttenum) Britanniae non nisi vnicum
fuisse ingenium , Morum designans , quum hæc
insula tot egregiis ingeniis floreat Hæc Erasmus:

Sed nunc quam ab ipsa adolescentia pietatem
coluerit exponendum est. Eruditio enim vtrum-
que multiplex & magna absque pietate, est anulus
aureus in naribus suis : nihilque absurdus quàm
gemmas pretiosas putrido ligno inserere. In cor-
rupto pectore malè habitat scientia. Quid, quòd i-
pse Plato scientiam absque virtute , calliditatem
potius quàm sapientiam vocari voluit ? Sed Tho-
mas Morus adolescentiam suam non minus veris
virtutibus & insigni pietate quàm præclaris studiis
excoluit ; imò multo magis esse vit bonus quàm
esse vir doctus studuit. Adolescens quippe vsus est
cilicio, humi cubabat, & vel in scamno frequenter
vel trunco capiti supposito dormiebat : somnum
vltia 4. vel 5. horas ad summum non protendebat.
In vigiliis & ieiuniis frequens erat. Cum tamen
tantæ virtutis esset, ita dissimulabat omnia, vt in
externo corporis habitu nihil horum eluceret. Me-
ditabatur adolescens sacerdotium cum suo Lilio:
Religionis etiam propositum ardentè desiderans;
Minoritarum institutum arripere cogitabat. Sed
quum exercitiis illis prædictis adhibitis ; motus
carnis qui in iuuentutis flore & ardore accidere
solent, euincere non posse sibi videretur , vxorem
ducere instituit. Solebat hæc ille postea narrare
non sine magna animi tristitia & mœrore ; dice-
batque multo esse facilius, legem carnis in cœliba-
tū vincere quàm in matrimonio: Quod sanè Apo-
stolicis illis verbis conforme est : *Tribulationem
tamen carnis habebunt huiusmodi* Sed vel non erāt
tunc illa tempora vt cum fructu illo quem deside-

*Studium pio-
tatis adhuc
adolescens:*

*Religionis
desiderium:*

1. Cor. 9:

rabat, arctioris vitæ propositum amplecteretur
 (multum quippe à pristina pietate religiosa personæ
 apud nos tunc degenerauerant, quod vel subsequens
 statim horrenda vastitas & totius status monastici in
 Anglia desolatio satis ostendit) vel ad maiorem suam
 gloriam in communi Laicorū vita atque ad eò per
 medios honores & Reipublicæ administrandæ fluctus,
 seruum suum Deus integrum & illæsum conseruare,
 imò ad veræ pietatis apicem & perfectionem perducere
 voluit. Certè quum statum vitæ perfectiorem assequi
 se nō posse existimaret, id saltem studiosè egit, vt Deum
 purè ac piè colere tota vita nunquam desineret.
 Struxit igitur aliquem sibi præclarum virum ex ordine
 Laicorum ante oculos ponere, ad cuius exemplum
 vitam suam conformaret. Omnibus itaque qui tunc
 vel domi vel foris pietatis & eruditionis nomine
 florebant, ad memoriam reuocatis, occurrit illi
 Ioannes Picus Mirandula Comes, de cuius sanè
 multiplici & excellenti eruditione per totam tunc
 Europam fama celeberrima peruolitabat, qui etiam
 pietate & morum integritate non minus erat
 celebris. Huius vitam Thomas Morus Latine
 conscriptam, epistolas quoque eius, & duodecim
 bene viuendi præcepta in linguam Anglicam
 vertit: non tam vt aliis ea communicaret, (quanquam
 & id quoque) quàm vt sibi ipsi magis familiaria
 illa omnia redderet. Hunc etiam ob finem in eadem
 ætate scripsit tractatum valde piū, spiritualem &
 eruditum de quatuor nouissimis, etsi imperfectum.
 Propter idem etiam pietatis studium conciones
 diligentissimè frequentabat, non quidem quasuis
 aut sine delectu, nec verbosas illas & ex sola
 vel elegantia vel doctrina laudatas, sed vere
 pias ac spirituales, & quæ maximè ad cor loquebantur.
 Quo in genere quum eo tempore maximè

*Extant in
 operibus
 Anglicis.*

ximè floureret Ioannes Coletus apud D. Paulum Londini Decanus, vir non minus pius quàm literatus; cuius vitam totam in quadam epistola Erasmus diligenter describit; eum solum Morus ita assidue & auidè audiebat, vt quum ex aliqua fortè causa diutius ab vrbe abesset Coletus, temperare sibi nō potuerit, quin pro eo quo audiendi verbi diuini flagrabat desiderio, p̄ literas eū in vrbe reuocaret. Literas ipsas q̄ a excusæ nō extant, & pietatē adolescentis Mori luculenter loquūtur, hic subiicio.

• Thomas Morus Ioanni Coletio suo S. D.

Ambulanti mihi dudum in foro, & inter aliena negotia periclitanti obtulit se puer tuus. Quem quum primū intuerer, vehementer sum gauisus; tum quod hic ipse mihi semper charus extitit, tum precipuè quod arbitrabar eum non sine te venisse. At ubi ab illo didici te non modo non rediisse, sed nec adhuc diu reditum dici non potest ex quanta letitia in quantam necessitudinem reiectus sum. Quid enim mihi potest esse molestius quàm suauissima consuetudine tua privari? cuius prudentissimo consilio frui, cuius iucundissimo conuiuium recreari, cuius grauissimis concionibus excitari, cuius exemplis & vita promoueri; in cuius deniq; vultu ipso ac nutu solebam conquiescere. Itaque vt his praesidiis vallatis aliquando me sensi roboratis ita eisdem destitutus languere mihi fermè videor absolui. Et qui nuper vestigia sequutus iam penè ex ipsis orci faucibus emerferam, nunc rursus tamquam Euridice (contraria tamen lege; Euridice quidem quod illam respexit Orpheus, ego verò quia tu me non respicis) in obscuras retro caligines nescio qua vi ac necessitate relabor. Nā in vrbe quid est quod quenquā ad bene viuendum moueat, ac non potius suapte ingenio nitentem in arduum virtutis callem euadere, mille machinamentis renocet, illecebris mille resorbeat? Quocunque te conseras, quid aliud quā hinc fictus amor & bland

*Epist. mori
ad Coletum*

adulatorum mellita venena circumsonant; hinc odia
 saeva & querula lites ac forenses strepitus obmurmur-
 rant? Quocunque tuleris oculos, quid aliud videas
 quàm cupidinarios, cetarios, lanios, coquos, fertores,
 piscatores, aucupes, qui materiam ventri ministrāt,
 at mundo & principi eius diabolo? Tecta quin etiam
 ipsa nescio quo modo bonam partem lucis eripiunt,
 nec cœlum liberè sinunt intueri. Aërem itaque non
 opus ille circulus, sed demorum culmen determi-
 nat. Quo aequior tibi sum si minimè te adhuc ruris
 pœniteat; quippe ubi simplicem turbam vides, & ur-
 bica fraudis expertem: ubi quoquo versus oculos in-
 tendas, blanda telluris facies iuuat, aëris grata refi-
 cit temperies, ipse te cœli delectat aspectus. Nihil ibi
 vides nisi benigna natura munera & sancta quadam
 innocentia vestigia. Nolo tamen his oblectationibus
 adeo capiari, quin quum primum possis ad nos reuo-
 les. Nam si tibi displicent urbis incommoda, at Ste-
 phani rus (cuius etiam non minus debes esse sollicitus)
 haud minora tibi commoda suppeditabit, quàm quod
 nunc incolis: unde etiam in urbem (ubi magna tibi
 merendi materia est) potes interdum tanquam in ho-
 spitium diuertere. Nam ruri quum sint homines ipsi
 per se aut ferè innocui, aut certè non adeò magni sce-
 leribus irretiti, cuiusque medici manus utilis esse po-
 test. At in urbe tum propter ingentem magnitudinem
 tum ob inueteratam morborum consuetudinem, Me-
 dicus omnis frustra nisi peritissimus accesserit. Veni-
 unt certe in D. Pauli suggestum aliquando qui sani-
 tatem pollicentur. Sed quum speciosè perorasse vidè-
 tur, adèd vita cum verbis litigat, ut irriterent potius
 quàm mitigent. Non enim persuadere possent homini-
 bus, ut quum ipsi sunt omnium agrotissimi, idonei cre-
 dantur quibus alienarum agitudinum cura meritò
 committatur. Itaque morbos suos quum ab his tra-
 ctari sentiunt quos exulceratos vident, indignantur
 illicet

illicet atque recalcitrant. At si (ut naturarum indagatores affirmant) is demum medicus ad sanitatem appositus est, in quo egrotus maximam habet spem; quis dubitet quin te vno ad curandam vniuersam urbem nemo possit esse salubrior? A quo quàm a quo animo vulnera sua tractari patiantur, quantum cōfident, quantum pateant; & tute antehac satis expertus es, & nunc apud omnes tui desiderium atque incredibilis quadam expectatio declarat. Venias ergo tandem, mi Colete, vel Stephani tui gratia qui haud secus diuturnam tui gemit absentiam quàm infantuli matris; vel patria tua causa cuius haud minor tibi cura esse debet quàm parentum. Postremò (quàm hoc minimum sit reducendi tui momentum) mei te respectus commoveat, qui me tibi totum dedi-di, & in aduentum tuum sollicitus pendeo. Interea cū Grocino, Linacro, & Lilio nostro tempus transigam, altero (ut tu scis) solo (dum tu abes) vita mea magistro; altero studiorum praeceptore tertio charissimo rerum mearum socio. Vale: & nos, ut facis, ama. Londini 10. Calend. Nouembres. Ex hac epistola liquet, quàm beatus adolescens Morus fuerit. Beati enim qui esuriunt & sitiunt iustitiam. Hæc fames, hæc sitis iustitiæ, pietatis, & morum integritatis hanc illi epistolam extorsit. Ided Coleti viri integerrimi & concionatoris sancti præsentiam exoptauit. Ideo eius sanctas conciones auidissime expetiit. Ideo vrbicæ conuersationis pericula tam diligenter exposuit. Ideo eo absente nō nisi viris doctis & integerrimis adhesit. Hic Coletus (ait Erasmus) singulis diebus, quod tunc novum erat, in suo templo concionabatur, præter conciones extraordinarias quas nunc in regia nunc aliis atq; aliis locis habebat. In suo autem templo non sumebat, sibi carptim argumentum ex euangelio aut ex epistulis, sed unum aliquod argumentum proponebat, puta, orationem Dominicam,

Erasmus
epist. lib 15.
pag. 484.

Symbolum aut aliud simile, quod diuersis concionibus ad finem vsque, prosequeretur. Habebat auditorium frequens, in quo plerisque primores sua ciuitatis & aula regia. Nouam scholam extruxit in camiterio S. Pauli, puero Iesu sacram, opere magnifico, in quo agerent duo ludimagistri, quibus salarium designauit ut

*gratis doceant. De qua schola sic in quadam ad-
Lib. 23. epi- cum epistola Morus. Neque valde miror si clarissi-
sto. pag. 870 ma schola tua rumpantur inuidia. Vident enim uti
ex equo Troiano prodierunt Græci, qui barbaram di-
ruiere Troiam, sic è tua prodire schola qui ipsorum ar-
guunt atque subuertunt inscitiam. Hæc de illo Eras-
mus. Tali vitæ suæ magistro vsus est Morus adole-
scens. Grocinus quoque absente Coletio vtebatur et-
iam magistro, præter Theologia professionem in omni
genere disciplinarum vsque ad morositatem exactè
versatus est: ut idem alibi scribit Erasmus. Thomas
Linacer & quem studiorum præceptorem Morus
Epist. lib. 10. hic vocat sic erat in vtraque lingua Græca & Lati-
pag. 310. na excellenter doctus, utrum Erasmus cum præ-
In Epist. V. ceptorem suum vocet, tum Budæus ex eius verbo
top. a præ- Galeno se multum profecisse profiteatur. Guliel-
missa. mus Lilius adolescentis Mori socius, Grammati-
cam egregiè methodicam & absolutissimam & qua
tota iuuentus Anglicana ex eo tempore semper est
vsa conscripsit. Habuit etiam adolescens Mo-
rus studiorum socium Cuthbertum Tonstallum vi-
rum doctissimum, frequenti legatione pro suo re-
ge functum, Episcopum primò Londinensem, post-
ea Dunelmensem; qui primitias studiorum suo-
rum, de arte supputandi libros quatuor Lutetiæ
impresos anno 1529. Thomæ Moro dicauit, tan-
quam veteri condiscipulo & amico familiarissi-
mo. Sic enim in præfatione loquitur. Circumspici-
enti mihi cuius potissimum ex amicorum cohorte hæc
collectanea dicarem, in pro nostra consuetudine atque
animi*

animi candore visus es ex omnibus maximè idoneus: qui si quid in hoc opere placeret gratū habere, si quid esset ieiunius boni consulere, si quid usquam offēderet, ignoscere paratus esses. Hæc Tonstallus tunc Londinensis designatus episcopus, & vt ex eadem præfatione patet Thomæ Moro tunc Angliæ proquestori. Huiusmodi præceptorib⁹ ac sociis studiorum adolescens Morus vsus est; ab huiusmodi vitæ probitatem, morum integritatem, variarum literarum cognitionem, hausit, accepit, didicit. Inter philosophos Platonem & Platonicos maximè legit, & libentius euoluit, tanquam ad Rempub. regendam & ciuilem conuersationem magis idoneos. Quare & in scriptis suis Platicum scribendi morem imitatus est, vt in Vtopia, in Dialogorum libris quatuor de rebus in religione hodiè in controuersis quos Anglicè scripsit: atque item in libris de consolatione in aduersis quos etiam per formam dialogi elegantissimè scripsit lingua vernacula. Præter Græcæ & Latinæ linguæ cognitionem, Gallicam edidicit futuris postea legationibus idoneus, partim suo studio, partim frequenti illorum qui Gallicè nouerant consuetudine & congressu. Nam etsi aliquando in Franciam videndę regionis gratia profectus fuerat, {quod nobilibus adolescētibus Anglis solenne est} tamen non ita diu illic hæsit. Musicam, Arithmeticam, Geometriam tenuit, sed & instrumento musico, viola lusit, honestissimæ recreationis causa. Historicos, quos habere potuit, omnes foeliciter euoluit. Nam vt erat ingenio claro, prompto, & acti; sic memoria erat foelicissima, quam tamen arte etiam iuuuit. De qua sua memoria sic ipse modestissimè loquitur. *Vtinam sic ingenio atque doctrina aliquid essem, vt memoria nō usquequaq; destituor.* Sed de eius animi dotibus alio loco expressius.

*In epist. ad
Pet. Ægidium
de Vtopia
præfixa.*

Adolescens præterea, vel quia sic voluit pater, & qui cum ad Græcarum literarum & Philolophiæ studium omni subsidio destituit vt ad istud induceret; vel quia postquam conjugalem vitam agere stabat sententia, certus hic gradus erat ad Remp. iuuandam & quod ille vnice spectabat vt reliquæ vitæ cursus docebit; Iuri municipali & quod solum ferè in Anglia obtinet; seu legum Britannicarum studio operam dedit; in eoq; eos progressus fecit, vt tum in hoc Iure bis legerit, vacationum tempore, quod à festo S. Ioan. Baptistæ vsq; ad S. Michælem excurrit & est autem hoc legendi munus valde apud nostros splendidum, quod non nisi senioribus defertur, & non nisi à peritissimis exerceatur, reliquis minus idoneis magnam quandam pecuniæ taxam lecturæ loco soluentibus; tum ex huius Iuris studio varios & amplissimos honores in Repub. gesserit, de quibus mox. Ac talis quidem adolescens Morus. Hæc eius adolescentiæ studia, mores, actiones, pietas.

Qua munera in Rep. gesserit, & quomodo.

CAPVT III.

Thomas Morus quum viribus ingenii, variæque literatura plurimum valeret, eo etiam loco ac genere natus, vt lux tanta latere non posset, vbi primum virilem togam induit, Reip. operam suam præstitit. Ac primum quidem & quod Iuris municipalis peritis solenne est; causas agere & Advocatus esse coepit. Quo in munere nulli non dedit amicum, verumque consilium, magis illorum commodis prospiciens quam suis: plerisque solitus persuadere vti litem componerent. Id si minus impetabat, tum rationem indicabat, qua possent

possent quàm minimo dispendio litigare: denique ita se incorruptum gessit, ea diligentia vsus est, vt nullam causam defenderet, cuius totum statum prius accuratè non examinasset, totamque veritatem explorasset. Ad eum igitur accedentes { siue suorum siue exterorum aliquis esset, siue amicus, siue alienus, hoc enim illi planè perinde erat, vt mox exemplis doceamus } ante omnia monebat, vt à veritate facti nec leuissimè deflecterent. Quibus auditis, si ita est, inquit, vt retulistis, videtur mihi quòd causa non cadetis. Quod si iniustam causam haberent, disertè hoc illis affirmabat, hortabaturque vt desisterent ab illa. Nam neque sibi, neque ipsis expedire dicebat huiusmodi causæ patrociniū suscipere. Qui si eum audire nollent, ad alios aduocatos eos remittebat, ipse autem nullo modo eis adesse voluit. Vbi hæc initia inculpatè gessisset, circa annum ætatis 28. electus est populi Londinensis consensu, qui in ea celeberrima vrbe & totius Angliæ Metropoli pro Shyreuo lus diceret. Sunt autem in illa vrbe annui magistratus tres, vnus Praefectus quem Maiorem vocant, & duo Shyreni. Sed quia hi plærunque imò ferè semper Iuris dicendi imperiti sunt, est vnus perpetuus { vt in lure vocatur } Syndicus ciuitatis, qui pro istis Shyreuis { quos etiam Vicecomites aut etiam Consules vocare licet } lus dicit, Iudicisque vrbanū officio fungitur. Est hoc munus vt magnæ autoritatis & gratiæ, ita quod virum summæ integritatis, fidei, ac prudentiæ requirat. Omnes quippe ciuium causæ, ipsaque ciuitatis priuilegia, eius vel arbitrio decernuntur, vel industria conseruantur. Hoc munus quanti Morus ipse fecerit, non propter emolumentum quæ percipere potuit, sed propter ciuium suorum charitatem, quorum commodis seruire voluit, ipsemet in quadam ad Erasmus epistola his

*Inter epist.
Erasmi. lib.
2. epist. pag.
83.*

*Cōsiliarius.
Regius.*

*Eques au-
ratus.
Proquaestor
regni.
In farrag.
epist. lib. 17.
pag. 337.*

verbis exponit. *Mihi ex legatione Flandrensi remer-
senti pensio annua ab rege decreta est; eaq; planè sibi
quis honorem spectet seu fructum, neutiquam con-
temnenda: quam ego tamen hæcenus recusavi, vide-
orq; mihi perpetuo recusaturus, quòd ea suscepta,
prasens hac mea in vrbe conditio (quam ego etiam
meliori antepono) aut mihi foret relinquenda, aut
quod minimè vellem cum aliqua civium offensione
retinenda: quibus si qua cum Principe (quod nonnun-
quam accidit) oriretur de privilegio quaestio, minus
me sincerum ac sibi fidum ducerent, tanquam annuis
Principi mercedibus obstrictum.* Hæc ille. Atqui non
ita diu in hoc munere urbico versatus, ubi insignè
viri prudentiam, fidem, industriam Rex Henricus
in vna atque altera legatione, primum in Galliam
de rebus repetundis, postea in Flandriam de fœde-
re confirmando probasset, eum ex vrbe in Aulam
adsciuit, & in Consilium suum supremum coopta-
uit: nec ita multò post fide, probitate, dexteritate,
& prudentia viri in rebus gerendis magis ac magis
spectata, Equitem auratū & totius regni Proqua-
estorem {Quæstor enim seu Thesaurarius regis su-
premus non nisi nobilissimus aliquis Dux, Comes,
aut Baro esse solet} Morum declaravit. De quo du-
plici honore simul collato sic ad Goclenium scri-
bit Erasmus. *Quum scribes ad Morum, gratulaberis
illi & dignitatis & fortuna accēssum. Nam quum
antea Regi tantum esset à Consiliis, nuper nec amb-ēs
nec expetens, ultroneo favore Principis humanissimi
& Eques auratus factus est, & munus habet apud
Britannos, cum honorificum in primis, tum etiam
salarij non pœnitendi, quod appellatur à Thesauris.*
Hæc ad Conradum Goclenium Erasmus mense
Augusto, anno 1520. In hoc autem munere quum
per aliquot annos laudabiliter versatus esset, Du-
catus Lancastriæ {qui ob stirpis regiae defectum ab
ipso

ipso Rege possidetur } Cancellarium, id est, Ad-
ministratorem supremum constituit. Qui sanè
locus & honorificus multum est, & ad rem famili-
arem ampliandam accommodatus. His in aula
honoribus ac muneribus per annos circiter quatu-
ordecim functus est, ita Regi gratus, & præ cæteris
omnibus charus, ut eius vnus opera & domi &
foris in rebus semper grauissimis Rex vsus fuerit.
Legatione functus est ter quateruè, postremò verò
Cameraci, quum pax illa celeberrima inter qua-
tuor potentissimos huius orbis principes, Impera-
torem Carolum Quintum, Ferdinandum Regem
Romanorum, Henricum Angliæ, & Franciscum
I. Francorum reges anno salutis 1529. solennibus
pactis concluderetur. Rex ipse sic Morum adama-
bat, ut quum vacatione aliqua à rebus publicis
impetrata, domi suæ in pago Chelsey qui ab vrbe
Londinensi non nisi vno paruo milliari distat, se-
se cum familia sua recrearet, cum tamen & ut cu-
ius cõuictu ac consuetudine impensè delectaba-
tur } derepente domi suæ inuifere, mensæ dome-
sticæ sine vlllo speciali apparatu accumbere, vno
atque altero die cum Moro suo rusticare solitus
interdum fuerit. Sed & discedens dicebat Rex:
Quia iam hoc biduo te More à tuis auulsum me-
cum detinui, vide ut ultra ferias constitutas, aliud
biduum adiicias. Nolo enim ex hac mea præsentia
domesticæ tuæ recreationi aliquid decedere. De-
nique tantum Mori prudentiæ Rex tribuebat, sic
eum diligebat, eam de eius integritate ac fide exi-
stimationem habebat, ut non contentus honori-
bus illis multis & magnis antea Moro delatis, su-
premu tandem totius regni Cancellarium & qui
honus hætenus solis fere Ecclesiasticis viris, eisque
supremæ dignitatis deferri solebat. Duo enim Ar-
chiepiscopi & quorum alter Cardinalis } Morum
in hoc

*Cancellarius
Ducatus
Lancastria.*

*Cancellarius
Regni.*

in hoc munere proximè præcesserant; Morum renunciauerit. Est autem in Anglia Cancellarius regni, proximus post Regem, omnesque alios quacunque dignitate fulgentes aut autoritate præditos præcedit. Ante eum prodeuntem à dextris gestatur scèptrum aureum, in cuius fastigio est corona aurea imperialis, ad læuam liber, quorum altero summa sub Rege potestas, altero legum prudentia designatur. Sed & sigillum regium bursæ holerice inclusum solenni pompa ante eum defertur, & pro tribunali sedenti coram ponitur. Tribunal Cancellarii supremum est & à quo nō appellatur, ne ad Regem quidem ipsum. Iudicat non ex legibus scriptis, sed ex æquo & bono. Ad illum à quouis alio Tribunali appellari potest. Hunc supremū Magistratum sicuti cum tanta totius regni gratulatione Morus suscepit, quāta ante illum alius nemo; ita maximo cum applausu docti & celebres ætate viri, quibus extra Angliam Mori virtutes atque eruditio iam innotuerant, cum prosequuti sūt. De quo sic Erasmus in epistola ad Ioannem Fabrum Episcopum Viennensem. *Harum rerum tibi facile fecero fidem, si summorum virorum epistolæ proferam, Regi, Regno, sibi, atque etiam mihi gestienti cum alacritate de suscepto à Moro Cancellarij honore gratulantes.* Quin & ipse Cardinalis Wolfæus etsi Moro parum æquus esset, eumque metueret verius, quàm amaret, quum prospiceret tamen nullam spem esse reditus ad pristinam dignitatem, asseuerauit in Anglia non esse illi oneri quempiam ita parem vt vnum Morum. Sed Regis ipsius iudiciū quo vno nemo penitus inspexerat, aut impensius amabat raras ac prope diuinas Mori virtutes, ingenii que dotes, quique ipse prudentissimus & necdum schismatis labe aut cæca cupidine infectus; optimum semper suorum hactenus

*Epist. li. 27.
pag. 1071.*

nus delictum fecit, præstantissimum & sempiternum præbet, virtutibus Thomæ Mori testimonium. Maxime quum *nemo unquam ante illum eius ordinis, nemo ex Laica eaque inferiori nobilitate eum magistratum gesserit.* *Card. Polus lib. 3.*

Non est autem hoc loco prætereundum, quum hunc amplissimum Magistratum Morus iniret, quo extra ordinem honore Rex, totus tunc Morq additus, illustrare eum voluerit; qua modestia & prudentia hunc ei delatum Morus acceperit. Quo enim primum die inaugurari debuit, & toto spectante populo tribunal illud supremum, in Camera regia quæ à stella nomen habet, conscendere, Dux Northfolciæ totius nobilitatis Anglicanæ facile princeps & vir maximæ tunc autoritatis, iubente id & mandante Rege, Morum ad Cancellarii cathedram honorificè deduxit, eoque conscendente Orationem ad populum ex mandato regio in hæc verba fecit. *Regiam Maiestatem & quod ipsi Regno, totique populo Anglicano faustum felixque sit; ad supremam Cancellarij dignitatem, Thomam Morum virum iam ipsi Regi totique regno spectatissimum euexisse; non alia quidem ex causa neque respectu alio, quàm quia in hoc viro omnia illa gratia & natura præfusa inesse cerneret, qua ad tantam dignitatem vel populus desiderare vel Rex ipse optare posset.* Huius enim viri admirabilem prudentiam, integritatem, innocentiam, cum suauissima quadam ingenij facilitate coniunctam, non populo tantum Anglicano uniuerso ab ineunte fere ætate, sed & ipsi Regi à multis retro annis spectatissimam fuisse. Illud Regem in multis magnisq; negotiis domi forisque gestis, in variis qua gessit muneribus, in amplissimis quas obijt legationibus, in assiduis & quotidianis pene rerum agendarum consiliis, uberrimè expertum fuisse. Nihil hoc viro ad deliberandum prudentius,

Oratio Ducis Northfolcia in laudem Mori.

ad di-

ad dicendum quod senserat integrius, ad ornandum quod diceret facundius animaduertisse. Regem itaque quia omnia à tanto viro summa expectaret, pro eo quo in Regni ac populi sui administrationem cum omni aequitate & iustitia, integritate & prudentia faciendam desiderio tenetur, eum suo populo ac Regno Cancellarium dare, quo Cancellario, populus omni pace ac iustitia frueretur, regno splendor & decus incomparabile afferretur. Nouum quidem videri posse huius ordinis virum, laicum, coniugatum ignobilem ad eam dignitatem assumi, qua hactenus non nisi Ecclesiasticis ipsque primariis Prelatis, aut certe nobilissimis viris deferri solebat. Sed qua ex hoc parte desiderari posse cuiuspiam videantur, admirabiles huius viri virtutes, dotes ingenij ac natura incomparabiles plenissime compensare. Regem itaque non quantus sed qualis vir esset, non splendorem sed meritum persona, non ordinem sed virtutem spectasse. Denique in Thoma Moro ostendere se voluisse, non deesse sua maiestati ex inferiori nobilitate atque ordine laico viros praestantissimos, qui Ecclesiasticorum & nobilissimorum virorum munera exequi valeant. Quod quidem quanto rarius Dei beneficium est, eo & sua Maiestas hoc habet excellentius, & populo suo iudicat fore gratius. Merum igitur Cancellarium bonis (inquit) ausibus & latis auspiciis accipite; à tanto & tali viro omnia & regno vobis faustissima expectate. Hæc ubi Dux ille nobilissimus aliaque nonnulla perorasset, Thomas Morus etsi inexpectata hac Ducis oratione (nouum enim & insolens id erat) vehementer perculsus varieque affectus fuerat, & quidem pro insigni & consueta sua modestia totus ferè contremisceret, non nihil tamē sese colligens vt ille tum locus ac tempus postulabat, in hæc ferè verba respondit. *Vir amplissime, vosque nobiles & humanissimi viri, etsi qua Regia Maiestas hoc iam loco & tempore de me dici voluit,*
quaque

Qua, nobilissimus Dominus verbis ornatissimis amplifica-
uit, à me, omnia tam longè abesse iudicem, quàm
ea mihi singula adesse ego nunc vehementer optarem.
& iste magistratus plurimum desiderat; etsi hac tota
Oratio maiorem mihi metum incusserit quàm facile
verbis explicare queam; tamē non potest non gratissi-
mus mihi esse Regia maiestatis fauor iste incompara-
bilis, quo tam praeclarè de me sentire voluit, tam hono-
rificè meam mediocritatem vobis commendari praece-
pit. Viro quoque nobilissimo non possum non magnas
agere gratias, qui quae paucis verbis sua Maieſt. man-
dauit, ornatissima & accurata oratione amplificare
voluit. Sic enim accipio solum suae Maieſt. incompara-
bilem erga me fauorem, solam benignitatem & in-
credibilem regalis animi in me propensionem (qua à
multis iam annis me immeritū perpetuo prosequutus
est) non ullum prorsus meritum meum, vel huic nouo
honori vel his nouis laudib. causam dedisse. Quis enim
ego sum aut quae domus patris mei, ut hos mihi tot ac
tantos honores, cursu quodam perpetuo, Regia Maieſ-
tas accumularet? Minor sum omnibus beneficijs eius;
hoc certe loco, hoc honore nec dignum me censeo, &
vix parem fore confido. In ipsam aulam ac seruitium
Regium (quod sua Maieſt. profitetur) saepe inuitus ve-
ni. Ad hanc dignitatem inuitissimus accessi. Sed ea est
Regia Maieſt. bonitas, ea benignitas, ut exigua suorū
obsequia maximi faciat; & seruos suos non tam bene-
merentes quàm bene mereri cupientes (quorum ceriè
è numero semper esse desideravi, quandoquidem prio-
rum in loco consistere non potui) splendida remun-
ret. Quae quum ita sint quātum mihi & quàm graue
onus incumbat, ut huic incredibili beniuolentia regia
omni diligentia atque officio parem me geram, ut
eius de me magnifica expectationi respondeam, facile
mecum omnes videtis. Mihi igitur tantò haec laudes
acerbiores fuerunt, quanto ut his laudibus non
indignus

Oratio Tho-
mae Mori
Cancellarij
cathedrae
conscenden-
tiae.

indignus appaream, grauiora mihi officia subeunda sunt, & pauciora praesidia adesse conspicio. Onus enim est humeris meis impar, non par meritis honos: cura est non gloria; sollicitudo non amplitudo. Ferendum est illud, ut possum, strenue: expedienda sunt ista, quantum valeo, dextere. Sed erit mihi ingens ad haec omnia stimulus, studium ac desiderium meum ardens, quo in omni vita nihil prius aut antiquius habui, quod habere me nunc maxime agnosco, ut Reg. Maieft. amplissimis de me meritis omni qua fieri potest ratione satisfaciam. Istud verò eò mihi facilius fore confido, quo vestras omnium erga me voluntates, qua Regiæ erga me munificentiam libentissime complectuntur, eique sese non grauatè conformant, propensissimas futuras nihil ambigo. Meum enim certè rem bene gerendi desiderium, cum vestrà omnium propensione coniunctum id profecto efficiet, ut quicquid à me geri potest, indubie fiat; idemque vobis et si exiguum sit, magnum tamen atque praclarum videatur. Nam & qua libenter facimus, fieri solent faeliciter; & qua beneuolè accipiuntur, fieri videntur faelicissime. Vos ergo de me ut speratis optima, ita ego vobis polliceor non quidem optima, sed quanto possum meliora. Hæc & alia quum Morus dixisset, ad cathedram ipsam sellamque curulem, vultum ac verba conuertens, hunc in modum progreditur. At enim hanc sedem dum intueor, qui & quanti viri ante me eam occupauerint, dum recordor; quis hic* postremò sederis dum recolo, quam incomparabilis prudentia vir, quam in rebus maximis agendis dextere versatus, quam splendida & prospera fortuna diu usus, quam demum acerbo casu deiectus occubuit inglorius; habeo profecto in antecessore meo quod & hanc mihi prouinciandam difficillimam reddat, & hunc mihi honorem parum gratum ac iucundum efficiat. Nam & tanti ingenij, prudentia, auctoritatis, ac splendoris viro, cum laude

succes-

* Cardina
lis VVolsaus
de quo vide
Polydorum
lib. ult.

succedere, eiusque v. stigia paribus gressibus subsequi
 difficillimum; (velut si occidente Sole tychnum accē-
 das) & ne hic mihi honor nimium placeat, ne v. splē-
 dor eius vano vulgore meos oculos perstringat, inopi-
 natus ac repentinus tanti viri casus terr. biliter me
 admonet. Sic igitur hanc cathedram conscendo ut la-
 boris quidem ac periculi plenam, solido autem ac fir-
 mo honore vacuam: qua certē quanto sublimior est,
 tanto mihi precipitium magis cavendum video; non
 rei tantum natura, sed & recenti exemplo admoni-
 tus. Ac nisi inter hac omnia Reg. Maiest. incredibilis
 erga me propensio, v. straque omnium (quam incun-
 abimus iste conspectus vester mihi praeferit) bene-
 volentia me reficeret ac recrearet, in ipso hoc certe
 primo vestibulo impingerem; fortē & animo concede-
 rem: nec hac mihi suavior cathedra videretur quā
 Damocli gladius seta equina supra caput appensus, dū
 Dionysii regis solium occuparet, honoribus & delicijs
 affluens. Id unum ergo semper meminero, id ante ocu-
 los perpetuo habebo, hanc mihi cathedram sic esse ho-
 norificam. sic amplitudine & splendore plenam, sic
 novam & celebrem dignitatem; si omni cura ac vi-
 gilia, fide ac prudentia hoc amplissimum munus
 administrare non d. sino; si breuem & incertum eius
 fructum mihi fore persuasero. Quorum alterum meum
 mihi labor prestare debet; alterum antecessoris exem-
 plum docere me potest. Quae quum ita sint, quantam
 animo meo voluntatem vel hic amplissimus magi-
 stratus, vel nobilissimi Ducis off. sa meae predicatio,
 vel ipseus in me Regis incomparabilis hic fauor aff. r-
 re possit, facile omnes perspicitis. Hæc & his plura cū
 omnium admiratione eo tum tempore ac loco
 Morus peroravit.

Atqui præter has omnes in Repub. func-
 nes {quod prius dictum oportuit} fuit etiam in ple-
 nis regni comitijs & quæ Parleamenta vocamus)

*Orator po-
puli.*

Orator populi, & inferioris domus (vt nos loqui-
mur) vbi totius populi & inferioris nobilitatis cō-
fessus est, Dux verbi: cuius est quæstiones & causas
omnes in comitiis propositas, populi nomine,
prudenter, grauitex, copiose vel admittere & appro-
bare, vel reicere & refutare. Ad quam prouinciam
ille solus deligitur, qui & dicendi facultate, & iuris
ac rerum gerendarum peritia, & denique animi ro-
bore ac fortitudine cæteris omnibus præstat.

*Iudex inte-
gerrimus.*

Sed nunc in tanto honorum cursu, qua fide, in-
tegritate, prudentia versatus fuerit, ex paucis illis
quæ ad nostram notitiâ peruenerunt, satis elu-
cescet. Cum Iudicis officio fungeretur, soleba-
cere nihil apud eum inter amicam & inimicam in-
teresse. Id expertus est gener eius Aegidius Heron
qui Cæciliam tertiam Mori filiam in uxorem du-
xerat. Cum enim litem iniustam coram socero suo
institueret, monuit illum Morus vt desisteret à li-
te. Quod quum non faceret, tulit contra eum ex-
pedite sententiam. Aliàs quum inimici cuiusdam
causa coram illo verteretur, Iudicem se æquissimū,
quasiq; solito æquiorem præbuit. Rogatus cur id
faceret, respondit. Hostis capitalis quantumuis læ-
serit, non committam vt ea res illi fraudi sit in lu-
dicio; quod omnibus æquè debet patere. Cum sic
esset planè incorruptus & integerrimus, æmuli ta-
men eius aliquam reprehendendi ansam studiosè
captabant. Hoc quum animaduerneret quidam
Petnel siue vt aliis rem gratam faceret, siue vt suo
dolori indulgeret, retulit cuidam ex Aula regia pri-
mario, Morum Cancellarium à vidua Vaugham
aduersaria eius, poculū aureum accepisse post sen-
tentiam pro ea latam. Res ad aures Regis peruene-
rat, suggerente primario illo viro. Iubetur in diem
certum adesse vidua. Ea præsentē coram multis no-
bilissimis viris rogat Cancellarium Rex, an pocu-
lum

*Ridicula
Mori accu-
satio.*

lum aureum ab illa vidua accepisset. Fatetur Morus. Hoc quum indignius Rex ferre videretur, orat Morus Regem, velit viduam rogare, quid porro de poculo factum sit. Vidua rogata agnoscit, Cancellarium poculum quidē hilari vultu accepisse, magnasque de dono gratias egisse, sed & conuocata familia, magnificis verbis donum prædicasse: { quæ omnia accusationi conueniebant } attamen vino postulato, ipsi hilariter præbuisse, simulque poculum reddidisse. Indignatur Rex ob rem tam futilem vel se interpellari, vel Cancellarium vexari; calumniatorem potestati Mori permittit, primum illum virum obiurgat, Morum collaudat. Iam vero industriæ Mori in summo & negotiosissimo illo Cancellariæ munere luculentum istud & semperiterna memoria dignum argumentum est. Est tribunal illud causis & litibus ita prægrauatum, vt vix vnquam fiat, quin innumeræ causæ pendeant illic indecisæ. Certè Moro magistratum hunc inunte pendebant adhuc quædam causæ ante annos viginti cœptæ. Ille verò tam dexterè & foeliciter id munus gessit, vt { quod nec antea nec deinceps vnquam visum est } semel tribunal de more conscendens, & causa quadam expedita, sequentem proferri iubens, responsum acceperit, nullam illic amplius causâ superesse Deo igitur gratiis actis quod negotiosissimum illud tribunal semel vacaret, lætus surrexit. Iubens interea publicis Cancellariæ registris id inferri, in quibus adhuc legitur. Sed vero summæ eius in hoc munere integritatis & innocentiae, non testimonium tantum celebre & luculentum, verum etiam argumentum firmum & inuictum est, Regis ipsius Henrici octauī de Moro iudicium, postquam hoc summo Magistratu vt se se abdicaret, à Rege impetrasset: de quo eius facta plura suo loco: Sed quod ad rem præsentem facit,

*Expeditio
causarum.*

cit, quale fuerit Regis de eo iudicium, ipsemet in quadam à Erasmo epistola propter quasdam obrectatorum calumnias his verbis exponit. Ex-
petit iam Syndici tempus à gesto ac deposito Magi-
stratu: Nec adhuc quisquam prædixit qui de mea in-
 tegritate quereretur. Aut tam innocens fui aut tam
 cautus saltem, ut amulis meis necesse sit, si me altero
 nolint, altero sinant gloriari. Sed de hoc negotio Rex
 ipse quum aliàs, tum priuatim sapè, tum hic publicè
 pronunciauit. Nam supra quam meus pudor pati po-
 test ut recenseam, per os Ducis illustrissimi, Ducis, in-
 quam, Northfolcia magni thesaurarij Anglia, quum
 successor meus homo imprimis egregius collocaretur
 in loco, honoris: è iussit de me testatum reddere, quod
 agrè ad preces meas me dimiserit. Nec eo singularis
 Regis erga me bonitas contenta, recitari fecit idem
 denuo multo post in sua præsentia, in solenni conuentu
 magnatum ac populi per os successoris mei in oratione
 quam ex more primam habuit in Senatu: quem Se-
 natum nos Parlamentum vocamus. Hæc ad Eras-
 mum Morus. Sed & in literis quibusdam à Thoma
 Moro post abdicatum Cancellarii munus ad Re-
 gem ipsum scriptis, memorem cum facit verbo-
 rum, quæ quum id munus deponeret ad eum Rex
 diceret. Placuit (inquit) maiestati tuae tunc ad me
 dicere, curaturum se ut propter officia hæc tunc à me
 præstita & quæ quidem eo tempore longè supra id quod
 merebantur laudare dignata est Maiest. V. } omni-
 bus in rebus quæ vel ad honorem vel ad commodum
 meum spectarent, si quid forte peterem, benignam ac
 propitiā erga me Maiest. V. semper experirer. Quæ
 sanè pollicitatio & commendatio regia in tali ar-
 ticulo facta, luculentissimum fuit magistratus in-
 teger timè gesti testimonium. Atque hæc de variis
 in Repub. muneribus à Thoma Moro gestis, deque
 integritate & innocentia qua in illis versatus est
 hæc-

*Inter epist.
 Erasmi. libr.
 27. p. 1076.*

*In operibus
 Anglicis
 pag. 1423.*

hactenus: ctsi de hoc posteriori quædam adhuc alia postea dicendi dabitur locus. Huius autem futuræ integritatis egregium specimen adhuc iuuenis dedit quum Iuri municipali operam daret, regnante tunc Henrico septimo. Quum enim in pleno Senatu quem Parleamentum vocant, in quo liberè loqui quod sentiunt omnibus permittitur, exactiones & vectigalia iniqua imponere populo Rex vellet, Thomas Morus (multis aliis tacētibus, *Morus iuue- nis exactionibus regis obstitit.* & quod senserant dicere non audentibus) liberè & fortiter Regis postulato restitit. Aegrè admodum tulit hoc Rex, maximè à Dudleo & Empsero eius rei autoribus instigatus. Suaserunt tunc multi Moro, & inter alios Episcopus quidam, vt culpam apud Regem agnosceret, veniamque precaretur: hac enim ratione Regem placari posse. Recusat ille prorsus hoc facere, prudenter respondens, se nec culpæ alicuius sibi conscium esse, nec debere ibi culpam fateri vbi certus de venia non esset. Post septem vel octo annos defuncto Henrico septimo & Dudleo illo propter iniqua illa consilia Regi suggesta pœna capitis damnato, quum iam ad supplicium traheretur, accedens ad eum Morus, ecquid, inquit, domine Dudlee in causa illa exactionis bene olim sententiam dixi? Cui ille, O domine Thoma, inquit, bene te iuuit Deus quod culpam tuam apud Regem non agnosceres. Hoc enim si fecisses pœnam capitis haud dubiè subiisses. Sic ille & fidem suam erga Rempub. bene liberauit, & suæ saluti prudenter consuluit. Erat quidem & vt iam dictum est } Iudex æquissimus, sed contra improbos fortis & seuerus, & vt de seipso in suo epitaphio scribendum curauit, *furibus, homicidis, hæreticisque molestus*. Maximè verò hæreticis, de quibus sic ad Erasmus scribit. *Quod in epitaphio profiteor hæreticis me fuisse molestum, hoc ambitiosè feci.* Nam o

Inter epist. Erasmi vs supra.

*Inter epist.
Erasmi ut
supra.*

Lib. 9.

minino sic illud hominum genus odi, ut illis ni resipiscant
tam inuisus esse velim, quàm cui maximè: quippe quos
indies magis ac magis experior tales, ut mundo ab illis
vehementer meruam. Neque tamē ita hæreticis mo-
lestus Morus fuit, ut sub illo Cancellario quisquam
eorum capitis pœnam dederit; id quod & Erasmus
affirmat in epistola mox citata, & nostri annales
testantur. Quod si aliter sensit Sleidanus quum scri-
beret Thomam Morum qui Regis fuit Cancellar-
ius, in suspectos de Lutheranismò grauitè anim-
aduertisse, & quæ vox iuridicè loquendo pœnam
capitalem notat, mentitur, ut solet, splendide.

De multiplici eius eruditione, & laboribus literariis.

CAPVT. IV.

Qualis in Rep. sua ciuis, quibus honoribus &
muneribus perfunctus, qua integritate, fide
prudentia in illis versatus Tho. Morus fue-
rit, quantum ea de re cognoscere potuimus, iam
explicatum est. Nunc quàm fuerit idem literatus,
doctus, studiis ac libris deditus; quos in eo genere
labores tulerit, fructus fecerit, explicare conabi-
mur. Quæ pueritiæ, & adolescentiæ studia fuerint,
in præcedentibus dictum est. Quòd Poëta, quòd O-
rator, quòd Philosophus extiterit, quod stilum &
vocem in illa ætate ingenti cum laude exercuerit,
ex illis liquet. Et quidem necdum ad Reip. admini-
strationem vocatus, minimè mirum si vir tanti in-
genii ocio adhuc abundans, otiosus esse non po-
tuerit. Sed verò in tanta negotiorum & tam conti-
nua multitudine, quæ in officiis prædictis & quibus
adde vitam coniugalem, familiæ curam, nunquā
desse poterant, quis expectabit, ut magni aliquid
in literis ac studiis præstare possit? Amant enim

ocis

ocia Musæ, & à forenſi ſtrepitu atque aulica conuerſatione vel maximè abhorrent; denique quæ eſt noſtra ignauia, totum penè hominem deſiderant. Et certè Morus ipſe vir totus ſuapè ſponte literis ac libris deditus, auocationes iſtas ſuas & interpel- lationes aſſiduas miſerè alicubi deplorat: Sic enim

ad Petrum Aegidium Antuerpienſem amicum ſuum poſt elaboratam Vtopiam ſcribit. Dum cau- ſas forenſes aſſiduè alias ago, alias audio, alias arbiter finio, alias Iudex dirimo; dum hic officiũ cauſa viſitur, ille negocii, dum foris totum ferme diem aliis impar- tior, reliquum meis, relinquo mihi, hoc eſt, literis nihil. Nempe reuerſo domum, cum vxore fabulandum eſt, gar- riendum cum liberis, colloquendum cum miniſtris. Quæ ego omnia tute negotia numero, quando fieri ne ceſſe eſt. Neceſſe eſt autem niſi velis domi tuæ eſſe peregrinus. Et danda omnino opera eſt, vt quos vitæ tuæ comites au- tura prouidit, aut ſecit caſus, aut ipſe delegiſti, his vt te quàm iucundiſſimum compares, modò vt ne comitate corumpas, aut indulgentiæ ex miniſtris dominos reddas. Inter hæc quæ dixi elabitur dies, menſis, annus. Quando ergo ſcribimus? Nec interim de ſomno quicquam ſum loquutus, vt nec de cibo quidem, qui multis non minus abſumit temporis quàm ſomnus ipſe qui vitæ abſumit ferme dimidium. Hæc ille. Quid ergo tandem ad ſtu- dia temporis ſuperfuit? Subiungit ſtatim. At mihi hoc ſolum temporis adquiro quod ſomno ciboque ſuffuror: quod quoniam parcum eſt, lentè; quia tamen aliquid, ali- quando perfecì atque ad te mi Petre tranſmiſi Vtopiam. Nempe in more habebat Tho. Morus non vltia 4. aut ad ſummum 5. horas ſomno dare. Hora ſecun- da matutina ſurgere ſolitus, vſque ad ſeptimam ſtudiis & precibus ſe dabat; reliquum diei tēpus ne- gotiis. Scripſit ergo præter prius enumerata rū Lati- nè tū maximè Anglico ſermone valde multa, Vto-

N 4

piam

*In epiftola
Vtopiæ præ-
fixa.*

piam suam scripsit, si Ioanni Paludano credimus, adhuc iuuenis : non tamen ita iuuenis quin virilem planè togam induerit. Scripsit enim illam à Flandrensi legatione reuersus, vt in ipsa operis præfatione testatur, sed certè necdum in Aulam à Rege vocatus, vt ex illa pensione liquet, quam finita legatione Rex ei obtulerat vt in præcedenti cap. retulimus. Cæterum hanc scripsit Vtopiam anno ætatis 34. vid. ann. Domini 1516. Passus est autem anno Domini 1535. & ætatis suæ anno 52. De operis autem ipsius præstantia etsi, quia passim legitur, adeoque in Gallicam, Italicam, & Flandricam linguam translatum, nihil me attinet dicere, quorundam tamen doctorum virorum iudicia subiiciam.

*Budæus de
Vtopia Mori.*

Gul. Budæus in epist. ad Thomam Lupsetum *Vtopia cognitionem Thomæ Mori debemus qui beata vite exemplar ac viuendi præscriptum ætate nostra promulgauit; Hanc historiam ætas nostra, posteraque ætates habebunt velut elegantium utiliumque institutorum seminarium, unde translatitios mores in suam quisque ciuitatem importent & accommodent.*

Paludani.

Ioannes Paludanus Cassiletensis in epist. ad Petrum Aegidium sic scribit. *Quicquid ad Rempublicam bene instituendam pertinet, in Vtopia velut in speculo liceat cernere. Multos ceret eosque insignes in literis viros Anglia habet. Nam quid de cæteris coniectandum est, si tantum præstat Morus primum iuuenis, deinde publicis ac domesticis negotiis ad id distractus; postremò quiduis proficere citius quàm literas?*

Pet. Aegidij.

Petrus Aegydius in epist. ad Hieronymum Bussidiū Præpositum Ariensem de Vtopia sic scribit. *Tantum hic occurrit undique miraculorum, vt ambigam quid primum aut potissimum admirer; felicissima memoria fidem qua tot res audias duntaxat pendere ad verbum reddere potuit, (sic enim fabulæ subseruire oportuit) an prudentiam, qua vulgo ignatissimos fon-*

tes,

tes, unde nomina Reipub. vel oriuntur mala, vel oriri
 possent bona, sic animadverterit; an orationis vim ac
 facultatem, qua tanta sermonis Latini puritate, tan-
 tis dicendi nervis, tot res complexus est, praesertim v-
 nus in tot publica simul & domestica negotia distra-
 ctus. Hæc Petrus Aegidius. Sed nunc grauiissimum
 viri grauiissimi Hieronymi Bullidiani Cæsareæ
 Maieſt. à Consiliis iudicium apponam. Sic in epi-
 stola ad Morum ipsum lecta Vtopia scribit. In Vto-
 piensis Reipub. fœli: i descriptione nihil est in quo vel
 summa eruditio vel absoluta rerum humanarum pe-
 ritia desiderari possit. Tam siquidem multifaria polles
 doctrina, rursus tam multa eaque certa rerum pe-
 ritia, ut prorsus expertum affirmes quicquid scripse-
 ris; dectissime scribas quicquid affirmandum destina-
 ueris. Mira prof. cto raraque fœlicitas, ac planè eo ra-
 tior quo magis ipsa sese, inuidens plurimè, non præbet
 nisi raris: maxime ijs qui sicut candore velint, ita e-
 ruditione sciant, fide queant, authoritate possint tam
 pie, rectè, provide in commune consulere, sicut tu iam
 facis probe: qui quod non solum tibi, verum etiam to-
 ti gentium orbi existimas opera precium, duxeris hoc
 tuo pulcherrimo merito vel totum ipsum orbem de-
 mereri: quod præstare alia ratione neque rectius ne-
 que melius potuisses, quàm ijs mortalibus ratione
 pollentibus eam Reip. ideam, eam morum formulam,
 absolutissimumque simulachrum præscribere, quo
 nullo unquam in orbe visum sit vel salubrius insti-
 tutum, vel magis absolutum, vel quod magis expetè-
 dum videatur: utpote multo quidem præstante atque
 longo post se intervallo relinquente tot celebratissimas,
 tantopere decantatas Lacedæmoniorum, Athenien-
 sium, Romanorum Reipublicas Paulò post prudenter
 obseruat & laudat, quod Vtopiensis Resp. à Moro for-
 mata non tam in condendis legibus, quàm in optimis
 magistratibus formandis elaborauit: ad quorum vi-

*Hieronym.
 Bullidianus
 de Vtopia
 Mori.*

delice: simulachrum, probitatis specimen, exemplar morum, iustitiæ imaginem totius status & rectus tenor cuiusvis absolutæ Reipubl. sit effugendus. Hæc ille.

*Paul. Iovius
In elogiis do-
storū virorū
tit. 89.*

*Sed & de hoc laudatissimo opere sic Paulus Iovius. Mori nomen in Vtopia perenni constantiæ laude fruitur. In ea enim beatæ gentis regione optimis instituta legibus, ac opulenta pace florentem Rempubl. elegantissimè descripsit, quum damnatos corrupti sæculi mores fastidiret, & bene beateque viuendum commento perincundo, rectissima via monstraretur. Hæc ille. Certe hoc vnum Vtopiæ monumentum, facile legenti ostendat verissimum esse, quod Budæus, quod Erasmus, quod Cochleus, quod Rhenanus, quod Budidius, quod Tonstallus, quod Regin Polus Card. * omnesque qui Vtopiam legerunt, de eo scribunt, incomparabile homine maius & prope diuinum fuisse hominis ingenium. Nihil eo opere vel circa inuentionem iucundius, acutius & artificiosius; vel circa orationis genus, elegantius, vberius, ornatius; vel circa præcepta vitæ ac morum grauius, solidius, prudentius. Eius lectio nec lectorem vquam fastidire, nec absque singulari aliquo fructu dimittere potest, si attentus & proficiendi studio legat.*

** quod Paul-
ludanus, &
Hurtenus,
quod Vi-
ues, quod
Graphæus,
quod Za-
sius.*

*Historia Ri-
chardi Regis*

Scriptis porrò eodem fere tempore historiam Richardi Regis Angliæ eius nominis tertii Latine, quam etsi exercitii tantum gratia conscriptam & imperfectam & non relectam reliquit, sermonis tamen elegantiam & nitorem vix in ea desideres. Anglicè illā multo ante & plenius & elegantiùs descripsit. Iam verò quum an. Domini 1523. contra librum Henrici Regis de sacramentis spurcissimum libellum spurcus Lutherus euomuerat, Tho. Morus ad eius conuitia responsionem emisit: & procaci ac scurrili Lutheri libello eodem orationis filo responsionem parandam iudicauit, ipsumque eisdē quibus intemperantissimè vsus erat in Regem, cō-

uiciis

uiciis

uiciis obruendum : vt si quid male loquendo voluptratis cepisset, id rursus malè audiendo amitteret. Cæterum quum haudquaquam personam dignitatemque suam (erat enim tunc Eques & Consiliarius regius) lasciuos iocos & quandoque etiam immodestos decere intelligeret, non suo sed Gulielmi Rossei alieno nomine librum exire voluit. Hic autem Rosseus eodem fere tempore Romam peregrinatus in Italia moritur, vt non incommodè etiam ipsis Anglis Rosseus author videri possit. Et hic quoque liber præter sanam & solidam doctrinam contra impudentem hæreticum grauitè defensam, facetissimum præterea & elegantissimū Mori ingenium luculenter exprimit. Denique facti sui rationem quod cum scurra scurriliter agere cōpulsus fuerit, inuitusque hoc fecerit, in ipso fine & vltimis libri verbis sic exponit. Quandoquidem Lutherus totum se deuotus inferis, & obdurauit in schismate; statuere tamen secum debet aliquam saltem vt habeat ciuiliū honestatis rationem, quò sibi potius vendicet authoritatē Dogmatistæ, quàm vilis in hæretica scurræ. Quod si quando volet, si disceptabit seriò, si mendacia sua recanter ac sycophantias, si abegerit stultitias, furores, & hætenus nimium familiares furias, si merdas suas resorbeat, & sua relingat stercora quibus tam sæde linguam suam calamumque conspurcat, non deerunt qui de re graui grauitè, quod decet, differant. Verùm si ad istum quo cepit modum scurrari pergat & furere, si grassari calumnia, nugari stultitia, insanire dementia, scurrilitate ludere; nec aliud in ore gestare, quàm sentinas, cloacas, latrinas, merdas, stercora; faciant quod volent alii: nos ex tempore capiemus consiliū velimus ne sic bacchantem ex eius tractare virtutibus & coloribus suis depingere, an furiosum fraterculum & latrinarium nebulonem cum suis furiis & furoribus, cum suis merdis & stercoribus cacantē cacatamq; relinquere.

Cur contra
Lutherum
scurriliter
scripserit.

Hæc

*In actis &
scriptis. Luth.*

Hæc vltima ad Lutherum verba sunt, quibus quasi postremis bellariis tali nebulone dignis os eius perliniatur, & buccella palato congrua dulcoretur. Certè hic liber {vt refert Cochläus} *mira dextertate & facere ludens, & grauiter obiurgans, certissimis testimoniis ita conuincit Lutherum, & in os eius improbum omnia ipsius mendacia retrussit, vt is contra ne hiscere quidem ausus fuerit.* Cum enim quotidie scriptitaret & omnibus responsitaret, Rosseo lecto, magis mutus factus est quàm piscis. Scripsit & aduersus Ioan. Pomeranum epistolam luculentam quæ seorsim excusa est. Hæc ferè sola {quæ quidem extant} Latino sermone scripsit libertate sua adhuc gaudens. Nam in carcere quum esset, scripsit tractatum prolixum de passione Domini, ex posteriori parte Latinum, vt in operibus eius Latinis extrat, sed priori & multo maiori ex parte Anglicum, de quo postea.

Opera Anglica.

An. 1513.

An. 1522.

Lib. 27. epistolarum.

Nunc quæ sermone vernaculo vel contra hæreticos vel de rebus piis scripserit, commemorabo. De vita Pici Mirandulæ aliisque eiusdem opusculis Anglicè ab eo versis quum adhuc adolescens esset, suprâ diximus. Vitam Richardi tertii Regis Anglorum eloquentissimè scripsit eo tempore quo Londini causas agebat. Postquam in Aulam & Senatum regium assumptus est, quo demum tempore vitam maximè negotiosam egit, eo tamen tempore quàm plurima scripsit. Eques creatus & à Consiliis Regi, regnique Proquæstor scripsit tractatum insigniter pium & doctum de quatuor nouissimis: sed multò maior eius pars intercudit. Quum autem ex hoc Belgio in Angliam hæretici irrepere cœperunt {ex Belgio enim, ait Morus in epist. quadam ad Erasimum, quo se velut in portum aliquem omnes hæreses recuperant, libri hæretici in Angliam mittantur} Morus etsi tunc occupatissimus, vtpote & Consiliarius

fliarius Regius, & Ducatus Lancastriæ Cancellarius, scripsit de rebus hodie controuersis Dialogorum libros quatuor opus prolixum, eruditum, elaboratum: in quo de Sanctorum inuocatione, de peregrinatione, de Reliquiis quum multa disputasset, ostendit tandem, variaque ratiocinatione demonstrat & quæ sit vera Ecclesia, & illam errare non posse. His Dialogis absolutis, quum eodem tempore hæreticus quidam librum edidisset, cui titulum fecit, *Pauperum libellus supplex* & quo id agebat vt Regi persuaderet, vnicum & præstantissimū ad pauperes subleuandos, aliasque Reip. necessitates iuuandas remedium esse, vt Monasticorum & Ecclesiasticorum bonorum vt minimum ex 4. partibus tres fisco addicerentur} scripsit Morus sequenti anno contra hunc libellum nō supplicem, sed infamem, responsionem iustam cui titulum dedit, *Animarum in purgatorio libellus supplex*. Quo in libro sub persona animarum adhuc in Purgatorio existentium, ad quarum pœnas piis suffragiis & sacrificiis subleuandas Ecclesiastici & Monastici redditus magna ex parte collati sunt, eleganter & eruditè docet tum fidem & doctrinam Ecclesiæ de orando pro defunctis, de Purgatorio, de vi suffragiorum solidam & orthodoxam esse; tum etiam monasteriis sublati, & ecclesiæ bonis imminuti, Regis potentiam minuendam, pauperum numerum augendum: quod & postea experientia stultorum magistra clarè docuit. Iam verò quum contra Dialogos præallegatos, Tindallus infamis hæreticus qui postea Vilsfordiæ in Brabantia iustas impietatis suæ pœnas tulit, responsionem scripsisset, eam Morus etiam supremus tunc regni Cancellarius longa scriptione refutauit. Sed quum illa refutatio nouem libros complectatur, tres priores scripsit Cancellarius regni, sex posteriores eo munere abdi-

An. 1528.
 Dialogi.

An. 1529.

Libellus sup-
 plex anima-
 rum in Purgato-
 rio.

Contra Tindallum.

An. 1532.
 & 1533.

*Contra Frih.
Apologia &
eius defensio*

*De cœna Do-
mini*

*Consolatio
in aduersis.*

abdicato. Scripsit præterea eodem anno qui depositum Cancellariatum & vincula eius vnicus intercessit, contra Ioannem Frith Sacramentarium de veritate corporis & sanguinis Domini librum vnum, deinde Apologiam, mox Apologiæ suæ defensionem, sub titulo debellationis Solymorum & Byzantii. Ac postremò contra Anonymi hæretici librum de Cœna Domini libros quinque. Postremò in carcere constitutus scripsit de Consolatione in aduersis libros tres, opus elegantissimum, multa pietate & eruditione plenum, denique cui vix vllū in eo argumēti genere par inuenias. Scripsit etiam in carcere expositionem & vt vocat̃ historicam passionis Dominicæ iuxta, 4. Euangelistas, incipiens ab eo loco, *Appropinquauit autem dies festus azymorum*: quam produxit vsque ad illa verba. *Iniecerunt manus in Iesum*. Tunc enim sic per arctam custodiā iniectæ illi manus sunt in carcere, vt amplius scribendi facultas non daretur. Est hic tractatus & prolixus atque accuratus, & multū spiritualis ac pius. In his autem omnibus vernacula lingua conscriptis, & regnante Maria in vno magno volumine excusis, quæ ante 30 annos magna ex parte perlegi, deprehendi Thomam Morum in scripturis diligentissimè, in Patribus, adeoque in ipsa scholastica doctrina non indiligenter versatum fuisse. Citat etsi non adeo frequenter, appositè tamen & vbi opus est, Augustinum, Hieronymum, Chrysostomum, Cyrillum, Hilarium, Bernardum, Gerlonem. Certe ipsemet ad sui purgationem quū postea suspectus Regi haberetur, affirmat se per totos 7. annos Patribus legendis operam dedisse, vt quæ esset illorū de Primatu Rom. Pontificis sententia intelligeret. De quo lectionis fructu suo loco plura. Hinc interim constat quantum in Patribus proficere viz tanti ingenii & tam diuinæ memoriæ potuerit. Et
si enim

si enim vnum tunc legendo quærebat, quis tamen dubitat quin multa obiter contra præsentēs hæreses annotauerit? Ego certè animaduerti multa nuper loca percurrento, cum in dogmatica Theologia perdiscenda bonam operam posuisse, & quā de gratia, de libero arbitrio, de meritis operum, de fidei & charitatis aliarumque virtutum natura & officiis, de peccato originali, de ipsa prædestinatione loquitur, ita calamum temperare suum, ita ad veræ Theologiæ normam loqui, vt accuratius & aptius professione Theologus loqui vix possit. Certè quòd Diuum Thomam studiosè legerit, illud argumento esse potest quod de eo narrauit Ioannes Harrisus secretarius eius. Allatus est forte ad Morum libellus hæretici nouiter excusus, quum iam in viam se per flumen daret, è domo sua Londinum versus. Potuit enim à pago Chelsey per aquas Londinum proficisci. Vbi aliquantulum legisset, loca quædam digito notata Harrisio suo ostendens: hæc, inquit, huius nebulonis argumenta sunt D. Thomæ obiectiones in 2. 2. quæstio. & art. tali: sed boni doctoris solutiones nequam dissimulat. Sed & disputationem eius quandam vidi cum P. Alphonso Minorita Confessario Catharinæ reginæ Henrici regis coniugis primæ, vbi de attritione & contritione sustinet sententiam Scoti vt tutiorem magisque probabilem contra sententiam Occam: vt meritò cuilibet mirum videri posset, hominem ciuilibus & aulicis negociis tota fere vita occupatum, in profana literatura excellenter versatum, Theologica tamen adeoque scholastica ipsa non attigisse tantum, sed & tenuisse. Hæc autem opera eius de rebus controuersis vernaculè conscripta, non solum eo tempore quo scripsit magnum fructum fecerunt, plurimis viris doctis & grauissimis ea ter quateruè relegentibus,

*In apolog.
cap. 3.*

tibus, sibi que ad iuuandam memoriam indiculos colligentibus { vt ipsemet per occasionem scripsit } sed & diu post regnante serenissima Regina Maria Catholica principe, iterum in lucem edita restaurata tunc religioni Catholicæ maximo adiuumento fuerunt Nec quicquam ferè toto illo lucido interuallo (quod singulari Dei beneficio inter duo schismatis tempora nobis datum fuit) causam Catholicam magis promouit, illustrauit, cõfirmauit, quàm alia permulta Mori opera Anglicè edita, opera & labore ingenti D. Gulielmi Rastelli de quo in præfatione diximus. Porro alia permulta Mori scripta tam Latina quàm Anglica ob acerbam persecutionem quæ toti familiæ Mori eo sublato incubuit (de qua suo loco plura) interciderunt; & ista quæ habemus quasi è flammis erepta magna quadam suorum industria seruata sunt. Statim enim post mortem eius, vt reliquam supellectilem ita maximè bibliothecam Mori vniuersam & instructissimam Thom. Cromvvellus Regii sigilli custos, homo ad ministerium tyrannidis natus, diripuit. Sed & illud infatigabile hominis studium demonstrat, quod quæcunque vel Latine vel Anglicè per totam vitam in lucem emittenda composuit, sua propria manu omnia scripsit, nullius alterius hac in re industriæ fidens. Fuit autem in prima sua & florenti ætate bonatum literarum, seu politioris literaturæ non deuotus tantum, sed & superstitiosus penè amator. Propter bonas literas Erasum sic deamauit, vt nemo magis: vicissim illum ac meritò Erasmus Fuit tamen amicitia Mori cum Erasmo ipsi Erasmo magis honorifica quàm Moro utilis. Sed & crescente hac hæresi, cuius quam multa & mala Erasmus posuit, decreuit ac refrixit Mori erga Erasmus amor. Obiiciente quodam in loco Tindallo (quem Morus reprehende-

rat

*Bonarū li-
terarū quā-
tus amator.*

rat quod vocem Ecclesie in congregationem & presbyteri in seniore[m] verterat } dulcissimum eius Desiderium Erasmus non aliter vertere, ideoque non aliter reprehensione dignum esse, respondet *Confut. lib. 2. pag. 422.* Morus. Si dulcissimus meus Desiderius praua illa intentione sic vertisset qua vertit Tindallus, dulcissimus meus Desiderius ne quidem dulcis mihi amplius esset. Amicè videlicet quum factum non potest, intentionem excusat. Denique Morus ubi sub finem vitæ suæ multa in scriptis Erasmi deprehendit necessario emendanda, monuit cum per literas diligenter, vt Augustin. exemplum sequutus omnia sua recognosceret & retractationes ederet, quod etiam & Ioan. episcopus Rossensis fecit, vt patet ex epist. Erasmi ad eum. Sed Erasmus qui ab humilitate Augustiniana tam multum absuit quàm à doctrina, nec id facere voluit, nec has Mori literas superesse passus est, vt Farragini cum cæteris insererentur. *In Farrag. lib. 22. pag. 852.* Propter bonarum literarum impensum studium, factus est in Anglia cum suo Richardo Pacæto, viro nobili, docto, prudente {qui pro rege Henrico nobilissimas legationes obiuit} bonarum literarum patronus & aduocatus. Sic ad Academiam Oxoniensem luculentam orationem ex Aula scripsit, vt imprudentes quosdam concionatores reprimeret qui Græcæ & Latinæ linguæ studium pro fugæ gestu traducebant. Sic quum coram ipso rege quidam concionator hoc tentaret, finita concione, instante Moro, veniam petere & suam temeritatem agnoscere concionator coactus est. Sic ad Martinum Dorpium bonarum ac Græcatum maximè literarum ad tempus hostem, prolixam & eruditissimam scripsit epistolam de necessaria lingua Græcæ cognitione, quæ Basiliæ excusa est per Episcopium anno 63. sic denique cum illis arctissima necessitudine coniunctus est, qui eo tempore siue in

Anglia siue extra, eloquentiæ & eruditionis laude floruerunt, vt proximo mox capite apparebit. Et in oratione quidem illa ad Academiam Oxoniensem scripta sic inter cætera loquitur *Quamquam nemo negat saluum esse quenquam sine literis non illis modò, sed vel vllis posse, doctrina tamen eaque secularis, vt ille vocat* (concionator scilicet quidam audacior quàm doctior) *animam ad virtutem præparat. Neque quisquæ est qui dubitet doctrinam hanc vnâ prope atque vnicâ esse, propter quam frequentatur Oxonium. Quandoquidem rudem illam atque illiteratam virtutem quævis bona mulier libros suos ipsa docere non pessimè posset doni. Præterea non quisquis ad vos venit, protinus ad perdiscendam Theologiam venit. Oportet vt sint qui leges calleant. Noscenda est & rerum humanarum prudentia, res adeo non inutilis Theologo, vt sine hac sibi fortassis intus non insuauiter possit canere, at certè ad populum ineptè sit cantaturus: quæ peritia haud scio, an alicundo vberius quàm è Poëtis, Oratoribus atque Historiis hauriatur. Quin sunt nonnulli qui cognitionem rerum naturalium velut viam sibi qua transcendant in supernarum consemplationem præstruunt: & per Philosophiam & liberales artes (quas iste omnes secularis literaturæ nomine damnat) iter faciunt ad Theologiam: spoliatis videlicet Aegypti mulieribus in Regina cultum. Ad quam Theologiam (quoniam hanc solam videtur admittere si vel hanc admittit) non video tamen quo pacto queat attingere, citra linguæ peritiam vel Hebrææ, vel Græcæ, vel Latine. Nisi fortè persuasit sibi homo suavis satis id librorum scriptum esse Britannicè: aut totam prorsus Theologiam putat intra septum illarum claudi questionum de quibus assidue disputant. In quas noscendas pars exigua fætor linguæ Latine suffecerit. Verum enimvero intra has angustias, angustam illam cæli reginam Theologiam sic coerceri, vt non sacras præterea incolat atque inhabitet Scripturas, indeque per omnes anti-*

antiquissimorum ac sanctissimorum Patrum cellas peregrinetur; Augustini dico, Hieronymi, Ambrosii, Cypriani, Chrysostomi, Cyrilli, Gregorii, atque id genus aliorum, per quos Theologiae studium sterit à Christo passio plus annis mille, priusquam istae nascerentur quaestiuiculae, foret periniquum, addo etiam impium. Quorum opera Patrum quisquis à se iactat intelligi sine cuiusque eorum linguae non vulgari peritia, diu id iactabit imperitus, priusquam ei periti credant. Hæc ibi Morus, quæ ex multis pauca ideo protuli, ut quantus bonarum literarum defensor ac patronus extiterit, lector ex parte intelligat. Cæterum prolixa admodum eius epist. ad Martinum Dorpium, de necessaria linguæ Græcæ cognitione { cui malè Typographus titulum dedit, Apologia pro Moria Erasmi, quum id tantum obiter tractet } Basilææ per Episcopium excusa anno 1563. luculentissimè docet quàm in omni non prophana tantum, sed & in sacra literatura versatus, quantus vtriusque Aduocatus contra eius temporis barbariem fuerit. Atque hæc de eius varia & multiplici eruditione ac laboribus literariis, quantum ad meam notitiam peruenire potuit, hæctenus.

De doctis & claris viris quos multiplex Thomæ Mori eruditio familiares sibi fecit.

CAPVT V.

QUod de varia ac multiplici Thomæ Mori eruditione dicere voluimus, magis lectori innotescet, si doctos eius ætatis viros domi forisq; quanti ipse fecerit, quâ charos sibi habuerit, paucis recēsemus. Est enim propria doctrinæ virtus, ut q. in ea excellit & facile inclarescat, & multos etiā

quos non vidit benevolos sentiat: maximè doctos ipsos & claros viros quos studiorum societas in omni ætate ac cōditione reddit familiares. Nec mediocre eruditionis argumentum est viris eruditissimis placuisse, aut parua fœlicitatis pars viris claris amicitia coniunctum fuisse. Alexander Macedo Achillis statuam cernens in Illo quam Patroclus amicus eius erexerat, O te fœlicem, inquit, cui viuo talis amicus contigit. Certè si similitudo morum amicitiam conciliat, & pares cum paribus facile congregantur, tot viri docti & celebres Moro familiares & amici, virum illum fuisse doctissimū manifestè docebunt. Primum igitur à domesticis incipiam: postea externos proferam. Certè nullus in Anglia viuente Moro alicuius nominis doctus fuit { fuerunt autem in illa quasi bonarum literarū herba, & renascente lanugine quàm plurimi } qui Thomæ Moro familiaris in primis non extiterit. Ac in prima quidem eius ætate familiares ei fuerunt, ut supra ostensum est, Ioannes Coletus, Ioannes Grocinius & Thomas Linacer, viri omnes excellentis & exquisitæ eruditionis, quos præceptorum loco habuit. Socios quasi studiorum habuit Gulielmum Liliū (de quo supra) Gulielmum Mōtioiū virum illustrem ad quem variæ sunt Erasmi epistolæ in Farragine, & Gulielmum Latimerū { non Hugonem Latimerum hæreticum illum sub Edouardo rege, sed alium Catholicum } qui ad Erasum de Moro sic scribit. *Morū ipse nosti quàm acutus sit, quàm vehementi ingenio, quantis, etiam si ceperit, viribus incumbat: in summa quàm sit tui similis.* Alios in politiori literatura amicos & socios habuit Morus. Thomam Lupsetum, ad quem variæ extant Erasmi epistolæ, in quibus quanta fuerit eius & egregia eruditio & intima cum Moro amicitia euidenter apparet. De quo etiam in epistola ad
Eras-

Coletus.

Grocinius.

Linacer.

Lilius.

Montioius.

Latimerus.

In Farrag.

pag. 360.

Lupsetus.

Erasmum scribit. *Lupsetus noster magno auditorio summa cum laude sua nec minore Scholasticorum fruge bonas literas in utraque lingua proficitur Oxonia. Successit enim Ioanni Clementi meo. Thomam Eliottum scriptorem inter Anglos clarum, cuius etiam yxor in schola Mori { de qua postea } operam literis dedit, atque Ioannem Crocum qui & Lipsiæ Græcas literas primus docuit, & ipsi Regi Henrico elementa Græcæ tradidit. Ad hunc Crocum extat M. S. vna Mori epistola, cuius hic bonam partem subiicio.* Eliottus.
Crocus.

Quisquis is, mi Croce, fuit qui persuasit tibi mei in te amoris aliquid ob intermissionem tuarum ad me literarum imminutum esse, aut ipse falsus est, aut te prudens fesculit. Ego certè quanquam ex tuis literis eximiam voluptatem capio, tamen neque tam superbus sum, ut mihi tantum in te iuris vendicem tanquam seruitutem debeas quotidianæ salutationis, neque tam querulus ac morosus ut ob neglectum paulisper officium (etiam si quid deberetur) offenderer. Quin iniquus mihi viderer, si alienarum literarum acerbus exactor sim, quando mihi sum conscius in hoc officii genere quantus sim ipse cessator. Quamobrem quod ad hanc rem attinet, securus esto. Neque enim me in te sic refrixit animus, ut assiduo literarum statu accendi oporteat atque foueri. Pergratum feceris si quum erit commodum, tum scripseris. Nam ut tantisper interrumpas meliora quibus in tuum ac Scholasticorum commodum tam continenter incumbis, dum tempus impartientiam lectionibus, in salutandis per epistolas amicis consumas, hoc certè nequaquam suaserim. Alteram excusationis tuæ partem non accipio. Non est, mi Croce, quod meum nasum velut elephantis promusciæ reformides. Nam nec tuæ literæ sunt eiusmodi quæ non quemvis intrepide possint adire, nec ipse tam valde nasutus, ut unquam formidolosus aut esse debeat, aut haberi velim. De loco tibi procurando quem postulas, & Dominum Pa-

Epistola Mori ad Crocū.

ceus amantissimus tui & ipse apud Regem pariter tentauimus : &c. Hæc Morus : in quibus non solum amicitiam erga Crocum , sed candidum ac beneuolum viri pectus erga literatos & amicos suos facile prospicere licet. Fuit præterea inter amicos Mori Reginaldus Polus tunc iuuenis, postea Cardinalis amplissimus , qui de eius ac Rossensis amicitia & familiaritate his verbis exultat. *Quod si putas eò me dolori tantum indulsisse, quia mihi amici fuerunt, qui morte sunt affecti ; ego verò agnosco & prædico libenter eos mihi amicos omnium charissimos fuisse. Nam qui hoc possum dissimulare, de quo ita mihi gratulor ut si Regum & Principum omnium qui hodie viuunt, familiaritas mihi contigisset ?* Hæc ille. Huius familiaritatis inter Morum & Polum & etsi in ætate vtriusque magnum esset discrimen, certa argumenta ex quibusdam Thomæ Mori epistolis propria manu conscriptis, deprehendi. Vnæ sunt ad Regin. Polum & Ioannem Clementem communes literæ, Oxoniū (vbi tunc literis operam dabant) ex Aula missæ, in quibus sic scribit. *Tibi mi Clemens habeo gratiam quod te tam valde video de mea meorumque salute sollicitū, & ut curæ habeas etiam absens admonere quosdam cibos nobis esse vitandos. Tibi verò mi Pole bis ago gratias, nempe quod & tanti Medici consilium dignatus es perscribere, & nibila tamen minus à matre tua, faminarum optima atque nobilissima (erat illa Sarisberix Comitissa regio sanguine prognata) planeque tali digna filio rem impetrasti nobis & curasti confectā, ne videre consilium quàm rem libentius impartiri. Operam igitur atque fidem vtriusque vestrum prabo atque amplector vnicè.* Hæc ibi Aliæ literæ in quibus Poli sui mentionem facit Morus, ad Margaretam filiam suam sunt, vbi sic scribit. *Explicare calamo non possum, vix etiam cogitatione complecti, quanta me voluptate persuderunt elegantissima literæ tuæ Margareta charissima,*

Aderat

*Reginaldus
Polus,*

*De vnit. Ec-
cles. lib. 3.*

*Epistola Mo-
ri ad Polum
& Clemen-
tem.*

*Epist. Mori
ad Margare-
tam filiam.*

Aderat legenti iuuenis ut nobilissimus ita in omni literarum genere doctissimus, nec virtute minus quam eruditione conspicuus Reginaldus Polus. Huic miraculi vice fuerunt, etiam priusquam intellexit, quantae temporis angustia coarctabaris, quib. aduersae valetudinis auocamentis distinebaris interea dum tam longam scribebas epistolam. Vix etiam sibi persuaerat praeceptoris tibi non corrogatam operam, quoad bona fide didicit neque praeceptorem quemquam esse domi nostri, & neque pro suis hominem quenquam qui non in scribendis literis tua magis opera egeat, quam sua quicquam tibi possit commodare. Hæc tibi. Ex his duabus epistolis satis constat non vulgarem Thomæ Moro cum Reginaldo Polo, illustri Martyri cum Confessore nobilissimo, amicitiam intercessisse. Neque verò Edoardum Læum virum egregiè doctum & postea Archiepiscopum Eboracensem inter doctos Mori amicos prætermittam. Etsi enim hic Læus grauis esset Erasmi Antagonista, scripsitque eruditè & acriter & solidè contra Annotationes Erasmi super nouum testamentum {quod Moro pacis & Erasmi amatori viribusque Læi diffidenti displicuit} tamen firmam cum eo amicitiam tenere non destitit. Sic enim ad eum scribit. Quod verò, mi Læe, rogas ne quid amoris erga te mei imminuam, confide mi Læe mihi, etiam si in hac causa equior in eam partem sum quæ oppugnatur; at sic ut optem ab vrbe saluas abduci copias, te tamen amabo semper: & amorem abs te meum tãtū fieri gaudeo. Nec in tuā rem sicubi causa postulet incumbā segruius quā in hac inclino. Usque adeo ut si cerè quid edideris aliquando tuū (nam editurum te multa non dubito) si vel Erasmus in alienum opus curiosos iniecerit oculos, ac totum opposito canetur opusculo demoliri (quanquam aliquanto meliore loco videretur, quòd nisi retaliaret iniuriā) ipse tamen tecū quātumuis infirmis viribus, firmissima voluntate præstabo. Vale mi Læe carissime. Fuerūt alii duo viri doctissimi

*Lee in
p. 171
171*

Ioannes
Rossensis.

& præclara Angliæ lumina, intimi Moro amici, Ioan. Fitcherus Rossensis episcopus, & Cuthbertus Tonstallus primum Londinensis, postea Dunelmensis episcopus. Et priorem quidem ut in martyrio collegam sic multis antea annis familiarem imprimis habuit. Moro in Aulam & Consilium Regis assumpto, commendat suos Cantabrigienses Rossensis in quadam ad eum epistola his verbis. *Sit per te quæso nobis Cantabrigiensibus apud Regem florentissimum aliqua spes, ut nostra iuuentus itidem beneficiis tanti Principis ad bonas literas excitetur. Paucos in Aula fautores habemus qui rem nostram & velint & possint Regi celsitudini commendare: inter quos & te præcipuum numeramus qui semper antehac (& quum inferioris ordinis esses) nobis fausti plurimum. Nunc ergo in Equestrem sublimatus dignitatem & Regi tam intimus effectus (de quo sanè & tibi vehementer gratulamur, & nobis exultamus) ostendat quantum faueas. Iuua iuuenem istum qui & Theologiæ studiosus est & assiduus apud populum declamator. Sperat enim & te tanta apud illustrissimum Regem autoritate pollere ut possis, & meam tibi commendationem adeo acceptam ut velis. Hæc ad Morum Rossensis, cui sic respondet Morus ut verè amicissimum rescribere intelligas. Sacerdos hic R. Pater, quem proximum esse scripsisti consequendo sacerdotio si apud Maiestatem Regiam strenuum quæquam precatorem esse nactus, effeci credo, ne stet per Principem quo minus consequatur. Et in fine Epistolæ. *Apud Regem si quid possum (certò perparum possum) sed tamen si quid, id tuæ paternitati scholasticisq; tuis omnibus (quorum ego tam egregiis in me affectibus quam ipsorum ad me testantur literæ, perpetuam debeo gratiam) non minus profectò libere quàm sua cuique domus patèbit. Vale Præsul optime atque humanissime, meque, ut soles, complectere. Rursum in alia quadam epistola ad eundem. Gaudeo profectò quantum non quæro scribere**

bere, quam tua causa tum etiam patriæ cum esse paterni-
 tatis tue stilum, qui possit Erasmi videri. Certè cau-
 sum sic præterea tractasti, ut ne decem quidem Erasmi
 potuerint absolutius. Et in fine epistolæ. Bene vale Præ-
 sidi omnium doctrinæ & virtutis gratia maximè obser-
 uande. Sed omnium coniunctissima & arctissima
 erat inter Morum & Tonsallum amicitia, quem
 nunquam satis laudare, cuius præsentia nunquam
 satiari potuit, cuius literis, ingenio, iudicio, virtu-
 te, pietate, supra quam dici potest delectatus vide-
 tur. De Tonsallo in suo epitaphio dicit. Quo vi-
 ro vix habet orbis hodie quicquam eruditius, pruden-
 tius, melius. Et in Vtopiæ suæ exordio sic loquitur.
 Oratorem me legauit Rex in Flandriam, comitem &
 collegam viri incomparabilis Cuthberti Tonsalli, quem
 sacris scriniis nuper ingenti omnium gratulatione præse-
 nit: de cuius sanè laudibus nihil à me dicitur: non quod
 verear ne parum sincere fidei testis habenda sit amicitia,
 sed quod virtutis eius ac doctrina maior est, quàm ut à me
 prædicari possit: tum notior ubique atque illustrior, quàm
 ut debeat: nisi videri velim solem lucerna, quod aiunt,
 ostendere. Rursum in quadam ad Erasmus epist. *Farrag. li. 2.*
 In illa mea legatione quadam me impendio delectarunt.
 Primum tam longum ac perpetuum Tonsalli comuber-
 nium, quo ut nemo est omnibus bonis literis instructior,
 nemo viua moribusque seuerior, ita nemo est usquam in
 conuietui iucundior. Hæc ibi. Vidi ego varias Mori ad
 Tonsallum epistolas manuscriptas, mutuz ami-
 citiæ maximique de eo viro iudicii luculenta indi-
 cia: ex quibus pauca subiiciam. Sic in vna scribit.
 Quanquam omnes literæ, vir dignissime, mihi sint iucun-
 dæ quæ perferuntur abs te, tamen quas scripisti proximè
 fuerunt longe iucundissimæ: propterea quod præter com-
 munes illas reliquarum commendationes ab elegantia
 atque amicitia (quibus tuarum nulla non scaturit) hæc pe-
 culiarem quandam gratiam afferebant secum elogii tui

de Repub. mea vitam tam veri quam candidi. Rogaveram Erasimum nostrum ut tibi inter confabulandum rem exponeret; ne legendam verò ingereret vetui. Non quòd legi abs te nollem (quo nihil magis cupiebam) sed memor sapientissimi consilii tui quo decreueras non ante novorum quicquam in manus sumere, quam veterum authorum te lectione expleueras: quam rem si profectum metiare, iam dudum ætatem complevisse, sin adfectu, nunquàm perficies. Verebar itaque quem egregia aliorum multorùm opera deuocare ad se non potuere, ne nunquam fieret ut libenter ad meas nugas descenderes. Nec fecisses certè nisi te amor magis impulisset, quàm traxisset res. Quamobrè quòd tam diligenter perlegisti Utopiam, hoc est, quòd amicitia nostræ tantum laboris impendisti, maximas ago gratias: quòd verò placuit opus, non minores. Nam hoc quoque non minus amicitia tribuo, quàm te habuisse in consilium loco censoris virgæ video. Quamquam utcunq; res habet, dici profectò non potest quanto hoc tuo tam còdido suffragio gaudeam. Nam sentire te quæ dicis propemodum mihi persuadeo, quum & te sciam ab omni fūco alienissimum, & memet videam humiliorem quàm cui sit abs te palpiandum, amantiorem tui quàm cui sit illudendum. Quamobrem siue incorruptus vidisti verum, letor vehementer tuo iudicio; siue legenti tibi mei studium imposuit, non minus amore delector: quem necesse est esse vehementem qui iudicium suum Tonstallo posuit abripere. Hæc ad Tonstallum Morus, non minus (ut omnia) eleganter ac ingeniosè, quàm etiam & ut solet) humiliter & candidè. In alia quadam epistola ad eundem Tonstallum sic scribit. Quòd in literis tuis tam accuratè mihi agis gratias de meis officiis in causis tuorùm tuendis, facis tu quidem perhumaniter, qui meum factum per se exiguum tua bonitate amplificas, sed pro nostra amicitia timidiusculè, si quicquam à me perfectum tanquàm debiturus accipis, ac non velut tuum potius ac tibi debitum officiū tuo tibi iure desumas. Et post multa. Succinè quod

quod ad me misisti pretiosum muscarum sepulchrū, multis
 nominibus mihi fuit gratissimum. Nam & materia ea
 est quæ c. olore & luce nullam gemmam non prouocet, &
 forma multo præstantior quæ cordis figura quasi Symbo-
 lum quoddam amoris in me tui representat; quem neque
 auolatūrum vnquam & semper incorruptum fore ex eo
 te intelligi velle interpretor, quod muscam animal neque
 minus volatile quam est Veneris filius, neque magis du-
 rabile, sic tamen inclusam atq; implicatam succini visco
 video vt non possit effugere, sic aromaticis conditam suc-
 cis vt non possit interire. Quod nō habeo quo te redonem,
 notū valde moueor. Scio enim te vicissitudinem non expe-
 ctare munerū, & ego tibi etiā libens debeo. Sed hoc me
 angit aliquantulum quod quæ meæ facultatule tenuitas
 est, nunquā gerere me tam officiosè possim, vt nō indignus
 tamen hac tanta amicitia tua significatione videar. Quā-
 obrem cū aliis approbare me nō possim, necesse est mea
 conscientia tuaq; cōtentus sim. Hęc ibi. Extat huius Tō-
 stalli de veritate corporis & sanguinis Domini in
 Eucharistia liber doctissimus. Etsi verò in prima il-
 la concussione religionis in Anglia cessit hic Fon-
 stallus tēpori, regiæque voluntati morem gessit,
 sicut cæteri episcopi tūc omnes, solo Rossensi ex-
 cepto; tamen tum in omnib. aliis orthodoxā atque
 Catholicā fidem sem p tenuit, & docuit, tum ad E-
 lizabethę vsque tēpora nunc regnantis pertingens,
 quum illā videret hæreses denuo in Angliam in-
 vehere velle, venit sponte Dunelmo Londinū via
 lōgissima, vir senex & plus quā nonagenarius; E-
 lisabetham quā è sacro fonte susceperat grauitē &
 fortiter de non immutanda religione admonuit,
 & si facere præsumeret, nec diuinā {inquit} benedi-
 ctione gaudebis, nec mea. Ac deniq; non auditus,
 sed in custodiam datus, nobilem fidē suæ in extre-
 mis confessionē fecit, & contrāctā pri⁹ nefarii schi-
 smatis maculā vtcunq; eluit. Atque hi quidē Mo-
 ri in

*Externi a-
mici.*

Budæus.

rè in Anglia literarum & eruditionis ergo amici
fuere. Extra Angliam præter Erasmum quem ex
singulari animi sui candore, & propter bonas lite-
ras, de quibus vir ille tunc optimè meritus fuerat,
supra meritum Morus dilexit, amicos habuit lite-
ratissimos & doctissimos non paucos : Budæum
imprimis, ad quem sic in quadam epistola Morus
scribit. *Mescio, mi Budæe, quæ valde cordi charaq; sunt,
an præstet vnquam possidere nisi possis retinere. Nam ego
me putavi planè felicem fore si Budæum contingeret (cu-
ius effigiem pulcherrimam lectio mihi delinierat) coram
aliquando cernere : & postquam voti sum factus compos,
visus sum mihi ipsa felicitate felicior. Verum quum
nèque per vtriusque negotia licuerit tam sæpe congregi,
ut meum illud desiderium colloquendi tecum posset ex-
pleri, & intra paucos dies (auacantibus reges ditionum
negotii) nostra illa consuetudo vix iam cæpta simul abru-
pta sit; nosque (quos necesse erat suum quemque principem
comitari) in diuersa distracti sumus, haud scio an vnquã
reuisuri mutuo; quanto letior occursum fuerat, tanto nimi-
rum mihi ex hoc digressu maior est abortus mæror. Quem
ita demum non nihil potes leuare, si te digneris interim
literis præsentem reddere, quas tamen nisi vehementior
me cupiditas vrgeret, non auderem petere. Hæc ibi.
Rursum in alia ad eundem epistola. Cùm omnia tuo-
rum nihil obiter legam, sed inter solida & primaria col-
locem studia, Assẽm verò tuum sic attente perdisco, quo-
modo non quemlibet veterum. Nam ne transeunter in-
telligi possit, ipse delectis verbis, exquisitis sententiis, e-
laborata sermonis grauitate, postremo pondere & diffi-
cultate rerum tam altè petitarum peneque iam euania-
rum vetustate prouidisti : quibus tamen si quis intendat
oculos contineatque atque insigat prescius, eam ad iudisti
lucem, sic propemodum deleta refecisti, ut tua verba dũ
versat, omnibus interea præteritis seculis interuersari vi-
deatur, & omnium regum, tyrannorum, gentium collu-
strare*

frare, numerare, velutque manu contrectare diuitias: quod ferè maius est, quàm vt quibuscumque auaritia contingat in suis. Vix profecto numerare possum quàm multis te nominibus, mi Budæe, complectar, vel quod mihi tam impense faues, vel quod nemo mihi valde diligitur, quin bona sit fortuna factum, idem quoque vt vehementer ametur abs te; vel quod tam multas, tam egregias tibi virtutes inesse conspicio, vel quod animum tuum auguror prorsus haud abhorrerem à meo, vel quod hic tam utilis labor in literis, omnes tibi mortales obstringit, vel quod tam incomparabilis eruditio quæ peculiaris olim cleri gloria fuerat, tibi feliciter obtigit vxorato. Nam λαίκοις appellare non sustineo, tam multis, tam egregiis dotibus, tam aliè subiectum supra λαόν. Hæc ad Budæum Morus. Ipsius autem Budæi de Moro iudicium in epistola superius citata patet: vbi sic scribit. *Vt opiam Mori mihi donasti hominis imprimis acris, ingenioque amæno, & in rerum humanarum æstimatione veteratioris.* Sed & Martinum Dorpium virum excellentis eruditionis cum singulari pietate coniunctæ plurimum dilexit Morus ab eo vicissim dilectus. De eo sic ad Erasmum scribit. *Martinum Dorpium insalutatum præterire non potui, qui mihi mirum in modum cum ob eximiam eruditionem, cum multis etiam aliis nominibus placet, nec ideo in postremis, quod taxata Moria scribenda tibi Apologia præbuit occasionem.* Ad hunc Dorpium scripsit Morus prolixam & eruditissimam epistolam de necessaria linguæ Græcæ cognitione, quæ Basilæ excusa fuit anno 1503 per Episcopium f. vna cum reliquis Mori opusculis. Quæ sane epistola quum Dorpio persuassisset, isque sententia mutata, { erat enim ingenio non minus candido quàm acuto, nec minus pietate quàm eruditione celebris } Græcarum studium literarum, quod prius improbauerat, publicè defenderet & approbaret; scribit ad eum secundo Morus factum mirificè

Mori ad Mar-
tinum Dor-
piū epistola.

mirificè laudans. Est quidem epistola longiuscula;
nec hæcenus excusa: sed quæ ad propriam Dorpii
laudem eleganter à Moro illustratam pertinent, hic
subiiciam. Prædixinabam faciliè aliter aliquando sen-
surum te quàm sentiebam. ^{Errum} enim uerò ut non resipi-
sceres modò; sed edita quoque in id ornatissima oratione
mutatum esse temet testareris, idque tam ingenuè, tam
eitra fucum vllum, tam nullis prorsus ambagibus, hoc ve-
rò quum expectationem meam, tum omnè omnium spem
ac ferme vota superauit: adeo res videbatur & incredi-
bilis esse probitatis & absolutæ modestiæ. Nam ut nihil
est tritius quàm uti eisdem de rebus aliis aliter senten-
tiis, ita nihil est vsquam rarius, quàm ubi sententiam se-
mel declararis, deinde asseueratione firmaris, postremò
contètionem defenderis; tū vela rursus agnita veritate ver-
tere, atq; in portū vnde soluisisti velus frustra nauigasses,
remigrare denuo. Crede, mi Dorpi, mihi quod tu modestis-
simè fecisti, id ab istis frustra quos hodie mundus pro mo-
destissimis habet, exegisses. Ita sunt pleriq; omnes præpo-
stero quodam pudore stupidi, ut esse potius sese stultos in-
dicent quàm fuisse vnquam olim fateantur. Quanto tu, mi
Dorpi, sanctius, cui quum illud acumen ingenti fuerit, ea
doctrinæ copia, ea dicendi vis, ut si quid tueri liberet tibi,
quod vel parum probabile videretur, vel omnino para-
doxon, potens esses tamen approbare lectoribus; maluisti
certe veritatis quā fuci cupidior omnibus declarare mor-
talibus falsum aliquando fuisse te potius, quàm perpetuò
falleres. Quid quod eximiam hanc modestiam alia rursus
modestia superasti, qui quod ingenii tui felicitàte conti-
git, ut verum quod esset ipse perspiceres, id aliorum tri-
buas admonitionibus atque etiam meis. Ita quum primus
tibi sapientiæ gradus & debeatur, & omnium deferatur
calculis, ipse temet solus in secundum detrudis; erudito-
rum certè vel cubitis retrudendus in primum. Etenim
quum meam illam epistolam verbis magis quàm rebus
vberem cum oratione tua tam eloquente, tam densis, tam
effica-

efficacibus argumentis referta comparo; satis, mi Dorpi, satis meo cum rubore video quàm nihil illa momenti ad te mutandum attulerit, cui nunc vel ciuilitatis causa vel modestiæ, tuam laudem cedis: sed quæ te rursus quo magis fugitur magis haud dubiè sequitur. Itaque, mi charissime Dorpi, hoc tuum factum quo rarioris exempli est, eò plus tibi cogites veræ peperisse gloriæ, nec vllò vnquã seculo intermorituræ. Hæc ad Dorpiũ Morus: ex quibus apparet Morum iam antea ad Dorpium tunc Græcarum literarum hostem, sic accuratè scripsisse & Græcarum literarum cognitionem cuius docto, maximè Theologo & Philosopho necessariam firmis & solidis argumentis sic ostendisse, ut (quod Erasmus petulanter nimis in hunc Dorpium excurrens non grauiter differens efficere nunquam potuit) Dorpio planè persuaferit: etsi in his literis hæc à se laudem à Dorpio agnitam studiosè amoliatur, & sancta quadam humilitate cum eo contendat. Ex quibus manifestum fuit, quantum bonas literas, linguæ Græcæ & eloquentiæ studium Thomas Morus non domi tantum, sed & foris promouere studuerit. Vnde & in eadem epistola quia Dorpiũ Louanii profitentem propter hanc animi sui mutationem Louanienses professione spoliassè auctuerat, sic de eis scribit. Certe si qua cœperunt gnauiter intendant via, bonas ut literas opprimant atque extrudant è scholis, miram expecto mutationem breui: nempe ut vbilibet potius emergant eruditi: tum ut qui versantur in Gymnasiis publicis, quemadmodum actus indifferentes esse decernunt, sic ipsi tandem decernantur inter doctos & indoctos medii. Piget me, mi Dorpi, de rebus istis illorum quadam miseratione cogitare, qui paucorum factione pertinacium, in partem inuidiæ nihil merentes veniunt. De tua verò laude quàm illorum opprobrio multo magis libenter cogito. Hæc tibi. Sed alios nunc doctissimos viros Mori amicos profec-

Morus Dorpiũ ad Græcarum literarum studiũ induxit.

Ioannes
Lascaris.

Philippus
Beroaldus.

Hieronym.
Bullidians.

Petrus Aegi-
dus Antu-
erpiensis.

proferamus. Ioannem Lascarim & Philippum Beroaldum in literis ad Budæum his verbis salutat. Lascari viro optimo atque doctissimo plurimam ex me salutem dicito. Nam Beroaldum etiam non minus opinor ex me salutasses; quem scis ita mihi charum esse quam debet is quo vel eruditorem virum vel amicum iucundorem vix vsquam quenquam repperi. De Hieronymo Bullidiano, qui Collegium Trilingue Louanii erexit, cuius est ad Morum elegans & grauis epistola Vtopiæ in operum editione præfixa, sic in epistola quadam ad Erasmum Morus loquitur. Ceterum in illa mea legatione quedam me impendio delectarunt: Primum Tostalli contubernium, &c. vt supra. Deinde quod cum Bullidiano mihi intercessit amicitia, qui me & pro egregia fortuna sua magnifice (erat tunc Legatus & Contiliarius Cæsaris, & Præpositus Axiensis) & pro animi bonitate comiter recepit. Domum tam singulari artificio excultam, tam eximia suppellectile instructam ostendit: ad hæc tot vetustatis monumenta quorum me scis esse percipuum: postremo tam egregie refertam bibliothecam, & ipsius pectus quauis etiam bibliotheca refertius, vt me plane obstupescerit. Mox etiam de altero singulari eius amico & viro doctissimo Petro Aegidio Antuerpiensi & ciue & Pensionario sic ibidem scribit. Sed in tota peregrinatione mea nihil mihi contigit optatius, quam Petri Aegidii Antuerpiensis consuetudo, hominis tam docti, faceti, modesti, ac verè amici, vt peream nisi eius vnus conuictum libenter mihi velim bona meorum fortunarum parte redimere. De hoc Petro Aegidio sic in principio Vtopiæ suæ scribit. Antuerpiæ dum versor, sæpe me inter alios sed quo non alius grauior, inuisi Petrus Aegidius Antuerpiæ natus, magna fide & loco apud suos honesto, dignus honestissimo: quippe iuuenis haud scio doctior ne an moratior. Est enim & optimus & literatissimus: ad hæc animo in omnes candido, in amicos verò tam propenso pe-

ctore,

flore, amore, fide, affectu tam sincero; ut vix vnum aut
 alterum & squam inuenias quem illi sentias omnibus ami-
 citiæ numeris esse conferendum. Rara illi modestia; nemi-
 ni longius abest fucus: nulli simplicitas inest prudentior.
 Porro sermone tam lepidus, & tam innoxie facetus ut pa-
 triæ desiderium ac laris domestici, uxoris & liberorum,
 quorum studio reuiscendorum nimis quam anxie tenebar,
 magna ex parte mihi diuicissima consuetudine sua & mel-
 litissima confabulatione lenauerit. Talibus amicis Mo-
 rus sui similis coniunctus fuit. Habuit etiam Morus
 amicum beatum Rhenanum virum doctissimum, *Beatus Rhe-*
 cuius ad Bilibaldum Pirschmerum literæ Mori lau- *nanus.*
 datoris in operibus latinis Mori extant, eius epi-
 grammatibus præfixæ. De quo etiam in epistola
 quadam ad Erasmum quæ in Farragine non extat,
 sic scribit Rhenanum mirè de amo, & honestissimæ præ-
 fationis gratia multum debeo: cui iam olim per literas e-
 gissem gratias, nisi me ineluctabilis illa pigritiæ chiragra *Ioannes Co-*
 tenuisset. His adiungendus est Ioannes Cochleus *chleus Saxo.*
 insignis ille Lutheromastix, qui frequenter ex Ger-
 mania ad Morum scripsit, & ad ipsum Morus. Inter
 cætera sic scribit Dicitur non potest, vir ornatissime, quā-
 tum tibi me debere sentiam, qui me dignari toties eorum
 quæ isthic occurrunt certiores reddere. *Quæ* nunc neque
 minus assidua & multo magis monstrosa parui nobis Ger-
 mania quàm olim solebat Africa. Nam quid monstro-
 sius Anabaptistis, & quantum eiusmodi pestium a-
 liquot annis iam continuus exortum est? Ego profe-
 ctò, mi Cochleæ, quum hæc in hunc modum video quo-
 tidie in peius ruere, expecto propediem fore ut existat
 aliquis qui Christum prorsus prædicet abnegandum. Nec
 potest exoriri tam absurdus nebulo, ut (qui nunc popu-
 li furor est) careat sectatoribus. Hæc ille Quam non
 vana fuerit coniectura, docuit paulo post exor-
 tus Dauid Georgius Hollandus qui se Christum
 prædicauit, & sectarios habuit Basiliæ: Docent

Trinitarii, noui Ariani, noui Sabelliani in Polonia & Transilvania. Rursum ad eundem Cochlaeum in alia epistola. *Hoc mihi velim credas pro amore nostro mutuo, charissimae Cochlae, multis annis nullas venisse amicorum literas ius gratiores quas à te proximè acceperim quum propter multa, tum ex duabus nominatim causis. Priore quod in eis ingens mei studium persequi, haud incognitum ante hac mihi, sed multis partibus solito auctius. Quod est eximia cuiusdam felicitatis instar. Vt enim merita tua seponam, quis non vel fauorem solum tanti amici plurimi faciat: Posteriore, quod eisdem literis de Principum actis fecisti me certior: &c. Hæ epistolæ vel potius harum & aliarum epistolarum Mori ad Cochlaeum fragmenta, per ipsum Cochlaeum in lucem emissæ fuere Lipsiæ, an. 1536. Fuit porro inter Mori doctos & claros amicos, vir clarissimus & doctissimus Franciscus Craneveldius, Græcè & Latine doctissimus, cuius extat Procopii de ædificiis iustiniani versio ex Græco in Latinum elegantissima, & quædam S. Basilii similiter versa. Atqui propter egregiam legum peritiam, prudentiam & virtutem fuerat primum quidem Pensionarius Bruggensis, postea Cæsareæ Maiestati à Consiliis. Hunc virum in Mori notitiam ac familiaritatem adduxerat Erasmus, quo nomine maximas Erasmo gratias Craneveldius egit per epistolam quæ in Farragine epistolarum Erasmi extat, vbi sic scribit. Non*

Lib. 15. pag.

474.

possum non agere tibi gratias, vir vndecunq; doctissime, quanquam ineptioribus meis literis, pro tuo illo nuper in me collato beneficio, cuius erit apud nos sane memoria sempiterna: quod ego tanti aestimo, vt ne Cræsi quidem opibus redimi patiar. Quod inquis beneficium? Quod me ad suauissimum illum Morum tuum, imò nunc nostrum deduxeris; apud quem post tuam abtentionem frequens fui, vocante quidem illo: cuius ego non tanti facio τὸς ἑταίρους ὡς τὸς ἐν σπουδῇ, quanti eruditionem, humanita-

Mori amici-
tiam quanti
fecerit Cra-
neveldius.

sem,

sem, liberalitatem. Proinde plurimum tibi me debere profiteor, cupioque tibi grati animi signa demonstrare. Et paulo post. *Morus absens* δακτύλιον χρυσούν donauit uxori meae, in quo verbis Britannicis γεγραπται, *Bona voluntate censei omnia*. Mihi verò vetusta nomismata dedit, aureum argenteumque: in altero est Tiberii effigies: in altero Augusti. Quae te scire volui, quia pro his etiam tibi me debere gratiam semper confitebor. Hæc ad Erasmum Craneveldius de inita cum Moro amicitia, eiusque varia humanitate: cui in hæc verba respondet Erasmus. Nimirum hoc est quod vulgo dici solet; vnica filiola mihi duos conciliaui generos. Agis mihi gratias cuius opera tibi contigerit Morus tam candidus amicus. At ille mihi vicissim gratias agit, per quem contigerit nosse Craneveldium. Sciebam illico, quæ morum & ingeniorum est similitudo, nascituram inter vos amicitiam si modo vterque alteri inuoluisset. Talium amicorum ut est cum primis preciosa, ita rarissima est possessio. Hæc ille. De hac quoque Craneveldii cum Moro amicitia iam penitus coalita & intima in quadam ad Morum ipsam epistola scribit Erasmus, ubi nouum illi amicum Conradum Goclenium commendat. Maiorem, inquit, in modum probo laudoque mentem istam tuam, More charissime, qui nullare magis gaudeas discere quam fidis ac synceris amicis; nec alibi præcipuam huius vitæ delectationem ponendam esse ducas. Aliis cautio summa est ne gemmis adulterinis deludantur. Tu talium opum contemptor abundè locuples tibi videris si tuis possessionibus accesserit amicus nequiquam fucatus. Nec ulli suauior est alea, latrunculi, venatio, Musica, quàm tibi cum amico docto ingenuoque libera confabulatio. Hoc opum genere cum vehementer abundes, tamen quoniam sciebam homini auaro nihil esse satis, & mihi tibiq; iam sæpe successis feliciter, vñ etiam tibi traditurus sum in manū, quæ tu totū totus, totoq; pectore potes amare. Is est

In Farrag.
epist. lib. 17.
pag. 536.

Morus ami.
corū quidam.

Conradus Goclenius genere VVestphalus, qui in Collegio Trilingui Louanii nuper (vt scis) instituto, Latinas literas maxima cum laude, summo totius Academiae fructu proficitur. Moxque in fine epistolæ. *Iam spero futurum vt simul atque Goclenium propius cognoris ab vtroque mihi gratiæ agantur, quod nuper accidit in Francisco Craneveldio qui vnum sic te totum possidet, vt propemodum inuideam.* Hæc ad Morum Erasmus. Subiiciam itaque hoc loco vnas aut alteras ad hunc Craneveldiū Thomæ Mori literas, mutuæ inter eos amicitiz testes locupletes, quas eiusdem filius vir humanissimus, V. l. Licentiatus adhuc Louanii viuens mihi perbenignè communicauit, ipsius Mori propria manuscriptas: Duobus id mihi procurantibus amicis, Ioanne Camerino V. l. Doctore, & Collegii Donatiani Louanii Præsidi viro grauissimo; atque Maximiliano Vignacurtio nobili Atrebate, adolescente docto & moribus incorrupto. In vnis ita scribit.

Mori ad Craneveldium
epistola.

*agnosco Ita nunquam intermittis id facere quod est animo meo rerum omnium iucundissimum, id est, de tuis rebus & amicorum ad me scribere. Quid enim Thomæ Moro aut debet aut potest esse vel in aduersis gratum, vel in letis iucundius quàm Craneveldii τὸ φιλεῖν τὸ ἀνδρῶν ἀνδρῶν epistolas accipere? nisi quis ipsius hominis colloquium præstare mihi possit. Quanquam quoties tuas scripta lego, ita ab illis afficior, vt coram tecum interim colloqui ipse mihi videar. Quamobrem nihil ita disertè doleo quàm tuas literas non esse longiores: quamuis & huius quoque malo qualecunque remedium inueni. Eas enim quas accipio perlego sæpius; idque lentè facio, vt ne citata lectio nimium cito voluptatem auferat. καὶ ταῦτα μὲν δὴ ταῦτα. Quod de Vine nostro scribis, καὶ πρὸς γυναικὸν σφελιγόμενος: ἤν καὶ ἔν dico, adeo tuæ sententiæ accedo, vt ne cū optima quidē sine omni incommodo vini posse putē. καὶ γὰρ ἐάν τιν' οὐν ἔχης γάμον οὐκ ἀμείψ-
μυος*

Ludouicus
Vines alius
Mori amicus

μὴ οὐκ ἔστιν: vereq; Metellus Numidicus mea opinione de
 vxoribus dixit. Verum id tum magis dicerem si non no-
 strapte culpa prauæ magis redderentur pleræq;. Verum ta-
 men Vives eo ingenio, eaq; prudentia est; talemq; est con-
 iugem nactus, vt non solum omnem coniugii molestiam,
 quoad eius fieri potest, vitare queat, quin magnam quoq;
 oblectationem ibidem percipiat. Porro iam omnium ani-
 mis sic publica cura tenentur occupati, dum belli furor ad
 hunc modum vbique ardescit, vt nemini vacet ad priua-
 tas sollicitudines respicere. Quocirca si quem domestica
 negotia ante grauarunt, ea communi malo obscurata sunt.
 Sed de his satis. Ad te redeo, cuius humanitas & ami-
 citia erga me quoties subit mihi (subit autem sæpissimè)
 omnem mihi tristitiam excutit. De libello quem ad me
 misisti habeo gratiam: & gratulor tibi vehementer noua
 prole aucto: neque sanè tua magis quàm Reipublicæ cau-
 sa; cuius refert plurimum qui parentes numerosissimam
 procreatione ipsam adaugeant. Ex te nisi optimum nasci
 non potest. Vale, & vxorem tuam optimam ex me dili-
 gentissimè atque officiosissimè saluta; cui faustam ac fæ-
 licem valetudinem ex animo precor. Vxor mea & liberi
 salutem tibi comprecantur, quibus nostra prædicatione
 non minus notus & charus es quam mihi ipsi. Iterum va-
 le. Londini, quarto Idus Augusti 1524. Diutur-
 nam porro hanc amicitiam & non interruptam
 fuisse, ex aliis literis quadriennio pòst datis quas
 hic subiiciam constare poterit. Sic enim scribit.
 Pudefacit me ita me Deus amet, mi Craneueldi, tua ista
 tam ingens humanitas erga me, qui me tam sepe, tam a-
 manter, tam accuratè salutas tam raro resalutantem:
 præsertim quum tibi liceat non pauciores occupationes
 tuas prætere, imò verò non pauciores allegare, quàm
 licet mihi. Sed is est animi tui candor, ea constantia, vt
 quum in amicis excuses omnia, ipse tam perpetuo perstes,
 & pergas in instituto tuo, vt nihil cesses quod tibi
 possit ignosci. Sed hoc tibi, mi charissime Craneueldi,

Alia Mori.
 ad Craneuel-
 diū epistola.

persuadeas; si quid incidat in quo amici partes serio sine ostendenda, ibi me nunquam esse cessaturum. Dominam meam coniugem tuam (nam ordinem non audeo rursus interuicere) queso ut ex me salutes cum tota familia tua, quam mea toto salutat pectore. Vale. Ex rusculo meo decimo Iunii, 1528. Prætermittere hoc loco non possum inter amicos Thomæ Mori virum optimum & magnæ prudentiæ Antonium Bonuifium Italū; qui verè se amicum præstans eo maximè tempore quo probari amicus solet, maximum se & integerrimum Mori amicum ostēdit: eum in carcere multis ac variis modis fouens necessariaque subministrans. Ad hunc extat elegantissima Mori epistola Latina paulò ante mortē carbone scripta; qua sincerissimo amico & plurimas gratias agit, & suauissimè valedicit. Inseritur hæc epistola in fronte operum Tho. Mori Latinorum, alioqui hic inserenda. Denique sic ad doctorum ac bonorum virorum amicitiam propensus erat Morus, ut quum ad Germani Brixii amicitiam, qui Antimorū contra quendam Mori epigrammata scripserat, Erasmus eum hortaretur, in hæc verba elegantissimè & cordatissimè responderit. *Iam quod ais eum esse Brixium quem si pernossem intimus, eum sentirem talem, quo nemo sit amore meo dignior; equidem, mi Erasme, non me pro tanto viro gero, ut tam tenui quenquam conditione videā quē indignum censeam amore meo, modo ne sit improbus, qui non amari debeat à quoquam: eoq; Brixium facile assentior nō indignum esse qui maiorum sit amore virorum dignus quàm ipse sum. Nam omnino videtur aliquanto plus habere, non dico superbiæ, sed planè generosi cuiusdā spiritus & magnificentiæ, quā ut ad pusillam hanc atq; humilem indolem meam possit vsquequaq; congruere; nisi in amicitia tam malè copulari vellem; quam malè inæquales veniunt ad aratra iuuenti. Nec tamen eam, mi Erasme, te consulente recusem. Et paulò post. Et si nulla de*

*Antonius
Bonuifius.*

*In editione
Louaniensi
anno 1566.*

*In Farrag.
epist. Erasmi.
lib. 15. pag.*

causa

causa sic egit in me Brixium, ut planè declarauerit nihil ad meam perniciem præter vires defuisse sibi; tamè quādo tu, mi Erasme, plus es mihi quam dimidium mei, plus apud me valebit in Brixio, quod sit amicus tuus, quàm quod sit inimicus meus. Hæc Morus. Atque hos quidè viros doctos, & amicos familiares habuit Morus, ipse doctissimus. His domi forisque virtutis & eruditionis ergo, arcta necessitudine coniunctus est. Sed quod in viro tam religiosè Catholico, & Catholicæ fidei assertore tam strenuo miseris, literatos viros sic coluit Morus, bonis literis ita vnicè fauit, ut etiam ipsis hæreticis literarum tamen nomine, fauere & gratificari non recusauerit. Venit in Angliam Simon Grinæus notus Lutheranus eo tempore quo regni Cancellarius Morus erat, & ad Morum venit ab Erasmo ut vir doctus, Græcè peritus, in poliori literatura egregiè versatus, per literas commendatus. Qua illum fronte Morus exceperit, ipse Grinæus loquetur. Opera Platonis Græcè cū certis Procli commentariis Græcis, dicebat Ioanni Moro, Thomæ Mori filio. In epistola dedicatoria sic scribit. *Non solum amplissimus vir pater tuus, ac tum quidem conditione, per cetera verò, rebus omnibus egregiis facillè toto regno princeps, priuatum hominem ignotumque me, literarum tantum ergo, ad colloquiū inter tot publica priuataque negotia admisit, mensæ sue sceptræ regii gerens adposuit; in Aulam abiens, rediens, secum traxit, lateriq; adiunxit suo; sed omnem meam de religione sententiam locis non paucis diuersam esse ab ipsius non difficulter præsentiens, placidè benigneque cognouit: ac quum ab illa non parum tunc quidem discreparet, opera consilioque sic iunxit nos tamen, ut omne mihi negotium sumptibus etiam suis confecerit. Namque itineri comitem Ioannem Harrisium iuuenem doctum addidit, & Oxoniensis ymnasii proceribus sic literis insinuaui, ut ad earum conspectum omnes nobis collegia um-*

omnium non solum bibliothecæ, sed studiosorum etiam animi velut Mercuriali quadam virgula tacti patefcerent. Itaque Bibliothecas quas circiter viginti Schola insignis vetustissimis libris refertas habet, omnes euolui, ac commentariorum Procli libros non paucos, quantum intra annum unum alterumve excuci posse videretur, ipsis annuentibus auxi. De quibus veluti thesauro inuento gratulantem, pater tuus donatum liberaliter, ac beneficiis suis plane cumulatam in patriam remisit. Hæc in illa præfatione Simon Grynæus Hæc fuit Tho. Mori erga literatos humanitas; tãti ille bonas literas faciebat; sic eruditioni fauit, consuluit, prospexit. Procli cõmentarios Græcos & ipsum emendatũ Platonem huic Mori φιλοφροσύνη debent studiosi. Erat quippe vt μαλα πολυμαθὴς, sic omnino δεινὸς φιλομαθὴς. Alioqui quàm parum huius Grynæi erroribus fauit, maximè tunc regni Cancellarius, in quo munere hæreticis se ex professo molestum præbuit & ex officio debuit, luculenter ostendit longa quædam cum eodem Grinæo Mori disceptatio domi suæ habita posteaquæ per literas continuata; quam Anglicè à Moro ipso descriptam et si imperfectam vidi; in qua à fædis illis hæresibus cū abducere conabatur; ac præterea assidua hominis quum in Anglia esset, sub ciuitatis & honoris specie custodia & obseruatio. Nunquam enim vel à latere Mori vel à comitis ei assignati Ioannis Harisii, quàm diu in Anglia versabatur, discessit: cauitque diligentissimè Morus, & de quo & eum discrete monuit) ne de rebus religionis vel verbum apud quenquam faceret. Subiiciam hoc loco (vt hunc concludam locum) quæ de suauissima & amicabili Mori indole scribit Erasmus in epistola ad Vldricũ Hattenum. Ad amicitiam (inquit) natus factusq; videtur Morus: cuius & sincerissimus est cultor, & longè tenacissimus. Nec ille metuit πολυφιλίαν ab Hesiodo pa-

Amicabilis
Mori indoles

rum

rum laudatam. Nulli non patet ad necessitudinis fœdus. Nequaquam morosus in diligendo, commodissimus in alendo, constantissimus in retinendo. Si fors incidit in quēpiam cuius vitis mederi non possit, hunc per occasionem dimittit diffuens amicitiam non abruptens. Quos sinceros reperit, & ad ingenium suum appositos, horum consuetudine fabulisq; sic delectatur, ut in his rebus præcipuam vitæ voluptatem ponere videatur. Porro ut propriarum rerum est negligentior, ita nemo diligentior in curandis amicorum negotiis. Quid multis? Si quis absolutum veræ amicitie requirat exemplar, à nemine rectius petierit quàm à Moro. In conuictu tam rara comitas ac morū suauitas, ut nemo tam tristi sit ingenio quem non exhilaret, nulla res tam atrox cuius tedium non excuriet. Hæc Erasmus.

De pietate morum ac sanctitate vitæ.

CAPVT VI.

Thoma Morum hætenus ut bonum ciuē, & virum doctum descripsimus. Sed sic Cato aliquis aut Cicero describi potuisset. Nunc verò ut lector intelligat omnia in Thoma Morosumma extitisse, nec minus vera pietate, quā vel eruditione vel rerum gerendarū peritia illustrem eū fuisse, de veris eius & solidis virtutib. de Dei cultu, de charitate, de humilitate, de vitæ parsimonia, aliisq; Christiano propriis ea dicemus quæ ad nostrā notiā hætenus peruenerunt, quæq; eius domestici & familiares in eo aduertere potuerunt. Nā præter eas virtutes quarū actio quum in aperto sit dissimulari non potest, non sine magna difficultate animaduerti cetera potuerant. Erat enim ut in doctriinæ suæ sic & in virtutū dissimulatione magnus artifex. Quàm singulari techna quā artificiosè, quā

Morus magnus dissimulandi artifex.

P s proba-

probabili fūco, & qui bene nasutis imponat, Vt opiam suam quasi rei auditæ narrationem non inuentæ descriptionem composuerit, ipsa eius introductio, Petriq; Aegidii præfatio (qui etiam simulationi Mori cōsentiens & fabulæ subseruiens, suas partes satis agit veteratorie) manifestè nec sine ioco lectori ostendit, & vt loquitur Paulus Iouius, *commento periucundo*. Eadem felicitate Rosseum introducit in Italia Luthero respondentem, hospite instigante, posteaq; illo inscio, responsum publicante. Ita sane vt viuente Moro, nemo suspicatus aliud fuerit, quàm nescio quem Rosseū illius operis authorem fuisse: quod & Lutherum non modicè tortis; quum & miserè se flagellatum videret nec quē repercuteret sciret. Non minori artificio scripsit in carcere de Consolatione in aduersis libros tres, quasi opus in Hungaria conscriptum, primum quidem Hungaricè, postea ex Hungarico in Latinum traductum, ac nunc demum ex Latino in Anglicū. Quo in libro quicquid ad Henrici Regis crudelitatem, ad præsentem in Anglia rerum perturbationem, ad grassaturæ in Anglia hæresis metum & expectationem, ad bonorum cōtra huiusmodi vel impendentia mala vel præsentia consolationem pertinet, ita rectè, probabiliter, artificiosè in persona hominis Hungari ad Turcarum Imperatoris acerbitatem, ad præsentem in Hungaria motus, ac futurorum malorum metus transfert, vt iures propemodum rem seriam narrari & de sua Hungaria Hungarum non de rebus Britānicis Morum loqui. Sed vt in huiusmodi technis merus erat artifex & verè *παρρηγοῖς*, sic virtutes suas omnes quas potuit mira solertia dissimulabat. Homo enim in cōmuni vita semper positus, variis in Rep. honoribus atque officiis functus, vt videri quod erat foris nō potuit, ita etiam suos domesticos magna ex parte latuit.

Quæ

Quæ tamen vel per se manifesta erant vel domesticæ in eo & familiares advertere potuerunt, quemadmodum ex eorum fideli relatione accepimus, fideliter hic referemus.

Mori vita pene religiosa.

Apud Surin Mart. 26. cap. 32.

Cordata 8. Episcopi Imperator tuum semper præceptam ita in omnibus responsa.

Primum itaque quod ad Dei cultum attinet, religiosam penè vitam ducebat. Singulis diebus ante alia negotia quæcunque & studiis interdum valde matutinis exceptis sacrum audiebat. Quod quidè quotidianum pensum ita defixum habebat stricteque observabat, ut à Rege ipso forte accersitus quum sacro audiendo intenderet, ad Regem iterum & tertio vocatus, venire noluerit, donec totum absolutum fuisset; vocantibus & urgentibus eum ut relicto sacro Regem accederet respondens; se meliori Domino obsequium præstare & perficere prius oportere. Quod eius memorabile factum, dum recolo, sancti Ludgeri primi Episcopi Monasteriensis viri sanctissimi similem pietatem nec obliuisci possum, nec prætereundam censeo. Euocatus hic Episcopus à Carolo Magno Imperatore ad Aulam quum sub vesperam venisset, postridie primo mane missio ad eum cubiculario ab Imperatore accersitur. Ea ipse hora persolvendis ex more horis Canonicis cum suis insistebat. Cumque his expletis se venturum nuntio respondisset, & hoc Regi ille renuntiasset, secunda quoque & tertia vice ad eum accersendum misit. Sed ille diuinum officium cunctis aliis rebus anteponendum esse non ignorans omnino venire distulit, donec coeptam psalmodiam consummaret. Qua finita in conspectum Regis quum venisset, eum cur ad imperium suum venire contempsit, Rex interrogauit. Cui ille vultu intrepido, mente constantiore. Ego, inquit, Imperator tuum semper præceptam ita in omnibus responsa. semper exequendum putavi; ut tamen Deum tibi ubi

qua

*Preces eius
quotidiane.*

que præferendum esse non dubitarem. Ideo non propter Regiæ maiest. contemptum, sed propter tuam salutem quæ Deo debebam exolvere curavi. Hac responsione delectatus Imperator, gratias, inquit, tibi habeo Episcopo, quia qualem te esse credidi semper, talem te nunc esse expertus sum. Neque hæc etiam Mori pietas in homine laico magis spectabilis & rara, Regi Henrico tunc pio & Deum timenti quicquam displicuit. Sed ad cætera pergamus. Recitabat quotidie preces matutinas ac vespertinas, quibus 7. psalmos pœnitentiales & Letanias adiungebat. Addebat frequenter Cantica graduum & psalmum, *Beati immaculati*. Habebat etiam quasdam priuatas preces quæ in farragine operum eius Anglicè scriptorum habentur, partim Latinæ partim vernaculæ. Fecit sibi etiam ex selectis psalmis {S. Hieronymum & alios imitatus} paruum quasi psalterium seu psalmodiorum compendium, quod etiam extat cum cæteris iam dictis, quo frequenter utebatur. Ex hoc impenso orationis studio non solum domi suæ in remotiori parte ædium, domunculam sibi secretiorem extruxerat, in qua vacabat studiis, orationi, meditationi, & in quam ex Aula regressus statim se contulit, ut excusso quasi rerum Aulicarum pulvere sese totum recolligeret; sed etiam in ecclesia sua parochiali, in villa Chelsey sacellum cōstruxit, & rebus omnib. ad Dei cultum necessariis, vel alioqui ad ornatū & decorē domus Dei pertinentibus, copiosè instruxit. Erat quippe in hoc genere pietatis valde liberalis; multaq; vasa aurea & argentea ecclesiæ suæ contulit, dicere solitus, *Boni dant, mali auferunt*. Sed & in ipsa sua ecclesia sacerdoti auctori indutus superpellicium concinebat. Quod quū etiā Regni Cæcellarius faceret, monitus à Duce Northfolciæ qui aliquādo superueniens eū sic cum superpellicio in choro canentē deprehenderat, hunc eius agendi

*Ministrat in
ecclesia.*

agendi morem Regi haud dubiè displiciturum vt nimis humilem ac dignitati qua fūgeretur minus congruum, respondit: *Domino meo Regi displicere nō potest, quod ipsius Regis Domino obsequium impendo.* Iam verò sacerdoti sacrificanti & supplens locum idiotę ad altare ministrabat: & interdum in supplicationibus de more publicis, sed parochiæ suæ, Crucem sacerdoti præferebat, vulgaris clerici vel æditui officium facere nihil recusans, nihil detrectans, nihil erubescens, imò vehementer gaudens, quasque cū Dauid tripudians ante arcam Domini & dicens; *Vilior fiam plus quam factus sum, & ero humilis in oculis meis.* Fecit hoc assidue nisi quum Regni Cancellarius esset. Quo tamen tempore quum prolixæ illæ supplicationes fierent in hebdomada Rogationū, in quibus procul sæpe itur multumque ambulandum est, monitus à suis vt propter dignitatem equo vehi vellet, recusauit dicens: *Nolo Dominū meum peditem eque subsequi:* quod propter Crucifixi imaginem in qua Dominum venerabatur dixit. Porro Ecclesiam ingressus, etsi aliquot annis esset occupatissimus, nūquam tamen eo in loco vllum prorsus admittebat cuiusquam colloquium aut negotium: Quoties verò nouus aliquis magistratus inuendus aut negotium aliquod arduum aggrediendum fuit, sacra se Synaxi præmuniebat. Peregrinabatur etiā nonnunquā ad sancta loca quæ 7. circiter milliarib. domo aberāt; idq; pedes semper: quod in Anglia vix plebei faciunt. Ad hanc pietatem in Deum spectat impensus ille, quo flagrabat Morus, Catholicæ fidei contra hæreticos tuendæ & scriptis asserendę zelus. Qua vna in re plus solus laborauit, quā vniuersus tunc Angliæ clerus, homo non tantū laicus, sed & Reip. negotiis impeditissimus, quo minus vacaret in summis honorib. cōstitutus quo minus liberet. Quot & quanta pro fide scripserit, idque

2. Reg. 6.

Zelus cōtra
hæreticos.

Venerabilis

Supra ca. 7.

Infra cap. 7.

*Inter epist.
Cochlat.*

*In farag.
lib. 27. epist.
ad Io. Fabiū
episc. Vienne-
mensens.*

*Preces Mori
quam apud
Deum effi-
caces.*

*1.
Guilielmus
Roperus ad
Catholice fidei
conuersus.*

idque crudité, acuté, facundé (eo certe facundius in lingua Anglicana vix alius vnquam scripsit) supra commemoratum est Hæc quum viderent heretici, obiecerunt illi ignaui aduersarii, cum à clero amplis mercedibus ad hoc conductum esse. Quibus qd responderit, mox suo loco dicetur. Hunc suum zelum in epistola quadam ad Ioan. Cochlæum ex abundantia cordis loquitur. *Vtinam, inquit, mi Cochlee, ea mihi foret sacrarum literarum & theologicæ rei peritia vt contra pestes eiusmodi possem non frustra scribere.* De hoc Mori zelo sic in quadam epistola Erasmus; *Odit ille seditioja dogmata quibus nunc miserè cōcutitur orbis. Hæc ille non dissimulat sic addictus pietati, vt si in alterutram partem aliquantulum inclinet momentum, superstitioni quàm impietati vicinior esse videatur.* Hæc ille.

Ex hac denique pietate in Deum, maxima fuit eius orationum vis: plurimum apud Deum sanctæ eius preces valuerunt *Multum enim valet deprecatio iusti assidua, & multum exercita & operosa, & ἡ ἡμεῖς.* Quod aliquot nunc exemplis in Moro ostendemus. Gener Mori Gulielmus Roperus qui Margaretam filiam Mori natu maximam in uxorem duxerat, incidere aliquando in hæresin; à qua vt illum reuocaret, multum & sæpe cum eo diserebat Morus. Quum autem nihil se proficere disserendo videret, deinceps, ait, tecum non disputabo; sed pro te Deum orabo. Paucis post diebus Roperus absque ulla disputatione sua sponte Moro significat, se nunc à suis quas sustinebat hæresibus abhorrere; & veritatis orthodoxæ lucem per Dei gratiam videre ac credere. Hinc in celebrem & optimum postea euasit virum; & vsque ad decrepitam ætatem constāissime Catholicus, magnusque & liberalis Catholicorum tam domi captiuorum quàm foris exulum Mæccenas, ante hos paucos annos, foeliciter

citer in Domino obdormiuit. Margareta Mori filia sudore Britannico vehementissimè laborabat. Negligentia autem seu sua seu suorum factum est, ut sudor ille (cuius copiosus fluxus sola salus est) se remitteret penitusque cessaret: ex quo illa vniuerso iam malo intus recepto, mente alienari quasi que phrenesi corripì cœpit. Vehementer indolenscens Pater (illam enim supra cæteros liberos omnes diligebat) consulto medico an clysterium prodesset, & accepto responso paruam admodum in eo remedio spem esse, nihil tamen nocere si tenteretur, tētata res est; & Moro se confestim orationi dante, operatur clysterium, ad mentē redit, nouus sudor copiose profluxit; maculaeque toto corpore quas ronchas vocant, apparuerunt; quæ in aliis quidem vel mortis indicia certa, vel mortē subsequi solitæ; sed in illa saluris signa erant; precum magis paternarum quàm artis medicæ vi, ipso attestante medico. Altera Mori filia Elisabetha Damaeo nupta graui morbo laborans, quo & sublata est, deliquium animæ aliquantò ante ipsam mortem passa est, satis diuturnum. Ad se rediens, cum lachrymis & ciularu profiteretur se grauissimas pœnas in eo excessu luisse; & nisi patris sui preces ei gratiam impetrassent {hoc autem post Mori martyrium contigit} in illis se fuisse perpetuò mansurā. Sed illustre est istud & insigne admodum diuinæ gratiæ Mori pectus inhabitantis, precumque eius Deo gratissimarum argumentum. Ciuis quidā Vintoniensis, grauissima desperationis tentatione longo tempore ita afflictus & agitatus fuit, nullis ut cōsiliis precibusve aut suis aut suorum eam excutere potuerit. Deducitur tandem per amicum in colloquium Thomæ Mori et si tunc in summa dignitate constituti; qui casum hominis acerbum miseratus, primum bonis & sanis cōsiliis egit; quæ quum non proficerent, precibus apud

*Supra ca. 7.**Infra cap. 7.**Inter epist.
Cochlæi.**In fragm.
lib. 27. epist.
ad Io. Fabiū
episc. Vien-
nensem.**Preces Mori
quam apud
Deum effi-
caces.**1.
Guilielmus
Roperus ad
Cathol. fidem
conuersus.*

idque eruditè, acutè, facundè (eo certe facundius in lingua Anglicana vix alius vnquam scripsit) supra commemoratum est Hæc quum viderent heretici, obiecerunt illi ignaui aduersarii, eum à clero amplis mercedibus ad hoc conductum esse. Quibus quod responderit, mox suo loco dicetur. Hunc suum zelum in epistola quadam ad Ioan. Cochleum ex abundantia cordis loquitur. *Vtinam, inquit, mi Cochlee, ea mihi foret sacrarum literarum & theologica rei peritia ut contra pestes eiusmodi possem non frustra scribere.* De hoc Mori zelo sic in quadam epistola Erasmus; *O dit ille seditioja dogmata quibus nunc miserè concutitur orbis. Hæc ille non dissimulat sic addictus pietati, ut si in alterutram partem aliquantulum inclinaret momentum, superstitioni quàm impietati vicinior esse videretur.* Hæc ille.

Ex hac denique pietate in Deum, maxima fuit eius orationum vis: plurimum apud Deum sanctæ eius preces valuerunt. *Multum enim valet deprecatio iusti assidua, & multum exercita & operosa,* *ἐκρημαίνω.* Quod aliquot nunc exemplis in Moro ostendemus. Genuit Mori Guilielmus Roperus qui Margaretam filiam Mori natu maximam in uxorem duxerat, inciderat aliquando in hæresin; à qua ut illum reuocaret, multum & sæpe cum eo dissererebat Morus. Quum autem nihil se proficere disserendo videret, deinceps, ait, tecum non disputabo; sed pro te Deum orabo. Paucis post diebus Roperus absque ulla disputatione sua sponte Moro significat, se nunc à suis quas sustinebat hæresibus abhorrere; & veritatis orthodoxæ lucem per Dei gratiam videre ac credere. Hinc in celebrem & optimum postea euasit virum; & vsque ad decrepitam ætatem constantissime Catholicus, magnusque & liberalis Catholicorum tam domi captiuorum quàm foris exulum Mæcenas, ante hos paucos annos, foeliciter

citer in Domino obdormiuit. Margareta Mori filia sudore Britannico vehementissimè laborabat. Negligentia autem seu sua seu suorum factum est, vt sudor ille (cuius copiosus fluxus sola salus est) se remitteret penitusque cessaret: ex quo illa vniuerso iam malo intus recepto, mente alienari quasi que phrenesi corripì cœpit. Vehementer indolescens Pater (illam enim supra cæteros liberos omnes diligebat) consulto medico an clysterium prodesset, & accepto responso paruum admodum in eo remedio spem esse, nihil tamen nocere si tentetur, tētata res est; & Moro se confestim orationi dante, operatur clysterium, ad mentē redit, nouus sudor copiose profluxit; maculæq; toto corpore quas ronchas vocant, apparuerunt; quæ in aliis quidem vel mortis indicia certa, vel mortē subsequi solitæ; sed in illa salutis signa erant; precum magis paternarum quàm artis medicæ vi, ipso attestante medico. Altera Mori filia Elisabetha Damcæo nupta graui morbo laborans, quo & sublata est, deliquium animæ aliquantò ante ipsam mortem passa est, satis diuturnum. Ad se rediens, cum lachrymis & eiulatu profiteretur se grauissimas pœnas in eo excessu luisse; & nisi patris sui preces ei gratiam impetrassent {hoc autem post Mori martyrium contigit} in illis se fuisse perpetuò mansurā. Sed illustre est istud & insigne admodum diuinæ gratiæ Mori pectus inhabitantis, precumq; eius Deo gratissimarum argumentum. Ciuis quidā Vintoniensis, grauissima desperationis tentatione longo tempore ita afflictus & agitatus fuit; nullis vt cōsiliis precibusve aut suis aut suorum eam excutere potuerit. Deducitur tandem per amicum in colloquium Thomæ Mori et si tunc in summa dignitate constituti; qui casum hominis acerbum miseratus, primum bonis & sanis cōsiliis egit; quæ quum non proficerent, precibus apud

apud Deum impetrauit vt à dira illa tentatione liberaretur. Māsit ciuis ille ab omni huiusmodi perturbatione immunis quā diu Moro liberè agente, liber ad eum accessus patuit. Vbi verò in carcerem coniectus Morus fuit, tentatio ad hominem rediit, eaque solito vehementior. Miser ille ciuis quā diu Morus in vinculis tenebatur, extra omnē remedii spem tristes agebat dies. Vbi autem intellexerat mortis sententiam contra Morum latam, Londinum accurrit, vt ad supplicium prodeuntem quocunq; tandem suo periculo alloquatur. E carcere igitur ad patibuli locum Moro exeunti occurrit hic ciuis per satellites irrumpens & alta voce exclamans: An me, inquit, Domine More recognoscis? A diuua me quēso. Nam tentatio illa ad me recurrit, nec ea carere possum Cui statim Morus. Optime te, inquit, recognosco. Sed vade & ora pro me: atque ego pro te sedulò orabo. Abiit homo ille, nec in tota vita amplius tentationem huiusmodi expertus fuit. Tanta vis fuit orationis & precum huius sancti viri. Certe hoc in more habebat Morus vt quoties vel domi suæ vel in toto pago suo aliqua in puerperio laboraret, statim se orationi daret. Nec prius orare destitit quā de foelici partu nuntium accepisset. Postremò festa Ecclesiæ ea religione colebat, vt quum in carcere solitarius degeret, pulchriores vestes in singulis festis afferri curaret quas indueret. Mirantibus quibusdam cur id ibi solus faceret, respondit se non ad conspectum populi sed ad Dei honorem festa colere, & honestè vestiri. Atque hæc de eius erga Deum pietate verè Christiana, quantum de ea nobis constare potuit.

*Liberat à
gravi tenta-
tione.*

Charitas eius erga proximos.

Charitatem Mori erga proximos frequentes eius & liberales elemosynæ loquuntur. Solebat ipse circuire obscuras plateas & lustrare familias paupere-

pauperum, easque liberaliter fouere, datis, nō more communi obolis aut drachmis sed aureis 2.3. aut 4 prout indigentis necessitas requirebat. Quum vero ipse propter dignitatem hoc obire non posset, mittebat suos qui fideliter dispensarent egenis familiis, maximē aut morbo vexatis aut senio confectis. Hoc munus sēpē præstitit Margareta Gyge Ioan. Clementis vxor quam inter filias suas educavit Morus. Sed circa festa anni præcipua potissimum mittebatur, Quin & pauperes vicinos frequentissimē mensæ suæ adhibuit, familiariter ac iucundē eos excipiens; diuites raro: nobiles ac magnates rarissimē. Porro in parochia sua Chelsey conduxit domum in qua collegit multos debiles & pauperes & senes quos suis sumptibus aluit. Horum curam absente patre gerebat Margaretha Ropera {hoc enim cognomen à marito suo more gentis nostræ acceperat} filia eius natu maxima. Denique quandam viduam pauperulam, Paulam nomine, quum omnes facultates suas expendisset in lite, in familiam recepit suam & sustentauit. Omnibus postremo viduis & pupillis, quum causas in foro ageret, gratuitam operam præstabat. Ne autem vllum omnino proximum odio haberet, sed pura charitate omnes & singulos diligeret (iuxta certissimam illam hominis verē Christiani notam de qua Christus dixit: *In hoc cognoscent omnes quod discipuli mei estis si dilectionem ad inuicem habueritis*) speculationem quandam insignem libi composuerat, ipsa quasi viua ac certa ratione nitentem: quam ex operibus eius Anglicis ad communem vtilitatem hic & huc transferam. Ille quidem carboneam in carcere cōscripserat: ego verò vt aureis literis scribatur, dignam censeo. Neminem, inquit, mortalium

Ioan. 13.

*Demōstratio
egregia ne-
minē esse o-
dio habendū*

oderis. Aut enim bonus est aut malus. Si bonus est, tu malus es qui bonum gusti. Si malus est, aut se emenda-

Q

bis

bit & piè moriens saluabitur, aut malus perseverans damnabitur. Quod si saluabitur, meminerim tunc fore ut me intimè ac sempiternè diligat, egoque eum vicissim æternò amore complectar. si tamen & ego (quod quidem spero) saluus fiam. Cur ergo nunc ad tempus eum odio prosequar, qui me in æternum dilecturus est? Cur ab eo nunc ad momentum odio diuellar, cui æterna dilectione postea coniungar? Quod si damnabitur, tantos illic miser cruciatus feret, tam graues pœnas luet, ut immanis plane sim si non magis miseriis eius compatiar, quàm personam odio prosequar. Quod si hic quisquam dicat, posse nos tuta ac salua conscientia homini malo male optare ne bonis noceat, nolim quidem de ea re seriò nunc disputare, (habet enim hæc questio plures articulos quasi radix palmites, bona & longa consideratione dignos, quam ut à me commodè describi queant, maxime quum non alio calamo quàm carbone utar) verùm hoc dicam, hoc bono cuique & pio cõsiliũ dederim (nisi forte huiusmodi sit ut improbos punire ex officio ei incumbat) malos ac improbos ut Deo ac publicæ iustitiæ relinquat, aliisquè ita parva charitate ac firma Deo coniunctis, ut nullus malevolentia stimulus subzeli ac iustitiæ prætextu eis clanculum irrepere aut illudere & imponere valeat. Nos autem priuati & infirmi pro malis atque improbis sedulo oremus: quo videlicet subsidio & nos ipsos vel maxime indigere nostra nobis dicat conscientia. Hæc Morus non minus piè ac sanctè quàm prudenter & (qualis semper erat) submisce atque humiliter. Et talis quidem erga Deum & proximum Mori charitas fuit.

De corporis
cura.

Nunc quam corporis sui curam habuerit, paucis dicemus. Vno tantum cibi genere in mensa vescabatur, quod ut plurimum caro bouina erat qua delectabatur: etsi ratione officii, loci, & familiaræ cibaria multa apponerentur. In quodcunque autem tibi genus primum inciderat, ex eo se solo reficiebat. Iuuenis multo tempore à vino abstinebat,

& se-

& senex non nisi dilutum bibebat. quod & in epistola ad Vldrichum Huttenum notauit Erasmus. Vestitus minimam curam habuit. Dum gereret publicos magistratus, ratione officii sericis utebatur. Alioqui simplicem amictum gestabat; cuius adeo nullam fere curam gerebat vt eisdem perpetuo vteretur nisi admoneretur à famulo. Habuit autem inter famulos vnum quem tutorem suum vocabat. Hic caligas illi, calceos, cæteraque necessaria emebat. Accidit aliquando vt calceis valde attritis prodiret. Monitus ea de re ab Harrisisuo, Rogat; inquit, tutorem meum vt alios mihi emat. Deniq; in his quæ ad corporis curam attinebant; voluit vir plane sanctus, religiosorum more, sub aliorum regimine esse, & alterius imperio parere: siue vt ad res tam minutas excelsus eius animus non deuocaretur; siue {quod magis crediderim} vt primariâ Christiani hominis virtutem, humilitatem, exerce-
ret. Hac etiam de causa, quum esset ipse prudentissimus, in quibusdam suis negotiis & studiis consilium à suo Harrisis (quo secretario & amanuensi utebatur) petebat: & ab eo si quid erratum videret, moneri voluit. Erat enim Harrisius vir grauis, cordatus, Achte fidelior, & boni iudicii. Istud verò non iam boni tantum Christiani, sed & viri religiosissimi erat; quod per totâ vitâ certis diebus ac temporib; ciliciũ gerebat, & seuerè seipsum flagellabat. Nempe singulis feriis sextis, præter sanctorum vigiliis & 4. temporum. Sedebat aliquando pro tribunali regni Cancellarius cilicio indutus. Pridie mortis, seu passionis; magis misit ad Margaretam filiã suam, ciliciũ suum & flagellum cū paruo epistolio carbone scripto, quod postea huic operti inseremus. Nempe finito certamine arma deposuit: tela remisit. In illa autẽ domũcula quam sibi soli extruxit, de qua supra diximus, hanc disciplinã faciebat: diu qui-

*Sub tutore
fuit quoad
corporis am-
ictum.*

*Mortificatio
corporis.*

dem ita occultè vt nemo resciret, ne vxor quidem. Postea tamen ex pia suorum curiositate res (sed domesticis tantum paucissimis) innotuit. Cilicium beati viri mihi ostendit Margareta D. Clementis vxor ante annos plus quam viginti, quum Bergis prope Antuerpiam patrem meum piæ memoriæ, ipsum Doctorem Clementem, aliosque nobiles Anglos qui ibi tunc domicilia sua posuerant, familiaeque alebant, inuiserem. Fuit cilicium per modum reticulivalde nodosum, magis sanè quàm vulgaria religiosorum cilicia esse solent. flagellum quorundam negligentia intercidit. Hæc eius erga Deum pietas, erga proximum charitas, erga seipsū temperantia, frugalitas, mortificatio fuit. Sic sobriè iussè & piè in hoc sæculo viuebat. Sic mortificabat membra sua quæ sunt super terram, circumferens in corpore suo mortificationem Iesu Christi. Sed ista magis adhuc elucescent, vbi de certis eius virtutibus particularius aliquid dicetur, vbi etiā qualis pater & paterfamilias fuerit, explicabitur.

Quantus honorum & laudis propriæ contemptor fuerit

CAPVT VII.

VT Thomæ Mori quàm vera pietas quàm solida virtus, quàm purus & verè excelsus animus fuerit, magis adhuc intelligatur, considerabimus quomodo erga illa adfectus fuerit, quæ hic mundus maximè admiratur; à quibus ille vt in stultam admirationem traheretur, & quorum cupiditate insana vt abunde frueretur, maximas illi oportunitates & occasiones mundus subministravit. Aulicam vitam multis annis gessit. Variis honoribus perfunctus est. Multa & varia literatura

eratura præditus fuit. Multa scripsit, multa perfecit, in multis negotiis amplam laudem reportauit. Diuitias si non collegit multas, certe potuit collegisse. Ingenio acutissimo, memoria foelicissima fuit. Naturæ dotes & fortunæ bona, vocationum munera, sic in eo singula excellabant, vt difficile sit iudicare, plus ne naturæ debeat; an fortuna contulerit; an ars & industria perfecit. Hæc huiusmodi sunt vt animum è suo statu deicere, ad vana pelli- cere, aliqua labe inficere, non tam facile possint quam frequenter soleant. Attamen, vt ex sequen- tibus apparebit, fortem eius animum & in diuina gratia solidatum nihil horum emollire aut infle- cere potuit, vt vel tantillum à vera Dei & sui ipsius cognitione desisteret: hoc est, vt Dei in se mune- ra vnquam non agnosceret, vt sibi ipsi propter hæc omnia vel hilo aut maior aut melior videretur; sed in altissima humilitate sui que contemptu, quæ ve- re est Christiana philosophia, & disciplina propria Christianorum, perpetuò consisteret, nec vel ho- norum vel diuitiarum vlla cupiditate tangeretur, ideoque eorum accessione nihil à pristina pietate quàm puer imbiberat, adolescens tenuerat, immu- taretur. Ex mediocri fortuna in Aulam assumptus & Regi à secretis consiliis factus est, idque talis Consiliarius, vt serenissima Regina Catharina pri- ma Henrici regis vxor, prudentissima & piissima fœmina, inter tot Regis consiliarios vnum Morū Consiliarii rem & nomen obtinere eoque loco di- gnum esse, ipsi Regi aliquoties liberè dixerit. Vide tamen vt huic se vitæ generi ineptissimum existi- mauit, vt ab Aulica vita { quam tot male sani ho- mines auidissimè appetunt } totus abhorruerit. Gratulatus est ei aliquando Episcopus Roffensis vir grauissimus, hunc in Aula statum, fidemque & authoritatem qua apud regem pollebat, quæ sanc-

*Catharine
Regine iu-
diciū de
Moro.*

*Ab Aulica
vita abhor-
ret.*

fuit maxima, ut aucti perpetuò honores per se lo-
quuntur. Ad hæc respondet his verbis : In *Aulam*
(quod nemo nescit & princeps ipse mihi ludens interdum
libenter exprobrat) inuitissimus veni. In qua adhuc non
minus male hæreo quam quisquam equitandi insolens
hæret in sella. Sed princeps (à cuius intimo favore longe
absum) tam comis est ac benignus vniuersis, ut quivis (cui
paululum inistit plusculæ spei) inueniat unde possit ei semet
interpretari charissimum: more matronarum *Londinen-
sium* quibus persuasum est *Deiparæ Virginis* imaginem
quæ prope arcem visitur, ubi presens intuentes eam ad-
precata sunt, adridere. Sed ego neque tam sælix sum ut
tam beata signa conspiciam, & abiectioris animi quam
ut ipse mihi consingam. Cæterum tanta est virtus & do-
ctrina regis & in viroque quotidie velut de integro in-
ualescens industria, ut quo magis ac magis eius Maieft.
video bonis vereq; regis artibus increfcere, eo minus mi-
nusq; sentiam aulicam hanc vitam mihi ingrauescere.
Hæc ille ibi. Fuit videlicet vita Aulica ut per se Mo-
ro ingratislima, ita tantisper & eatenus grata, quam
diu virtutis & honestatis schola erat, qualis certe
primis 20. annis quibus regnavit *Henrici Regis*
Aula fuit. Qua de re sic *Erasmus* in epist. ad *Henri-
cum Guilfordum* scribit lib. 13 epist. p. 427. *Fragrân-
tia honestissimæ famæ* qua nusquam non divulgat *Aulam*
Britannicam, præter regem omnibus absoluti principis do-
tibus egregiè cumulatam, & huic simillimam *Reginam*,
tot insuper integris, cruditis, grauib; cordatisque viris
abundare, Principem *Bergensem* excitauit ut *Antonium*
filium non alteri scholæ tradendum indicarit, &c. anno
1519. Talis verò quæ esse destitit, & virtus profliga-
ri, libido dominari cœpit, *Aulæ* atq; honori in re-
gno maximo renunciauit *Morus*. Quæ enim *Regni*
Cancellarius per annos duos cum dimidio fuisset
(ut nostri annales testantur) *Aulæ* tunc vitæq; *Au-
licæ* pertæsus, quam ut antea nunquam dilexerat ita
tunc

*Reservat ha-
vires am-
plissimos.*

nunc odio habere cæperat, munus illud amplissimū
 ut resignaret, & à tota seruitute Aulica manumit-
 teretur, multis magnisq; à Rege precibus impetra-
 uit: Impetratū maximi & incomparabilis beneficii
 loco duxit. Et quidem q̃ precibus hoc à rege impe-
 trauerit, gestumq; Magistratum cum summa laude
 dimiserit, in præcedentibus dictum est. Nunc hanc
 resignationem quanti beneficii loco duxerit, quo
 sine fecerit, quæ virtutis testimonium subsequen-
 tū fuerit, hoc loco dicetur. De primo & secundo sic
 ad Erasmi scribit. *Quam rem ad hunc vsq; diem à pue-* *Inter epist.*
ro penè semper optavi, Desideri dulcissime, ut publicarum *Erasmi lib.*
rerum negotiis liberatus aliquid olim tēporis viuere Deo *27 p. 1073.*
duntaxat ac mihi met ipsi possem, id nunc tandē Dei Opt.
Maxim. benignitate ac principis indulgentissimi beneficio
consequutus sum. Et post pauca quæ de pectoris affli-
cta valetudine interserit, ait. Hæc ergo mecum versans
animo, quum aut deponendum mihi Magistratū viderem
aut operam meam in eo gerendo claudicaturam, quando
negotia quæ res poscebat obiri, per me nō possent, nisi mor-
tem ipse obire periclitarer, quasi defungerer, vel sic om-
nino cum vita relinquendum mihi officium fuit, decreui
mecum tandem altero potius quàm utroq; carere. Quam-
obrem ut & publicis rebus pariter & meæ saluti consu-
lerem, à clarissimi principis & optimi benignitate supplex
impetraui ut magistratu isto quo me (quod tute scis) regni
totius amplissimo, incredibilis eius in me fauor tam longe
supra meritum quàm supra spem ac votum omne meum
honorauerat, nunc sub eius pondere fatiscentem dignare-
tur eius pietas exonerare. Superos igitur vniuersos pre-
cor ut & istos indulgentissimos in me clarissimi Regis
adfectus Deus qui solus potest, digna repenset gratia, &
mihi quicquid temporis reliquū daturus est, ne per iners-
atque ignauum transigatur otium, non eam modo mētem
donet ut bonas horas bene collocare velim, sed eam etiā
corporis addat firmitatem qua possem. Hæc ad Erasmi.

Epist. ad Cochleum.

Nec dissimiliter ad Ioannem Cochleum eodem tempore *Valetudine aliquot superioribus mensibus non tam in speciem graui me inuentibus quam sentienti mihi formidolosa usus sum. Quam ne nunc quidem post impetratam omnium munerum vacationem satis possum excutere. Ita fiebat vt Cancellarii obire officium haud satis possem nisi valetudinis malum sinerem indies magis magisque crescere. Mouit ergo animum meum recuperanda cura sanitatis. Sed multo magis publicae utilitatis respectus: quam multis modis remoraturus videbar, si homo valetudinis impedita, negotia publica simul cogeret impedire. Ociùm quod Illustrissimi principis in me prona benignitas precibus meis annuere dignata est, posthac studiis & Deo constitui dedicare. Hæc ibi. In epitaphio quoque suo, quod post resignationem hanc in ecclesia parochiali sua extrui fecerat sic loquitur:*

Ex epitaphio suo.

Mortalium harum rerum satur; quam rem à puero pene semper optauerat, vt ultimos aliquot vitæ suæ annos obtineret liberos, quibus huius vitæ negotiis paulatim se subducens futuræ posset immortalitati meditari, (si cæptis annuat Deus) indulgentissimi principis incomparabili beneficio resignatis honoribus impetravit. Hæc de seipso Morus. Quæ quanquam haud dubiè verissima sunt; tamen nec solæ nec præcipuæ hæ causæ fuerunt, vt illi attestantur qui Moro tunc intimi fuerunt, cur honores omnes resignauerit & ab Aula dimissionem petiuerit. Rex iam ducta in uxorem Anna Bolenia non solum contra consensum Mori & vt infra suo loco latius explicabimus} sed etiam Sede Apostolica repugnante, in alium virum totus mutari cœpit. Perfractis enim semel pudoris & honestatis repagulis, in omnem se postea cupiditatem ac libidinem præcipientem dedit. Postquam contra Sedis Apostolicæ supremum iudicium, suam voluntatem facere, suæque libidini seruire Rex præsumpserat, facile vidit Morus, suam in cæteris rebus

Cur Morus in florenti athenae Aulæ nunciū remisit.

bus

bus omnibus voluntatem aut cupiditatem potius Regem deinceps sequuturum: quicquid in diuersum Consiliarii torusve Senatus sentiat. Videbat itaque vir prudentissimus se amplius Regi placere non posse, nisi Deo suo displiceret. Videbat Sede Apostolica contempta, causam fidei & ecclesiae auctoritatem necessario concutiendam, cui sub tali principe etiam Cancellarius mederi non posset. Videbat postremò cum Regis voluntate, suam (id est sanam) conscientiam conuenire amplius non posse. Maluit ergo dignitatis suae quàm honestatis iacturam facere; maluit honorem quàm conscientiam suam periclitari. Postremò magno desiderio tenebatur soli Deo sibi que ac studiis vacandi, maxime contra hæreticos toto impetu & plenis velis excurrendi, contra quos iam antea aliquandiu incertamen descenderat. Has veras quoque ac præcipuas causas amicis suis aperiebat. Nam quod ad valetudinem attinet, non ea sic afflicta fuit quin toto sequenti anno, qui resignatos honores sequebatur {nam anno exacto in carceres coniicitur} variâ illa & prolixa contra hæreticos opera euulgauerit, quæ superius sigillatim recensuimus. Nec erat tanta ætas quæ ferendis laboribus par non esset. Neque enim tunc annum quinquagesimum Morus excefferat. Passus enim biennio post pauloque amplius, annos 52. non expleuerat. Sed voluit vir admirabilis & suarum virtutum occultator maximus, quod virtutis erat necessitati tribuere. Voluit sic Aulam deferere, vt nec Regem offenderet, nec hominum laudem captaret. Nam quod ea potissimum ex causa Aulam deferere & honoribus abdicatis Deo deinceps ac sibi viuere instituerit, quia futuram Reipub. calamitatem cui ipse mederi non posset, seu vt vir prudens seu vt Deo charus ac familiaris præuideret, variæ eius hac de re prædictio-

*Mori predi-
ctiones de
Reip. Angli-
canæ muta-
tione sequen-
tes.*

1.

2.

3.

4.

nes argumento sunt. Adhuc Cancellarius regni quum esset, genero eius Ropero quo præ cæteris familiarius utebatur, rerum tunc in Anglia statum plurimum collaudante, eo quod & florentissima tunc esset Respub ipseque Rex Henricus domi suis omnibus, foris maximis principibus charus foret; Morus præsentī rerum facie nihil captus, respondit utcumque belle nunc omnia procedere; sed orandum Deum ne Rex de repente in alium virū mutetur, & Consiliarios parum fortes inueniat. Et quidē quod ad pietatis studium attinebat, quum idē Roperus quasi in Domino exultans gratularetur multum religionis orthodoxæ integritati, ipsiusq; Regis in ea asserenda magnanimitati, addens vix vſquam tanto in precio diuini numinis cultum, orationis assiduitatem, vitæ puritatem haberi quanto tunc in Anglia habebatur; respōdit Morus cum eo tunc fortē iuxta Tamesim inambulans; Est quidem nunc ita ut dicis, mi fili: Sed veniet breui tempus quo totum hoc pietatis studium nosq; & alios eius cultores passim contemni & despici videbis, nec pluris fieri quam miseras istas formicas nos facimus; colliculum formicis scatentem qui forte in via occurrebat pede protinus calcans. Idem alias quum ex Aula domum rediens filias suas ac neptes orationi intentas inuenisset; orate nunc, inquit, filiolæ diligēter dum hoc vobis studium adhuc gratum est; breui enim fiet ut (nisi magna animi fortitudine resistatis) hoc studio orandi nihil despiciabilius esse existimaturæ sitis. Quod quidem à multis retrò annis in Anglia accidisse nemo Anglus ignorat. Abdicato verò iam Cancellarii munere, & priuatam vitam quum ageret, nuptiæque Annæ Boleniæ { quas integerrimus Senator nunquam approbare voluit } iam peractæ essent, referente ei quodam, Annam Boleniam in Aula inces-

sanctæ

santer tripudiare, die ac nocte choreas ducere, nihilque esse nunc Aulica vita iucundius, respondit Morus; Hæc Annæ Boleniæ tripudia alium longè ludum secum adferunt; Nostris enim capitibus quasi pila pædaria hoc eius tripudia ludunt: Sed & ipsius quoque caput eundem ludum subibit. Quod totum verissimè paulò post ita factum est. Nam & instigante hac Anna quæ suis saltationibus hunc nouum Herodem, Henricum 8. prorsus incantaue-
rat 3 multis magnis & bonis viris capita sublata sunt, inter cæteros Ioanni Rossensi episcopo & Thomæ Moro; & ipsa Anna Bolenia eodem supplicii genere, sed ex causis longe aliis interempta est; vt postea suo loco latius dicetur. Resignauit igitur amplissimos in Repub. honores Morus, tum ne Regis in omnem iam impietatem propendentis libidini seruiret, tum vt sanctis studiis atque ocio honestissimo liberius vacaret. Vnde manifestè liquet nihil illum honoribus illis inflatum, nulla vana dominandi cupiditate infectum fuisse. Verū esse ostendit quod quum adhuc in honore illò esset, ad filium eius Ioannem Morum Erasmus scribit. *Quin & illud et philosophiæ pater tuus quod nec tanta dignitas tantillum illi addidit supercilii, nec negotiorum vndiq; circumstrepentium vnde quicquam de pristina comitate diminuerint.* Hæc ille Cui enim honor supercilium obducit, cui cristas erigit, quem inani gloriola titillat, ne ille totius potius virtutis naufragiū facere quàm honore excidere mallet: honore se abdicare nunquam in animum inducet. Impetravit ergo qd à suo principe Cassiodorus, hoc ab Henrico Morus, vt honorū titulis renūciatis, solide pietati ac studiis fructuosius vacaret. Sed heroicū hoc Mori factū verbis idoneis laudare solus Morus vt vir prudētissimus, doctissimus, ita eloquētissimus potest. Ipsa ergo eius verba in medium proferemus.

Non

*In prefat. in
Arist. Graecum.*

Non quibus hoc suum factum commendat & quibus
enim vanius? sed quibus alterius Cancellarij simili-
lem resignationem egregie tunc laudauit, sed ma-
gis egregie postmodum imitatus est; & priores
laudes verbo factas, postea in seipso re & facto bis
laudandus confirmauit. Non ante multos annos
Guilielmus Waramus Archiepiscopus Cantuarien-
sis regni Cancellarius & cui successit Wolsæus Ar-
chiepiscopus Eboracensis, Wolsæo Morus } Can-
cellarii munus deposuerat, dimissione à Rege im-
petrata. De hoc eius facto sic ad eum scribit Mo-
rus: *Semper quidem felicem paternitatis tue sortem in-*

Epistol. Mori dicaui; & dum Cancellariæ munere præclare fungereris,
ad Gul. VVa & nunc feliciorem, postquam eodem defunctus in ocium
ramum Ar- optatissimum quo tibi possis ac Deo viuere, secessisti. O-
chiep. Cant. cium inquam non incundius tantum quam erant illa ne-
de abdicato gotia, sed omnibus etiam honoribus mea quidem senten-
Cancellariæ tia magis honorificum. Nam gerere Magistratus id quidē
munere. plurimis contingit & interdum pessimis. At quum habe-
bas maximum, & qui quantum authoritatis habet ac li-
centiæ dum geritur, tantum depositus calumniis obnoxius
est; eum sua sponte deponere (quod tua paternitas magno
labore vix impetrauit, vt liceret facere) nisi modesto non
libet, nisi innocens non audet. Quamobrem huius animi
tui nescio, modestioris ne qui munus tam amplum ac ma-
gnificum voluisti relinquere, an sublimioris qui potuisti
contemnere, an innocentioris qui non metuisti deponere,
certe optimi ac prudentissimi, multos quidem sed impri-
mis me suffragatorem & admiratorem habes: qui dici nō
potest huic tam rare felicitati tue quam impense gratul-
der, mihi que tuo nomine gaudeam; quum tuam paterni-
tatem viderem procul ab secularibus negotiis, procul ab fo-
reusium tumultu rerum secedentem, & gesti magistratus,
& positi honorifica fama rarissima gloria frui; ac reliquū
vita tempus anteactæ conscientia lætum, clementer ac
placide in literis ac philosophia traducere. Cuius tue con-
ditionis

ditionis dulcedinem indies magis ac magis illustrem, mihi mea reddit miseria, qui quanquam nihil habeam negotii quod quidem memoratū sit dignum (erat nihilominus quum hæc scriberet Consiliarius regius, & regni proquæstor & frequenti legatione occupatus) tamen ut imbecillæ vires facile premuntur parvis rebus, ita distringor assidue ut ne tantulum temporis habeam liberum, quo tuam paternitatem vel inuisam aliquando vel prætermisum officium per epistolam excusem: adeo ut vix licuerit has parare literas. Quibus haud satis lepidum hunc libellum tuæ dominationi commendarem (Vt opiam suam dicit) quem quum Antuerpiensis quidam amicus meus (Petrus Aegidius) elapsum potius quam elaboratum, amoris indulgens suo, editione dignum putauit atque insciente me curauit excudendum, quamquam ipse, indignum vel hac dignitate tua vel rerum usu vel eruditione tua censeam, tamen sum ausus mittere; fretus videlicet tum benignitate tua qua semper soles omnium ingeniiis candidè fauere, tum experto tuo in me fauore confisus: quo spero fore ut si opus parum per se arrideat, Author tamen aliquid conciliet gratiæ. Vale Præsul amplissime.

Et sic quidem Morus eo tempore sapientissimi illius Archiepiscopi nobile factum laudauit. Sed ut erat alienæ virtutis candidus admirator & sedulus laudator, sic eiusdem erat scælix imitator. Omnes igitur laudes Archiepiscopo isti verè attributæ, ipsi Moro verissimè competunt. Illud fecit quod nisi modesto non libet, nisi innocens non audet. Animum ostendit, nescio modestiorem ne qui munus tam amplum atque magnificum voluit relinquere an sublimiorem qui potuit contemnere, an innocentiorum qui non metuit deponere, certe optimū & præstantissimum. Denique gelli magistratus & positi honorifica fama rarissima gloria fruitur. Sed nunc ad alia.

Lega-

An. 1519.

*A legationi-
bus alienissi-
mus fuit.*

*In frag.
li. 7. & 2.*

*Vtopiā suam
nulla laude
vel luce di-
gnā indicat.*

Legationes multas obiit & quidem honorificas, in Galliam sæpe de fædere componendo & de rebus repetundis. Regem quoque Henricum in Franciam comitatus est quum ille Rex & Franciæ Rex Franciscus primus sese mutuo Ardæ inuiserent, vbi & amicum suum Budæum suauissimè complexus est, sicuti ex epistolæ eius ad Budæum extracto superius posito patet. In Flandriam quoque duabus splendidis legationibus interfuit iustus comes & socius Cuthberto Tonsallo. Sed hæ legationes quarum alii splendore oblectantur, modesto & humili Mori ingenio vehementer displicuerunt. Sic ad Erasimum in quadam epistola scribit. *In negotiis istis principum haud credas quàm inuitus verser: neque potest esse quicquam odiosius quàm est ista legatio.* Et in alia epistola ad eundem. *Mihi nunquam admodum legati munus arrisit* Rursum in epistola quadam manuscripta ad Tonsallum. *In legationibus versari quāquam liberali atque in me propenso principe, tamen mihi non modo non ambient, sed abhorrenti quoque ab auctoramentis aulicis quid potest esse lucri?* Vtopiam mori quantopere omnes docti viri laudent, quanta laude sit dignus liber, in superioribus ostensum est. Hunc tamen librum nec in lucem emitti voluit, nec nisi paucis amicis, quasi lepidum commētum communicari; nec postea excusum suo vnquā calculo comprobare. De eo quid & quomodo ad Tonsallum suum scripserit, supra commemoravi. Amori tantum Tonsalli sui imputat quòd nugas suas {sic Vtopiam vocat} legere, & lectas approbare voluerit. In alia epistola sua manuscripta ad Antonium quēdam virum doctissimum {neque enim cognomen apponitur, & ego diuinare nolim etsi fortasse possem} qui Vtopiam eius laudauerat sic scribit: *De me quòd tale quicquam existimes, ex affectu potius quàm iudicio profectum suspicor.* Offundit enim plerum-

plerunque amor ubi altius infederit, hominum cogitationibus tenebras; quod tibi video comigisse: maxime quum Vtopia nostra tam impensè placuerit: quem ego librum plane dignum censeo qui in sua semper insula delitesceret. Hæc ibi. Sed & in alia quadam epistola ad primum aliquem Aulæ regiæ virum (neque enim nomen cuiusquam apponitur) sic de sua Vtopia scribit. Ego Vtopiam meam vni Cardinali VVolsæo (si non eâ ante meus Petrus me ut sis insciente multasset primus virginitatis florem, animo desponderam; si modo cuiquam: ac non celebem perpetuò apud me seruaarem, aut vestæ forsân consecraarem; sacrisq; eius initiarem ignibus. Tam ille exiliter tam demisse de sua Vtopia & quam totus admiratur orbis) sensit.

Iam verò qui vel illam Vtopiam, vel Mori declamationes aut versiones è Luciano, aut Richardi regis historiam, aut variarum epistolarum fragmenta à nobis hic prolata, magisque adhuc profertenda legit; negare certe non potest Morum eloquentia & dicendi vi atque elegantia singulariter excelluisse. Tamen pro innata sibi modestia, suam semper infantiam deprecatur. In epistola ad P. Aegidium Vtopiæ suæ præfixa sic scribit. Quod si exigeretur ut disertè etiam res, non tantum verè scriberetur; id verò à me præstari nullo tempore nullo studio potuisset. Hæc ille, qui tamèn rem illam omnem ut prudenter adinuenit, sic disertissimè explicuit. In epistola quadam ad Budæum sic scribit. Literas tuas quibus hanc absentiam tuam faceres mihi minus grauem; nisi vehementer me cupiditas vrgeret non auderem petere: quando vereor neque tibi nunc in Christianissimi regis negotia pertracto multum supersuorum ocii; & mihi conscius sim in hoc officii genere meæ pigritiæ, quoties rescribendum sit ad quencquam. Ad te verò mi Budæe ne scribam; infantie meæ non pæsciis, eruditionis tuæ admiratione distineor vsque adeo, ut

*Eloquentiæ
laudē omnē
sibi demit.*

*Ex epistola
ad Budæum
m. f.*

ne has

ne has quidem literas extorquere potuerim à pudore meo, nisi eas alius extorsisset pudor. Nempe ne meae literae quas nunc habes in manibus cum tuis euulgentur vana; quæ si incommittatæ exirent, satis superque conspicua deformitate viderentur, ut non tuarum splendor admodum mearum pudendæ formæ velut facem quandam claram præferat. Nam memini dum colloquebamur incidisse mentionem de epistolis meis olim scriptis ad te, quas videbaris editurus si id te putares mea voluntate facturum. Quæ in re quoniam obiter tractata est, quid tum respondi nescio. Nunc verò quando rem cogito mecum, video tutius esse ut tantisper premas, quoad recognoscam saltem: non tantum ne quid insit fortè parum Latine dictum; verum etiam quia de pace, de bello, de moribus, de coniugatis, de sacerdotibus, de populo, &c. quædam vereor ne non sint tam caute ac circumspicte scripta ut expediat obici calumniatoribus. Hæc ibi Morus. Vides ut suamcriptionem infra Budæi stilum longe deiciat, ut suas epistolas in publicum emitti nili recognitas nolit, denique ut ab ipsa literarum suarum latinitate {quibus tamen nihil est Latinius} sibi metuat. Hæc animi moderatio & modestia singularis si in Erasmo, si in Georgio Cassandro, si in aliis sciolis fuisset, non esset opus illa scopa bibliothecaria, quam Indicem expurgatorium vocamus, Pontificia ac Regia Maiestate edita; nec tot in ecclesia libelli vel inutiles & nugaces vel scandalis & offensione pleni extarent. Iam verò quamvis esset omnium iudicio non minus poëta elegans quàm orator facundus, tamen sua ipsi poëmata nunquam ita placuerunt, ut in omnium ea conspectum prodiरे cuperet. Sic in epistola quadam ad Erasmus scribit Mea epigrammata nunquam admodum animo placuerunt meo: id quod & ipse mihi Erasme conscius es: cui & quibusdam aliis nisi liber ille arrisisset amplius, quàm ad blandiendum est mihi, nusquam fortassis extaret hodie.

Sic

*Poëmata si
bi sua non
placent.*

*In farrag. e-
pist. lib. 15.*

Sic ille vt honores publicos ita laudem literariam non solum non venatus ambitiose vnquam, sed & aspernatus est studio semper: etsi in vtroque genere summa se laude dignum præbuerit. Ita videlicet per summa honorum fastigia quasi per rectorum culmina illæsus ambulauit, nullo vanitatis præcipitio deiectus; quod fortis & cordati pectoris atque in Dei amore bene firmati erat.

Quam fortis pecunie ac diuitiarum contemptor extiterit.

CAPVT VIII.

NVnc vt diuitias contempserit, alterum in seculo præcipitium explicabimus. Illis muneribus in Republ. functus est, tam variis, tam amplis, tam compendiosis, tanto tempore; tantum apud Regem Henricum gratia & auctoritate valebat, vt si Moro libuisset, aut illis viis ac rationibus institisset, non dico quibus hodie insistent Aulici, præsertim in Anglia in hoc corruptissimo rerum statu; vbi breuissimo tempore amplissimas sibi opes, prædia, fundos conquirunt; sed quibus in illa tunc mediocritate ipsi etiam boni ac moderati Aulici insisterent, facile illi fuerit ita censum augere vt inter opulentissimos Angliæ nobiles numeraretur. Honestò loco natus, vnicus patris filius, legum Britannicarum peritissimus, Actor causarum, Orator populi, Syndicus ciuitatis Londinensis, Cōsiliarius Regi us in supremo Senatu, Legatus frequenter, Proquæstor regni, Ducatus Lancastriæ Cancellarius, ac demum regni totius Cancellarius, Regi gratissimus, vir prudentia, ingenio, eruditione clarissimus; moribus iucundissimus; a prima ætate vsque ad annum vitæ quinquagesimum in

R. Repub.

Repub. versatus, quas quæso & quàm amplas opes, in tam opulento regno, congerere potuisset, si possidere voluisset? At in tota vita sua non auxit censum ultra sexaginta aureos annuos aut paulò amplius. Et viuit iam in Anglia scædæ libidinis minister, qui talibus officiis infra 5. annorum spaciū censum ad sexaginta millia aureorum acquisiuit. Porro quæ satis iusta causa augendi census videri posset? aluit apud se domi suæ quatuor suas proles, filium vnum & filias tres cum vxore & maritis ac prolibus singulorum, quæ quidem proles antequam in carcerem duceretur vndecim erant: vt ex epitaphio eius constat. Annuam pensionem & honorificam & amplam sibi à rege oblatam quum ex legatione quadam se bene gesta rediret, penitus reusauit ne honestam tunc in sua ciuitate Syndicatus conditionem minus compendiosam sed magis Reipublicæ vtilem aut deserere cogeretur, aut parum sincere tractare videretur; vt est supra explicatum. Denique obiicientibus ei hæreticis quod ab vniuerso clero magnis mercedibus conductus, aduersum eos tam multa scriberet (neque enim grauius aliquid ignaui aduersarii obiicere potuerunt) respondet eis hunc in modum, verbis Anglicis quæ

Apolog. c. 10 hic transfero. *Omnes mei in Angliæ redditus & pensiones omnes (exceptis illis redditibus & pensionibus quæ Regia liberalitas mihi concessit) non attingunt quinquaginta libras annuas, hoc est 150. aureos: quod totum vel ex patrimonio, vel ex vxore, vel à meipso acquisitum, prouenit. Ex quo perspicuum est quàm mihi nihil clerus contulerit. Deinde bigamus sum ne me existiment ad ecclesiasticam aliquā dignitatē defuncta coniuge aspirare. Sed & quicquid mihi Regia Maiestas donauit, sua sola liberalitate ac voluntate concessit, non ad ecclesiastici alicuius viri preces aut commendationem. Deniq; à quo primū tēpore contra hæreticos cæpi scribere, nullus mihi redditus, nulla pē-*

sio

sis accessit. Attamen adhuc mihi obiiciunt hi boni fratres,
 quod ab ipso clero in parata pecunia magnā pecuniæ vim
 mercedis loco acciperim. Equidem non diffitebor quod res
 est, quosdam è clero & viros bonos & honoratos, pecunia
 me donare voluisse ampliori quàm vel meruerim vel me-
 reri possim, quasi huius meæ in hac causâ propensionis ac
 laboris mercede. Sed Deum atque ipsos testes inuoco, nū-
 quam mihi hactenus vel vnum teruncium obtrudere po-
 tuerunt. Quin illis aperte dixi, me potius pecuniam illam
 totam in Tamesim fluuium (alluit ille domum Mori)
 proiecturum, quàm ab illis denarium accepturum. Quam-
 tis enim & boni & honorati ex clero essent qui mihi hoc
 obtulerunt, tamen merces mea Deus est, qui illos longe
 superat, & in cuius gratiam non illorum qualemcunque
 hunc laborem assumpsi. Quod si qui tamen ex his bonis fra-
 tribus suis hac in re bonis patribus (à quibus ista accipiunt)
 magis quam mihi credunt, existimantque nihilominus me
 non ita sanctulum esse vt oblatas pecunias respiciam, nolo
 quidem hac in re multum cum illis contendere. Credant *Vide quàm*
 illi quod volunt. Istud tamen confidenter ad meam defen- *facere ludat.*
 sionem dicam, etsi me propterea & Pharisæum iactabun-
 dum, & Pelagianum operarium vocitent; me, quicquid
 de me iudicent, non ita prorsus improbum esse, quin ex
 quadam inclinatione naturæ, absque speciali ad hoc diui-
 næ gratiæ adiutorio, & superbior sim atque etiam i-
 gnauior, quàm qui velim ad eorum laborum mediam
 partem pecunia conducere, quos in scribendo contra hereti-
 cos sumpsi. Hæc ille non minus piè quàm festiuè.
 Hæc autem magnanimi Mori verba dum lego, vi-
 deor mihi magnum illum Abraham ab interne-
 cione quatuor Regum redeuntem, & spolia sibi
 oblata recusantem audire dicentem. *Gen. 4*
 Leuo manum
 meam ad Dominum Deum excelsum possessorem cæli &
 terræ quod à filo subtegimus vsque ad corrigiam caligæ,
 non accipiam ex omnibus quæ tuæ sunt: ne dicas: Ego di-
 tavi Abraham. Videor mihi magnum illum Spirido-

Apud Suriū nem Constantio Imperatori propter sanitatem
in vita Spiri per manus eius impositionem ab eo acceptum, in-
donis tom. 6. numerabilem auri vim offerenti respondētem au-
 dire. *Non sic oportebat Imperator odio remunerare ami-*
Apud Suriū citiam. Ego enim longum & asperum iter confeci ut tibi
in vita S. parerem; & tu mihi aurum reddis quod est omnis mali
Melanæ to. 1 causa. Denique videor mihi Ephēstionem illum e-
 remitam Aegyptium videre pecuniam iterum in
 fluuium proicientem, quam nobilis matrona Me-
 lana in eius domuncula eo inscio posuerat; & ab
 Ephēstione reddere volente recipere recusarat. Hic
 erat in Moro pecuniæ contemptus, sic ille ditescere,
 quum facili potuerit, nullo modo voluit. Huc
 etiam pertinet quòd in tot muneribus atque offi-
 ciis peractis ab omni prorsus munerum corrupte-
 la immunis fuerit: de qua instituta semel contra
 eum accusatione, in risum res versa est, ut supra cō-
 memorauimus. Sed & quam nihil fuerit ad diuitias
 congerendas attentus, quàm earum iacturam for-
 titer tulerit, copiam contempserit, non solum ipsa
 honorum omnium abdicatio, & nobilis postea se-
 quuta confessio ob quam non opes tantum sed &
 libertatem ac vitam præsentem perdidit, verùm et-
 iam casus quidam & infortunium (quod in Mori
 familia ad patientiam & fortitudinem viri probā-
 dam Deus fieri permisit) egregiè demonstrauit.
 Quum ex legatione quadam transmarina rediens
 apud Regem domo procul absens ageret, mense
 Augusto, culpa vicini cuiusdam sui, pars quædam
 domus eius & omnia horrea eius atque ea occasio-
 ne vicinorum quædam proximè adiacentia iam
 nouo frumento plena repentino incendio conflag-
 rarunt: Huius calamitatis noua quum mœsta v-
 xor per generi sui literas ei significasset, in hunc
 modum vxori suæ verbis Anglicis respondit, quæ
 nos hic Latina damus.

Domina

Domina Alicia, salutem plurimam. Quum ex genero meo Heron intelligam horrea nostra & quorundam vicinorum cum vniuerso frumento incendio periisse, tamen si (salua Dei voluntate) dolendum sit tantam boni frumenti iacturam accidisse, tamen postquam ita visum est Deo, debemus omnino non solum patienter sed & libenter hanc Dei manum super nos ferre. Quicquid amisimus Dominus dedit. Postquam hoc casu ea nobis eripuit, voluntas eius fiat. Nunquam super hac re murmuremus, sed æquè bonique consulamus, & Deo magnas gratias agamus æquè pro aduersis atque pro secundis. Forte enim maius est Dei beneficium hac iactura, quàm fuisset lucrum. Quid enim nobis expediat, Deo magis quàm nobis est perspectum. Sis ergo, precor, bono animo, & tota assumpta familia ad ecclesiam perge, Deoque gratias age tam de his quæ nobis donauit, quàm quæ nunc abstulit, quæque adhuc nobis reliquit: quæ quidem quum ei visum fuerit, facile augebit. Quod si etiam adhuc plura nobis auferre volet, sicut Domino placebit, ita fiat. Inquiratur, rogo, diligenter quam & quantam iacturam vicini mei subierint; moneanturque ne de eare contristentur. Non enim patiar ut ex aliquo casu domestici infortunii, vicini mei ledantur; etiam si usque ad vnicum cochlear omnia mihi distrahenda forent. Sis obsecro leta in Domino cum liberis meis totaque familia. Da operam ex consilio amicorum quæ demum melius ratione frumenti prauisio fiat quæ alendæ familiæ sufficiat, seminibusque iaciendis in annum proximum, si forte expedire videatur ut anno sequenti agros nostros ipsi colamus. Siue autem ita videatur siue non, expedire non iudico ut statim ab agricultura cessetur, & operariis dimissis prædium elocetur, donec maturius adhuc de toto negotio dispiciatur. Quod si tamen plures iam domi sint operarii quàm qui opus sit, & qui apud novos dominos commode collocari queant, poterunt tales dimitti. Nolim quenquam subito dimitti, exiturum in incertum. Rediens ad Regem ita omnia disponi video, ut verisimile sit me

*In operibus
Anglic. pag.
1419.*

apud suam Maieſt. continuo hæſurum. Nunc autem propter iſtud infortunium, veniam forſan impetrabo proxima hebdomada ad vos redeundi: quo tempore commune conſilio rem iſtam tractabimus. Vale. Ex Aula VVodſſoebii 13. Septembris. an. 1529. Eſt hæc epiſtola hominis plane cordati, de bonis huius mundi parum ſolliciti, boni patrisfamilias, optimi Chriſtiani; qui & Dei voluntati ſe in omnibus cõformat, & de proximorum damnis magis quàm de ſuis ſollicitus eſt. Et vide an non huic patientiæ ſanctæ rerumque terrenarum contemptui ad modum alterius lob, duplicia Dominus cito non reddiderit. Quum enim de hac iactura menſe Septembri noua accepiſſet, & eo modo quo iam vidimus, reſpondiſſet; proximo menſe Octobri, Cancellarius regni renunciatur, & nouam dignitatem accipit, non ſolum vnde vetera horrea reſtaurentur, ſed vnde ſi vellet noua veteribus horrea adiungerentur.

Qualis Paterfamilias fuerit.

C A P. IX.

QVia Thomam Morum virum cõiugatum, virum honoratum, virum rei familiaris ſatis amplæ deſcribimus, non eſt hæc pars cõconomica prætermittenda; ſed qualis in familiam qualis in liberos fuerit, illam quo modo rexit, hos quo modo inſtituerit, diligenter diſpiciẽdum. Sane vt hætenus ciuem egregium, Senatorem prudẽtem, virum doctum, & pium in Moro deſcripſimus, ſic niſi fallor, patremfamilias excellentem, patrem optimum deſcribemus. Ac primum quod ad familiam attinet, eam in genere deſcribit Eraſmus, prout ipſe ſuis oculis viderat, in Anglia ſatis longo tempore dum ageret, & Mori limina ſubinde frequentaret. Eius hic verba ſubiiciam. *Extruxit*

Morus

MORI ad flumē Thameſin haud procul ab vrbe Londino, In ſarragine
 prætorium nec ſordidum nec ad inuidiam vſque magnifi-
 cum, commodum tamen. Illic agit cum intimo ſodalitio,
 vxore, filio, & nuru, tribus filiabus & totidem generis,
 vnā cum nepotibus iam vndecim. Vix alius viuere libero-
 rum amantior, neque ille nescit diſcrimen inter animum
 (qualis tunc vxor erat) & puellam. Sed ea eſt ingenii
 commoditas, imò vt melius dicam, ea eſt pietas ac prudē-
 tia, vt quicquid obuenerit quod corrigi non poſſit, ſic ada-
 met quaſi nihil felicius potuiſſet obtingere. Dicas apud il-
 lum eſſe alteram Platonis Academiam. Sed contumeliam
 facio domui illius, quum eam Platonis Academiæ conſe-
 ro, in qua diſputabatur de numeris ac figuris geometricis;
 interdum de virtutibus moralibus. Hanc domum rectius
 dixeris ſcholā & gymnaſium Chriſtianæ religionis. Nul-
 lus ac nulla illic eſt non vacans liberalibus diſciplinis fru-
 gifer aq; lectioni, tametſi præcipua primaq; pietatis cura
 eſt. Nulla illic rixa, nullum petulantius verbum auditur,
 nemo conſpicitur otioſus. Ac tantam familiæ diſciplinam
 vir ille non ſupercilio iurgiis ve tuetur, ſed comitate ac
 beneuolentia. In officio ſunt omnes: ſed adeſt alacritas,
 nec deeſt ſobria hilaritas. Hæc Eraſmus. Sed quædam
 nos particularia recenſebimus, prout tum in epiſt.
 ad Huttenum ipſe Eraſmus commemorat, tum ab
 eius domeſticis accepimus. Vxorem quum admodum
 puellam duxiſſet, eam & literis inſtruendam curauit, &
 omni muſices genere doctam reddidit. Illa quatuor li-
 beros enixa, ex hac vita ſublata, non ita multo poſt vi-
 dum viduam duxit magis curandæ familiæ, quam volup-
 tati. Quam eſi ad ſenium iam vergentem, ad hoc ani-
 mi minime mollis, poſtremo ad rem attentiſſimam, indu-
 xit, tamen vt ciithara, teſtitudine, monachorda, tibus ca-
 nere diſceret, & in hiſce rebus quotidie præſcriptum
 operæ penſum exigenti marito redderet. Conſimili comi-
 tate totam familiam moderabatur. !
 educatione poſtea. Sed quod ad ſeruulos ac mini-
 ſtros

Ex epiſt. E-
 raſmi.

stros domesticos attrinet, habebat in eo magnam curam, ne (quod in nobilium & honoratorum ædibus, ubi magna est more gentis nostræ stipatorum & fabulantium copia, nimis frequenter contingit) vel otiosè vel ludos inhonestos exercendo, tempus aut perderent aut male collocarent. Quosdam itaque eorum qui cum foris comitabantur, horto colendo præfecit: distributo quasi in regiones horto, ut erat amplius, suaque cuique regione assignata. Quosdam cantare, alios in organis ludere voluit: nullum ne quidem nobilem alea vel chartis ludere permittebat. Castitatis eam curam habebat ut in diuersis habitaculis ministri & ancillæ cubarent, & rarius conuersarentur, nec nisi ob res necessarias fœminæ in eam partem domus prodirent in qua agebant viri. In more habebat singulis noctibus quum domi esset, familiæ suæ bonam partem in Aulam domus conuocare, antequam cubitum iret pariterque cum illis orare; & tres psalmos, omnibus genua flectentibus, recitare. ut, *Miserere mei Deus; Ad te Domine leuaui: Deus misereatur nostri.* His adiunxit, *Salue Regina*, cum collecta: & in fine, *De profundis*, pro defunctis. Hoc etiam Cancellarius regni facere non destitit. Non est passus quenquā suorum diebus festis à diuino officio abesse; & quidem ut principio interessent, fecit. Diebus magis solennibus, Natalis Domini & Resurrectionis, de nocte omnes surgere & toti officio adesse curauit. Quum aliquis suorum peccaret, ita obiurgabat & cum tanta lenitate, ut post obiurgationem magis amaretur. Narrare solebat Margareta Gyge vxor doctoris Clementis, quæ (ut sæpe diximus) vna cū filiabus Mori ab infantia pene educata fuerat, quòd aliquando ex industria Morum offenderit, ut amicissima & suauissima eius frui possit correctione. Bis tantum in tota vita commotus fuisse videbatur.

tur. Curabat singulis annis in feria sexta Parasceue, conuocata tota familia, in ea parte domus quæ nouum ædificium vocabatur, cæteris amplior, Passionem Dominicam, totam per aliquem suorum & is vt plurimum fuit Ioannes Harrisius) cunctis audientibus legi: ipso interdum per modum piæ adhortationis aliqua interponente. Cancellarii munere abdicato, quum omnes famulos duobus duntaxat exceptis dimitteret, singulos vel apud novos dominos bene collocauit, vel alioqui illis probè consultuit. *Quin huius domus* (vt scribit Erasmus) *fatalis quedam videtur felicitas, in qua nemo vixit, qui non prouectus sit ad meliorem fortunam: nullus vnquam vllam fame labem contraxit.* Hæc ille. Ad mensam eius recitabatur aliquid de sacris literis cum commentariis Nicolai Lyrani aut alterius cuiusquam ex veteribus. Legebat aliqua ex filiabus, idque & quum scriptura legeretur } intonando more prorsus ecclesiastico vel potius monastico. Nam & subiiciebatur in fine, vt apud religiosos fit, *Tu autem Domine miserere nostri:* & legebatur quousque daretur signum. Post lectionem quærebat ab aliquo suorum quomodo hic vel ille locus intelligeretur, & fiebat amica quædam & familiaris collatio. Quod si aliquis vir eruditus mensæ adesset & quod frequenter fiebat } in commune cõferebatur de lectione facta. Postea ipse prior excitabat leporem aliquem (in quo erat foelicissimus } & omnes mirè recreabat. Nam & tunc Henricus Patensonus Mori morio suas partes agebat: quem tamen quadriennio ante passionem suam, nempe ex quo factus est Cancellarius, à mensa sua amouit & patri dedit. Quatuor Mori liberi, filius & tres filiæ vnà cum Margareta Gyge per vices legebant in mensa, donec ille uxorem, reliquæ maritos accepissent. Nam tunc sola Gyge legebat. Denique ea cum pietate ac grauitate

*In epist. ad
Vldrichum
Huttenum.*

In operibus
Anglicis pag
1432.

familiam rexit, vt ad eum postea in carcere constitutum filia eius Margareta sic scribat. *Quid esse arbitraris pater charissimè, quod in hac absentia tua nos potissimum consolatur? Certè ipsa vitæ tuæ nobiscum antea & memoria, conuersatio tua sancta, consilia salutaria, exempla virtutum; spes ac fiducia fore vt hæc in te non perseuerent modo sed & augeantur magis diuina astipulante gratia.* Et talis quidem paterfamilias Morus fuit, sic illam rexit.

Quomodo liberos ac nepotes suos educauerit.

CAPVT X.

Schola Mori.

NVnc qualis pater extiterit, quomodo liberos suos vir tantus ac talis instituerit, quantum scire potuimus, dicemus. Certe non aliter quam virum literatissimum & sanctum de-
cui. Prima Mori in liberis suis educandis pietatis, proxima eruditionis cura fuit: ditandi aut in seculo euehendi vel nulla vel minima. *Fuit eius domus,* vt Erasmus rectissime ait, *schola & gymnasium Christianæ religionis.* Quam primum igitur capaces literarum essent vel ipse eos docuit, vel præceptorem domi suæ instituendis liberis locauit. Fuerunt in domo Mori liberorum & nepotum præceptores tres potissimum. Primus erat Ioannes Clemens, postea Doctor Medicus celeberrimus & Græcæ linguæ peritissimus, cuius mentionem facit in principio Vtopiæ suæ vt supra recitauimus. Hic postea Oxonii magna cum laude Græcas literas professus est: de quo sic in epistola ad Erasmum non excusa scribit. *Clemens meus Oxonii proficetur auditorio tanto quanto non ante quisquam. Mirum est quam placeat, ac deametur vniuersis. Quibus bonæ literæ propemodum sunt inuise, tamen illum charum habent, audiunt ac paula-*

Ioan. Clem.
laus.

paulatim mitescunt. Linacer qui neminem, vt scis, temere probat, tamen illius epistolas sic effert atque admiratur, vt ego quoque qui vnice homini fauco, propemodum tamen tam cumulatis laudibus ab illo viro congestis inuideam. Hæc ille Hic Ioannes Clemens varia Græcorum monimenta è Græco in Latinum verterat. Intertalia multas epistolas Gregorii Nazianzeni quæ non extant, & Nicephori Callisti *Συναξαρις* seu homilias super omnes sanctos Græcorum iuxta illorum Calendarium. Quæ duo ab eo viro laboriosissimè & eloquentissimè translata vidi, & versionem vnà cum illo ('sic enim vt facerem me rogauerat) cum textu Græco contuli. In locis difficilioribus vxor eius Margareta & quondam discipula eius cum reliquis Mori filiabus; & quod quis vix credat } maritum iuuit, vt Græcæ dictionis proprietatem assequeretur. Huic Clementi in Schola Mori domestica præceptor successit Gulielmus Gonellus vir doctissimus & qui postea Cantabrigiæ diu vixit, docuit, præfuit. Gonello successit Richardus Hirtius, qui nepotes docuit, filiabus iam in matrimonio collocatis. Inuenio etiam quendam Druum & alium Nicolaum liberorum aut nepotum Mori præceptores fuisse, vt ex epistolis Mori sequentib. patebit. Docebant isti non solum bonas literas, Latinas & Græcas, sed etiam Dialecticam & philosophiam & qua in re per disputationes se exercebāt } mathematica quoque; interdum etiam aliqua sanctorum Patrum scripta vt mox ex epistolis Mori docebo. Linguae Latinæ exercitia erant pene quotidiana, Anglicum in Latinum, Latina in Anglicum vertebant. Scripserat Thom. Morus ad Academiā Oxoniensem p bonis literis quasi Apologiā quandam Latine cuius fragmentū supra posuimus. Hæc per vnā ex familiab. in aliū sermonē Latinū, per alterā in Anglicum cōuersam vidi.

*Præceptores
in schola
Mori.*

Atqui

*Thomæ Mo-
vi progenies.*

Atqui vt lector intelligat & quanto studio in huiusmodi disciplinis liberos suos Morus instituerit, & quare eos sic institui voluerit, epistolam quandā ipsius Mori integram, necdum excusam, ad Gul. Gonellum vnum ex præceptoribus ea de re scriptā, subiiciam; si prius Mori liberos & liberorum proles in domo Mori institutas breuiter enumerauero: vt quos discipulos schola Mori habuerit non secus lector intelligat, quā quos præceptores habuerit, iam intellexit. Habuit Thomas Morus ex priorē coniuge ξ nam ex secunda quam viduam duxit nullos suscepit liberos} filium vnum, Ioannē Morum, filias tres, Margaretā, Elisabethā, Cæciliā: Margaretā nupsit Gulielmō Røpero, qui ex ea suscepit duos filios, Thomā & Antonium: tres filias, Elisabethā, Mariā, Margaretā. Quarum Mariā matris indolem proxime sequuta fœminā fuit doctissima & Reginæ Mariæ pedissequa honoraria. Vertit illā ex Latino in Anglicū illā expositionis partem in passionem Domini quā Thomas Morus Latinē scripserat, ita puro ac eleganti stilo vt difficulter ab aui stilo decernatur. Vertit eadem Eusebii historiam Ecclesiasticā ē Græco in Latinum, sed propter exactiorem Christophorsoni episcopi versionem non prodiit in lucem. Elisabethā secundā Thomæ Mori filiam duxit in vxorem Ioannes Damsæus, & ex ea habuit filios quinque, Ioannem, Thomā, Bartholomæum, Gulielmum, Germanum: filias duas, Aliciam & Elisabethā. Cæciliā tertiam Mori filiam vxorem habuit Aegidius Geron, & ex ea filios duos, Ioannem & Thomā: filiam vnicā, Annā. Ioannes Morus vnicus Thomæ Mori filius Annā Gryfacriā vxorem duxit, ex qua suscepit filios quinque: Thomā, Augustinū, Edouardum, Bartholomæum & alium Thomā: filiam vnā An
nam.

nam. Ex hac numerosa sobole, & de qua non immerito illud psalmi dici potest: *Filii tui sicut novellæ oli-
narum in circuitu mensæ tuæ*) quatuor liberi proprii
& nepotes vndecim Scholam Mori, eo adhuc vi-
uente in ea educati & instituti, continuarunt. Re-
liqui decem & nepotes enim viginti & vnum habu-
it passio Moro nati sunt. vna cum his liberis suis e-
ducauit Margaretam Gyge postea vxorem Ioann.
Clementis. Nunc ad epistolam Mori ad suum Go-
nellum veniamus.

Accepi, mi Gonelle, tuas literas quales esse semper so-
lent, hoc est, elegantissimas, amorisque plenissimas. Ad-
fectum tuum in liberos meos ex tuis literis perspicio, di-
ligentiam ex ipsorum: quorum nemo fuit, cuius epistola
mihi non perplacuerit. Sed illud super omnia quod Elisa-
betha sentio eam morum modestiam absente matre præ-
stitisse quam non quævis præsentente solent. Eam rem fac in-
telligat gratiorem mihi quàm omnes omnium literas esse
mortalium. Nam vt doctrinam quæ cum virtute con-
iuncta sit, vniuersis regum thesauris antepono, ita si mo-
rum probitatem seiunxeris, quid aliud affert fama litera-
rum, quàm celebrem & insignem infamiam? præsertim
in femina, cuius eruditionem, velut rem nouam & viri-
lis ignauie redargutricem plerique libenter inuadent, &
naturæ malitiam transferent in literas: rati ex periti-
um viliis inscitiam suam virtutis vice fore. Quod si con-
tra quæpiam (id quod meas omnes opto, & spero certe te
præceptore, facturæ) egregiis animi virtutibus vel me-
diocrem literarum peritiam adstruxerit, huic ego plus ac-
cessisse veri boni puto, quàm si Cræsi diuitias cum Helenes
forma consequeretur. Non quod ea res gloriæ futura sit,
quanquam ea quoque virtutem velut vmbra corpus com-
mitabitur; sed quod solidius est Sapientiæ præmium,
quàm vt vel cum diuitiis auferri vel cum forma deperi-
re queat: vtpote quod à recti conscientia non ab aliorum
sermone pendeat, quo nihil est neq; stultius neq; pestilen-
tius.

Epist. Tho-
mæ Mori sa-
pientissima
de liberorum
suorum edu-
catione.

Gloriam ex
literis capta-
re quam præ-
posterum.

*Aurea sen-
tentia.*

*Generosa a-
nimi indoles
qua in re cō-
sistat.*

*Qualem phi-
losophiā libe-
ros suos Mo-
rus doceat.*

tius. Nam ut infamiam vitare viri est boni, sic ad fa-
mam se componere non superbi modo verum etiam ridi-
culi miseri que. Necesse est enim animus inquietus sit qui
letitiam inter ac marorem ex aliena semper opinione
fluctuet. At inter egregia illa beneficia quæ doctrina con-
fert hominibus haud aliud hercle duco præstabilius, quàm
quòd ex literis docemur, in perdiscendis literis non lau-
dem spectare sed usum. Quam rem sane (quanquam non-
nulli disciplinis velut cæteris bonis abusi sint in solum glo-
riolæ ac famæ popularis aucupium) doctissimi tamen qui-
que tradiderunt, philosophi præsertim, viæ moderatores
humane. Hæc ego, mi Gonelle, de non appetenda gloria
perscripsi pluribus, propter ea verba quibus in epistola tua
censuisti, in Margareta mea altam illam & excelsam a-
nimi indolem non esse deiciendam. Qua in sententia ipse
quoque tecum, mi Gonelle, consentio. Sed is mihi, non du-
bito quin tibi quoque, deicere videtur animi generosam
indolem, qui quis assuescit vana atque inferna suspicere:
erigere contra quisquis in virtutem ac vera bona consur-
git, quisquis umbras istas bonorum (quas omnes prope
mortales inscitia veri pro bonis veris avidè captant,) sub-
limium contemplatione rerum supernè despexerit. Ego i-
gitur quum hac via pergendum ducerem, non te modo,
mi Gonelle charissime, quem pro eximio tuo in meos o-
mnes adfectu sciebam tuapte sponte facturum; non ux-
orem meam & quam satis impellit multis explorata modis
mihi verè materna pietas sed amicos proisus omnes ora-
ui sepe, uti liberos meos subinde admonerent vitatis ut
fastus & superbiæ præcipitiis, per amena modestiæ
prata graderentur; ne ad auri conspectum obstupesce-
rent; ne sibi deesse suspirent quæ per errorem admiren-
tur in aliis: ne pluri ducant sese nitore cultus addito,
neu quicquam minoris adempto: formam quæ natura in-
sit, neglectu ne corrumpant, neque malis intendant arti-
bus: virtutem primo, literas proximo bonorum loco du-
cant: ex his eas maximè è quibus maximè possint pietatem

sem in Deum, charitatem in omnes, in se modestiam
 & Christianam humilitatem discere. Ita fiet ut inno-
 cue vitæ præmium à Deo referant: cuius expectatione
 certâ nec mortem horreant, & interim solido fruente
 gaudio neque inanibus hominum laudibus insolecant,
 nec iniquo sermone frangantur. Hos ego veros ac genui-
 nos doctrinæ fructus esse censeo: quos ut non omnibus
 fateor literatis contingere, ita qui hoc proposito animum
 ad literas appellant, emergere facile atque in consum-
 matos euadere contenderim. Neque referre arbitror ad
 messem, vir an fœmina sementem fecerit. Quorum
 utrique si hominis vocabulum conveniat, cuius natu-
 ram ratio distinguit à belluis, utrique inquam ex equo
 conuenit peritia literarum qua ratio colitur, & velut ar-
 uum insertis bonorum præceptorum seminibus frugē pro-
 germinat. Quod si muliebri solum suapte sit natura mali-
 gnum & filicum quam frugum feracius (quo dicto multi
 fœminas deterrent à literis) ego contra censeo tanto dili-
 gentius esse muliebri ingenium literis ac disciplinis bonis
 excolendum, quâto naturæ vitium corrigatur industria.
 Hæc censuere veteres viri prudentissimi iidemque san-
 ctissimi. E quibus, ut omittam reliquos, Hieronymus at-
 que Augustinus optimas matronas, honestissimas virgi-
 nes, non hortati modo sunt ad capeffendas literas, verum
 etiam quo facilius promouerent, abstrusos scripturarum
 sensus eis diligenter exposuerunt, ac teneris virgunculis
 scripserunt tanta eruditione resertas epistolas, ut eas nunc
 viri senes & sese doctores sacrarum literarum professi
 vix bene legant, tantum abest ut intelligant. Quæ sancto-
 rum virorum opera, Gonelle doctissime, pro tua bonitate
 curabis ut filioli meæ perdiscant. Vnde potissimum cogno-
 scent; quem doctrinæ suæ scopum debeant destinare, fru-
 ctumq; sui laboris omnem in teste Deo & cōscientia recti
 constituant. Ita fiet ut intus placidæ ac tranquillæ neque
 adulatorum laude moueantur, neque ridetium literas il-
 literatorum mordeantur ineptiis. Sed iam dudum audire
 videor

Literarum
 peritiam fœ-
 minis optime
 conuenire.

Gloriæ fu-
ga ab infātia
instillanda.

Nihil subti-
lius humi-
litate Chri-
stiana.

videor occlamante te hac præcepta etiam si vera sint, esse
tamen fortiora quam tenera mearum capere possit etatu-
la : quando quom est quisque virorum etate grandiu ac
prouectorum disciplinis, qui vsque adeo certus animi at-
que obfirmatus sit, vt nullo gloriæ pruritu titilletur. Ego,
mi Gonelle, quo difficilior video superbiæ pestem excute-
re, eo magis enitendum censeo, vt id quisque statim me-
ditetur ab infātia. Neque aliam causam puto, cur hoc
malum tam ineluctabile pectoribus nostris inhaereat, quā
quod prope simul ac nati sumus, mollibus animulis puero-
rum à nutricibus inseritur, fouetur à magistris, à paren-
tibus alitur atque perficitur; dum nemo quicquam ne bo-
num quidem docet à quo non laudem iubeat protinus ex-
pectare velut hostimentum preciumque virtutis. Inde
laudes diu sueti magnifacere, tandem eò venit, vt dum
pluribus, hoc est peioribus, placere student, bonos esse pu-
descat. Quæ pestis quo longius arceatur à meis liberis, &
tute mi Gonelle, & mater, & ceteri amici omnes occi-
nant, inculcent, obtundant, abiectam ac despuibilem esse
gloriam : nec esse quicquam sublimius, quā sit humilis
illa toties à Christo prædicata modestia : quam prudens
charitas sic præcipiet vt virtutem doceat libentius quam
exprobret vitia, & amorem bonæ monitioni quam odium
conciliet. Neque ad eam rem quicquam est cautius, quā
veterum eis Patrum præcepta legere; quos neque iratos
sibi intelligunt; & quum sanctimonie gratia venerentur,
necesse est vehementer eorum autoritate moueantur.
Cuiusmodi quippiam si præter Salustianam lectionem
Margareta mee & Eilsethe (nam hæ maturiores vi-
dentur quā Ioannes & Cæcilia) prælegeris, & me simul
& illas, iam ante tibi multum addictos, multo adhuc
magis obstrinxeris. Præterea liberos meos naturæ primū
iure charos, ac deinde literis & virtute chariores, efficies
eo doctrinæ ac bonorum incremento morum charissimos.
Vale. In Aula pridie Pentecostes. Hæc est Thomæ Mo-
ri de Institutione liberorum suorum epistola verè
paterna,

paterna, philosophica, Christiana, denique Moro patre digna. Tales patres si multos Respubl. haberet; aut ita suos liberos in fuga gloriolæ, in amore virtutis, in studio bonarum literarum erudirent, non sic regnarent vitia, non sic dominaretur maledicta superbia. Correxerit hic pro sua sapientia Morus in liberis suis communem illum parentum errorem; de quo sic Augustinus in lib. de disciplina Christiana cap 2 *Christiani parentes quum ad scholam filios suos mittunt, dicunt illis. Discite bonas literas. Quare? ut sis homo, id est, ut sis eminens inter homines. At nemo illis dicit; ut habeatis unde legere possitis codices Dominicos. Sed rem perituram, ut cum illa periremus, tanto labore didicimus.* Hæc ille. At non sic Morus ut hæc vnâ epistola manifestè declarat. Studium igitur Thomæ Mori fuit quum frequenter domo procul abesset, Aulam & Regem semper sequutus, & ad suam scholam sæpe scribere, & à suis frequentes literas accipere; hisque reciprocis officiis suorum diligentiam acuere, ingenia exercere, profectum stimulare Subiiciam exempli causa vnâ aut alteram eius hac de re epistolam. Thomas Morus toti Scholæ suæ salutem. *En quod compendium salutationis inueni, quo mihi temporis & chartæ dispendium redimerem, quod alioquin erat in singulorum nominibus recensendis in salutatione subeundum. Quia in re meus labor eo superuacaneus fuerit; quòd quum mihi sitis alius alio nomine chari, quorum nullum in ambitiosa salutatione omitti conueniebat, haud vllò tamen fere quisquam charior quàm scholastico quisque. Adeo me doctrine studiū vobis arctius propemodum quam ipsa sanguinis necessitudo constringit. Gaudeo itaque D. Draum redisse sospitem, de cuius eram (ut scitis) incolumitate sollicitus. Nisi vos tam vehementer amarem, inuiderem plane vobis tantam istam felicitatem, quibus tot & tanti præceptores obtigerunt. Sed D. Nicolaum nunc superesse vobis puto:*

*Epistol. Mori
ad totā scho-
lam suam.*

Ludit in se-
riis.

ita quicquid habet astronomicarum rerum edidicistis. In quibus adeo vos profectos esse audio, ut non iam polare tantum stellam, aut caninam, aut aliud quidvis è gregariis astris, verum etiam (quæ res peritum & absolutum Astrologum postulat) in præcipuis illis ac primariis syderibus, solem dinoscatis à luna. Macte igitur noua ista & admiranda peritia vestra, qua sic conscenditis astra. Quæ dum assidue suspicitis, cogitetis interim sacrum hoc ieiunii tempus admonere vos, atque auribus vestris occinere carmen illud optimum ac sanctissimum Boetii, quo docemini mentem simul in cælum ferre, ne animus Beluarum vita pronus feratur in terram corpore celsius leuato. Valete omnes charissimi. Ex Aula 23. Mart. Ne verò istud scribendi studium, (quo ille quidem vir tantus & negotiis grauissimis semper præpeditus non grauatur ad suorum nœtias descendere, quasi quæ illis colludere, tersè interim & eleganter scribens; illi verò literis elaboratis industriæ suæ quisque specimen exhibebat) rarius cuiquam & casu potius quam consilio factum videatur; alias ad scholam suam Mori literas in lucem {etsi pene corrosas} proferā, quibus de toto hoc scribendi genere, de assiduitate, de inuentione, de dispositione in literis tenenda, diligenter suos monet, hortatur, docet.

Thomas Morus charissimis liberis suis ac Margaretæ Gyge quam inter suos numerat liberos S.P.D.

Epistola ad
omnes suos
liberos

Literas vestras Bristoliensis ille mercator postridie quam à vobis tulit, ad me pertulit, quibus vehementer sum delectatus. Nihil enim ab illa vestra proficisci potest officina, quantumvis rude sit, quantumvis illaboratum, quin mihi plus voluptatis adferat quam quicquid scripserit alius accuratissimum. Ita meus in vos adfectus vestra mihi scripta commendat. Quanquam & citra illam

merito

merito placere possint suis aestimata virtutibus, lepore videlicet ac pura Latinitate sermonis. Itaque nulla fuit epistolarum vestrarum quæ mihi non perplacuerit. Sed tamen ut ingenuè dicam quod sentio, præcipuè mihi arriserunt Ioannis literæ, tū quod erant longiores reliquis, tū quod in eas plusculū laboris ac studii videtur impendisse. Nā nō solum bellè depinxit, & castigatè satis est elocutus omnia, verum suauiter etiam & non ineptè ludit mecum, meosq; iocos non inconcinne ret aliat: nec id amens solum sed etiam temperanter: quo se declaret memorem esse se cum Patre ludere, quem ita studeat oblectare, ut tamen vereatur offendere. Nunc expecto à singulis in singulos ferme dies epistolas. Nec excusationes has accipiam, si qua vestrum (nam Ioannes nihil tale solet prætexere) vel temporis angustiam causabitur, vel præcipitem discessum sive scribentabellarii, vel argumenti inopiam. Nam vobis adeo nullus obstat scribentibus, ut etiam inhortentur omnes. Tabellarium verò ne quid remoremmini, an non præuenire licet? biduoque ante peraratas atque obsignatas in promptu habere literas, quam offerat se vobis quisquam qui afferat? Materia porro quo pacto deesse vnquam poterit quam scribatis ad me: cui vel de studiis vestris vel de ludis audire libet: cui vel tum placebitis maxime, si quum nihil est quod scribatur, id ipsum scribatis effusissimè: quo nihil est facilius vobis, præsertim fœminis, nempe natura loquaculis, & quibus assiduè.

Ioannis Mori ingenium paterno simile.

Hortatur ad tempus angustiam causabitur, vel præcipitem discessum sive scribentabellarii, vel argumenti inopiam. Nam vobis adeo nullum.

Maxima de nihilo nascitur historia.

Verum hoc vnum moneo seu scripseritis, seu meracissimas nugas, omnia tamen diligenter & meditatè scribi volo. Neque nocuerit si primum Britannica lingua scribatis omnia, quæ postea multo commodius multoq; minore labore transferetis in Latinam, dum animus ab inueniendi studio liber, solo intendet eloquio. Quamquam ut illud arbitrii vestri facio, sic istud omnib. modis iniungo, ut quicquid effeceritis, id priusquā exscribatis in mundū,

Præceptorè agit.

diligenter examinetis ; primumque dato ordine considerate sententiam : deinde singulas partes excutatis. Ita fiet ut si qui vobis exciderint solacismi, facile deprehendatis : quibus expunctis , & tota epistola de integro exscripta, tamen rursus examinare ne pigeat. Nam solent interdum dum rescribimus vitia quæ deleueramus irrepere. Hac diligentia effeceritis breui ut vel nuge vestre seria videantur. Nam ut nihil est tam concinne falsum quod non reddat insipidum futilis ac securæ loquacitas, ita nihil suapte natura tam insulsum quin meditando facile gratia & lepore condias. Valete liberi dulcissimi. Ex Aula 3. Septembris.

Ostendit facile hæc Mori epistola, quàm accurate & diligenter quàm sollicitè & studiosè suos liberos in bonis literis earumque assiduis exercitiis instituerit. Non verbis hortatur modo ut pater, sed docet ut præceptor, suis quoque elegantissimis epistolis facem illis præfert, ut exemplo extimulet : & præstet ipse primus quod suos præstare tam ardentè concupiscit. Enimvero sic hanc rem cordi habuit, sic suorum sanctæ & eruditæ institutioni aduigilauit, ut quum paulo remissius, aut certè nõ ex animi sui voto res illa procederet, statuerit Aulam ipsam negotiaque publica potius deserere, quàm familiæ & liberorum suorum institutioni, qualem desiderabat, parum consultum esse. Sic enim scribit ad Margaretam filiam suam vnicè dilectam. Iucunda mihi fuerunt literæ tuæ, Margareta charissima, quæ me de Shai statu reddidere certiore : iucundiores futuræ si mihi tua fratrisque tui studia recensuissent : quid quoque die legitur inter vos, quam iucundè confertis, quæ componitis, & inter dulcissimos literarum fructus transigitis diem. Etenim quanquam nihil mihi iucundum esse non potest quod scribis tu, tamen ista sunt mellitissima quæ nisi à te fratreque tuo ad me perscribi non possunt. Et sub finem epistolæ. Quæso te Margareta fac de studiis

diis vestris quid sit intelligam. Nam ego potius quam meos patiar inertia torpescere, profecto cum aliquo fortunarum mearum dispendio valedicens aliis curis ac negotiis, intendam liberis meis & familia. Quos inter nihil est mihi te dulcissima filia charius. Vale. Talis ille ac tam sollicitus suorum pater ac paterfamilias erat. Nam ex suorum diligentia & industria quantam animo voluptatem ceperit, quàm mirè oblectatus fuerit, quantam in ea re sola foelicitatis præsentis partem posuerit, quàm effusè eos bene rem gerentes laudauerit, ex vna adhuc alia epistola ad filias suas omnes conscripta apparebit: quam hic propterea integram subiicio.

Liberorū educationē omnibus aliis negotiis anteponit.

Thomas Morus Margareta, Elisabetha, Cacilia dulcissimis natis, & Margareta Gyge haud secus ac si nata esset, chara S.P.D.

Satis explicare non possum, puellæ iucundissimæ, quam Epistola ad vehementer mihi placeant elegantes epistolæ vestre: nec filias omnes illud minus quòd video vos in itinere quanquam subinde laudatoria. loca mutant, nihil tamen omisisse consuetudinis vestre, siue in dialecticis exercitationibus, siue in consiciendis declamationibus, siue componendis carminibus. Iam plane mihi persuadeo vobis ut par est, charum esse me, quando absentis tantam rationem vos habere video ut ea certatim agatis quæ præsenti scitis voluptati fore. Quem ego animum erga me vestrum ut mihi iucundissimum esse sentio, sic efficiam reuersus ut eundem vobis sentiat utilem. Nam hoc habete persuasissimum nihil esse quicquam quod me inter hæc molestia negotia magis reficit, quàm quum ea lego quæ proficiuntur à vobis. Quibus vera esse illa perspicio quæ præceptor vester amantissimus vestri tam amanter scribit de vobis, ut nisi literæ vestre studium erga literas egregium declararent, videri pos-

ut possit amori potius indulgisse quam veritati. Nunc vero ex his quæ scribis fidem illi conciliatis, ut ea credam esse vera quæ propemodum supra fidem iactat, quam pulchre & quam acutè differitis. Itaque gestit animus domum recurrere, ut discipulum nostrum componamus audiamusque vobiscum: qui paulo segnior est hac in re, quod desperare non potest quin vos inuenturus sit citra præceptoris prædicatione subsistere. Quas ego spem concipio (ut noni pertinaces esse vos) præceptorem ipsum breui si non differendo, certe litem non deferendo superaturas. Valete puellæ charissimæ.

Schola Mori
ab exteris
laudata.

Docet hæc Mori epistola, & quantum eius schola profecerit, & quam præclara planeque Academica exercitia habuerit, & quam ille studiosè hanc rem curauerit, denique quanta animi lætitia suorum studia ac profectus acceperit. In gratiam huius scholæ Morianæ Erasmus, Ouidii nucem scholiis illustravit eique dedicavit. De hac schola honorificam mentionem facit Ludouicus Viues in sua Institutione Principis ad Catharinam Castellæ Angliæ reginam. Denique Ioanni Moro, Thomæ Mori filio vnico, tum Erasmus Aristotelem Græcum, tum Simon Grynæus Platonem Græcum, tanquam iuueni Græcè doctissimo & philosophicis præceptis imbuto, dedicavit. Ex eorum epistolis dedicatoriis quædam supra posuimus. Sed & quædam alia ad hunc locum magis proprie spectantia ex epistola Simonis Grynæi ad Ioannem Morum adiiciam. Ad te (inquit) quum iure paternarum virtutum, omnium beneficiorum fructus redeat, magna necessitas fuit, cur hos Procli libros miranda doctrina refertos, nostra quidem opera sed beneficio tuorum, in lucem prodeuntes tibi potissimum dedicarem. Tum quod ipsis quidem ornamento te, hos contra maximo tibi vsui futuros sperabam, quem perpetua tanti patris consuetudine, & sororum omni doctrinæ genere ex-

cultis-

eulitissimarum conuictu, ad istas iam grauiores disputationes satis instructum scirem. Quid autem cupidis natura Grynæus de pulcherrimarum rerum mentibus (tibi inquam & musis schola Mori, istis sororibus, quas diuinus animi calor, nouo sæculi nostri exemplo, tam procul, tam feliciter in istud literarum perlagus egit, ut iam discendi philosophandique difficultatem nullam supra se esse videant) accommodus magis sit quàm is author, quo nemo implicatas res melius producere; profundas penitus inspicere, amplas & copiosas facilius animo complecti potuit? Hæc Grynæus in epistola dedicatoria Platoni Græco præfixa ad Ioannem Morū vnicum Mori nostri filium. Adiungam postremo loco vnam ad Margaretam suam epistolam amoris plenissimam; in qua indulgentissimum patris affectum mira suauitate expressit.

Nimium tu pudenter & timide mea Margareta pecuniam petis & à patre qui dare cupit, & quando talis epistola salutasti, cuius ego non singulos versus singulis Philippis aureis (quod in Cherilo fecit Alexander) sed sis facultas esset animo meo par, singulas syllabas vnciis auri binis compensarem. Nunc vero quantum poposcisti mitto, plus additurus, nisi quemadmodum dare gestio, sic & rogari me & blandiri mihi liberet à filia: abs te præsertim quam virtus & literæ faciunt animo meo charissimam. Itaque hanc pecuniam quanto citius bene, quod soles, impenderis, quanto citius pro noua recurreris, tanto magis te scito gratificaturum patri. Vale charissima filia. Sed de hac Margareta scorsim nobis aliquid & specialius dicendum est.

Epistola Mori ad Margaretam filiam

DE MARGARETA ROPERA THOMÆ

Mori filia:

CAPVT XI.

Quum scriptura dicat, filius sapiens letificat patrem, antequam hanc partem abrumpamus in qua, qualis pater Morus fuit describimus, de vna

S 4

eius

eius prole dicemus quæ sapientissimum patrem ipsa sapiens quantum lætificauerit, quantum subtili patre profecerit; ex nonnullis ipsius patris ad illam epistolis, & stili venustate { vt omnia Mori sunt } & rei nouitate lectu iucundissimis, perspicuū faciemus. Ex illis enim perspicemus quantos in bonis literis aliisque disciplinis vna eius filia { quod in sexu illo vix credibile est } progressus fecerit. Vnde etiam facile constabit, quæ fuerit cæterorum omnium & quam scælix educatio. De cæteris enim non ideo nihil dicimus, quia nihil dicendum erat, sed quia ad notitiam nostram quod diceretur non peruenit. Sed de Margareta filia eius natu maxima Guljelmo Ropero viro grauissimo nupta quasdam Thomæ Mori literas repperi ex quibus qualis illa fuerit, obuium fuit cognoscere. Hæc Margareta liberorum natu maxima præter omnes alias Mori proles & statura corporis, & forma, & voce, & ingenio, & tota indole proximè ad patrem accedebat. Composuit Græcè Latineque, soluta & pedestri oratione elegantissimè. Vidi ego duas eius declamationes Latinas exercitii causa scriptas, quæ vt stilo quidem ornatae & facundæ erant, sic inuentione non ita multum patri cedebant. Et altera quidem declamatio quum Anglicè primum scripta esset, ab utroque Latine versa, à patre & filia ea elegancia ab utroque vertitur vt nescias vtra alteri sit præferenda. Certe quum Thomas 4. orus librum suum de 4. nouissimis scriberet, dedit idem argumentum Margaretæ tractandum: quod quum fecisset, affirmabat sanctè filiæ tractatum nulla ex parte suo esse inferiorem: vt profecto quod fuerat S. Augustino suus Adeodatus, cuius ingenium admirabile satis mirari non potuit, hoc fuerit Moro sua Margareta. De hac Margareta sic in suis ad Vincentium Lyrenensem commentariis vir doctissimus

Etissimus Ioannes Costerius scribit. *Quum Clement*
medicinæ Doctor natione Anglus, vir ornatissimus at
Græcarum literarum peritissimus, mecum subinde pro sua
humanitate de literis conferret, atque harum occasione
multa de præclarissimi viri Thomæ Mori, quo familiari-
ter dum viueret, vsus erat, humanitate, pietate, pruden-
tia, ac eruditione diceret, meminit quoque subinde Mar-
garetæ Mori filia cuius ingenium atque doctrinam miri-
ficè prædicabat. Vt autem cognoscas, inquit, vera esse quæ
dico, adferam tibi ex Cipriano locum de prauatum admo-
dum, quem illa citra exemplaris subsidium sola ingenii
sui felicitate restituit. Erat autem hæc sententia. Absit
enim ab ecclesia Romana vigorem suum tam prophana
facilitate dimittere, & nisi vos seueritatis, euersa fidei
maiestate dissoluere. Hunc locum ita corruptum vt
nihil ex eo colligi queat, sic restituit Margareta vt
diceret, pro eo quod ibi legimus, nisi vos seueritatis,
reponendum esse, nervos seueritatis: quo posito inte-
grum & apertum sensum sententia habet. hoc mo-
do. Absit ab ecclesia Romana vigorem suum tam prophana
facilitate dimittere, & nervos seueritatis euersa fidei
maiestate dissoluere. Hanc huius loci restitutionem
à Margareta factam agnoscit Iacobus Pamelius in
suis in Cyprianum annotationibus ad locum cita-
tum. Ad hanc Margaretam extat vna Erasmi epi-
stola in farragiæ epistolarum eius lib. 26. an. 1529.
scripta tanquam ad sceminam non moribus tantū
lectissimam sed & literis ac eruditione præstantem.
Hæc sola ex liberis Margareta patrem in carcere
adeundi facultatem à Rege obtinuit, hoc videlicet
astu. Scripserat ad patrem { vt erat ingeniosa } lite-
ras quibus eam hortari videbatur, ad Regis volun-
tatem animum vt inflecteret atque conformaret
suum, non quod ita sentiret & vt quæ sola omnium
eius consiliorum optimè conscia erat } sed vt illis
literis per custodem à senatu inspectis (vt plærunq;
hebat }

Apud Cyp.
lib. 2. epist. 7
iuxta Pamel
epist. 31.

siebat) liberam accedendi patrem à senatu potestatem acciperet, quasi quæ eum ad Regis voluntati obsequendum inducere vellet: Hoc astu satis longo tempore liberè accedebat: Hoc accessu negato, frequenter hæc ad patrem scribebat & à patre literas frequentius acceperit: Cæterum de huius erga patrem officiis plura postea suo loco. Nunc (quod cæpimus) quos fructus in re literaria fecerit, ex patris literis ostendemus. Antea retulimus quantum epistola eius quædam Latina Reginaldo Polo placuerit qui forte tunc Moro aderat quum traderetur. Nunc in eadem epistola quæ proxime sequuntur adiungam. Quæ sane huiusmodi sunt, vt si nullum aliud Mori testimonium haberemus de huius filix suæ excellenti eruditione, hoc vnum abunde sufficeret. Sic in ea epistola post verba superius citata scribit. Ego vero interea reputabam mecum quam id nimium verum esse comperiebam quod aliquando memini dixisse quasi per iocum tibi, quum id in tua fortuna miserebam quod ignoratio veri nonnihil esset de meritis vigiliarum tuarum laude detractura, suspicantibus qui tua lecturi forent in labores tuos aliene aliquid operæ insparsum atque impensum esse: quum tu vna omnium minime digna sis de cuius laude debeat aliquid tali suspitione decedere: quæ ne tantilla quidem vnde quam sustinere potuisti vt te alienis plumis ornares. Sed tu Margareta dulcissima longe magis eo nomine laudanda es, quod quum solidam laboris tui laudem sperare non potes, nihilo tamen minus pergis cum egregia ista virtute tua cultiores literas & bonarum artium studia coniungere; & conscientie tue fructu & voluptate contenta, à populo famam pro tua modestia nec aucuperis, nec oblatam libenter velis amplecti: sed pro proximâ pietate qua nos prosequeris satis amplum frequensque legenti tibi theatrum sumus, maritus tuus & ego: qui vicissim tibi quam maximo possumus affectu comprecamur faustum istum

*Eruditio
Margareta
qualem posteritas non
credat.*

istum ac facilem partum quem tibi tam cito scribis instare: quo faxit Deus ac Dina Virgo vt leniter ac feliciter enixa prole familiam augeas matri per omnia præter sexum similima: quanquam vel femella certe; modo quæ sit eiusmodi vt quod sexus ei conditione deteritur, id olim aliquando studeat maternæ virtutis & eruditionis æmulatione rependere. Nam ego certe puellam talem pueris tribus prætulerim. Vale dulcissima filia.

Ex hac sane epistola liquet Margaretam non vulgariter eruditam aut mediocriter literatam fuisse, sed ea scribendo elaborasse quæ in lucem emitti & omnibus communicari merebantur: etsi vel sexus pudor, vel animi modestia, vel ipsa rei vix credenda nouitas & vt hic Morus insinuat) vt id aliquando fieret, non permisit. Quod si vero quis quam patris tantum de filia iudicium, cui amor forte impesuerit, hoc esse existimet & quanquam in tali viro quis hoc suspicetur?) recolat quæ superius de doctissimi tunc iuuenis Reginaldi Poli eadem aut etiam maiora sentientis iudicio, ex alia occasione in hunc commentarium intulimus: cui etiam si minor forte fides habeatur, alias hic Mori literas proferemus, ex quibus quale de Margaretæ literis, stilo, eruditione iudicium, doctissimus quidam Angliæ episcopus expresserit, quam sententiam tulerit, quantam admirationem habuerit, apparebit.

Thomas Morus Margareta filia sua charissima S.P.D.

Epistola tua dulcissima filia qua me voluptate perfunderit, supersedebo dicere. Poteris opinor plenius estimare quam impensè placuerit patri, quum intelliges quos affectus excitarit alieno. Sedere mihi contigit hoc vespere cū R.P. Ioāne episcopo Exoniæ viro & literatissimo & omnium confessione integerrimo; quum inter consa-
bulandum

**Episcopus
Margaretæ
eloquentiam
admiratur
& laudat.**

bulandum ut sit schedulam quandam que faciebat ad rem è loculo meo depromerem, epistolam tuam extraxi casu. Delectatus manu cepit inspicere: ubi ex salutatione deprehendit esse mulieris, legere cepit avidius. Sic enim inuitabat nouitas. Sed quum legisset & (quod nisi me affirmante non erat crediturum) tuam ipsius manum esse didicisset, epistolam ut nihil dicam amplius talem: (quantum cur non dicam quod dixit ille) tam Latinam, tam emendatam, tam eruditam, tam dulcibus refertam affectibus, vehementer admiratus est. Id quum sentirem, protuli declamationem. Eam verò legens & simul carmina, re tam insperata sic est affectus, ut ipse vultus hominis minimè fucati facile planum faceret, animum eius verba, quantum in tuas laudes effusa, longe superare. Protinus exemit è loculo nummum aureum Portugalensem, quem his inclusum literis accipies. Eum quin me reciperem ad te missurum pro signo ac monimento animi erga te sui, nullo modo quini declinare; quantum id omnibus profecto modis conabar. Ea res impedimento fuit ne ceterarum etiam literas ostenderem. Verebar enim ne videri possem in id ostendisse, ut simili in ceteras quoque benignitate vteretur; qua ego vel in te usum esse molestè ferebam. Sed est, ut dixi, talis ut ei placuisse felicitas sit. Scribe ad eum gratias accuratè, & literas quam potes elegantissimas. Gaudebis aliquando tali viro placuisse. Vale. Ex Aula xj. die Septembris fere media nocte. Debuit profecto singularis fuisse huius Margaretæ eloquentia, eruditio, indoles, quam tantopere talis episcopus non verbo tantum laudare, sed & amplo munere cohonestare voluit. Est penes me declamatio quædam huius Margaretæ eloquentissima & ingeniosa admodum, omnibusque veri oratoris numeris absoluta, qua Quintilianum imitata vel æmulata potius respondet illi eius orationi quæ est de pauperis apibus in horto diuitis veneno floribus asperso necatis. Pauperis causam defendit

fendit Quintilianus. Diuitis ruetur Margarēta. Quæ sane causa quanto ad defendendum difficilior, tanto ars & eloquentia Margaretæ excellentior videri debet. Nisi prolixitatis hic tædium aut nimiam à proposita Thomæ Mori vita digressionem metuerem, vtramque declamationem Quintiliani & Margaretæ vel hoc loco vel huic operi subiecissem. Nunc vt alias Mori literas prætermitteram, in quibus supra quam dici potest Margaretam suam eruditionis nomine laudat, quæ tamen conditione minor erat quàm cui adulari, ætate tunc maior quàm cui adblandiri, charior quàm cui illudere, pater & talis pater voluerit) vt non illas proferam in quibus de carminibus Margaretæ suæ ait se singulos eius versus non singulis Philippicis aureis quod in Cherilo fecit Alexander, sed si facultas esset animo par, singulas syllabas vncius aureis binis compensaturū; denique vt cæteras omnes prolixitatis vitæ causæ, quæ supra opinionem meam excreuit, intactas relinquam, vnicas amplius transcribam, sed certe tales quæ & admirabile Margaretæ ingenium & varium ac multiplex scholæ suæ exercitium magis adhuc & magis ob oculos lectoris ponent.

Thomas Morus Marg. filia dulcissima S.P.D.

Non erat causæ quicquam dulcissima filia cur vnum diem scribere distulisses, quod tibi nimis diffusa vereris, ne non eius generis tuæ forent epistolæ quæ cura nauseam nobis legerentur. Etenim si non emendatissima prodirent, tamen & sexus honor à quouis impetraret veniam, & patri solet in liberorum facie vel naui videri formosus. Nunc vero istæ, mea Margarēta, tuæ tam elegantes, tam politæ, adeo nihil habebant quamobrem formidare debebant parentis indulgentissimum iudicium, vt Momi quoque censuram contemnere quantumvis irati possent.

sent. Quod Nicolaus & amantissimus nostri & astrologiarum rerum peritissimus, iterum vobis celestium corporum sphaeram auspiciatus est, & illi gratias ago & vobis istam gratulor felicitatem; quibus intra unum mensem continget minimo labore pernoscere tot & tam sublimia Opificis aeterni miracula, quae tam multa tam praeclara fereque supra mortalium sortem ingenia, tot sudoribus & studiis, imò tot algoribus & sub dio pervigilatis noctibus multarum etatum decursu repererunt. Placet igitur illud vehementer mihi quod te decreuisse tecum scribis, tam diligenter philosophiae nunc incumbere; ut quod antehac per negligentiam periit tibi, imposte- rum diligentia refarcias. Ego certe Margareta charissima, quum nunquam te cessasse deprehenderim, imo progressum gnauiter eruditio ista tua minime vulgaris, sed ferme per omne literarum genus absoluta praedicet, velut eximia in te modestiae specimen amplector, quòd desidiam potius accusare falso maluisti, quàm verè iactare diligentiam. Nisi tua fortassis isthuc spectet oratio, tam sedulo posthac incubituram te, ut praeteriti temporis industria, quamquam & illa fuit egregia, tamen si cum futura compareretur, videri possit ignauia. Quòd si ita, mea Margareta, sentis, (id quod plane te sentire puto) nihil reor posse contingere aut animo meo iucundius, aut tibi dulcissima nata felicius. Etenim ut totam ferme vitam reliquam vehementer opto te in rem medicam & literas sacras impendere, quo nusquam tibi desint ad humanam vitae scopum adminicula (nempe ut sit mens sana in corpore sano) quarum literarum & aliqua iam fundamenta iecisti, & nunquam deerit superstruendi facultas; ita primos aliquot annos efflorescentis adhuc aetatis, existimens in humanis literis & liberalibus quas vocant disciplinis, magno cum fructu collocari posse: quum quod haec aetas commodissime potest per eas difficultates eluctari; tum quòd incertum est, an alias vnquam futura sit praceptoris tam seduli, tam amanti, tam eruditi copia: ut interim

taceam

In omni li-
terarum gene-
re versata
fuit Marga-
reta.

taceam quòd ab his literis vel paratur, vel certe iuuatur iudicium. Liberet mea Margareta mihi diu tecum his de rebus colloqui: sed ecce subito nos interpellant auocantque hi qui iam iam cenam inferunt; mihi certe, nisi aliorum esset habenda ratio, multò minus suauem quàm hoc colloquium tecum. Vale charissima filia, & coniugem tuum filium mihi dulcissimum meo nomine saluta: qui quod eadem iam tecum legit, dici non potest quàm vehementer exulto. Iam qui semper tibi suadere soleo vt omnibus in rebus marito cederes, contra potestatem facio vt in pernoscenda sphaera maritum superare contèdas. Iterum vale, & totum saluta sodaliuū, sed præceptorem in primis. Atque ex his hætenus faciliè perspicere lector poterit, qualis erga liberos suos pater fuerit, quanta sedulitate, quibus in studiis, quanto cum affectu & perficiendi desiderio eoque non plane vano (vt in vna apparet Margareta) eos instituerit Thomas Morus.

APOPTHHEGMATA, SAPIENTER ET PIE dicta Thomæ Mori.

CAPUT XII.

Thomam Morum virum doctum, magni ingenii, pium ac religiosum in primis fuisse, ex iis quæ iam commemorauimus facile lector deprehendet. Cæterum vt eius ingenii, doctrinæ, pietatis, fructus aliquis in hac eius vita describenda ad Latinum lectorem accedat, vtque ea qualia in Moro fuerint, non communibus tantum argumentis, sed propriis & ad oculum demonstretur, quasi que digito palpandum præbeat, proferam hoc loco varia eius apophthegmata, sapienter aut pie dicta, Similia quoque ex Anglicis eius operibus à me obiter collecta: nō sane omnia quæ maiori forte studio colligi poterāt, sed quæ mihi ea nunc percus-

percurrenti occurrere potuerunt. Existimaui enim istud non ad Mori tantum commendationem facere, sed {quod magis spectabam} ad lectoris utilitatem, & ædificationem facere posse. Neque insolens est in magnis aut sanctis viris describendis eorum præclara dicta & *γνώμης* recensere. Sermo enim indicat hominem, & ex abundantia cordis os loquitur. Illa igitur sine vlla connexionione aut ordine (neque enim illud hic locus postulat) notatis tantum ex volumine Anglico locis subiungam.

Pag. 73.
Vulgi iudicium.

Ac primum ex libro de quatuor nouissimis. *Ne existimes iucundum esse, quicquid insani homines ridentes faciunt. Nam & phreneticum videas, quum caput parieti strenuo impingit, affatim ridere.* Hoc de vulgi iudicio & opinione dicebat, à qua pendere stultissimum duxit.

Pag. 74.
Spiritualia cur non placent.

Peccator spirituales voluptates ideo gustare non potest, quia abiicienda prius carnalis est. Rationem reddit cur multi nullum in oratione aut diuino cultu gustum inueniunt. Cur mortem pauci recogitant neque formidant, hoc simili docuit.

Pag. 79.
Mortis memoria.

Vt qui eminus aliquid videt, confusè videt, nesciens homo ne an arbor sit; sic qui vitam sibi longam promittens, mortem quasi eminus & longissimè adhuc à se distantem respicit; ille eam qualis sit, quàm terribilis & acerba, & horrenda, quos angores, quæ pericula adfert, non videt.

Pag. 82.
Perpetua mortis expectatio.

Vt in nulla ætate aliquis sibi longam vitam promitteret, hac hypotyposi suasit. Sicut qui è carcere ad patibulum ducitur, quo due quidem viæ ducunt, una per circuitum longa, alia recta & breuis, sed vtræque ad patibulum ducto ignoratur, donec ad exitum ventum sit; nō habet exiens vnde longiorem sibi promittat propter alterius viæ incertam longitudinem, sic iuuenis non potest longiorem sibi vitam promittere quàm senex. Nempe statuit {quod res est} omnem hominem propter peccatum originale nasci ad patibulum mortis damnatum: ad quod per circuitum senex, per diame-

trum

trum iuuenis tendit: sed neuter suam viam nouit donec mors veniat. Contra vanitatem honoris mundani dicebat. Sicut vanissimus ille facinorosus ha-

Pag. 84.

beretur, qui è carcere ad patibulum ducendus in carceris vestibulo aut valuis nobilitatis suæ insignia collocaret; sic vani sunt omnes peccatores terræ qui in hoc mundi carcere magno studio honoris & dignitatis monimenta relinquunt. Ne quis in superfluatorum iactura se læ-

Pag. 91.

di existimet, hoc dilemmate utebatur. Qui rerum iacturam patitur, bona quæ amisit vel laudabiliter expendere voluit, & Deus voluntatem pro facto habet; vel ne-

Pag. 92.

quiter absumere; & est quod gaudeat materiam peccati sublatam esse. Vt stultitiam auari maxime senis ad viuum exprimeret, hunc apologum finxit. Latrunculus accepta in crastinum mortis sententia, precedenti die furatur. Causam rogatus respondit, quia vel vna no-

cte eius pecuniæ dominum esse, magna ei voluptas fuit. Sic auarus senex etiam in decrepita etate cumulum augere non desinit. Hæc in illo imperfecto opusculo,

cuius si quod intercidit inuenrum fuisset, multo haud dubie plura sapientiæ suæ & ingenii documenta in illo pio opere Morus reliquisset. Stultitiam atque adeo insaniam eorum qui thesauris pec-

uniæ reconditis oblectantur, hac comparatione egregie expressit. Scribit in persona animarum defunctorum, & in purgatorio existentium, in libello supplici earundem de quo supra diximus. Nos, in-

quit, hic in purgatorio constituti, quum auri & argenti sacculos quos olim in seculo recondidimus, recordamur, non secus stultitiam illam nostram etiam cum stomacho ridemus atque damnamus, quam olim viri risimus sac-

culos nostros cerascis lapillis plenos, quos forte dum pueri essemus magno studio in nescio quo domus angulo re-

posueramus, posteaque viri facti casu inueneramus. Si-

T mos re-

mos reconditos videmus & damnamus. Nunc ex libris de consolatione in aduersis, consimilia proferemus. Ne aduersis quis perturbaretur, hoc graue documentum quasiq; paradoxon posuit. *Tam caca est mortaliū mens & futuri incerta, tam etiā in suis affectibus inconstans & mutabilis, vt vix acerbius hominem Deus punire posset, quā si ei omnia ex animi voto & sententia succedere pateretur.* Præsentis tribulationis fructū hac erudita partitione demonstrauit. *In inferno omnis pœna per modū iustæ vindicationis tantū infertur, quia purgationis ille locus non est. In purgatorio omnis pœna purgat tantum, quia merendi locus ille non est. In hac vita omnis pœna & purgare potest peccatorē, & meritum adferre iusto, quia vtriusq; locus hac vita est.* Eorum vanitatem qui hanc vitā ociosē aut vanē trāsigunt hoc simili expressit. *Qui hoc peregrinationis tempore ocio & voluptati indulgent, similes ei sunt qui domū uer faciens, ubi omnibus rebus abundaret, in aliquo diuersorio in gratiam cauponis stabularius esse vellet; vitamq; in stabulo finire.* Nempe in regnum cœlorum tendimus; sed interim vt congerione aliquo aut amiculo fruamur, terrenis inheremus. Contra ignauos & molles animarum curatores hac egregia hypotyposi utebatur. *Sicut astuta mater tenerum parvulum qui nimium diu in lecto stertinit, & iturus ad scholam plorat virgam metuens, blandis verbis & promissis emittit, omnia ei salua promittens, vel quia tam seruū non est, vel quia præceptor hac vice indulgebii, nec quam pœnam in schola luat pensi habet modo hilari vultu cum subtraxero eum à se dimittat, sic multi animarum curatores diuitibus & voluptuosis placencia loquuntur, ad mortē properantes, & à pœnis infernalibus sibi metuētes vanaspe lactant, omniaq; salua promittunt; vel quia non ita grauitè Deum offenderunt, vel quia misericors Deus facile indulgebit: nec quas postea in inferno pœnas luāt quicquam curant, modò eos in hac vita non contristent, sed be-*

neficos

Lib. 1. c. 6.

Lib. 1. cap. 12
Tribulationis
fructus.

Lib. 1. c. 13.

Voluptuario
rum error.

Lib. 1. c. 14.

Pastores pla-
centia lo-
quentes.

Deſectos & liberales erga ſe ſentiant. Volens declarare
utra fortuna magis ab orando Deum hominem a-
uocet, aduerſa ne an ſecunda, hoc diſcrimen ponit.
Impium quidem hominem tam in proſperis voluptas, quā Lib. 1. c. 19.
in aduerſis afflictio ab oratione reuocat. Hoc tamē diſcri-
men eſt quod afflictio etiam ab impiſſimo aliquam inter-
dum oratiunculam extorquet; voluptas autem etiam me-
diocriter bonum ab omni oratione auocat. Contra im-
pœnitentes, & uſque ad vitę finem emendationem
procraftinantes, hanc ſeu rem fictam ſeu rem geſtā
narrat. Impœnitens nequam qui per totam vitam ſcele- Lib. 2. c. 5.
ratē vivebat, iactitare ſolebat ſe in ultimo articulo tribus Sera pœni-
tantum verbis recitaſis, ſaluum fore. Hic tandem necdū tia.
adeo ſenex, equo pontem diffractum tranſiens, titubante
equo, quum illum erigere conaretur nec poſſet, ſed neceſſa-
rio ſibi in aquas præcipitem cadendum videret, laxatis
habeis cadens exclamat, Capiat omnia dæmon: atque cū
tribus ſuis verbis immerſus periit. Inter verā & fallā
viſionem hoc diſcrimen poſuit. Qui vera viſione per- Lib. 2. c. 16.
ſuadetur, & qui falſa illuditur, ſic differunt ſicut vigilās
à ſomniaute. Eorum qui puſillanimes ſunt vanā for-
midinem hac ſimilitudine appoſitè demonſtrauit.
Sicut qui pontem ſublimem paulo anguſtiores tranſiens; Ibidem.
formidine nonnunquam ſic tangitur, ut ex eius ſola ap-
prehenſione cadat deorſum qui alioqui ſi nihil metueret,
facillimè tranſiret illæſus, fortè & tranſcurreret: & ſic-
ut tali formidine percuſſo ſi aſtantes acclamant, Ecce Puſillanimi-
cadis, ecce cadis, certiffimè cadet, alioquin non ca- tatis error.
ſurus ſi hilari vultu eum aſtantes aſpicerent, nihilque
eſſe periculi aſſererent; eodem plane modo qui natura
meticuloſus, puſillanimis & ſuſpicax eſt, diabolo in
aurem cordis acclamante, Damnavis, damnavis, in ba-
rathrum deſperationis ſe præcipitem dat; non ſic factu-
rus; ſed omnem illam tentationem facile ſuperatu-
rus; ſi vel natura paulo fortior eſſet, vel ſanis &
ſalubribus bonorū conſiliis ad meliorem ſpem erigeretur.

Ibidem.
Prosperitas
fallax.

Res huius vitæ secundæ quam fluxæ & caducæ essent hac comparatione ostendit. Prospera huius mundi sunt velut dies brumalis brevissima, nosque in ea quasi sagitta altè eiacularata ad momentum attollimur, ubi quasi aer calidior nobis aspirat; sed vnde rursum in momento in terram cadimus, ibique fixi haeremus, satis interdum vel sordidi & infamiae luto conspurcati, vel frigidi & plumis omnibus spoliati, Diuitias & honores peccandi quandam secum necessitatem adferre his similibus explicauit. Sicut difficile est picem tangere & non inquinari ab ea; stuppam igni apponi & non comburi, colubrum in sinu alere & non morderi ab illo; sic difficilimum est diuitem & honoratum in seculo superbiæ & ambitionis iaculo non feriri. Hominem in summa dignitate constitutum, vt in vanam sui complacentiam non infletur; monet, vt existimet quemlibet etiam mendicum parem sibi ac socium esse. Ad hoc persuadendum hac hypotyposi vtitur. Sint duo mendici qui simul diu mendicarunt; quorum alterum diues aliquis in domum suam recipiat, veste holoserica induat, multis pecuniis donet; ita tamen vt ei prædicat infra breue tempus domo illi exeundum, omniaque illa deponenda ac reddenda esse. Si is interea in socium mendicum incidat splendide vestitus ipse, an eum pro socio non agnoscat: an propter paucorum dierum fortunam, meliorem se illo iudicabit? Sic quippe omnes æque nudi in hunc mundum venimus: æque nudi hinc discedemus; sola Dei gratuita liberalitate, plus interea minusue induti. Avaritiam dicebat esse igni similem qui quanto plus lignorum depascit, tanto sit feruentior ad plura depascenda. Dicebat domicellæ quæ multo cum labore atque etiam dolore crines complicabat vt frons lata esset, tunicamque constringebat, vt gracili corpore videretur; Nisi Deus tibi pro hoc tuo tanto labore infernum reddat, magnam tibi profecto iniuriam faciet. Affirmabat serio persuasissimum sibi esse

Ibidem.

Ibidem.

Superbiæ ab
surditas.

hoc persuadendum hac hypotyposi vtitur. Sint duo mendici qui simul diu mendicarunt; quorum alterum diues aliquis in domum suam recipiat, veste holoserica induat, multis pecuniis donet; ita tamen vt ei prædicat infra breue tempus domo illi exeundum, omniaque illa deponenda ac reddenda esse. Si is interea in socium mendicum incidat splendide vestitus ipse, an eum pro socio non agnoscat: an propter paucorum dierum fortunam, meliorem se illo iudicabit? Sic quippe omnes æque nudi in hunc mundum venimus: æque nudi hinc discedemus; sola Dei gratuita liberalitate, plus interea minusue induti. Avaritiam dicebat esse igni similem qui quanto plus lignorum depascit, tanto sit feruentior ad plura depascenda. Dicebat domicellæ quæ multo cum labore atque etiam dolore crines complicabat vt frons lata esset, tunicamque constringebat, vt gracili corpore videretur; Nisi Deus tibi pro hoc tuo tanto labore infernum reddat, magnam tibi profecto iniuriam faciet. Affirmabat serio persuasissimum sibi esse

Lib. 2. c. 17.

Ibidem.

Impiorum
labor.

Ibidem.

hoc persuadendum hac hypotyposi vtitur. Sint duo mendici qui simul diu mendicarunt; quorum alterum diues aliquis in domum suam recipiat, veste holoserica induat, multis pecuniis donet; ita tamen vt ei prædicat infra breue tempus domo illi exeundum, omniaque illa deponenda ac reddenda esse. Si is interea in socium mendicum incidat splendide vestitus ipse, an eum pro socio non agnoscat: an propter paucorum dierum fortunam, meliorem se illo iudicabit? Sic quippe omnes æque nudi in hunc mundum venimus: æque nudi hinc discedemus; sola Dei gratuita liberalitate, plus interea minusue induti. Avaritiam dicebat esse igni similem qui quanto plus lignorum depascit, tanto sit feruentior ad plura depascenda. Dicebat domicellæ quæ multo cum labore atque etiam dolore crines complicabat vt frons lata esset, tunicamque constringebat, vt gracili corpore videretur; Nisi Deus tibi pro hoc tuo tanto labore infernum reddat, magnam tibi profecto iniuriam faciet. Affirmabat serio persuasissimum sibi esse

bi esse

biesse quam plurimos in hac vita eo labore infernum
 mereri, cuius vel dimidio celum lucrati fuissent. De
 grassatura hæresi in Anglia & quod nimis vere præ-
 uidit & prædixit } dicebat sub hypotyposi Maho-
 meticæ blasphemix in Hungariam inuehendæ. Si- *Lib. 3. c. 1.*
 cut aduersus instantem procellam exæstuat mare, & ven-
 tis necdum spirantibus motus insolitos inquietum excitat; *Prognostica*
 sic videre mihi videor complures ex nostris quia paucis futura hæ-
 annis hæretici, schismatici, Lutherani, aut sacramentarii resis.
 nomen audire non sustinebant; nunc id genus hominum æ-
 quo animo ferre: sed & nonnunquam aliquantulum lau-
 dare, ac paulatim (quantum permitti sibi posse putant)
 Ecclesiam, clerum, ceremonias, sacramenta; leges cupide
 reprehendere & libenter taxare. Diuitias vocari non
 debere ut solent bona hoc argumento ostendit, Si *Lib. 3. cap. 5.*
 fortitudinem qui habet fortis est, qui calorem calidus, qui
 sapientiam sapiens, diuitias autem qui habet bonus illico
 non est, bona vocari diuitia non debent. De honoribus
 in Republ. dicebat, virum honoratum quo sit in
 Republ. aliquis honoratior (quales omnes sunt
 excepto Rege } frustra sibi de honore placere. Vi- *Lib. 3. c. 11.*
 ginti enim, inquiebat, vel etiam centum aperto capite
 circumstantes non sic caput tuum à frigore defendant,
 sicut tunicus tuus pileus quem coram superiore exuere
 necesse habes. Istud verò pie admodum ac sanctè
 dicebat, salubriterque tota vita ruminabat. *Lib. 3. ca. 14*
 Nulla animi peior affectio, quàm ea re delectari, quæ nisi
 peccando obtineri non potest. Ad quod etiam confir-
 mandum addebat. Qui cum Dei offensa bona mun-
 di vel acquirit vel conseruat, certissimè sibi persuadeat,
 illa bona nunquam ei bona futura. Nam vel cito Deus
 malè parca auferet; vel ad maius malum conseruari
 permittet. Contra tenaces & eleemosynas non fa-
 cientes hoc simili absurditatem eorum ostende-
 re voluit. Sicut qui certo sciens fore ut breui in exteram *Lib. 3. ca. 15.*
 regionem compellatur, ubi natali solo relicto toto reli-

quo vita tempore agere debeat, ægrè tamen ferret bonâ suâ in illâ regionem exportare, & eis tantisper domicarere, vsurus postmodum semper, meritò insanire iudicaretur; sic plane insaniunt qui stulta cupiditate illecti, bonâ suâ penes se quàm possunt diutissimè retinendi, aut vano timore futuræ indigentiae negligunt ea per eleemosynas aliosque bonos vsus in cælum præmittere, ubi certissimè sciunt perpetuò se cum omni affluentia & geminata mercede victuros. Ut carceris sui incommodum leuaret, dicebat totum mundum inquem homines ex paradiso eiecti ob peccatum deturbantur, nihil esse aliud quàm carcerem, vnde omnes ad causam dicendam suis singuli diebus euocarentur. Atque hæc ex libris eius moralibus moralia decerpſi. Ex familiarî eius consuetudine quædam sapienter dicta animaduersa sunt. Inter quæ illud celebre est quod & frequenter in ore habuit. Facile fieri potest ut capite quia minuat, nec quicquam tamen lædatur. Nempe quum pro fide & iustitia id fit. Illud etiam eleganter dicere solebat. Bene ac laudabiliter facta pro merito compensare mûdus hic nec ingratus solet, nec gratus potest. De hæreticis dicebat. Sustulerunt hypocrisis sed impudenciam substituerunt; ut qui ante religionẽ simulabant, nunc in impietate glorientur. Orare sic solebat. Domine Deus fac me in illis consequendis operam collocare, pro quibus obtinendis soleo ad te orare. Quum domi suæ loco quo hospites excipere solebat, aliquem sermonem detractorium audiret contra honorem vel Dei vel principum vel proximi, ut cum interromperet, in more semper habebat dicere. Dicant & sentiant cæteri ut volunt; mihi sanè videtur quòd istud ambulachrum est egregiè & valde commodè extructum, atque ita ad aliâ sermonem deflectebat. Dicebat de ingratiss. Beneficia pulueri si quid mali patimur marmori insculpimus. Nunc ex operibus contra hæreticos elaboratis nonnulla profere-

mus.

mus. Quum hæretici rationis vsum in rebus fidei prorsus reiicerent, importunam illam & superstitionisam ineptiam sic reiecit. Ratio, inquit, non est censenda inimica fidei; nisi forte inimicum iudices quisquis te melior aut maior est qui tamen non noceat. Quo certe modo ex quinque sensibus tuis alter alteri inimicus fuerit, ut visus tactui, quia ad longissimè dissita ille pertingit, hic nisi ad proxima. Moxque quo tandem modo fiat ut ratio fidei non aduersetur, sed ad eam illustrandam multum valeat, hoc simili docet. Sicut ancilla si laxatis habenis audacula esse & procaciter agere permittatur, non dubitabit dominæ contradicere & petulanter cum ea altercari; si vero in officio contineatur, morigeram se & obsequentem in omnibus præbebit, & utile obsequium faciet; sic ratio humana ubi semel audax & arrogans esse cæperit, non dubitat in multis fidei contradicere, & de his quæ sunt fidei arroganter contendere: pia autem & humilis ratio facile se captiuabit in obsequium fidei, adeoque fidei dictata & præcepta inuabit. Erat certe Morus in similibus acute inueniendis & sapienter applicandis fœlicissimus. Hæreticorum dissidentes sententias nihil aliud esse quàm improborum hominum conspirationem quãdam qua toti orbi illudatur, hac festiua comparatione expressit. Ab hæreticis hodie veritatem velle exquirere non aliud esset quàm eam fortunam subire quæ alicui in deserto aberranti, & viam querenti cõtingeret, si forte in nebulones quosdã incideret qui de via rogati, oēs se in circulũ cõiicerent, dorso ad dorsum contrapositio, quorũ unusquisq; diuersa & auersa facie respiciens querẽti diceret, hæc quæ ante me iacet tua via recta est, digito demonstrans quisq; p̄ illi obuersatur via. Ut enim istos nebulones certũ est q̄renti illudere, sic & hodie hæretici faciũt. Hæreticorũ libros nõ esse ab indoctis legẽdos hoc simili suadet. Desiperet planè qui sciẽs & prudẽs venenũ prius exoptaret; ut postea antidotũ præ-

In li. de vita Richardi regis.

Dialog. li. 1. cap. 23.

Ratio & fides,

Ibidem.

In confutat.

Tindalli pag. 707.

Hæreticorũ dissensiones.

Contra Tindallum pag. 356.

Apolog. c. 4. sentem acciperet. Sapit qui veneno intacto vel potius effuso, illis antidotum relinquit, qui illa opus habent. De translatione biblicorum hæretica dicebat. Sicut equè facile est telam de novo texere, quàm telæ reticulatæ hiatus replere; sic non minor esset labor biblia de novo vertere, quàm corruptas hæreticorum versiones emendare. De non legendis hæreticorum versionibus etiam correctis dicebat. Nemo qui quicquam sapit pane illo vesceretur quem sciret ab inimico venenatum, quomodocunque ab amico postea abrasum & emundatum cerneret. Maximè quum ad manum panis alius sit nunquam infectus. Hac fœlicitate ingenii vsus varia hæreticorum argumenta rationibus à natura petitis sæpe refutauit. Arguentibus hæreticis sic.

Ibidem.

Apolog. c. 8. Deus pro sua bona voluntate saluat nos, & voluntariè genuit nos in verbo veritatis; & fides est donum Dei non ex nobis: ergo nulla nostra voluntate hoc fecit, neque prout nos volumus, sed tantum prout ipse voluit, respondit Morus. Quum multis precibus magnoque labore & industria aliquid impetramus indebitum, non dubium quin qui beneficium confert pro sua bona voluntate & voluntariè conferat. Quis tamen neget nostram quoque voluntatem cooperatam fuisse, quæ nisi adsuisset, nec precibus, nec labore vsa fuisset? Sic enim & pœnitentes veniam & iusti multa gratiæ beneficia à Deo impetrant.

Contra Tindallum pag. 368.

hæreticis ieiunia non nisi ad edomandam carnem assumenda esse, respondit. Hoc si ita est, nec coniugatos vnquam facile ieiunatuos qui aliud remedium in promptu habent, nec virgines ieiunare ausuras, ne impudici iuuenes aduertant à carnis illecebris eas titillari. Denique hoc nihil aliud esse quam vt suam quisque libidinem prodat. Sed huius generis in sequenti capite nonnulla proferemus. Dicebat, cum demum ad videndum Deum facilè à Deo admitti qui Deū videndi ingenti desiderio tenetur. Contrà verò nemi-

neminem ad videndum Deum vnquam admitti, qui vt eo admitteretur diu multumque non desiderauit. Sed nunc contenti his paucis sapienter & pie dictis, quasi verbi gratia prolatis, è quibus quantum doctrina, quantum ingenio, quantum pietate Morus valebat, facile est deprehendere; ad alia transeamus, vnde ingenii non pietate tantum & eruditione clari, sed etiam acuti, lepidi, atque innoxie faceti documenta proferentur: vt ita totam quasi naturam & indolem viri huius admirabilis perspectam lector habeat.

Acute & facete dicta vel responsa.

CAPVT XIII.

Thomas Morus cui *pectus erat omnium can-*
didius & vt scribit Erasmus familiaris eius a-
micus vt vir erat prudentia grauis, moribus
 seuerus, consilio altus; ita quoque erat in vitę con-
 suetudine mire suauis, lepidus, ac facetus. Quam-
 quidem suam grauitatem in supremis & variis Rei-
 pub. muneribus bene comprobata, perpetua qua-
 dam suauitate & lepore ita condidit; vt nescias an
 fuerit Senator grauior, an amicus iucundior. Re-
 bus etiā grauitissimis facetiās ita intermiscuit, vul-
 tus tamen totiusque corporis externa grauitate ni-
 hil prorsus immutata; vt nec vnquam toruus, sed
 semper iucundus, nec vnquam solutus aut leuis,
 sed semper grauis ac sibi constans videretur: adeo
 sane vt quum meros iocos diceret, etiam à famili-
 arissimis serio loqui putaretur. Nam & quum for-
 titer aduersario responderet, ipsa responsio sæpenu-
 mero iocus est. Nusquam tamen in eius scriptis sar-
 casmos, scommata, vel acerbas ironias videas. Lu-
 dendo hæreticum confutat, accusationem diluit,
 obiectioni respōdet. Denique quum maxime pre-
 mit

*In præfat.
 sui Ecclesiæ-
 stis.*

mit vel premitur, aliquo lepore vel ferit vel ictum auertit; idq; tanto ingenio tam acutè, vt nescias quid mirere magis, ingenii fœlicitatem an morū facilitatem, acumen ne an elegantiam. Sed satius est nunc vt harum rerum omnium exempla proferamus. Id autem fiet partim ex scriptis eius, partim ex iis quæ certa relatione didicimus. Sed primum quæ ex scriptis collegimus. Lutherò postulante pro miraculo haberi quod tantus Christianus populus tam breui tēpore in sectam eius concesserit; respōdet Morus. *Ad propositam vitæ libidinosæ licentiam populum ruere, id habet tantam miraculi speciem, quàm saxa deorsum cadere.* Rursum paulò post. *Monasticam vitæ genus si est, vt vos videri vultis, aduersus Euangelium, oportet Euangelicam vitam huic esse contrariam: hoc est, esse talem, vt se curet molliter, bene comedat, bene bibat, bene dormiat, libidinetur & voluptate diffuset.* Et iusta & grauis simulque acuta & faceta reiponsio Talis etiam est ista. *Si bona sunt opera quæ necessario producat fides; hoc enim aiunt vt aliquo honesto prætextu solam fidē retineant; quid aliud facitis disputantes aduersus opera bona, quàm deblateratis aduersus fructum fidei?* Rursum & ista. *Quum hæretici tanquā mercenarios reiiciant qui bonorum operū mercedem statuunt, respondet Morus. Isti boni viri tam generoso sunt animo vt potius quā in vineā sese conducant denario, extra vineā velint perire suspendio.* Deniq; & illa. *Quū eo nomine soleatis insectari Theologiam scholasticam, quod illic cum periculo veritas trahatur in dubium; à vobis falsum pro indubio aduersus verum asseritur.* Nunc ad Anglica scripta veniamus: nā cætera Latina in volumine Latino contenta omnium manibus teruntur. Quum hæreticorum libri ex breuitate commendarentur, respondit. *Scripta hæreticorum quum nihil concludant boni, vtcunq; breuia hæc totum quod sunt, nimis sunt prolixa.* Rursum alio in loco

In epist. ad
uersus Po-
meranum.

Pag. 12. b

Pag. 25. a

Pag. 29. b

Pag. 39. a

Pag. 13. b

Pag. 14. b.

loco elegantius. Sicuti nemo breuiorem cursum cōficit,
 quam qui utroque pede caret, sic nemo breuius scribit quā
 qui tūm verbis aptis tum materia iusta destituitur. Di-
 cente quodam hæretico non debere eorum, eos
 scripto arguere, qui schismata & dissensiones exci-
 tant, nisi ipsemet eisdem remedium posset adferre, Pag. 931.
 respondit, hoc perinde dici ac si nemini liceret incen-
 diarios taxare, nisi qui incensas ades restaurare queat.
 Sed acutius istud magisq; facetum. Scripsit per cō-
 tumeliā hæreticus quidā. Debet hæc nobis Morus pro-
 bare expresso Scripturæ verbo, non autē somniis suis non
 scriptis. Respondet Morus. Equidem somniis meis ma-
 iorem auctoritatem tribuit, quam ego vel somniare un-
 quam ausus essem. Quum enim ea solum reiiicit mea som-
 nia quæ scripta non sunt, ostendit se ad ea credenda para-
 tum, quæ scripto mandare vellem. Dicebat hæreticos
 argumenta sibi ipsis formare & fingere (tanquam
 Catholicorum) lubrica & debilia, quæ nullo nego-
 tio possent statim confutare; sicuti, inquit, paruuli Pag. 1131.
 ex regularum fragmentis domunculas sibi extruunt, quas
 mox cum magna voluptate subuertant. De hæreticorū
 maledictis quibus eum obruebant dicebat. Non sum
 ita rationis expertus, ut ab hominibus rationi aduersis,
 aliquid ratione dignum expectem. Istas & alias Mo-
 ri facetias quum hæretici ægrius ferrent atque
 culparent, magis, ut opinor, ingenio eius
 inuidentes, quàm quòd læsos se sentirent, ipsas
 quoque facetias suas facete defendit. Vix, inquit, Pag. 930.
 crediderim me in scriptis meis nimis iucundum his bonis
 fratribus videri, quas hactenus non audiui in meis scri-
 ptis aliquid ipsis iucundum legisse. De Theologis in
 scholastica tantum doctrina versatis, Patrum
 & Scripturæ lectione neglecta, solo contentis
 vel Petro Lombardo vel Gratiano, locisque
 Patrum apud eos citatis, ut eorum magnum erro-
 re & defectum ostenderet in epistola ad Martinum
Apolog. c. r.
 Dor-

Dorpium sic scripsit. Qui sunt ex hac Farragine, qui neque veterum quenquam neque Scripturarum quicquam legunt, nisi in sententiis & earum commentariis, perinde mihi videntur facere ac si quis authoribus omnibus qui Latine scripserunt, omisis; Constructionum præceptis ab Alexandro petitis, reliquum ex Perotti Cornucopia, & Calepino conentur ediscere: quod persuasum habeant, in his omnia lingua Latina vocabula sese reperturos: & profecto reperient plurima eademque selectissima. Nempe ut apud retentiores Theologos priorum dicta auctoritatis loco leguntur inserta, ita hic quoque veteres poetae atque oratores, aliquot etiam qui nunc nec extant quidem. Sed neque hæc unquam facient Latinum, neque illa Theologum si sola sint. Iam vero non in inscriptione tantum, cui lepores tamquam condimenta quædam inferere sese aiebat, sed multo magis in rebus ipsis sermoneque familiari mira quadam gratia lepores insparfit, sæpe etiam quod offendere grauitè possit, adhibito lepore declinauit. Quum Cancellarius esset, effregerat carceres eius domesticos hæreticus quidam, Constantinus dictus. Vocato igitur confestim ianitore serio mandat ut carceres bene reficiat ac diligenter obseratos teneat, ne forte reuersus qui fugerat denuo eos ingrediatur. Quumque hæretici de hac sodalis sui euasione iactabundi passim dicerent Cancellarium hoc errore ita turbatum fuisse, ut vix triduo post præ ira comederet, respondit. Ego profecto ob hoc factum nequaquam eum reprehenderim. Nunquam enim ita morosus esse velim ut ei irascar qui quum minus commode sedeat, surgit quum potest. Quantum autem hæc animi perpetua serenitas & quæ haud dubie ex conscientia perpetuo innoxia ideoque læta processit) & coniuncta verborum suauitas ac lepor ingeniosus in causis grauissimis Morum iuuerit, & innocentiam eius atque constantiam, commodè tutata fuerit; aliquot nunc exemplis docebo, ex qui-

Pag. 902.

Ibidem.

ex quibus facetissimum hominis ingenium cum magna animi libertate & serenitate coniunctum luculenter apparebit. Quum orator populi esset in pleno Senatu seu regni Comitibus quæ parlamenta vocamus, Cardinalis Wolsæi { qui vnus omnia tunc apud Regem poterat } iniquas quasdam propositiones magna facundia, prudentia, constantia subuertit. Soluta conuentu accersitur à Cardinali, Mori { vt putabat } audaciam sua autoritate repressuro, in palatium nouum quod idem Cardinalis magnificum sibi recentè extruxerat. Quum diu expectatus prodiret tandem Cardinalis, Moro in præsentia multorum dixit, *Vtinam Thoma More quum Orator populi in his comitiis declarareris, ad portas vrbs Romæ fuisses.* Cui extemplo Morus, *Illustriss. Domine, & ego certe illud quam maxime optassem. Vidissem enim profecto præclaram urbem de qua multa audiui nec hactenus vidi.* Neque plura adiecit. Hoc inopinato responso accepto, diu tacuit Cardinalis cum Thoma Moro inambulans. Tandem Morus silentii illius in tot & tantorum virorum præsentia pudore quodam suffusus, indecorum putans nihil ab alterutro dici, in hunc sermonem erupit. *Illustriss. Domine Celsit. V. magnificum hic certe & illustre palatium extruxit: quædamque alia in eam sententiam.* Cardinalis viri constantiā videns (existimabat enim fore vt veniā deprecaretur Morus, seque totum in potestate Cardinalis fore diceret) nullo dato responso confestim se & festinanter in cubiculū proripuit. *Constanter hoc & libere.* Quod autem sequitur non libere tantum sed & ingeniosè acutissimeque responsum, ita quidem vt acerbā contumeliam cordatè reiiiceret, non offenderet tamen. Thoma Moro in Concilium regium recēter cooptato, Cardinalis idem Wolsæus Concilii Præses proposuerat in pleno Senatu expedire vt Conestabi-

Constāter & libere respōsum.

nestabilis aliquis erigeretur supremus & generalis in toto regno qui regis personam ubique representaret (qualem magistratum raro videt Anglia) haud dubiè ut ipsemet ille Cardinalis declararetur: & ut erat homo ad patriæ suæ perniciem ambiciosus } quumque multa in eam sententiam dixisset, totus Senatus qui tunc ex nobilissimis Ducibus, Comitibus, totiusque regni præcipua nobilitate constabat, in Cardinalis sententiam pedibus ibat, nullo plane contradicente aut ullum scrupulum iniiciente; donec ad Morum ventum est. Is cui postremo loco dicendum erat, aliter sensit; suamque sententiam ita multis & firmis argumentis probavit ut reliquus iam Senatus nutare, novamque deliberationem expetere videretur. Iratus Cardinalis sic Morum alloquitur. Ante verò non pudet More quum sis omnium & loco & dignitate infimus, sic solum sapere & à tot nobilissimis ac prudentissimis viris dissentire? Ostendis te plane ineptum & stultum esse Consiliarium. Cui cuestigio Morus. Enimvero magnæ Deo gratiæ agendæ sunt quod Regia Maiestas in hoc suo supremo senatu unicum tantum stultum habeat. Nec plura apposuit Deliberatio in aliud tempus dilata; Postulatum reiectum est. Hoc eius responsum nescias maioris ne fuerit prudentiæ an modestiæ: non sine sale tamen. Atque hæc quidem eius acutè responsa fuerunt.

Quod nunc referam etiam in pleno confesso factum non acutum modo sed & valde lepidum fuit. Nam & in ipsis tribunalibus, adeoque & ut mox dicitur in carcere, in patibulo, à facetiis non abstinent. Sedente pro tribunali Moro, Iatrunculi quidam ex illis qui sacculos pecuniarios & crumenas mira facilitate refecant, producuntur, præsentibus & iacturas suas graviter deplorantibus illis quorū fuerant refectæ crumenæ. Hic ex assessoribus yau

vis

*Eordatè re-
sponsum.*

vir grauis & senex ipsos innocentes acerrimè cæpit
obiurgare quòd sacculos suos accuratius non ser-
uarèt, sed sua incuria & negligentia nebulonibus
illis furti huius exercèdi anslam præberent. Morus
audita hominis importuna oratione, qua eos ob-
iurgabat quibus iustitiã administrare debebat, reie-
cta in proximū conuentū huius rei cognitione, se-
quēti nocte vnū ex latrunculis istis clam è custodia
ad se adduci fecit. Agit cū eo vt in proxima sessio-
ne senis illius qui sic innocētes obiurgarat, crume-
nā sedenti pro tribunali refecaret. Quod si faceret,
gratiā ab eo hac vice expectaret. Recipit se facturū
latrunculus nec illibēter. Considēte igitur cum suis
Assessoribus in proximo cōuentu Moro, euocatus
inter primos latrunculus ille vt obiecto crimini re-
sponderet, ait habere se quidē quo se facile purget,
non tamen id facere posse, nisi secretū quoddam
ad sui purgationem pertinens vel supremo iudici
vel ex Assessoribus alicui prius aperire permittatur.
Rogat itaque vt ei liceat id facere. Iubetur deligere
quem velit ex omnibus cui hoc aperiat. Deligit se-
nem illum. Ad quem accedens vt ei in aurem se-
cretum suum demurmuret, eadem opera crumenā
illi ad latus pendētem bene onustam celerrimè re-
secat: moxque finito sermone ad locum suum de-
scendit. Morus accepto indicio rei bene gesta, cap-
tata occasione alterius cuiusdam miseri in discri-
mine capitis constituti aliqua præsentī eleemosy-
na iuuandi, collectam publicam fieri permittit; ca-
pto à se & à suis initio. Quum ad senem primo fe-
re ordine veniretur, eleemosynam daturus resectā
sibi crumenam videt: moxque & ira & pudore ple-
nus iurat sibi ad tribunal conscēdēti crumenā ad-
fuisse. Monens igitur cum Morus non esse obiur-
gādos quibus id infortunii accidit, reddi à latruncu-
lo crumenā fecit: ridentibus qui aderant omnibus,
Mori que

ingressus minister monet omnia in mensa parata esse: cui Morus. At, inquit, vide prius ut honestioribus nobis apponatur. Quod ille serio dictum accipiens, ad dominam accurrens, & alios cibos parari dominum velle nuncians, vxorem & familiam non modice turbauit, donec re intellecta, in risum omnes soluti sunt: Sed minutulum istud. Grauius hoc & quod viri non minus prudentiam ac modestationem egregiam, quam elegantiam ostendit. Resignato amplissimo Cancellarii munere, moxque domum suam Londino rediens, nemine rei gestæ conscio, ecclesiam recta ingressus (erat enim officii vespertini hora) finito officio ad vxoris suæ sedem { quam seorsim & clausam honoris causa in templo habuit } veniens dixit ei { quod vnus quispiam ex ministris alias ei dicere solebat } placet ne egredi? dominus enim Cancellarius abiit. Quod quum cum ipsum loquentem videret, iocum putans, enimvero, inquit, Domine More sic iocari te libet. Cui ille. Imo serio loquor & quod res est dico. Dominus enim Cancellarius discessit & non est hic. Cui amplius mitanti & statim surgenti quum rem totam aperuisset, illa quidem fornicarum more de viri honore imminuto multum dolebat. Morus vero hac faceta rei significatione, & ægrum vxoris animum delinire, & quantuli hunc amplissimum honorem fecerit, docere voluit. Quum duas vxores duxisset & vtramque statura modicam, rogatus cur ita fecisset, quia, inquit, ex duobus malis minus eligendum. In vincula quum coniiceretur, carcerem ingressus, iussus ut supremam vestem custodi de more tradat, pileum porrigit. (Hæc enim, inquit, supremo plane loco consistit) quum togam custos intelligeret ac consuetudo flagitaret. In carcere quum ageret, & ad custodis mensam pro sua dignitate & statu { sicut moris ibi est } tractaretur, dicen-

Vxorem facete ludit.

2.

4. te aliquando ciuilitate custode (qui vir nobilis & ex equestri ordine fuit estque fere in castro Londinensi semper) ac rogante ut appositis contentus esse velit. Si quis hic nostrum (inquit Morus; erant autem praesentes omnes concaptiui) his appositis contentus non sit, hunc meo iudicio, domo abigito & in malam rem abire iubeto. Quum tandem in carcere arctius custodiretur, sublatisque essent libri omnes & chartae, cubiculi sui fenestras deinceps die ac nocte occlusit prorsus. Rogatus à custode cur sic faceret, respondit. Sublatis mercibus & instrumentis claudenda officina. Theatrum supplicii locum conscensurus; manum sibi à quodam ut facilius conscenderet, porrigi petens; Iuua me, inquit, ut conscendam. In descensu nemini molestus ero. Denique petente veniam carnifice, ut moris est, ego vero, inquit, tui misereor qui in tam curta ceruice praescindenda vix te poteris honeste expedire. Propter has & similes facetias quales aliae multae circumferuntur & quas hoc loco omnes recensere nec opus est, nec incerta quorundam permittit relatio; haeretici & æmuli eius leuitatem & ineptiam illi obieciabant quod sic in rebus grauissimis ludere quasque ineptire soleret. Inter quos est Edoardus Hallus annalium nostrorum scriptor, qui Morum propterea vocat, vel stultum sapientem, vel sapientem stultum. Cuius leuissimi hominis inepto scommati & contumeliae sic respondit quidam ex nostris.
- 6.
- 7.

Ἡ ἐμὴ μωροστροφὸν μὲν ἂν ἴπῳις, ἢ σοφόμενον.
Μωρὸν γάρ κόσμῳ ἐμὶ, σοφὸς ἐστὶ θεῷ.

Quae sic alius quidam Latina reddidit.

Halle tibi Morus stultus sapiensque videtur:

Stultus erat mundo, nempe, Deo sapiens.

Morus quippe non ex aliqua animi leuitate, aut ineptia,

eptia, sed certo iudicio, & ingenii facilitate has facetias rebus etiam grauissimis insperlit. Cuius rei causam ipsemet apposita quadam similitudine quodam in loco idoneam adfert. Sicut, inquit, quidam egroti non aliter medicamenta sumunt: nisi admixto aliquo (quod multum appetunt) vicunque aliquantulum noxio, idque permitti medicus quum aliter fieri non possit; sic quia multi seria, & graua documenta non libenter audiunt nisi aliquo ioco aut fabella intermixta, adhiberi illa & seriis admisceri recta ratio permittit. Hanc ille causam adfert cur in grauissimis disputationibus suis, apologos, iocos, facetias interponit; quod quidem satis frequenter facit. Cur autem etiam in communi sermone hoc fecerit, aliam alibi causam satis iustam proponit. Dicebat enim iocos & facetias condimenta quadam esse quibus animi tedia & labores reficiuntur ut maiori cum alacritate postmodum resumantur. Quemadmodum autem ineptum & absurdum esset conuiuium, in quo cibi parum, condimentorum magna varietas & copia apponeretur; insipidum vero & insulsum in quo nihil; sic omnino pessime profecto illa vita instituitur, quæ fructuosi laboris parum aut nihil assumeret, iocus autem & inani ocio tota vacaret; arida autem & ingrata, tristis & morosa illa vita est, cui nihil iucunditatis & leporis aspergitur. Quod quidem ut semper verum est, ita maxime in homine in communi vita posito, coniugato, aulico, verissime locum habet. Atque hæc de eius acute & facete dictis ac responsis hætenus ex multis pauca.

Quæ sane omnia, totamque reliquam Thomæ Mori vitam hætenus descriptam dum considero; dum quot in Republ. munera & quam præclare gesserit, quantus in literis variaque eruditione, qualis poeta, orator, philosophus, atque adeo theologus extiterit, quam multa scripserit; quanta virtute ac pietate præditus, qualis paterfamilias,

Lib. 2. cap. 12.
de cōsolat. in
aduersis.

In operibus
Anglic. pag.
1048.

qualis liberorum Pater, quantus diuitiarum & honoris contemptor fuerit; quam multa sapienter, acute, facere dixerit: quanta vi ingenii, quam foelici memoria, quam candidis moribus; quam commem, suauem, atque humilem in tantis donis, in tantis honoribus, in vita semper aulica sese praeberit, apud me recolo atque recogito; videor mihi de Thoma Moro ea omnia adeoque verius & grauius dicere posse, quae de M. Portio Catone Censorio scribit Titus Liuius. In hoc viro tanta vis animi ingenique fuit, ut quocunque loco natus esset, fortunam sibi ipse facturus fuisse videretur. Nulla ars neque priuata neque publica rei gerenda ei defuit. Vt artem rusticamque res pariter callebat. Ad summos honores alios scientia iuris, alios eloquentia, alios virtus prouexit. Huic versatile ingenium sic pariter ad omnia fuit ut natum ad id vnum diceres quodcunque ageret. In virtutis studio vir religiosus magis quam aulicus. Idem in literis scriptor clarissimus. Si ius consideres peritissimus; Si causa oranda esset eloquentissimus. Nec is tantum cuius lingua viuo eo vigerit, in rostris, in tribunalibus, in plenis regni comitiis, Actor, iudex, Orator populi; monumentum eloquentiae nullum extet. Vixit imo vixitque eloquentia eius sacra scriptis omnis generis, Latinis, Graecis, prophanis, sacris Legatio si obunda, nemo dexterior, felicior nemo. In consiliis rerum maximarum nemo prudentior. In afferenda veritate nemo liberior: tam ab omni furo & affectatione alienus, quam in sententia dicenda simplex, apertus, & semper tamen iucundus. Nam quod de Catone scribit Liuius, Asper procul dubio animi, & linguae acerbæ, & immodicè libera fuit, sed inuicti cupiditatibus animi & rigida innocentia, contemptor gratiae & diuitiarum. à Thoma Moro cui pectus erat omni nunc candidius longissime aberat, discipulo videlicet Christi non Zenonis stoici, & à quo didicerat

Dec. 4. lib. 9

Comparatio
Thomae Mori
cum M.
Catone.

cerat mitis esse & humilis cordes quia non in spiritu grā-
 di, non in commotione Domini; sed sibilus aurē tenuis: *Matth. 11.*
 de quo etiam dicitur. Non clamabit, non erit tristis ne- *3. Reg. 19.*
 que turbulentus. Illa igitur animi asperitate, linguę
 acerbitate & immodica libertate excepta, fuit et- *Esai. 42.*
 iam inuicti cupiditatibus animi Morus, fuit rigida
 innocentia, contemptor gratia & diuitiarum; vt
 præcedentia quidem hætenus declararunt; sed ex
 sequentibus declarabitur adhuc magis: quæ doce-
 bunt omnem principis sui gratiam, amplas opes,
 summos honores contempsisse Morum vt rigidus
 esset innocentia cultor, vt inuictum cupiditatibus
 animum, vt illesam, vt illibatam conscientiam ser-
 uaret. Rursum Cato illa morum suorum asperita-
 te tot cum patriciis viris similitudines exercuit, totque eum
 exercuerunt, vt non facile dixeris, vtrum magis prefferit
 eum nobilitas, an ille apitauerit nobilitatem. Contra ve-
 ro Thomas Morus totus ad amicitiam & cando-
 rem natus, nec vllas vnquam vel priuatim vel pu-
 blice similitudines exercuit, nec quenquam inimi-
 cum habuit, sed vt est in eius Epitaphio, in maxima
 officiorum & honorum cursu ita versatus est, vt neque
 nobilibus esset inuisus, neque populo iniucundus: furibus
 autem, homicidis, hæreticisque molestus: Grauitatem i-
 gitur, integritatem, innocentiam rigidam Catonis
 sic tenuit, vitiis infestus, improbis molestus; vt hæc
 tamen perpetua morum comitate, suauitate, man-
 suetudine temperaret; imo etiam lepore ac iucun-
 ditate morum reficeret, grataque redderet: Catone
 propterea ingenio, eloquentia, scientia, virtute &
 innocentia nihil inferior, morum autem suauita-
 te & melior & felicior Sed ad maiora nunc
 & excelsiora Thomæ Mori dona
 transcamus.

ORIGO PERSECUTIONIS ET OFFEN-
sionis regiae contra Thomam Morum.

CAPVT XIV.

Venio nunc tandem, amice lector, ad locum illum propter quem præcipue totam hanc narrationem institui. Neque enim vt nobilem vt doctum vt ingeniosum virum summisq; honoribus perfunctum, non vt bonum patrem, prudentem patremfamilias, æquum iudicem, sapientem elegātem describerem; sed vt virum sanctum & gloriosum pro veritate ac iustitia Martyrem literis commendarem, Thomæ Mori vitam explicandam suscepi. Cætera enim quæ hactenus commemorata sunt eo pertinent, vt quantus vir, quam principi suo charus & graciosus; quam prudens, iustus, utilis Consiliarius; quantos in Repub. honores, domi forisque amicitias consecutus; quanta eruditione, quantis ingenii viribus præditus; qualium liberorum pater, quam suis pignoribus charus, quam impensus eorum amator; omnibus his relictis atque abiectis, pro veritate occumbere voluerit; illudque Caput securi subiicere, quod per multos annos in patria sua eminebat; honore, gratia, authoritate valebat; per annos etiam plurimos valere & eminere poterat si vel latum vnguem à veritatis confessione recedere voluisset. Est quidem causa martyrii tanta, tam gloriosa, tam illustris, tam Deo chara, vt in quouis etiam perditissimo & vilissimo, vere tamen & sincere ad Deum conuerso, mortemque pro veritate fortiter appetente, sua iusta laude non careat; ab ecclesia Dei honoretur; à Deo ipso copiosa mercede remuneretur. Atqui vt in triumphante illa ecclesia *multæ mansiones sunt, stellaque à stella claritate differt*; sic & in hac militante ecclesia, ordo meritorum & dif-

Ioan. 14.

1. Cor. 15.

& discrimen honorum est : quantoque plures & maiores tentationes superatæ , quanto confessio illustrior fuit; tanto & meliorem spiravit odorem virtutis exemplo , & ampliorem consequitur laudem ecclesiæ iudicio. Nec absque causa norauit

1. Cor. 1

Apostolus, *non multos sapientes secundum carnem, non multos potentes non multos nobiles* , Christi crucem

Viros illustres martyrio perfectos magis honorat ecclesia.

suo tempore amplexos fuisse Quam etiam ob causam etsi omnes Martyres honoret ecclesia, tamen in letaniis illis publicis & quotidianis nobiles illos maxime conspiciamus , Sebastianum Ducem

Diocletiano familiarem , Ioannem & Paulum duos fratres nobilissimos, ideoque clanculum inter-

fectos , Cosmam & Damianum medicinæ scientia

claros & Diocletiano ac Maximiano Imperatori-

bus familiariter notos , Geruasium & Protasium

viros nobiles & in seculo opulentos q. patrimonio

pauperibus distributo & seruis domesticis liberta-

te donatis persecutorem præuenire volebant. Sic

S. Paulinus quia vir nobilis , quia opulentissimus,

quia ordinis Senatorii , omnibus relictis humilis

ecclesiæ minister esse , operamque suam Ecclesiæ

nauare voluit, miris & magnificis laudibus ab Am-

broσιο 4, Augustino b, Hieronymo c eius contem-

poraneis celebratur. Tanto igitur hætenus dili-

gentius Thomæ Mori in seculo honores, literatu-

ram, gratiam, auctoritatem, naturæ quoque dotes,

& charissima pignora , persequutus sum , vt quæ

postea pro sola Dei gloria & conscientiæ suæ pace

ac salute, acerba sustinuit, tanto vt erant , illustria

appareant. Sed neque illa tantopere in Moro vn-

quam prædicassem aut prædicanda putarem nisi

omnia veritati seruiissent, nisi Dei voluntati ac vo-

cationi omnia subiecisset: non solū quia finis coro-

nat opus & fructus boni operis perseverantia est; sed

etiam quia ea demum hominis docti, literati, pru-

a epist. 36.

b epist. 32.

c de ciuit.

Dei lib. 1. c.

10.

c in epist. ad

eundē rom. 1

Luc. 21.

1. Cor. 3.

Matth. 5.

Luc. 14.

Ierem. 10.

dentis, honorati, boni ciuis, boni Senatoris, boni patris familias, addo etiam boni Christiani vera laus est, & splendida gloria; si ut multa bona opera laudabiliter facere, sic multa aduersa fortiter tolerare potest. Nos enim Christiani & veri Dei cultores in patientia nostra possidemus animas nostras, secundum laborem nostrum mercedem accipiemus, & beatos illos agnoscimus qui lugent, qui crucem suam post Christum ferunt, qui persecutionem pro iustitia patiuntur, maxime qui pro iustitia sanguinem fundunt. Maiorem enim charitatem nemo habet quam ut animam suam ponat quis pro amicis suis, quod si pro amicis, quidni pro Deo super omnia diligendo? Nunc ergo martyrem Morum, gloriosum atque illustrem martyrem describamus. Quia autem causa martyrem facit non mors, causam ipsam ante omnia diligenter exponemus: idque eo diligentius quominus à Latinis & externis scriptoribus hæcenus intellecta fuit. Rem itaque ab ovo auspicabimur, omnemque accusationem vel potius accusationis speciem, totamque Mori innocentiam & integritatem luce meridiana clariorem ob oculos lectoris ponemus.

Origo schismatis in Anglia.

In operibus Mori Anglicani pag. 1422

Quum circa annum Domini 1528, infausta illa quaestio de primis Henrici regis nuptiis cum Catharina, Arthuri fratris relicta coniuge moueri cepisset, Thomas Morus etsi tunc Regi à Consiliis, ad illius tamen causæ nec discussionem nec examinem à Rege fuit à principio adhibitus: sed per solos theologos & Canonistas examinata res erat. In cuius rei examine quum multa hinc inde dicta ac disputata fuissent, ac primum quidem de bulla dispensationis quasi per defectum certarum clausularum insufficienter vel non satis iuridice concepta, ad quem defectum supplendum alii breue quoddam Apostolicum protulerunt; postea vero de ipsa

psa

psa Pontificis non in vniuersum, sed in hac materia potestate quæ videbatur quibusdam propter ius diuinum in Leuitico contrarium non posse subsistere disputatum esset, Thoma Moro tunc fortè in Flandrica legatione absente, plane inscio & ignaro omnia fiebant. Illo vero ex dicta legatione reuerso, & quæ acta fuissent referente, Rex ipse ei seorsim vocato aperuit hanc diuortii causam, ipsisque bibliis prolati, & locis in Leuitico & Deuteronomio designatis, quid ipsum aliosque multos doctos viros moneret, ostendit; simulque quid ei in ea causa videretur rogauit. Morus sic à rege rogatus quid sibi de illo textu scripturæ videretur ingenuè aperuit. Quæ eius sententia quum Regi non placeret, clementer tamen & vt videbatur saltem eam accipiens, iubet eum hac de re cum Nicolao Foxio Doctore Theologo, postea episcopo Vintoniensi, sed tunc eleemosynario regio conferre, simulque librum quendam qui de hac questione iam præ manibus erat, perlegere. Contulit, legit, iterumque & secundo eandem suam sententiam in qua prius erat Regi exposuit. Rex paulò post in palatio suo Hamptoniensi conuentum doctorum virorum satis numerosum celebrat: cui tamen Morus non interfuit. Nec ferè in eo conuentu aliud actum est, quàm quòd de modo & forma libri supradicti de huius diuortii causa conscribendi, aliquid tunc certi statuebant: qui quidem liber paullo post coram Cardinali VVolsæo aliisque quibusdam episcopis & viris doctis perlectus est: quibus omnibus videbatur certas & iustas causas continere, propter quas merito Rex scrupum aliquem de primis suis nuptiis cōcipere posset, ideoque rectissime facturum Regem si hunc scrupum Ecclesiæ iudicio eximendum curaret. Hoc facto processus fieri coëptus est, & Legati Apostolici cō-

Morus de diuortio sententiam rogatus improbat.

Collatione facta secundo improbat.

sidebant Quo sane toto tempore Morus nunquam se negotio immiscuit. Neque (vt ipsemet scribit) idoneus erat, quum totus processus coram theologis & Canonistis penderet. Quin & legatis hac in causa confidentibus (Campegio Italo & VVolsæo Anglo) Morus iterum à Rege legatus Camera- cum mittitur ad pacem concludendam inter Carolum Imperatorem, Ferdinandum Regem Romanorum, Henricum Angliæ & Franciscum Francorum Reges, quæ & tunc sæliciter confecta fuit. Absente Moro, legati ita rem & causam hanc ad aliquot menses protraxerunt (de quo vide Polydorum) vt indignatus VVolsæo rex 18. Octobris anni 1529. cum Cancellarii dignitate priuarit, & e-

*Morus Cancellarius cre-
atus iterum
de diuortio
interpella-
tus.*

iusdem mensis die 26. Morum tunc à legatione Cameracensi re bene gesta recenter reuersum eadem dignitate ornatit. Cancellarium iam factum Morum iterum monet Rex vt de hac sua causa matrimoniali rursus diligentius cogitaret; remque totam indifferenter examinaret; quo in examine si animaduerneret posse se in diuortium consentire, vsurum se perlibenter eius opera ea in re cum aliis magnis viris quibus hoc negotium mandauerat. sperabat nimirum Rex fore vt hoc nouo & amplissimo honore auctum Morum omnino in suas partes traheret. Certe ipse verum exitus & vt Cardinalis Polus scribit } satis declarat illum hac de causa Cancellarium esse factum, quo hac quasi mercede corruptus, se eo trahi pateretur Addidit tamen tunc Rex & siue quia adhuc indifferenter se in hac causa gerebat, quod non est adeo probabile propter VVolsæum à dignitate deiectum, propterque alia quæ mox dicemus; siue quia cum Moro viro integerrimo aliter se agere non posse videbat } addidit, inquam, vt in toto rei examine nihil aliud diceret vel faceret Morus, quam quod ipsa eius conscientia dictaret;

vtque

utque Deum primo, postea regē prae oculis haberet. Quibus verbis Morus mirifice, ut par erat, ad totam rem exactissime indagandam instigatus, vehementer à Rege petiit, ut prae ter id quod proprio studio forte assequeretur, dignaretur sua Maiestas aliquos ei designare, quibuscum conferre rem tantam posset. Designati à Rege sunt Cranmerus paulo post Archiepisc. Cantuariens. & Locus paulo post Archiepisc. Eboracensis, Richar. Foxius, & Nicolaus Italus, omnes vel Theologice, vel Canonum doctores. Morus igitur habita cum istis doctissimis viris diligenter collatione, legens ac perlegens quaecunque in eam rem scripta à quoquam fuerant, suo studio omnia quae poterat perquirere, animo nulla ratione in alteram partem obfirmato, sed maxime indifferenter se gerens, & quantum ratio ferebat aliorum se iudicio conformans, quod totum dictae personae honoratae Regi testificatae sunt, ubi post omnem operam nauatam in priori tamen sua sententia persistens, eam Regi iterum aperuisset, protestatus se multo libentius Regiae voluntati hac in re gratificari voluisse, quam honores ullos aut opes quataesque; (siue quas iam adeptus esset, siue quas adhuc adipisci poterat) à sua Maiest. recipere; Rex seu vero vultu seu composito, perbenigne Mori studium ac responsum accepit, eosque; * solos deinceps ad causae huius matrimonialis discissionem admisit, eorum tantummodo opera usus est, quorum conscientias videbat diuortium istud sine ullo scrupulo probare. Moro autem ipso, aliisque permultis quorum conscientiae hoc probare non poterant, Rex in aliis Reipublicae negotiis utebatur; nullius adhuc conscientiam premens, nulli super hac re molestiam aut negotium faciens. Morus hoc officio peracto, in causa diuortii ita se deinceps sincerum gessit, ut et si libros pro diuortio editos omnes auide

*Cancellarius
factus rursus
sum diuortium
improbat.*

** Hinc apparet Regem
in diuortium
sua sponte
propendisse.*

audire legeret, tamen libros contra diuortium editos nunquam postea inspiceret; etsi multi tum domi Anglicè tum foris Latine contra diuortium scripsissent. Sed & librum quendam Episcopi Bathoniensis quem contra diuortium ille scripserat eo tempore quo Legati Pontificii hanc causam cognoscebant, Morus inter suas chartas postea inuentum Vulcano tradidit. Hæc omnia à me hoc loco recitata, Morus ipse post abdicatam Cancellarii dignitatem in literis suis ad Thomam Cromwellum Consiliarium tunc regium scribit; & ego huc idcirco ex Anglico transtuli, ut intelligat lector, quæ esse potuit prima causa offensionis regis contra Morum (quæ tamen hætenus non apparuit) quamque sincere, prudenter, cordatè Morus hætenus se gesserit, ne vel Regem offenderet vel conscientiam læderet, denique quantum Rex contenderit, ut Morum in suam sententiam pertraheret.

Toto tempore quo Morus Cancellarius erat, causa diuortii pendebat indecisa. Rege autem voluntatem suam vel libidinem potius continuante, & eam omnibus modis explere volente, Morus turbarum quæ sequutæ sunt faciliè præsciis, multis magnisque precibus à Rege impetrauit ut Cancellarii munere ac dignitate defungeretur, postquam duobus annis cum dimidio amplissimo illo munere integerrimè fuisset functus. Renunciatus enim 26. Octobris anni 1529 resignauit 15. Maii anni 1532.

Morus resignatis honoribus calumniis impetitur.

DE PRIMA MORI VEXATIONE ET examinatione.

CAPVT XV.

Morus nunc igitur priuatam domi vitam agens, soli Deo & studiis vacans & quod ab ipsa incunte ætate desiderauerat, ut supra

supra explicatum est} mox futurus nobilis veritatis Confessor, & virtutis & fortitudinis speculum, variis calumniis appetitur: siue id Rege ipso per suos clam procurante (cui hominis seuera integritas, iam fastidio esse cœpit} siue æmulis suis id agentibus vt summum Regis odium in nocentissimo viro conflarent. Primum quum paucis post mensibus, & mense Augusto eiusdem anni) defuncto Gulielmo Waramo Archiepiscopo Cantuariensi, & in eius locum suffecto Thoma Cranmero Annæ Boleniæ à sacris, homine ad voluntatem Regis facto, & toto ad adulandum composito; idem Cranmerus (vt latius videre licet in libello de origine schismatis Anglicani} illud tantopere à Rege desideratum, tantoque innocentum sanguine foedandum, tam horrendi futuri schismatis fundamentum, diuortium pronunciaffet, tanquam videlicet Angliæ Primas & Metropolitæ; postquam Sedem Apostolicam potius abnegare Regi in animo erat, quam concupitis suis nuptiis diutius fraudari: statim post diuortium factum, libellus prodiit auctoritate Senatus Regii editus, qui huius diuortiî causas redderet: vbi inter cætera dicitur Regem ideo Sedis Apostolicæ iudicium non morari, quia ab eo ad generale Concilium appellaret. Rumor statim percrebuit Morum huic libello respondisse, eumque refutasse. De hac calumnia purgat se diligenter Morus per epistolam ad Thomam Cromvvelum Regi à consiliis & magnæ tunc auctoritatis virum, affirmans se neque aliquid contra illum librum scripsisse, nec vnquam scribere voluisse, quod multis ibi argumentis etiam plane improbabile esse demonstrat. Hæc labe absterfa, alia inspergitur. Non ita multo post, monialis quædam Anna Bertona, spiritu vt videbatur diuino afflata, Regi & regno male ominabatur. In suspicionem itaque

L

2.

*In operibus
Anglicis pag*

1422. O

1423.

itaque læsæ Maiest. vocata post diuturna vincula,
 extremo tandem supplicio cum quibusdam aliis
 religiosis personis afficitur. Huius rei invidia in
 Thomam Morum qui illam iussu Regis examina-
 uerat deuoluitur, quod præter examinationis tem-
 pora, secretò cum ipsa contulerit, quodque literas
 ad illam miserit, ab eaque acceperit lamque adedò
 in plenis regni comitiis accusatur hoc nomine
 Morus, ipso Procuratore regio sese per libellum
 porrectum inscribente. Cæterum totam hanc o-
 diosam & conuictam calumniam Thomas Morus
 scriptis iterum ad eundem Cromvvelum, præ-
 tereaque ad Regem ipsum literis à se excussit: ef-
 fecitque vt ab illa intentata in Morum calumnia
 in Comitiis desisteretur. Hac duplici calumnia
 utcunque depulsa, etsi hæc posterior animo Re-
 gis altius infederat, cuius suspensionem improba-
 tam semper à Moro diuortium magis auxerat,
 Morus hætenus in iudicium non vocatur. Inte-
 rea diuortio, vt dictum est, pronunciato, & per
 libellum illum Senatorium publicato, desiderati
 nuptiis potitur Rex. Mense siquidem Octobri
 Anni 1532. Rex Annam Boleniam clanculum
 in vxorem ducit, paucis consciis. Neque vsque
 ad Pascha proximum solenniter celebratæ hæ in-
 faustæ nuptiæ fuere. Anno igitur 1533. 12. Aprilis
 Anna regina per edictum pronunciatur, & 5 Iulii
 anni eiusdem regina Catharina, Arthuri princi-
 pis vidua per edictum etiam declaratur. Sub initiũ
 verò anni 1534. mense Aprili Anna iam ante octo
 menses prolem suam enixa, mali corui malum o-
 uum, voluit Rex ad maiorem diuortii sui confir-
 mationem, vt exhæredata Maria principi, Cathari-
 næ filia, oēs in verba Elisabethæ quam peperit An-
 na iurarent, velut quæ sola proles iam Regis legiti-
 ma esset, & regni hæres; simulq; Romani Ponti-
 ficis

ficis auctoritatem in regno Angliæ abiurarent. Hoc geminum iuramentum quum Londini proponi cœptum esset, totusque Clerus ad certum diem coram Cranmero Cantuariensi Archiepisco, totoque fere Senatu regio vocaretur, solus ex laicis Tho Morus vocatur, primusque sententiam rogatur. Qua in re quid responderit, & quomodo se gesserit, malo ipsius verbis huc translatis quàm meis dicere. Sic ergo iam in carcere Castri Londinensis constitutus ad filiam suam Margaretam scribit.

Quum Lambethum peruenissem, ubi Domini Commissarij confederant, causa mihi explicata ob quam eo citatus essem (etsi plurimum mirabar me solum ex laicis eo vocatum fuisse) petij inspectionem iuramenti quam mihi sub sigillo Regio maiori exhibuerat; Mox etiam Statuti de noua successione vt ostenderent rogauj; quod mihi typis excusum communicarunt. Vtroque secreto apud meipsum perlecto & considerato, respondi, me quidem nec Statutum ipsum aut Statuti authores, nec iuramentum ipsum vel qui in id iurassent, culpare velle nec cuiusquam alterius conscientiam reprobare. Quod ad me vero pertinebat, dixi bona fide iuxta meam ipsius conscientiam, etsi non recusarem in successione ipsam iurare, tamen iuramentum illud mihi tunc exhibitum me prestare non posse, nisi animam meam æternæ damnationis periculo obiicere velim. Quod si dubitarent me ex solo conscientie scrupulo iuramentum hoc recusare, paratum me dixi hoc ipsum iureiurando affirmare: cui si fidem non adhiberent; quomodo essent de mea voluntate certi, etiam oblato mihi ab illis iuramento prestitot. At vero si crederent me hac in re vera iuraturum, sperare me tanta eos benignitate erga me vsuros, vt altero illo iuramento me non premerent, quod nisi periurus esse vellem, prestare non possem. Quum hæc dixissem, dominus Cancellarius regni, mihi respondit, magnopere præfentes oēs dolere me talia dixisse, ipsumque iuramentum

*In operibus
Anglicis pa.
1428.*

bis

Morus Anglorum primus qui iuramentum contra Primatum Ro. Pont. recusavit.

* Hac nomen subscriptionis eorum fuit qui Pamentum interfuerunt.

Cur causas explicare renuerit.

Morus ab omni pertinacia alienissimus.

his verbis recusasse. Addebant etiam omnes fidem suam conestantes, me esse omnium Anglorum primum, qui hoc iuramentum recusauerit : quæ una res regia Maieſt. grauem contra me indignationem, & prauam de me suspicionem promoueret. Moxque catalogum mihi ostendunt, totius nobilitatis & populi, qui omnes iuramento suscepto nomina etiam sua subscripserant. Quo non obstante quia me sic videbant hoc iuramentum recusare, ut alios tamen qui iurassent non culparem, iusserunt me in hortum tantisper recedere. Interea vero totus clerus Londinensis, Pastores, Doctores, presbyteri omnes & nonnulli Episcopi (inter quos Rossensis) ad præstandum hoc iuramentum vocati sunt, omnesque ad unum (excepto Domino Rossensi, & doctore Theologo Wilsono) sine ulla difficultate aut mora iurarunt & subscripserunt. Hac scena peracta, denique vocor. Ingresso mihi ostensum est quos, quàm multi & quanti viri interea temporis tam breui interuallo sine ulla hesitatione iurassent & subscripserant. Quo ego viso neminem tamen reprehendere volui, sed eo modo respondi ut prius. Iam vero quum & hoc tempore & prius quoque pertinaciam & obstinationem animi mihi sæpius obieciſſent, quòd nec iuramentum admittere, nec causas aliquas recusationis meæ explicare volui; quòd posterius ideo me non facturum dixi, quia sola iuramenti recusatio satis magnam Maieſt. suæ erga me indignationem promoueret; causas verò ipsas si aperirem, suam Maieſt. grauius adhuc aduersus me concitarem, quòd nullo modo facere vellem, neque Regem plus quàm necessitas ipsa me cogebat, offendere; quum, inquam, hæc mea satisfactione accepta, vrgerent nihilominus ac identidem repeterent me animo tantum obstinato & pertinaci causas explicare nolle; ego hætenus illis acquieui, ut potius quàm obstinatus videri vellem; dicerem, casu quo sua Maieſt. id mihi facere permittat, aut (quòd malim) iubeat, data mihi interim cautione idonea, hanc ipsam explicationem mihi præiudicio non futuram, neque cau-

meam

meam inde deteriore fore, me paratum esse causas ipsas scripto explicare : simulque iuramento affirmare quod iuramentum istud principale mihi oblatum ex toto animo suscipiam, si causis illis ita à quoquam satis fieret, ut conscientiam meam quietam & contentam redderet. Huic meo responso replicatum est, etiam si Rex literis etiam parentibus talem mihi potestatem faceret, hoc tamen sufficere mihi ad indemnitatem non posse contra Statutum, aut decretum Parlementale. Cui ego rursus respondi, si literas Regias obtinerem, me illis contentum fore, & de reliquo Maiest. sue honori ac fidei rem totam meo periculo commissurum. Interim illud mihi, inquebam, ex his verbis vestris perspicuum sit, quod si absque tanto periculo ut dicitis, causas explicare nequeo, profecto causarum explicationem detrectare, obstinati animi non est. Hoc autem in loco Archiepiscopus Cantuariensis (Cranmerus) memor eius quod dixeram, me eorum conscientias qui iurarunt nec damnare nec reprehendere, sic aduersum me inferebat : satis inde apparere, quod hanc iuramenti recusationem necdum ut rem certam, constitutam, & exploratam haberem; sed potius ut rem dubiam, incertam, controuersam; Nunc autem, inquit, certum & exploratum tenes, oportere te Regiæ Maiest. obtemperare. Debes igitur, & omnino teneris id quod incertum est dimittere, quod autem certum est amplecti : Iuramenti recusationem ut rem tibi adhuc incertam abijcere; obedientiam erga Regem ut rem certissimam exequi & præstare. Hoc certe argumentum eji non mihi videbatur prorsus concludere quod intendit, tamen ita mihi repente subtile visum est, maxime à viro tantæ authoritatis prolutum, ut profecto nihil aliud ex tempore respondere potuerim, quam mihi adhuc videri me reluctantem conscientia facere hoc non posse, quia ipsa mihi conscientia distabat, causam præsentem cuiusmodi esse in qua Regi non sit obediendum : quia videlicet quicquid alij in hac causa sibi persuadeant (quorum ego vel conscientias vel eru-

Offert iurare
causis suis
refutatis.

Iudicam ca-
lumniam ex
ipsorum con-
fessis refellit

Obiectio
Cranmeri
Cantuariensis
Archiepiscop

Responsio ex
temporanea.

X
ditionem

ditionem aut damnare aut iudicare præsumere nolim) ergo certe mihi persuadeo ab altera parte veritatem stare. Quæ etiam in re meam conscientiam nec leuiter nec subito informauit, sed longa prius atque diligenti inquisitione facta. (sicut videlicet ex alia eius epist. superius declaratum est) Et profectò si illud D. Cantuariensis argumentum validum ac bonum est, via nobis expedita & clara monstratur qua omnes quascunque magnas de religione quæstiones concludere liceat. De quacunque enim in re inter Doctores controuertatur, Regis in alteram partem assertio, omnem controuersiam dirimit. Hic vero R.

Alia meditation.

*Abbatís
Westmonasteriensis
obiectio.*

Responsio.

D. Abbas Westmonasteriensis me aggreditur dicens, mihi meritò metuendum esse ne mea hic conscientia erronea esset, quum videam vniuersum totius regni Senatum diuersum non sentire tantum, sed & decernere, idcoque reformandam hanc meam conscientiam esse: Cui respondi, Si ego solus hoc sentirem, nec quisquam alius à meis staret partibus, toto regni Senatu ab alia parte stante, merito multum metuerem mea singulari sententiæ inuiti à tam multis reprobata. Nunc vero si e contra in certis causis ob quas hoc iuramentum suscipere detrecto, habeo mihi consentientem (vt mihi sanè persuadeo) æquè magnum adeoque maiorem Senatum, non tunc teneor conscientiam meam reformare, nec vnius regni concilio contra generale totius orbis Christiani Concilium eam conformare. Hic quum Dominus Secretarius, qui mihi vniçè fauet, grauissimè se dolere diceret, multisque verbis dolorem suum exprimeret, regiamque aduersus me indignationem irgeret respondi, quicquid mihi hac in causa triste accideret, à me corrigi non posse, absque euidenti animæ meæ periculo His dictis Dominus Cancellarius repetit Secretario quasi iam ad Regem ituro recusationem meam prædictam. Quam quum repeteret, adiecit expresse quod ad decretum de successionem attinebat, me non recitare quo minus in id iurarem. Quod ego quidem statim me facturum repeti ea conditione vt iuramentum illud

eo ver-

ad verborum tenore & forma conciperetur, in quam salua conscientia iurare possem. Quo dicto adiecit Cancellarius Vide igitur domine Secretarie, & aduerte quòd neò in ipsam successionem iurare vult, nisi sub certa verborum forma. Omnino domine Cancellarie, inquebam ego; nisi prius iuramentum ita conceptum videro, vt ipsemet clarè videam me sic iuraturum, quo nec periturus siam, nec aduersus conscientiam iurem. Hæc hæctenus ad filiam suam Margaretam Morus Hæc fuit prima eius examinatio; hoc persecutionis exordium; hic primus actus funestæ istius quo ad Regem tragediæ, foelicis quo ad Morum comediæ. Videt hic lector quàm sapienter, cordatè, modeste ad singula responderis quàm pie conscientiam non lædat, quàm studiosè Regem non offendat, quàm appositè singulis { quasi ceruum canibus allatrantibus } satisfaciat, denique quàm piè & Christianè se gerat. Mirà res, inter tot laicos literis claros, prudentia conspicuos, autoritate magnos, nobilitate illustres, solum Thomam Morum, & quidem ante clerum ipsum examinari, rogari, tentari. Antea apparuit quantum tentauerit Rex vt hunc vnum hominem in suam sententiã pelliceret. Nunc videmus totum Regis Senatum, Cancellarium, Archiepiscopum, Abbatem, secretarium, & communiter & sigillatim in vno Moro pertrahendo frustra contendere. Ostendunt ista & maximæ autoritatis ac fidei Morum apud Regem, Senatum, ac populum fuisse, & virum tamen in causa rei fortissimū, in veritate tuèda integerrimū.

Hic verò operæ precium est, quo studio, qua pietate ad hoc se certamen athleta Christi fortissimus præparauerit, lectori ostendere Cancellarii amplissimo munere abdicato, domum suam se recipiens, ab aulicis videlicet & publicis negotiis quasi manumissus ac rude donatus, non solum

Vt Morus ad persecutiones tolerandas sese præparauerit.

fidem Catholicam contra exorientes tunc in Anglia hæreses perpetua & doctissima scriptione defendit; sed etiam pietati, precib⁹, corporis sui mortificationi, solito arctius & seuerius incubuit. Morionem à mensa & conspectu suo remouit. Familiam magna ex parte imminuit, famulis tamen optimè apud diuersos collocatis. Supellectilem omnem auream & argenteam quam vsque ad 400. aureos & amplius habebat, diuendidit; ne & quod postea accidit) hisco regio præda esset. Liberos suos omnes iam coniugatos cum prolibus in singulas familias, alios alibi dispartit, sola Margareta cum suo coniuge etsi non in eadem domo, attamen in eodem pago domicilium habente Sepe admodum & vt in quadam ad Margaretam Roperam ex carcere epistola scribit } etiam in lecto ad vxoris latus cubitans, ei que dormire visus, totas fere noctes insomnis duxit, omnia sibi que accidere poterant difficillima, etiam mortem ipsam præmeditando: multisque lachrymis & precibus carnis suæ (quam ita fragilem ac teneram alicubi esse scribit, vt nec talitrum libenter sustineret } victoriam obtinuit. Singulare est illud quod abdicato Cancellarii munere, apparitorem Regium seu ostiarium subornarit, qui hora prandii quando cum suis omnibus se recreabat, pulsatis repente foribus & intromissus, cum nomine Regio citaret, coram Commissariis regiis die proximo compariturum. Quo repentino nuntio suos percussos, & quosdam quidem gemitum & ploratum edentes, alios rem fortiter ferentes, hos studiose collaudabat, illos acri oratione obiurgabat; hæcque ratione & se & suos ad futuram calamitatem prudentissime armabat. Quod eius insigne stratagema dum recolo, Ioannem illum eleemosynarium Alexandrinum patriacham videre mihi videor, simili quodam stratagemate ad mor-

*In operibus
Anglicis pag
1442.*

1448.

*Stratagema
Mori.*

*Apud Suriñ
in vita eius
tom. 1.*

ad mortem ipsam sese præparantem. Iusserat sibi extrui monimentum, ei autem finem non imponi, sed sic imperfectum relinqui: deinde eos qui præfecti erant operi, quum esset festum aliquod insignè accedentes in conspectu omnium qui confidebant, apertè dicere. Monimentum tuum in hodiernum vsque diem imperfectum est Domine. Iube ergo vt id finem accipiat. Incerta est enim mortis hora. Quàm autem tota hæc præmeditatio & præparatio etiam in viro tanto fuerit necessaria, ipse rei exitus & adueniens tentatio comprobavit. Erat fortè Morus Londini ipsa Dominica Palmarum cum genero suo Ropero, vt concionem ad D. Paulum audiret. Ea finita, quum ad domum Ioannis Clementis diuertisset, accedit ad eum O. stiatius regius, qui in proximum mane eum cicit vt coram regis Commissariis in Lambetho, palatio Archiepiscopali (vt iam dictum est) compareret. Mox igitur domum rediens ea nocte omnibus suis penitus valedicēs, proximo mane sumpta prius vener. Eucharistia, quum domo abeuntem vxor & liberi flentes comitari vellent vsque ad aquas, clauso ostio eos inclusit, soloque genero suo prædicto cum comitante Londinum nauigio venit, totus meditabundus, & tristis, qualique cum Christo in horto, pauens ac dicens, *Tristis est anima mea vsque ad mortem*. Tandem tamen hilari & exoptato vultu ad generum dixit. *Vicimus filii, bene se res habet*. Nempe in via ad accusationem suam tendēs, vnde passionem consequi posse præuidebat, fuit & Morus in ægonia ac prolixius orabat: sed Christi fretus auxilio, & propter verbum Christi, *Confidite ego vici mundum*, vicit quoque ille mundum. Nisi enim Christus prius vicisset, quomodo membra eius vincere potuissent? Imò, nec vicisset ille mundum, si eius membra vinceret mundus, ait S. Augustinus

*Prima Mort
tentatio &
victoria.*

Ioan. 16.

*Tract. 101.
in Ioanem.*

Eo quippe vincento nos vicimus, quia per illum vicimus. Hæc ergo prima persecutio, prima examinatio, prima ad passionem futuram tentatio, prima victoria fuit.

DE EIUS INCARCERATIONE, VARIA-

que illic tentatione.

CAPUT XVI.

Riecto & recusato, ut in præcedentibus dictum est, utroque iuramento tam de prima tu Regis, quam de noua successione, Morus primum Abba in Vestmonasteriensi ad aliquot dies in custodiam datur; sed mox in carcerem turris Londinensis coniicitur, ad perpetuos carceres damnatus. Bonis quoque ac fortunis omnibus spoliatus. Quam primum verò in carcerem turris Londinensis coniectus esset, & in arctissima custodia positus, scripsit carbone paruum epistolium ad filiam suam Margaretam, quod hic propterea subiiciam, ut intelligat lector quanta animi alacritate primum illum carceris horrorem, & squalorem

*In operibus
Anglicis pa.
1430.*

sustinuerit. *Charissima filia, ego, laus Deo, rectè valeo, corpore sanus, animo tranquillius, rerumque mundanarum non plus appeto quam habeo. Deum precor, ut vos omnes latifcet in spe vite æternæ. Quæque ego iam dudum de bonis æternis vobiscum omnibus communicare stâtuera, multumque desideraueram, ea Deus diuino*

*Prima Mori
epistola in
carcere scri-
pta.
Improbis
per iocum
vocat.*

suo Spiritu mentibus vestris ut instillet precor: quod eum facturum spero, idque multo vinacius quàm ullus sermo meus auribus instillare potuisset: qui & vobis benedicat, vosque omnes conseruet. Scriptum carbone per amantissimum vestri patrem, qui in suis precibus quibuscunque tandem illis nullius vestrum obliuiscitur, neque liberorum vestrorum, neque nutricum, neque maritorum vestrorum, neque improbarum quas habent uxorum, neque

etiam

etiam improba vxoris patris vestri, neque caterorum amicorum. Atqui ita deficiente charta, valete. Postscriptum, Det mihi Deus animum perpetuo fidelem, simplicem ac apertum, nec si alioſim animo, superesse me diutius permittat. Nam quod ad vitam diuturnam attinet, neque expecto, neque deſidero & quod tibi ſapius, mea Margareta, me dixiſſe memini } ſed eam abrumpere paratus ſum etiam craſſino die, ſi ita Domino videatur. Neque quenquam mortalium noui (Deo ſit laus) cui velim mea cauſa vel talitrum inferri. De quo quidem animo magis mihi gaudeo, quàm ſi vniuerſum mundum poſſiderem. Commenda me improbo tuo Gulielmo, & aliis liberis meis, Ioanni quoque Harriſio amico meo, & cæteris quos ipſa bene noſti, ſed præ cæteris omnibus improba vxori meæ; & Deus vos omnes conſeruet, & ſeruos ſuos vos faciat atque cuſtodiat. Hæc ille in primo carceris ingreſſu, nec ſuorum oblitus, nec ita in ſuos affectus, vt eorum præſentia magis quàm Dei obſequio delectaretur. Mox verò non ita multo poſt vt varia tentatione affligitur & Rege omnibùs modis id ſatagente vt hominem ad ſuam ſecteretur voluntatem) ita omnem illam diuino aſtipulante numine fortis Chriſti athleta fæliciter ſuperauit. Primum Margareta Ropera filia eius vnice dilecta, & quam ſupra cæteros omnes amauit, (vt ex præcedentibus ſatis apparet } illum iam in carcere poſitum hortatur ſeu vero vultu ſeu ex compoſito (certè ab illo vero vultu res accepta eſt) vt iuramentum illud præſtare non grauaretur, quod tam multi per totam Angliam magni & docti & pii viri præſtitiffent. Hæc illi tentatio tam grauis erat, vt his planè verbis ei reſcriberet. Niſi iam dudum à ſatis longo tempore animus meus in hac cauſa (diuina opitulante gratia) plane firmus ac ſtabilis conſtitiffet, tua proſecto lachrymabilis epiſtola, filia dulciſſima, non mediocriter eū labefactaſſet; certe vehemētius eū concuſiſſet, quàm ca-

Charitas perfecta.

1. tentatio in carcere.

In operibus Anglici pag. 1431.

tera omnia qualia non pauca eademque terrore & horrore plena hoc in loco subinde audio. Sed nihil eorum ita me perculit, nec eum mihi dolorem attulit, sicut illa tua epistola, in qua videbam charissimam mihi prolem verbis valde flebilibus, id mihi persuadere velle, quod à me fieri nullo modo posse, ipsa salutis meae necessitate sic cogente toties & tam disertè aliàs respondi, Tuae ergo epistolae argumentis non est quod respondeam. Non enim dubito quin memineris, quàm saepe tibi dixerim, causas & rationes huius facti mei (sine quibus explicatis tuis literis respondere nequeo) me nalli mortalium vnquam explicaturum. Hac igitur in re, mea Margareta, nihil aliud possum, quàm vt sicuti me multum rogas vt tui animi sententiam sequar, sic te vicissim plurimum rogem atque obsecrem, ne id amplius me roges; sed in quæ prius tibi hac in re saepenumero respondi contenta esse velis. Incredibilis mihi dolor est, multoque ipsa mortis nuntio grauior (mortis enim timorem, Deo sit laus, timor gehennæ, spes eterni gaudij, & Christi passio magis ac magis quotidie imminuunt) quum intelligo generum meum teque filiam meam charissimam atque vxorem meam dulcissimam, aliosque liberos meos et amicos meos innoxios, magnum propter me in discrimen vocari, magno imminuentium malorum metu concuti. Quæ sanè à vobis remouere quum penes me non sit, nihil aliud possum quàm vt soli Deo rem vniuersam committam. Nam in manu Dei cor Regis est, & sicut diuisiones aquarum quocumque voluerit impellit illud. Hæc ille, quæ facile ostendunt quàm grauem tentationem querula illa filiae suæ dulcissimæ epistola, fortissimo Confessori attulit, maximè tali patri tam suorum amanti, tam tenerè diligentis, vt ex superius dictis manifestè constat, quanta etiam spiritus fortitudine illum à se reiecerit planeque deuicerit. Alia Mori in carcere tentatio fuit, eiusdem filiae Margaretae sermo cum eo habitus. In quo sermone prudens fœmina quasi in persona aliorum omnia

Mortis metū
quomodo vi
cerit.

2. tentatio in
carcere.

omnia in medium adfert, quæ contra hanc solius Th. Mori recusationem à magnis & parvis dicebantur. Non erit abs re ea hic breuiter commemorare, quæque singulis Morus piè ac prudenter responderit, huc transcribere. Sic enim tum factum ipsum Mori per se manifestè pium ac sanctum, contra cauillationes tamen & iudicia mundi defendetur, tum etiam contra similes casus qui non raro in Rep. contingunt, lector instruetur. Capita igitur obiectionum hæc sunt, omnia à Margareta proposita. Primum, vir tantopere Regi deuinctus, tot honoribus ab eo donatus, &c. Regiæ voluntati si quis alius maximè obtemperare tenetur, nisi ubi clarè & perspicuè diuino mandato contradiceretur. At hac in causa (quod secundò obiciebatur) ita generalis est totius regni consensus, tot & tantorum virorum, ut vix videatur credibile illos omnes Deo repugnare, velle. Tertiò videat iterum atque iterum ne vnius Rossensis Episcopi iudicium sequatur, aut vnius eius voluntati se obstringat. Quartò qui hoc iuramentum præstiterunt tales ac tanti viri sunt, Episcopi, Doctores, Pastores, Religiosi, nobiles & illustres ac prudentissimi viri, ut non solum non temerè vel absque periculo salutis, eorum iudicio homo laicus & non nobilissimus accommodare se possit, verum etiam quòd accommodare debeat. Quintò & postremò quum in plenis regni comitiis publico omnium ordinum consensu & auctoritate sancita res sit, existimant omnes, ad eius decreti publici confessionem & approbationem etià in conscientia eum teneri. Propter has ergo causas alii temerè & inconsultè, alii periculose, alii denique improbe & pertinaciter Morum agere clamabant, qui pene solus hoc iuramentum præstare detrectauerit. Ad hæc singula hoc fere modo respondit Morus. Ad primum, neminem

*Obiectiones
contra Mori
constantiam.*

1.

2.

3.

4.

5.

Ad 1.

Pag. 1428.
in epistola ad
Cromvvel.

Cur primatū
Rom. Pont.
abnegare no-
luerit.

minē certe in vniuerso regno Anglicano iuramē-
tum hoc libentius præstitisse quàm ille præstiturus
erat, idque quia Reg. Maieſt. ſe multis nominibus
deuinctiſſimum agnoſcit, ſi id faciens Deum gra-
uiter non offenderet. Neque, inquit, leuiter aut per-
functoriè rem hanc expendi, ſed per totos annos ſeptem à
quo tempore Rex ipſe contra Lutherum ſcripſit, (cuius in
libro primum omnium aduerſi primatum Rom. Pont. de
iure diuino eſſe) in hanc rem incubui, patres omnes tam
Græcos quam Latinos quos habere potui leſtitando; qui
omnes à D. Ignatio, Ioannis, Euang. diſcipulo vſque ad
modernos doctores, ita in hoc Primatu tanquam à Deo or-
dinato conſentiunt; reſque ipſa per Concilia generalia ſic
confirmatur; vt in contrariam partem nihil vnquam ta-
le legere potuerim, vnde conſcientiæ meæ tuto conſultum
putarem, ſed potius vnde in certiſſimo damnationis peri-
culo verſari cernerem ſi Primatum eſſe de iure diuino ne-
ga ē. Quod tamē ſi negari poſſet, non video an illud nobis
quicquam commodaret. Illud enim certiſſimum eſt Pri-
matum hunc vt minimum totius orbis Chriſtiani conſen-
ſu ſtabilitum eſſe, & ad ſchiſma vitandum introductum,
continuaque annorum fere mille, vt minimum, ſucceſſi-
one roboratum. A tempore enim D. Gregorii Magni anni
iam penè mille effluxerunt. Quum autem totius orbis Chri-
ſtianus vnum ſit corpus, non video qua ratione vnum a-
liquod membrum ſine totius corporis conſenſu, à commu-
ni capite poſſit recedere. Quod autem ad Regis in hoc arti-
culo offenſionem attinet, eiſi hæc mea ſit ſemperque fuerit
de Papæ primatu ſententia, tamen in libris meis vernaculè
contra hæreticos ſcriptis Papæ poteſtatem haud ita
multum defendo. Tametsi enim loquor interdum de Rom.
Pont. tanquam de ſupremo Eccleſiæ capite, iuxta commu-
nem omnium Chriſtianorum loquendi morem, tamen id
argumentum nuſquam premo, nuſquam ſtudioſè cōfirmo.
Sed ab altera parte quum in conſutatione mea cōtra Tin-
dallum incidiffet locus de primatu Rom. Pont. eumque
prolixè

prolixè tractassem, & ad eius confirmationem omnia quaecunque inueneram collegissem, quum eo tempore de futura inter Rom. Pont. ac Regem tali dissensione qualis nunc est exorta nihil diuinarem; quum paulò post animaduertentem res ad huiusmodi discordiam tendere, totum illud quod de primatu scripseram reiecaui, ipsamque confutationem absque illa disputatione in lucem dedi. Ex quo satis liquet quàm noluerim in hac primatus questione Regem offendere, quomodocunque ille mihi persuasissimus esset. Nunc vero hoc mihi proposito iuramento in arctum me compingi video, ut aut Regem necessariò offendam aut Deum: aut maximis me hic in mundo periculis exponam (quæ tamen omnia diu prævidi & præcogitavi) aut æternæ damnationi obnoxium me reddam. Ad secundum respondit se aliorum conscientias nullo modo scrutari aut iudicare velle, Multa inquit, multos possunt ad hoc iuramentum pellicere. Alii vel ut placeant vel ne displiceant, & displicendo vel infortunis vel in corpore luant, iurare possunt aliter sentientes, vel certe derepentè nouam sibi conscientiam formantes. Quod quidem absit à me longissimè ut de quoquam existimem qui iurarunt. Melius de illis confido. Si enim talia quemquam mouerent, nemo me citius moueretur (vide insignem viri sancti humilitatem) ut qui neminem putem ita fragilem ac meticulosum, quàm sum ipsemet. Alii fortasse huiusmodi sibi conscientiam formare poterunt, qua putent Deum illis hoc non imputaturum, quia metu id faciunt, non ex animo; & coacti non sponte. Alii sperant fortasse se huius abnegationis penitentiam acturos; atque ita rebus suis salutis veniam à Deo consequuturos. Alii postremo hoc sibi forsàn persuadent, Deum omnino non offendi, quicquid ore dicant, quando animus integer est, & ab omni errore vacuus. His ego me periculis exponere non audeo, neque tales cogitationes induere tutum existimo. Ad tertiam illam obiectionem respondit nihil habere probabile, tum

Ad 2.

Pa. 1440. b.

Christiana
Charitas.

Humilitas.

Pag. 1437. b

Ad 3.

Pag. 1437. a

Roffensis
laur.

Ad 4.

Pag. 1439.
Ad 5.

Quatenus le-
ges locales
approbandæ.

le, tum quia Roffensi necdum vocato aut audito ipse prior recusauerat, tum etiam quia Dominus Roffensis paratus erat plusculum aliquid illius iuramenti admittere, & certo quodam modo, aliter quam ipse vnquam voluerit iurare. Denique, inquit, etsi virum illum ita reuerear, vt planè ei parem in toto hoc regno non esse existimem, seu prudentiam, seu eruditionem, seu spectatissimam pietatem spectes, tamen nec ad illius, nec ad alterius cuiusquam particularis nutum conscientiam meam formare velim. Quarto sic respondit; Etsi omnes in hoc regno docti, prudentes, boni aliter sentiant (quanquam facile fieri potest, vt multi ex illis non idem sentiant quod iurando sentire videntur), tamen in aliis orbis Christiani partibus non pauciores sunt qui idem mecum sentiant. Ex iis autem qui ante nos vixerunt, aut omnes aut pene omnes eiusdem sententiæ mecum fuere. Vt taceam de sanctis Ecclesiæ Doctoribus, ac patribus, qui idem plane docuerunt atque senserunt: non omnes dico & singuli, sed certè tanto numero, vt rehementer optem meam animam eodem quo illi sunt loco ac statu esse. Ad quintum atque postremum respondit, etsi leges civiles ac locales obligent subditos sub pœna temporaria atque interdum etiam sub æterna, tamen nemo tenetur iuramento asserere omnes tales leges legitimè esse ac rectè institutas. Nemo etiam legi illi civili aut regali obedire tenetur, quæ rationi aut pietati aduersatur. Sed & in dogmatibus adhuc in ecclesia dubiis & controuersis, de quibus ipsi docti & sancti inter se dissentiuunt salua fidei compage, qui alterutram tenet sententiam (verbi gratia, circa Conceptionem B. Virginis, eam non esse conceptam in peccato originali) nec contra illam quam tenet vlla lege iurare cogi potest, quia hoc esset contra conscientiam iurare, nec vt conscientiam suam mutet, & contrariam induat vlla lege locali aut regionali cogi potest, quia talia determinatè credenda præscribere solius est Concilii generalis aut legislatoris vniuersalis. Iam vero in his quæ planè

planè sunt in alteram partem determinata per Concilia Pag. 1440.
 generalia aut Ecclesiæ consensum vnanimem, contra illa
 sentire, loqui, conscientiam sibi formare nulla cogente le-
 ge potest, qui Christianus est & saluus esse vult: utcum-
 que multi & docti id faciant, & suo exemplo alios ad se
 pertrahere conantur. Sic ad singula obiecta variaque
 tunc hominum de eius tacto iudicia Thomas Mo-
 rus respondit, quæ ab eius ore accepta Margareta
 filia ad sororem suam D. Alingtonii viri equestris
 vxorem scribit: nosque ex Margareta epistola, ali-
 isque ex locis operum Anglicorum in hunc locum
 transtulimus & congeessimus.

Iam verò quum Margareta ista (vt in eadem ad-
 huc epistola copiosè refert. Zanimum patris sui ali-
 is quibusdam modis non tam ad malum tentasset,
 quàm de constantia & fortitudine pertentasset, ad
 ea tam piè ac sapienter respondet Morus, vt veri
 Martyris animum, & ad quæuis pro veritate sube-
 unda promptissimum facile agnoscas. Ea hoc loco
 breuiter commemorabo, vt lector intelligat, quanta
 pietate, integritate, sapientia in tota hac causa Th.
 Morus vsus fuerit: quàm nihil temerè, vanè, per-
 tinaciter aut obstinatè ab eo actum sit, non nisi re
 tota grauissimè & exactissimè perpensa, non vt so-
 lus saperet, non vt Regem offenderet, sed prorsus
 ne Deum offenderet. Margareta quum omnia sua
 argumenta diluta cerneret, Attamen, aiebat, Pag. 1441.
*rehe-
 menter metuo ne hæc res in maximas te, mi pater, an-
 gustias, & in acerbissimos dolores conuiciat. Nam & du-
 dum D. Secretarius amicus vester integerrimus vos mo-
 nuit, Comitum parlementalia necdum esse finita. Qui-
 bus verbis mortis periculum patri proponebat, ne
 videlicet in ipsis Comitibus Thomas Morus nomi-
 natim condemnaretur Sic enim in Comitibus An-
 glicanis non rarò fit. Ad hæc ille respondit, omnia
 etiam extrema à se esse præcogitata, nec quicquam
 illi*

Pag. 1442.

Regis ingra-
tudo.

illi tam graue posse accidere, ad quod ferendum animo te & voluntate dudum non comparauerit. *Esji*, inquit, nec lex ulla in me ferri potest quæ iusta sit, iniusta autem nocere non possit, nisi simul iniuriam faciat; cû profecto bene confidam Deum non permissurum, ut Rex ipse princeps ita bonus & prudens tam multa & tam diuturna fidelis sui ministri obsequia ita retaliet; tamen quia ista accidere possunt, omnino Christi consilium secutus sum, sedensque sumptus omnes computavi, quos in hanc turrin conseruandæ animæ meæ, expendere necesse habui: nihilque non præcogitatum reliqui, neque habere, quacunque proposita mihi acerbitate, ab eo quod distat mihi conscientia, recedendum putavi. Ad hæc iterum Margareta. At verò, mi pater, aliud est rem aliquâ cogitando decernere, aliud rem ipsam de facto exequi: aliud animo futurum præuidere, aliud rem existentem cernere. Quod si verò quum ad rem ipsam ventum esses (quod Deus auertat) aliter tunc forte faceres, quàm nunc faciendum iudicasti, metuo valde ne eo tunc tempore nimis hoc serum foret. Serum, ait Morus, mea Margareta! Precor Deum si aliter vnquam faciam, ut illud mihi nimis serò contingat. Certissime enim scio, certam hoc mihi perniciem fore, si vnquam hunc animum mutem, si, inquam, ex metu aut formidine malorum mutem. Itaque Deum ex animo precor, ut talis mutatio nunquam mihi bene cedat. Quantò enim hic grauiora patiar, tanto ut minimum in aliera viua leuio: a feram. Quid? quod si nunc existimarem fore ut postea deficerem, metuque correptus iurarem, attamen malim interea ex hac recusatatione aliquid durum & acerbum pati. Sic enim faciliorem mihi resurgendi à lapsu gratiam à Deo sperarem. Et quamuis, mea Margareta, bene mihi conscius sum, eam fuisse vitæ meæ anteactæ prauitatem, ut plane merear à Deo celsari, tamen non desinam in eius immensam bonitatem semper confidere, optimeque sperare, quod quemadmodum hactenus sanctissima eius gratia mihi

Humiliter
de seipso sen-
tit.

Fidacia in
Deum.

tia mihi

tia mihi vires subministravit, omnia animo contem-
 nendi opes, redditus, ac vitam ipsam, potius quàm re-
 luctante conscientia ut iurem; ipsique Regi eam benignâ
 mentem suggestit, ut hæcenus sola me libertate priuavit
 (qua certe una in re sua Maiestas maius mihi benefi-
 cium contulit, propter spirituales animæ meæ profe-
 ctum, quem inde me consequi spero, quàm in omnibus
 illis honoribus & bonis sic antea erga me accumulatis)
 sic eadem gratia vel Regis animum ita moderabitur, ut
 nihil in me grauius statuat, vel mihi eas perpetuo vi-
 res dabit, ut quantumcunque grauiâ patienter (fortè &
 libenter) feram. Quæ mea patientia cum meritis acerbis-
 simæ passionis Dominicæ coniuncta (quæ quidem meam
 omnem telerantiam infinitis parafangis, & merito &
 modo excellit) mitigabit debitas mihi in purgatorio pæ-
 nas, diuina largiente bonitate, aliquantulum etiam mer-
 cedis in cælo augmentum dabit. De Dei bonitate diffi-
 dere, mea Margareta, nolo, utcunque me debilem ac
 fragilem persentiam. Imo si in eo me terrore & conster-
 natione cernerem, ut iam iam lapsurus viderer, memine-
 rotamen D. Petrum vnico ventislatu, ex modica fide,
 submergi cæpisse, faciamque quod ille fecit. Christum cõ-
 pellabo. Domine, saluum me fac. Spero enim quod exten-
 dens manum suam apprehendet me, nec submergi patie-
 tur. Quod si verò Petri partes adhuc vltierius me age-
 re permitteret, planeque præcipitem cadere, iurare &
 abiurare (quod pro sua misericordia Deus longissimè a-
 uertat, potiusque damnum mihi quàm commodum ex eo
 lapsu creet) spero nihilominus fore, ut oculo misericor-
 diæ pleno me respiciat, sicut Petrum respexit, meq; denud
 erigat, ut de nouo veritatem confitear, & conscientiam
 exonerem; pœnamque & pudorem prioris abnegationis
 fortiter perferam. Denique, mea Margareta, illud Totū se Deo
 compertissimum habeo, quod absque mea culpa Deus cõmittit.
 me non de eret. In omni itaque spe & fiducia me illi Sanctissimū
 totum committam. Si propter peccata meæ me sinat peccum.
 perire,

Maximum
 Regis erga
 Morum be-
 neficium.

Fiducia in
 Deum.

perire, saltem Iustitia eius in me laudabitur. Spero tamen & certissimè spero quòd clementissima eius bonitas animam meam fideliter custodiet, facietque ut misericordia eius potius quam Iustitia in me commendetur. Sis ergo bono animo, mea filia, neque de me admodum sollicita. quicquid mihi in hoc mundo contingat. Nihil contingere potest, quod Deus non velit. Quicquid autem ille vult, ut-
cunque nobis malum videatur, est tamen re vera optimū. Hæc ad suam Margaretam in carcere Morus. Videas in his verbis & facile recognoscas, non solum virum ad omnia toleranda paratum, sed & quod multo amplius est, ipsiusque fortitudinis atque ad-
eui aliarum omnium virtutū fortissima custodia) virum humilem, de seipso humillimè sentientem, diuinæ sese voluntati in omnibus conformantem virum iustum, sanctum, virum simplicem, rectum & timentem Deum.

Has ergo (quas puto omniū difficillimas fuisse) circa persuasiones, scrupos, timores dulcissimæ filiæ suæ, tentationes quum superasset, successit altera non modica. Præter Episcopum Roffensem, vnicus ex inferiori clero, Nicolaus V Vilson Theologiae Doctor, vir grauis, prudens, eruditus, & quo Rex plurimum utebatur, Moro etiam ipsi familiarissimus, & in examine diuortii atque primatus cōiunctissimus, iuramentum eo die recusauerat, quo, ut supra dictum est, à toto clero illud exactum fuerat. Hic vir postea in carcere flexus, & mutatus, iāque iuraturum se pollicitus, antequam id faceret, scribit ad Thomam Morum, an ille idem facturus esset, percontatus. Illi in hæc verba respondet Morus.

Quod à me flagitas an iuramentum hoc tandē præstare velim, meminisse potes quum vterque foris liberè ageremus, me nec animi tui sententiam vnquam explorasse, nec ut mea à quoquam exploraretur pati voluisse.

Neque enim ego vnquam alicui me factioni adiungam, nullius

Quarta ten-
110.

Pag. 1443.

Ex epist. ad
Doct. VVil-
sonum.

Nullius ego partes tuebor; sed suam unicuique conscientiam relinquens, meam solam curabo ne quā in re offendat. Postquam tibi iam visum est, iuramentum illud suscipere, factum id tibi felixque sit. Nemini unquam mortaliū ne iuraret dissuasi; nemini scrupum aliquem hac de re iniecti. Hæc ille. Doctore autem isto adhuc acrius responsum urgente latissimè denuò respondet Morus, ea fere omnia repetens, quæ vel in epistola ad Th. Cromvellum, vel in illo cum Margareta sua sermone habito dixerat, nosque sup retulimus, ubi inter cætera ait. Ego nullo modo mihi id arrogare velim, aliorum ut conscientias discutiam, fidem, & eruditionem discernam. Circa aliorum conscientias curiosus non sum. Meam solius diligenter curo. Et profectò in mea turanda, parcat mihi Deus, satis superque quod agam inuenio. Videor mihi vitam iam diuturnam egisse: diu multum adhuc vivere nec spero nec opto. A quo tempore carcerem sum ingressus, semel atque iterum mortis in meipso sententiam acceperā: & pro' eisdem, ingenuè dicam, eius rei expectatio incredibili me perfudit gaudio. Nec tamen obliuisci possum, magnam à me & prolixam rationem reddendam. Sed in Domino confido, & in merito passionis filij eius: precorque ut eum mihi animum donare semper velit, quo cupiam dissolui & esse cum illo. Non possum enim dubitare, quin gratis admodum ad eum veniet, qui ut veniret, diu multumque concupiuit. Sed & id quoque mihi persuadeo: quicumque ad Deum peruenturus est, & huc enixè desideraturum, prius quàm eò possit peruenire

Hæc ibi Morus diuinè admodum ac sapienter philosophatus, tantum abest, ut tanti viri exemplo & lapsu quicquam fuerit detritus, aut è statu suo deturbatus, etsi profectò homini laico tanti Theologi exemplum, non modico scandalo esse potuisset, si divulgò laicorum Morus fuisset, ac non supra

Pag. 1445.

Sapienter dictum.

Multas adhuc in carcere alias tentationes susti-

X nult

Quinta tenta-
tio.

PAG. 1447.

Magnam car-
nis pugnam
sensit & vi-
cit.

Rationes pro
contemptu
mortis in iu-
sta causa.

- 1.
- 2.
- 3.

4.

nuit fortissimus Morus, partim Rege, partim ami-
cis, partim etiam inimicis id satagentibus, ut vel
ad eius vitam conservandam, vel ad ipsorum desi-
deria adimplenda (quos pessimè habebat unum
quasi hœsinem, & talem, hoc ab omnibus fere sus-
ceptum iuramentum recusare) Morus cederet.
Sparsus igitur non obscurus rumor est, & ad Mori
aures studio perlatus, fore ut si pertinax persisteret,
cogatur Rex novam in eum legem, confidente ad-
huc Senatu, ferre. De quo rumore & noua tenta-
tione seu terrore potius sic ad filiam suam Marga-
retam scribit *Equidem impedire nequeo quo minus ta-
lis lex feratur. Caterum illud certissimè compertum ha-
beo, quod si vi huiusmodi legis morte afficerer, innocens
coram Deo morerer. Ego verò quicquid talis lex inferre
potest, iam dudum præcogitatum & præmeditatum ha-
beo. In qua cogitatione mea etsi, dilectissima, magnā vim
sensualis partis, magnam carnis pugnam ac rebellionem
sensi (ignoscat mihi Deus) maioremque dolorem & mortis
metum quàm qui Christianum in huiusmodi casu dece-
ret; tamen, laus Deo, exitus huius pugne fuit victoria
spiritus, fide atque adeo rationis lumine spiritum adiu-
uante, atque distante, ex morte innocenti lucrum
non damnum reportari. Sed & ipsius mortis violentæ
in tali causa susceptæ despectum iste carcer me magis ac
magis quotidie docet. Esi enim aliquid præsentis vitæ
ex tali morte minuatur, at compensatio infinita est, quod
tanto citius cœlesti gaudio perfruitur. Et quamvis do-
leat multum quum sanus quis moritur, neminem tamen
adhuc novi qui egrotans sine dolore moriatur. Sed &
illud scio, quandocunque hora mortis naturalis adveniret
(quæ hora semper incerta est & fortè crastina) pro ma-
gno beneficio tunc haberem, si violenta morte vi huius-
modi legis sublatus fuissim. Ipsa itaque ratio me do-
cet ineptam esse illam mortem horrere, qua defun-
ctum me fuisse postea exoptarem. Postremò violenta*

mors

mors multis aliis casibus accidere posset, æquæ acerba ac
 dura, ubi minor esset apud Deum gratia, & maius animæ
 ac salutis periculum. Quas sane ob causas; etsi olim mortis
 memoria me valde terruerit; nunc certe non terret quic- *Oratione se*
 quam. Nec tamen meæ fragilitatis sum immemor, sed Pe- *confirmat.*
 tri lapsus intuitus, id vnum quotidie Deum supplex ro-
 go, ut hunc in me animum perpetuum & constantem esse *Resignatio*
 velit. Postremo, mea Margareta, (ut intimum cordis *sui.*
 mei arcanum tibi aperiā) ego me totum diuinæ volun-
 tati resignaui; ut ex quo in hunc locum veni, nunquam
 adhuc Deum rogauerim, ut ex hoc me carcere eripiat,
 aut à morte conseruet, sed id de me faciat, quod eius di-
 uinæ voluntati prorsus videbitur: ut quæ melius videt
 quid mihi expediat, quam ego videre possum. Sed nec
 optaui aliquando domi meæ esse, ex quo huc veni, ex ali-
 quo domus ipsius desiderio aut voluptate: sed id vnum a-
 liquoties optaui, ut amicos aliquando conuenirem, ma-
 ximè uxorem & vos, quorum cura mihi incumbit. Quod
 ipsum tamen, quia aliter Deus disposuit, eius omni-
 no sanctæ voluntati committo, letus interim & exul-
 tans in Domino, quod intelligam vos domi meæ tam
 suauiter & tranquillè agere, tanta cum charitate &
 tranquillitate simul viuere. Hæc ad illius legis rumo-
 rem Margaretae filiaë scribit Morus, magis certè ne
 illa cum familia turbaretur, quam de se ipso solli-
 citus. Ad has tentationes accessit alia vexatio & *Sexta tenta-*
 grauis obiectio, qua ei dicitur, ideo non nisi obsti- *tio.*
 nato & pertinaci animo hæc omnia eum facere,
 pluribus videri, ipsique adeo Regi, quia toto hoc
 tempore quo carceri mancipatus fuit, nullas ad Re-
 gem literas scripserit, nihil ab eo gratiæ aut veniæ
 supplex petierit. Ad hanc obiectionem respondit *Pag. 1450.*
 in literis ad pium quendam sacerdotem: se hæcte-
 nus id non fecisse non ex vlla animi obstinati per-
 uicacia, sed potius ex humilitate, & illa quam Regi
 defert animi submissione ac reuerentia, Maximè

quum non videat quid in hac causa scribat absque maiori suae Maiestatis offensione, cui videlicet persuaderi non potest, quod ex conscientia & Dei timore hactenus iuramentum detrester: sed qui contra sibi persuadet solam obstinationem huius recusationis causam esse. Quam ille opinionem nec per literas Regis animo eximere, nec ea manente aliquid apud Regem scribendo proficere se posse speravit.

*Septimā tē-
tatio.*

*Diēptatio
Sollicitato-
ris regii cum
Moro in car-
cere.*

Venit porro ad Morum in carcere non ita diu ante mortis latam sententiam Richardus Riche Sollicitator Regius Generalis vir nobilis, specie quidem amicitiae, sed ut rei exitus comprobavit, animo accusandi. Totus enim sermo inter eos habitus libello Actoris Regii contra Morum ad verbum insertus fuit. Quum igitur multis verbis cum Moro ageret, ut regni legibus subscriberet; inter alia sic Morum premebat. Quid si, inquit, in plenis regni Comitibus ego Richardus Riche, communi decreto, & ab omnibus approbato, Rex Angliae declararer, simulque proditor patriae, & laesa Maiestatis decerneretur qui Richardum Riche Regem esse negaret; nunquid consensus tuus, quum sis Angliae civis, per hoc decretum non obligatur? nunquid non crimen esset Regem à Parlamento declaratum non agnoscere? Ad hoc respondit Morus, in tali casu consensum eius obligati. Sed, inquit, hic tuus casus quem ponis levis est. Ego tibi grauiorem proponam. Quid si in plenis regni Comitibus decerneretur Deum non esse Deum? Nunquid tu Richarde Riche interrogatus an Deus esset Deus, propter decretum Parliamenti negares? Cui Richardus respondit: hoc nullo modo negarem, quia casus iste plane impossibilis est. At postquam casum ita sublimem mihi proponis, en tibi alium mediocrem. Non ignoras Regem nostrum decre-
to Par-

to Parleamentali declaratum esse supremum Ecclesie Anglicanae in terris Caput. Quare huic decreto non æquè morem geris & consensum pbes, sicuti in casu à me pposito te morè gessurū dixerat? Cui Morus. Latū, inquit, & euidens discrimen est. Rex enim autoritate Parleamenti creari potest & priuari potest, & omnes Angliæ subditi obedire tenentur. At nullo regni decreto Ecclesie Anglicanae caput Rex declarari legitimè potest, quum extra regnum Angliæ cæteri omnes Reges ac principes ab huius generis primatu abhorreant. Sed & huic Regis prærogatiuæ omnes aliæ Christiani orbis prouinciæ contradicunt, Ecclesie quippe præesse, & causas Ecclesiasticas cognoscere, fidei ac religionis res est, non regni ac Reipublicæ. Hæc ad illum Morus, saltem vt in libello Actoris refertur. Qui etiam si verus sit, nihil in Moro aut morte aut reprehensione dignum continet; sed assertionem tantum liberam veræ & orthodoxæ sententiæ: quam quia nusquam antea fecisse legitur, non ita fortasse ex omni parte verum libellus dicit. Vtunque sit, ab isto Sollicitatore Regio egregiè sollicitatum fuisse Thomam Morum, vano tamen & irrito labore, ex libello constat. Quum nihil horum omnium Morum frangere, perterrefacere, aut vel minimum commouere potuisset, mittitur in carcerem vxor, quæ viri animum pertentatura, verbisque blandis & illecebris fœminicis pectus fortissimum emolliat, aut ad aliquam suorum commiserationem inflectat. Venit, salutat, orat obnixè ne illam, ne liberos, ne patriam & vitam qua multis adhuc annis frui poterat, pro delicto haberet. Cū hæc apud eum occineret, & de vitæ prolixitate sapius inculcaret; & quàm diu, mea Aloysia (inquit Morus) frui hac vita potero? Tum illa. Totis viginti annis, mi vir, si Deus ita voluerit. Vis ergo, ait

Octana tentatio per vxorem.

Tentator ridiculus.

Morus, vt æternitatem viginti annis commutem? Næ tu imperita es mercatrix mea vxor. Nam si annorum aliquot millia diceres, aliquid tu quidem diceres: sed tamen ad æternitatem quid essent? Sic ille vxorcule persuasiones non minus lepidè quàm grauitè excussit. Istud verò omnino lepidum, & tamen animi in re grauissima ac aliis difficillima plane tranquilli & cordati. Quum multi magni viri ad illum in carcere ventitarent seu sponte sua seu (quod verisimilius est) à Rege submissi & neque enim ita facilis ad Turris Londinensis captiuos patet accessus; inter alios vnus, ad aliquod à Moro extorquendum magis vehemens quàm prudens, quum sæpe & identidem moneret, rogaret, obsecraret, ne sic propositi tenax esset, vt sententiã mutaret, vt animum flecteret; nec tamen in tota oratione de causa vel diuortii vel iuramenti propositi verbum diceret; Morus seu iocari volens seu ab hominis importunitate liberari cupiens, seu denique modum illum loquendi & agendi rudem & inciuilem notans, ei grauitè & seriò respondit. Equidem domine mi, fatebor quod res est. Rebus meis omnibus bene perpensis & consideratis ego consilium mutauim meum, planeque aliter facere institui quàm decreueram. Ille bonus vir his auditis, nec quicquam amplius aut interrogans aut expectans, vbi hoc se responso lætissimum ostendit, vtque in eadem bona sententiã firmus persisteret: monuit; festinus ad Regem accurrit, ei que renunciat Morum sententiã suam mutasse. Rex vbi id audiuit facile credens quod libenter optabat, certior tamen optati fieri cupiens, redi, inquit, ad Morum: & me plurimū gaudere dicito quòd tandè aliquando ad animi nostri sententiã suam deflexerit: verū hoc vnū me amplius velle, vt animi ac propositi sui mutationē scripto cōplectatur atque confir-

met;

met; ut qui ex hac eius reluctatione scandalum passi sunt, ex eius nunc retractatione ædificantur. Rediens igitur in carcerem ad Morum qui hoc beatum nuntium ad Regem imprudens detulerat, verba ac voluntatem Regis Moro renunciat. Quibus ille auditis, magnopere attonitus; apud Regem ergo { inquit } fuisti? & mea verba inter nos duos hic habita Reg Mai retulisti? Quidni? respondit aliter? referrem, quæ sciebam suæ Mai. fore gratissima? At, ait Morus, mea verba melius debueras intelligere, priusquam ea cuiquam alteri, nedum Regi referres. Quasi verò { replicat alter } non clarè quid dixeris intellexerim, te videlicet rebus omnibus bene perpensis sententiam tuam mutasse. Plane { inquit Morus } rem ridiculam fecisti. Ego enim sententiam & mutavi & me mutasse tibi familiariter dixeram, dicturus cætera si sermonis finem expectasses; sed de gravissima hac causa iuramenti mihi oblatis nec sententiam mutavi, nec tu mihi es loquutus, nec ego intellexi. Qua ergo demum in re alia { subiunxit alter } sententiam mutasti tuam? Dicam tibi sincerè, respondit Morus. Scis me tota hæcenus vita ex quo in Aula versatus sum, barbam perpetuo rasisse more cæterorum qui vel Regi à consiliis sunt, vel alioqui ius in Repub di unt. Atqui quum hæc mihi { ut vides } plurimum in carcere excreuerit, decreueram plane satis diu ad supplicium iturus barbam radere, ne alio quasi vultu apud notos apparerem, quàm solitus essem. Nunc autem mutavi plane consilium, voloque ut barba idem discrimen subeat quod Caput. Confusus alter, ubi Regi quod res erat { vrgebat enim mandatum Regis } renunciasset, commotus Rex: enimvero ait, sic suis nos disteriis hic ludit semper. Ac sic quidē in carcere variè ac multū tentatus ac per tētatus Morus fuit; hilari nihilominus semper

Pag. 3.

ac iucundus: quam ob causam, quotidie fere in carcere psalmos solus canebat, maximam & perpetuam animi sui tranquillitatem ea in re declarans iuxta illud Iacobi: *Aequo animo quis est? psallat.* Denique filiae suae Margaretae, fide sanctè interposita affirmavit, nullum se vnquam à Rege maius beneficium accepisse quàm carceri ab eo mancipatum fuisse, propter incredibilem spirituales profectum quem in eo se percipere sperabat. Sed & in carcere lusit quosdam rythmos anglicos, de ludibrio fortunæ, quos hic Latinos damus.

In fortunæ ludibrium.

In operibus Anglicis. *Blanda quid arrides? Nostris fortuna ruinis.*
 pag. 1432. *Cur noua promittis fœdera, spesque nouas?*
Non tua fucato frons exarrecta nitore
Nos iterum fallit. Sat potuisse semel.
Hic ego iactatus caelestem ad nauigo portum,
Succedit latis dira procella tuis.

Aliud.

Pag. 1433. *Te fortuna diu, rebus mihi lata secundis,*
Vt dominam colui. Tu mihi Numen eras.
At nunc auersa postquam rapis omnia vultu,
Non pleno fraudes exerceo ore tuas?
Est tamen hoc vnum cur te, fortuna, bearim,
Quod facis ista meis otia carminibus,

DE Duplici eius Examinatione
in carcere facta.

CAP. XVII.

QUum vnus in Anglia Morus esset, qui & auctoritate præcipuus, & gratia apud Regem maximus, & integritate vitæ optimus, & eruditione

tionem summus, & à rebus in Rep. gestis celeberrimus haberetur; simulque ex ordine laicorum solus qui diuortium & primatum Regis probare nolleret, ut idcirco in vnum Morum omnium tunc oculi conijcerentur, dici non potest, quantopere contenderit Rex, illum hominem quouis tandem modo in suam sententiam pertrahere. Quæ & quanta aliquot præcedentibus annis Rex cum eo in hunc finem molitus fuerit, quanta tentauerit, quot viis & modis hominis animum sollicitarit, ex iis quæ iam in superioribus dicta sunt, facile lector animaduertit. Attamen quum illorum nihil ex voto succederet, bis ad eum in carcerem misit delectos ex supremo Senatu viros, qui cum rursus hac de re conuenirent, eiusque consensum si qua fieri posset extorquerent. Quid in gemina illa missione egerint, quo modo se, quàm prudenter, piè, fortiter Morus gesserit, hoc nunc loco commemorabimus. Morus enim quæcunque in carcere cum eo gesta erant, dilectissimæ filiæ suæ Margarietæ semper per literas communicabat, partim ad eius totiusque familiæ consolationem, partim etiam ad veram rerum gestarum instructionem, propter falsos qui de eo passim tunc spargebantur rumores. Quum ergo circa medium Aprilis anni 1534. in carcerem primò coniectus Morus fuisset, non præstito quod ei delatum fuit iuramento, iamque toto anno integro, nec carceris tædio, nec amicorum precibus, nec tam varia & frequenti tentatione vinci posset, tandem mensis Maii die 7. an. 1535. Venerunt ad eum in carcerem à Rege destinati, quinque ex Senatoribus regiis, Secretarius, Aduocatus, sollicitator & duo doctores iuris: quibus confidentibus & vocatis se Moro, qui etiam sedere iussus, stetit tamen, Secretarius dux verbi sic eum affatur. Quæ nuper in comitiis regni seu parlamento, decre-

*In operib.
Anglicis.*

pag. 1442.

tum quoddam emanarit, in quo decernitur Regiam Maiest. eiusque hæredes esse semperque de iure fuisse, & esse in perpetuum oportere, supremum Ecclesiæ Anglicanæ post Christum in terris Caput; voluit nunc sua Maiestas, vt Amplissimi viri Senatores regii præsentēs, tuam de hoc decreto opinionem, sententiam, ac iudicium cognoscerent.

*Ostēdit examen & super
vacane &
importunum
esse.*

Cui sic respondit Morus. *Equidem sperabam suam Maiest. nunquam id mandaturam, vt huiusmodi quæstio à me peteretur, quum iam à principio moræ quæstionē huius, ego subinde ac sæpe suæ Maiest. meam hac de re sententiam, aperit & ingenuè declarauerim; sicuti etiam tuæ dominationi, D. Secretarie, & verbo & scripto plenissimè feci. (Nempe in epistola ad hunc secretarium Thomam Cromwellum, vt ex ea paulò superius prolixè recitauimus) Nunc autem ego certe omnes huiusmodi cogitationes deposui, nec de Regum aut Pontificum titulis disputare amplius velim. Regiæ autem Maiest. fidelis subditus sum & semper ero; eiusque memoriam in meis orationibus quotidie habeo, suorumque omnium, & vestrarum Amplitud. qui ei à Consiliis estis, adeoque totius regni. Nec me aliter rebus immiscere volo. Ad hæc Secretarius: Regia (inquit) ai. hoc tuo responso minimè videtur fore contenta, sed explicatius aliquid & plenius à te responderi vult.*

*Blanditis
pertentant.*

Addebat quoque Reg. Mai. clementem esse principem non imitem; qui etsi aliquam interdum in subdito suo pertinaciam videret, ea tamen emendata & submissione facta, ad ignoscendum promptissimus sit. Quod ad te autem attinet? Domine More? gestit imprimis sua Mai. vt libertati tuæ redditus inter homines, vt prius, in mundo conuerferis. Quibus verbis ad emolliendum animum factis sic breuiter & fortiter respondit Morus *Quod ad mundum attinet, non me amplius ei immiscere velle, etiā si totus mihi daretur mundus. Ad rem*

Mundo superior.

ipsam

ipsam autem respondit vt prius, se rebus & curis
seculi nuncium remisisse, deinceps verò de passio-
ne Christi & quam propterea in carcere diuinè ex-
posuit } & vita futura meditari velle. His dictis re-
cedere ad tempus iubetur. Moxque denuo vocato,
in hunc modum loquitur Secretarius. Etsi ad per-
petuos carceres damnatus hic agas, Domine Mo-
re, non tamen desinis esse Regi subditus, nec ab o-
bedientia Regi debita propterea liberaris. Dic igi-
tur nobis quid tibi videatur. An existimas Regem
non posse à te exigere quæ decreta parlemantalia
statuerunt, idque sub eisdem pœnis quæ in eis de-
cernuntur? Respondit Morus se id negare non vel-
le. Infert Secretarius. Sicuti ergo sua Mai. clemen-
tem se erga eos ostendet, quos obsequentes videt;
sic è diuerso, legum rigorem in eos adhibebit quos
pertinaces sentit. Sed & hic tuus agendi modus,
aliis animum addere videtur, qui se in hac causa
pertinaces præbent. His verbis iam minacibus quia
blanda prius non commouerant, respondet Mo-
rus, se nemini occasionem præbere hanc vel illam
sententiam sustinendi, se nemini vnquam super
hac re consilium dedisse, nemini quicquam in al-
terutram partem persuasisse. Denique *quæcunque*
& inquit) *me pœna maneat, aliud facere nequeo.* Regi
Maieft. fidelis subditus & precator assiduum sum. pro sua
Maieft. suisque omnibus & pro toto regno quotidie pre-
ces ad Deum fundo. Nemini male volo, nihil mali dico,
nihil mali cogito, sed omnibus bene precor. Hæc mihi si
ad vitam conseruandam non sufficiunt, equidem diu-
tius viuere non exopto. Sed & iam morior: atque ex
quo in hunc locum veni ita proximus morti aliquoties
fui, vt infra vnâ horam me migraturum existimarem.
Neque propterea (Deo sit laus } contristatus vnquam
fui; sed contra vbi spem mortis elapsam vidi, multum in-
dolui. Quare miserum meum corpus ad mandatum
Regi

*Minis pertor-
rent.*

*Innotetiam
suam clarif-
sinè demon-
strat.*

Regis est. Vtinam mea mors illi proficiat. His dictis Secretarius intulit, vir Mori secundum carnem & ut videbatur certè amicissimus. Recte igitur: In illo decreto nihil est quod reprehendas. Est ne in aliis decretis aliquid quod displicet? Voluit nempe hic amicus eius ut saltem non improbare videretur, etsi probare nolle; utque silentiū eius tacita quædam approbatio indicaretur aut certè simularetur; qualem benevolentiam circa senem Eleazarum quidam Principis Antiochi ministri exercere voverant. Cæterum Morus ingenuè & apertè sic respondit. *Mi Domine, quicquid siue in hoc siue in aliis statutis atque decretis mihi non probandum videretur; non velim ea vlllo verbo reprehendere, nec omnino aliquid dicere.* Quibus auditis benignè Moro respondit Secretarius, quicquid coram illis Morus dixisset, nullum ex eo præiudicium ei futurum. Regi tantum eius responsum referrent, ut quid suæ Maiest. videretur, diceret. Atque hic fuit primæ in carcere examinationis exitus. Sic Senatores re infecta redierunt. Morus de animi sui constantia ac fortitudine nihil remisit. Veritatis confessionem nec ad punctum deferere voluit. Mensis Iunii proximè sequentis die 3. alius ad audiendum in carcere Morum denuòque pertentandum Amplissimorum virorum confessus sit. Mittuntur à Rege ad Morum, Archiepiscopus Cantuariensis, Cancellarius regni, Dux Suffolciæ, Comes Viltoniæ, & Cromwellus Secretarius. Illis confidentibus, Secretarius dux verbi refert, & quidem fidelissimè, quid in priori conventu cum Moro actum fuerit, quid ille responderit, quid Regi retulerint. Regia autem (inquit) Maiestas hoc responso tuo, Domine More, minimè contenta fuit: quin plane existimat hunc modum agendi vestrum magnam in hoc regno offensionem gignere, multum detrimenti adferre:

sed &

2. Machab. 6

Pag. 1453.

Secunda examinatio.

Malevolentia in regem arguitur.

sed & animo te esse obstinato ac in Regem maleuolo: denique debere te ex officio erga eum tuo, tanquam subditum suæ Maiestati perspicuè & determinatè ei respondere, videaturne tibi hoc decretum rectè constitutum an secus; eamque ob causam, ut hoc à te officium exigent, nōminèque Maiestatis Regiæ ad respondendum te cogent, Amplissimos & summos hos viros huc venire voluit. Quare aut agnoscere debes, Regem rectè atque legitimè supremum esse ecclesiæ Anglicanæ in terris Caput, aut tuam animi malevolentiam plane prodere. Cui sic respondit Morus. Ego nullam in me video animi malevolentiam, ideoque nullam possum prodere. Quod ad rem autem ipsam attinet, aliam responsionem dare nequeo, quàm quæ à me prius data est, quàmque dominus Secretarius iam retulit. Magno certe animi dolore afficior, quòd huiusmodi de me opinionem malam suæ Maiestas conceperit. Caterum si quis forte me apud Regem falsò detulisset, cui ad momentum Rex fidem haberet, dolerem profecto vel vno tantum die Regem de me male sentire. Verùm si certò mihi constaret fore, ut die crastino alius quispiam tota veritate Regi explicata, meam illi innocentiam probaret, eius sane crastini expectatione me interea solarer. Ad eundem planè modum etsi nunc vehementer doleam suam Maiestatem ita male de me interim existimare, tamen aliud huic malo remedium asserre nequeo, quàm ut hac me certa spe interea consoler, diem aliquando venturum in quo animi mei innocentiam & integritatem diuina iustitia Regi totiūque mundo patefaciet. Quamuis autem frigida hæc & parua consolatio cuiuspiam forte videatur, eo quòd interea nocere mihi grauiter posset hæc Regis indignatio, tamen Deo gratus ago, eam esse conscientie meæ integritatem & innocentiam in hac causa, ut pœnam quidem aliquam mihi Rex inferre valeat, nocere tamen nequeat. Certò enim cognoni me nulla erga Regem praua affectio-

Defensio ad
ri.

Vide respō-
sum egregie
piū atque in-
geniosum.

Pœna qua
iusto infer-
tur nō nocet.
ne esse;

Ostendit Re-
gis iniquita-
tem.

ne esse; sed à principio huius controuersie, sincerissimè
semper cum Rege egi : primum quidem & ante omnia
Deum præ oculis habens, postea Regem; idque iuxta Re-
gis ipsius præceptum mihi à sua Mai. disertè datum, quum
primum ad suum me seruitium vocauit. Hac Mori re-
sponsione audita, Dominus Cancellarius pariter-
que D. Secretarius illud iterum vrgebant, posse
Regem vi legum cum cogere, vt certi aliquid re-
sponsi det, quo prædictum decretum vel appro-
bet, vel improbet. Cui eorum allegationi sic re-
spondit Morus. De Regia Mai. autoritate ac poten-
tia hac in re disputare nolo; quidve in præsentī casu le-
gitimè facere possit vel non facere; nihil nunc definiam.
Attamen, saluo meliori iudicio, talis coactio mihi paulò
iniquior videretur. Casu enim quo illi decreto mea con-
scientia reluctaretur (quanquam reluctetur ne an non
reluctetur, nihil nunc dicendum arbitror) dum interea
contra id decretum nec dico nec facio quicquam, iniqua
res mihi videtur vt cogar nihilominus, vel contra con-
scientiam illud disertè approbare cum animæ meæ de-
trimento, vel improbare iuxta conscientiam cum certo
corporis detrimento. Si ergo in viroque est periculum,
& si ista lex per modum gladij versatilis qui vtrunque
porrectus secat, se habet, dura mihi conditio videtur vt
illa mihi nihil vel verbo vel facto contradicenti porri-
gatur. Contra hanc responsionem sic instabat Se-
cretarius. Cum Cancellarius esses, hæreticos, fu-
res, & alios malefactores magna cum prudentia,
industria, diligentia examinasti. In illo autem ex-
amine, ab hæreticis { nisi fallor } illud diligenter
quærebas { saltem ita quærere & interrogare so-
lent episcopi } an crederent Papā esse Caput eccle-
siæ, & huic interrogato disertè respondere coge-
bā-
tur. Cum ergo non liceat Regi & interrogare & ad
respōdendū cogere, de ipsius primatu, postquā lege
publica primatus ille stabilitus nūc est? Ad hoc re-
spondit

spondit Morus & protestando se nolle in contentionem aliquam descendere, aut suas partes contentiosè defendere) inter hæc duo discrimen quoddam esse. Illo enim (inquit) tempore quo hæreticis talis interrogatio proponebatur, non in hoc tantum regno sed & in toto orbe Christiano Rom. Pont. Primatus pro re certa & indubitata agnoscebatur. Quod autem nunc in hoc regno decretum est in aliis orbis Christiani partibus pro falso habetur. Cui distinctioni obiecit secretarius, æquè hodie capitis pœnam luere qui huic decreto oblistunt, atque tunc igne consumpti sunt qui alterum negarunt. Ad utrumque igitur ut respondetur, æquè compelli posse. Ad quod iterum respondit Morus. Postquam (ut in causa præsentis) ne- *Causa non*
mojic vni regni lege in conscientia tenetur, ubi totius pœnæ paritas
orbis Christiani lex in materia fidei contrarium dicitur, leges facit
quemadmodum lege totius Christianitatis obligatur, æquè legiti-
etiamsi in certo aliquo regno lex aliqua localis in con-
trarium feratur; ratio obligandi vel non obligandi ad re-
spondendum in huiusmodi, non pendet ex differentia pœ-
næ capitis & pœnæ ignis temporalis, sed ex differentia
pœnæ capitis & ignis æterni. Hæc Mori responsio
 magnam inter Senatores & ipsum altercationem peperit, & modo hic modo ille multa, sed parum ad rem contra obiebat: quæ idcirco Morus in epistola ad filiam sese prætermittere aiebat. Tandem aliud illi iuramentum exhibent, quo iuret se *Aliud iura-*
mentum of-
fertur.
 ad omnia interrogata veraciter responsurum, quæ Regis nomine, & personam Regis concernentia, ei proponerentur. Ad quod respondit Morus, se plane decreuisse, nunquam in vita amplius iudicum aliquod iuramentum præstare. Hic fere omnes vna voce responderunt, in hoc demum illū verè obstinatū sese ostendere Omnes enim (inquiunt) in Camera iudiciali aliisq; per Angliā tribunali^b hoc iuramētū sine vlla difficultate præstāt. Qui-
 bus

*Prudenter
recusata.*

bus ille respondit hoc sane ita sese habere. Cæte-
rum, inquit, non sum ita rerum ignarus, quin fa-
cile coniiciam qualia mihi ex parte Interrogata
proponentur. Perinde igitur duco ea ab initio re-
iicere & recusare quàm postea. Ad quam Mori re-
sponsionem, Non male coniecisti, ait Cancellari-
us. Nam & illa qualia sunt videbis. Duo ergo tan-
tum erant interrogata. Prius vtrum decretum par-
lementale de Regis primatu aliquando vidisset.
Posterius, vtrum illud decretum legitimè & rectè
factum ei videretur an non. Sic igitur iuramen-
tum istud penitus recusavit. Atque hic fuit securi-
dæ in carcere adeoque postemæ examinationis
exitus. Ex his facile perspicere lector potest, tum
quanto studio Rex vt vnum Morum suæ impietati
suffragari cogeret incubuerit, quam multa & va-
ria tentauerit, quam nulli arti aut labori parserit;
tum ab altera parte quanta constantia, prudentia,
moderatione, pietate pro veritate non prodenda
Morus dimicauerit. Regis studium, quanti ille Mo-
rum fecerit, ostendit. Mori virtus quanti merito
faciendus erat docet. Sed & quanta & quàm clara
atque perspicua Mori innocentia fuerit, tota hæc
tam diligens, tam acutata, ita repetita examinatio
demonstrat. Quia nullum morte dignum crimen
viro sancto inhæsit; diu multumque examinando,
aliquam criminis notam ei impingere, alicuius cri-
minis reum peragere student. Quia sola recusatio
iuramenti necdum vlla lege stabiliti, sed sola vo-
luntate Regis exacti satis iusta mortis causa non
videbatur, nec contra legem Morus in carcere de-
liquerat, aliquam saltem reprehensionem legis ex-
torquere conantur. Vt videlicet tanquam hostem
& aduersarium legum publicarum puniant, quem
approbatorem habere non poterant, & tacere non
permitterent. Quanquam sic extorta reprehensio
quam

*Innocentia
Mori.*

quam non in vulgus sparsit, non sponte effutiuit, non acerbè protulit, non arguens asseruit, sed iudice urgente, Rege postulante extorta fuisset, quam quæso criminis notam aut suspicionem habere potuit? Morus tamen pro sua prudentia, ut suam innocentiam clarius tueretur, ut regem quam minimè offenderet; nec improbare legem vult, Regem reueritus; nec approbare, Deum timens. Hæc fuit viri pietas, prudentia, fortitudo. His tamen omnibus ita constitutis quia Regis ira placari non potuit, cui contradicere capitale fuit, ad mortem vir innocens per fas nefasque postulat. Id quo tandem modo, quo furo, quo prætextu à parte Regis; qua pietate, qua fortitudine ex parte Mori factum fuerit, nunc explicabitur: si illud vnum lectori prius indicauero, hoc finito examine, Morum arctissimè statim conclusum fuisse, ut hominem videlicet damnationi proximum. Sic inclusus facile prospiciens quod futurum erat, scribit carbone ad integerrimum suum amicum Antonium Bonuissium mercatorem Italum familiarem epistolam perelegantem, de fideli amicitia in rebus aduersis præstita magnas gratias agens: Quam sane hoc loco inseruissem, si in operibus Mori Latinis iam excusa non extaret.

DE ACCVSATIONE ET CONDEMNATIONE Thomæ Mori.

CAP. XVIII.

Postquam in carcere Morus per quindecim fere menses arctissimo in loco, & in quo grauissimorum criminum rei asseruari solent, amicorum & familiarium suorum accessu plerumque & multo maiori temporis parte negato, egisset

set; nec tam variè, tam diu, tam potenter tentatus; semel atque iterum examinatus; vt conscientia suæ integritatem violaret, impium regni decretum approbaret, ipsam denique veritatem orthodoxam vel minima dissimulatione proderet, induci vnquam potuerit; tandem Cal. Iunii an. 1535. è carcere ad tribunal regium toto regno celeberrimum in palatio Westminsteriensi educitur, per Aduocatum regium iuridicè accusandus. Citabatur ad causam capitis in eo loco dicendam Morus in quo paulò ante Iudex summa cum potestate & incredibili totius regni gratulatione federat. Ibat baculo innixus tam longam viam, non tam ætate, quàm graui ægitudine in carcere debilitatus, nihil tamen perturbationis vultu præ se ferens. Recitabatur contra eum longa & perplexa accusatio, tam longis verborum & sententiarum ambagibus contexta, vt Morus ipse, quo nemo memoria magis valuit, palam testaretur se vix tertiam partem eorum quæ sibi obicerentur memoria comprehendere potuisse. Quæcunque enim contra sceleratissimum hominem dici poterant, quæcunque in proditorem patriæ, & legum omnium euerforem, conferebantur in vnum, vt videlicet quum ad omnia quæ proponebantur respondere non posset; apud astantes quidem & præsentis suspicio saltem aliqua grauis de Moro iniiceretur, ipse autem Morus ad rem quod responderet vel multitudine verborum obrutus, vel rerum obiectarum magnitudine attonitus, vel toto orationis perplexitate turbatus, omninò non haberet. Sed tota Aduocati regii oratio, id vnū contendebat, hoc vnum agebat, vt probaret nouū Senatus decretū de Rege supremo Ecclesiæ Anglicanæ capite à Thoma Moro pro-caciter & proditoriè reici. Ad hoc probandū recitatur duplex illa in carcere per Senatores regis facta exa-minatio,

*Hæc Thoma
Mori accusa-
tio & defen-
sio à variis
authoribus
refertur à
Reginaldo
Polo Card. in
lib. de vnit.
eccl. à Nico-
lao Card. Ca-
pano inter
epistol. Prin-
cipum per
Belleforest.
Gallicè ver-
sas; ab Eras-
mo, à G. Cou-
rino Nuceri-
no, à Philip-
po Montano,
in libellis de
morte Tho-
mæ Mori
Lutetiæ &
Antuerpiæ
an. 1536.*

minatio, quam utramque supra posuimus. Profe-
 rebatur colloquium cum Richardo Riche habitum
 quod etiam totum iam superioribus inseruimus.
 Addebatur, quod in carcere constitutus ad Ros-
 fensem literas scripserit, in quibus assereret, hoc
 nouum decretum instar esse gladii ancipitis qui ab
 vtraque parte ferit. Si enim decretum approbas a-
 nimam, si improbas, corpus in discrimen vocas.
 Veterem quoque querelam de secundis nuptiis Re-
 gis odiosè replicabat. Ex his concludebat Morum
 decreto regni hostiliter aduersari, Regis potesta-
 tem abnegare, læsæ Maiestatis reum esse. Accusa-
 tionē peracta, priusquàm responderet, Cancellari-
 us qui Moro successerat, & Nortfolciæ Dux hunc in
 modum reum compellatunt. En vides, Domine
 More, ex his quæ prolata sunt quæque inficias ire
 non potes, te grauiter in Regiam Maiest. deliquis-
 se. Attamen si resipiscere velis hancque animi tui
 pertinaciam deponere, & sententiam mutare, ve-
 niam à Regis clementia te consequuturum spera-
 mus. Hic rursus videlicet ad blandiebatur serpens
 antiquus, cum illo suo. *Nequaquam moriemini.* Sed
 ad hæc Morus vir fortis in bello & sciens pugnare
 cum antiquo serpente. *Amplissimi viri, magnas qui-
 dem ex animo huic humanitati vestræ gratias ago; De-
 um tamen omnipotentem enixius oro vt in hac orthodoxa
 qua sum sententia ita me confirmet vt vsque ad mortem
 in ea perseuerem.* Vides quàm præsentī animo, nec
 ciuilitatis officium prætermittit, & Deum sollicitè
 inuocat, & causam principalem fortiter tenet. Tri-
 bus quasi verbis tria facit officia, humanitatis, pie-
 tatis, fortitudinis; honesti ciuis, pii fidelis, & nobi-
 lis Cōfessoris. Hæc paucis præfatus, ad defensionē
 suam descendit. *Cæterum, inquit, recolenti mihi accu-* *Morus pro*
sationis factæ prolixitatem & obiectorum grauitatem, tribūali can-
met⁹ subit, ne nec ingenium mihi suppetat, nec memoria, nec sam dicit. *tribūali can-*

Quatuor ac-
cusationis
capita.

Ad 1. cap.

vlla orationis vis, qua singulis respondeam, ita grauem ex egritudine in carcere contracta & qua necdum liberatus sum) corporis debilitatem sentio. Tum iussu ludicū allata est tella in qua sederet. Vbi confedisset, institutum sermonem hunc in modum prosequitur.

Quatuor, nisi fallor, sunt totius accusationis capita. Singulis ordine respondebo. Quod primo loco obiicitur me animo maleuolo secundis istis nuptiis Regis nostri semper aduersatum fuisse; ingenuè fateor me has nuptias semper apud suam Maiest. improbasse. Nec est animus aliud hac de re dicere vel sentire, quam quæ hactenus dixi & sensi: ipsa mea conscientia idem mihi semper dictitante. Quam profectò conscientiam meam Regiam Maiest. celare nec volui, nec debui rogatus. Neque hac in re vlla læsæ Maiestatis suspicio hæreere potest. Sed è diuerso, si rem tantam à principe rogatus, vnde & Principi honos & regni tranquillitas pendebat, ad gratiam magis quam ad veritatem loquutus fuisssem, verè eius quod nunc obiicitur, reus fuisssem, maleuolus, perfidus ac proditor. Sed & ob hoc delictum meum & si Principi roganti veritatem dicere delictum est & grauissimas iam dedipenas, omnium bonorum proscriptionem passus, & perpetuo carceri additus, in quo menses iam prope quindecim exegi. Alterum

Ad 2. cap.

est accusationis caput & presenti negotio proprium, me violati decreti Parleamentalis pænæ obnoxium esse, eò quod iam in carcere detentus animo maleuolo, perfido, ac proditorio Regiæ Maiestati debitum honorem subtraxerim, qui in eo decreto Regi decernitur: nouum videlicet titulum quo Ecclesiæ Anglicanæ supremum in terris caput declaratur. Subtraxisse autem & negasse hanc nouam prærogatiuam dicor, eò quod à domino Secretario aliisque sue Maiestatis Consiliariis bis in carcere rogatus quæ mea esset de hoc decreto sententia, nihil aliud responsi dare voluerim, quam ad me hanc legem siue iusta siue iniusta sit nihil pertinere, quem & occidisse ciuilitè iura dicunt; nec iur: respondere de legibus deberem, quibus i-

pse

ipse amplius non vterer. Deinde ut maximè ad me pertineret, me tamen nec factò vllò nec dictò commississe, ut illam improbare viderer; ideoque iure condemnari ea lege non posse, contra quam nihil à me factum dictumve obici posset. Me igitur in posterum de Christi Saluatoris acerba passione, deque mea ex hac vitæ migratione (aliis curis reiectis) cogitare velle. Hanc certè meam tunc responsionem agnosco. Sed aio hac mea responsione legem hanc seu decretum minimè violari, aut crimen aliquod capitale committi. Neque enim hæc lex vestra aut totius mundi leges in solum silentium animaduertunt, sed dictū aliquod factumve vindicant. De occultis enim solus iudicat Deus. Hic sermonem Mori (premere cuius videbatur) Aduocatus Regius interpellat. Verum, inquit, si nullum neque dictum neque factum habemus quod tibi obiciamus, at silentium certè habemus, & illud quidem malæ tuæ mentis signum, malitiæque certum argumentum. Nemo enim toto regno subditus bene erga regem affectus de hoc decreto interrogatus, suam sententiam categoricè dicere recusabit. Ad hæc Morus. Meum silentium nec vllæ malæ mentis signum est, quod ex aliis argumentis multis deprehendere sua Mæstas potuit, nec legis vestræ aliqua improbatio conuincitur. Iudicium magis est assentientis potius legi quàm aduersantis animi, idque peruulgato Iurisperitorum verbo confirmatur, quo dici solet. Qui tacet, consentire videtur. Quod autem de boni subditi officio infertur exemplo omnium in Anglia subditorum, plane iudico boni subditi officium esse (nisi sic vellet esse bonus subditus ut si: malus Christianus) magis obedire Deo quàm hominibus, maiorem conscientie & anime suæ seruandæ curam habere, quàm cuiuscunque alterius rei. Maximè quum huiusmodi sit conscientia (qualis certè mea est) quæ nihil offendiculi, scandali & seditionis nihil principi suo pariat. Sanctè enim affirmo me nemini vnquam mortalium conscientiam hanc meam aperuisse.

Nulla lex silentium punit

Silentium Mori non fuit maleuolum, sed necessarium.

Ad 3. cap.

Venio nunc ad tertium accusationis caput, quo arguor contra Constitutionem hanc & legem Parleamentalem impegiſſe, malitioſè molitum eſſe, proditoria machinaſſe, & perfidè practicaſſe (ſic enim accuſatio loquitur) eò quòd ad D. Roſſenſem Episcopum octo paria epiſtolarum in carcere ſcripſerim, quibus aduerſus hanc legem eum hortatus fuerim & ad illud improbandum animum ei addiderim. Equidem vehementer optarim eas epiſtolas hic proferri ac recitari quæ me vel conuincerent vel liberarent. Ceterum quando illæ, quemadmodum prædicatis, per epiſcopum exuſtæ ſunt, non grauoabor ego earum veram ſententiam commemorare. In earum quibuſdam de priuatis noſtris negotiis agebatur, pro veteri noſtra amicitia ac familiaritate. In vna quadam continebatur reſponſum meum ad Epiſcòpi literas, quibus ſcrire cupiebat, quid & quo pacto de hac noua conſtitutione Senaſtoribus Regiis in carcere reſponderam. Ad quòd ego nihil aliud reſcripſi, niſi me iam meam compoſuiſſe conſcientiam; componeret ipſe ſuam. Ita me Deus amet & hanc animam meam ſeruet; vt ego nihil aliud in illis literis ſcripſi: Deo teſte ſic & non aliter ſe rem habere affirmo. Non eſt igitur ex hoc parte aliquid contra legem veſtræ morte dignum à me perpetratum.

Ad 4. cap.

Quartum & poſtremum obiectum mihi crimen eſt, quòd quum de hac lege in carcere examinarer, dixerim eam eſſe gladio ancipiti ſimilem, cui contradicere capitis, cui aſſentiri animæ detrimentum eſſet. Cuius generis reſponſum quia & D. Roſſenſis dedit, arguitur hinc perſpicuum eſſe, conſpiratum inter nos fuiſſe. Ad hæc reſpondeo me illa verba non niſi conditionaliter in carcere coram ampliſſimo Senatu protuliſſe. Hoc videlicet modo. Si in vtroque eſt periculum, ſiue probem ſiue improbem hanc legem, ideoque gladii ancipitis ad inſtar eſt, qui vtrinque porrectus ſecat, dura mihi conditio videtur vt illa mihi nihil vel factò vel verbo contradicenti porrigatur. Hæc mea tunc fuit oratio. Quid & quo modo reſponderit

Roffenſis &
Mori reſpon-
ſio eadem
proſum.

Episco.

Episcopus nescio. Si illius ratio cum mea congruebat, id nequaquam accidit ex vlla inter nos conspiratione, sed potius ex ingeniorum ac doctrinae similitudine. In summa pro certo habetote, me nunquam cuiquam mortali-um aduersus hanc constitutionem fuisse loquutum: etsi fortasse ad benignam Regis clementiam aliquid de me falso fuerit delatum. Hæc fuit Thomæ Mori contra prolixam accusationem, verbis odiosam & grauem, re inanem, veritate vacuam, perspicua & brevis responsio, iusta & sancta defensio. Quia peracta quum nihil contra tantam veritatis & innocentia lucem quod replicaret, Aduocatus Regius haberet, solo *Malitiæ* verbo per totum tribunal perstre-pente, cuius malitiæ argumentum non factum dictumve aliquod, sed silentium ponebatur, aduocantur duodecim viri quorum est ex gentis nostræ more de capite omnium cognoscere & interloqui. Iubentur isti super accusatione facta, quæ illis in scripto datur simul consultare: posteaque de eo pronunciare, an Constitutioni Parleamentali prædictæ Thomas Morus malitiosè non obstiterit. Hi quum per horæ quartam partem recessissent, cito reuersi & neque enim magna deliberatione opus fuit, ubi non ex causæ æquitate, sed ex Principis voluntate interloquendum fuit) pronunciant, *Gilty*: hoc est, reum mortis. Neque enim isti duodecim viri vllam suæ interlocutionis causam aut rationem adferunt, sed vno vocabulo, vitam vel necem pronuntiant. Illud enim, *Non liquet*, hic locum non habet. Fuerunt autem isti duodecim viri nobiles, sicuti ipse Morus; Duo equestris ordinis, duo armigeri, reliqui octo generosi seu simpliciter nobiles. Cuius enim ordinis reus est, eiusdem delegatur à Iudice duodecim viri, Nomina singulorum & cognomina possem hic apponere; sed propter tam infame iudicium, satius duco prætermittere.

Duodecim viri interloquuntur.

*Sentētia cō-
tra Morum.*

& honestissimarum familiarum nominibus par-
cere. Accepto duodecim virorum verbo, iudex qui
Cancellarius erat, mortis sententiam in hæc ver-
ba pronuntiat. *Visum est nobis, Thomam Morum ope-
ra & ministerio Gulielmi Bings-ton Shyreui, ab hoc loco
in carcerem Turris Londinensis reduci, & ab eo loco per
medium ciuitatis directè usque ad furcas de Tybourne
trahi, super illas furcas ibidem suspendi, adhuc spirantem
in terram ex furcis demitti, ibi euiscerari, viscera ipso vi-
uente comburi, inde caput amputari, corpus in quatuor
partes secari, caput cum partibus eis locis poni quæ Rex
postea deponauerit. Hæc est illa præclata sententia
contra Thomam Morum prolata. Hæc est solius
silentii pœna. Hæc hominis de Rege & Republica
optimè meriti, hoc solo nomine quod conscientia
sua prospectum voluit, condemnatio. Hæc est fi-
delissimi Consiliarii, quia fideliter Regi seruiit,
quia nefariam libidinem approbare noluit, quia
turpiter adulari recusauit, egregia remuneratio.*
*In Elogio si-
tul. 89.* Non malè Paulus Iouius Henticum Regem hoc
vno facinore Phalaridis æmulum vocat. Nam quod
hæc teterrima, sententia non nisi in maximè faci-
norosos ferri solita, in aliam postea mitiorem mu-
tata est, ut sola capitis truncatione occumberet, de
more potius & consuetudine Regum Angliæ, qui
viros aut genere aut dignitate illustres non nisi eo
modo tollunt, quàm de aliqua Regis clementia
profectum fuit, Neque hoc beneficium ulli videri
potest, nisi fortè quale latronum est, qui vitam il-
lis dedisse se aiunt quibus non ademerint. Quare &
ipse Morus quum ad eum allatum esset Regem pro
sua clementia benignè cum eo agere velle; quia
non nisi capite truncaretur, hanc, inquit, Regiam
benignitatem ab amicis meis omnibus Deus auer-
tat. Sed de hac re plura postea. Nunc sentētia mor-
tis prolata, quid Motus, vel dixerit vel egerit, ex-
plicandum

plicandum est. Vbi sententiam Iudex pronuncia-
 set, Morus vocationis suæ ad Martyrium iam cer-
 tior hactenus enim dubitans an hac eum vocatio-
 ne & gratia Deus donaturus esset, apertè quod sen-
 tiebat dicere recusauit } vultu constanti & intrep-
 do sic orsus est. *Age, quando sum condemnatus, quo iu-
 re nouit Deus, ad exonerandum conscientiam meam, de
 vestra iam Constitutione liberè eloquar quod sentio. Ego
 quum viderem statum huius regni eò ferri, vt necessariò
 inuestigandum esset qua ex origine Pontificis Romani pa-
 testas dimanaret, fateor me toto septennio animum stu-
 diumque meum in hanc causam intendisse, nec in vllò ha-
 stenus Doctorum quos Ecclesia probat scriptum reperire
 potui, hominem laicum, status Ecclesiastici caput aut fu-
 isse aliquando aut esse vllò modo posse. Hic cancellari-
 us Mori sermonem interrumpens, ait. Ita scilicet,*

*Nobilissima
 veritatis cõ-
 fessio.*

tu vnus Domine More, omnibus aliis vis haberi
 sapientior, aut conscientia magis integræ, omni-
 bus, inquam, Episcopis, tota nobilitate, atque vni-
 uerso regno. Ad quæ Morus. Domine Cancellario, *Vnius regni
 ego contra vnum Episcopum quem pro vestra parte pro-
 fertis, proferam centum, sanctos & orthodoxos qui mea
 sententia subscribunt: & contra vnum Senatum vestrum
 qui qualis fuerit, Deus nouit, habeo mihi suffragantia o-
 mnia totius orbis Christiani Concilia ab annis plus mille
 celebrata: & contra vnum Angliæ regnum stant ex par-
 te mea omnia totius orbis Christiani regna. Hæc grauif-
 sima Mori verba quibus ridiculam & leuissimam
 Cancellarii interpellationem iusto authoritatis
 pondere subuerterat, non ferens Nortfolciæ Dux
 qui sic nobilitate vt alter dignitate primus omni-
 um post Regem erat, sic Morum alloquitur. Nunc
 verò, More, perspicuam nobis facis tuam animi maleuo-
 lentiam, Cui statim Morus. Inclyte Domine, vt hæc
 loquar, non vlla incitat maleuolentia, sed iussa me cogit
 necessitas, qua conscientiam meam in loco iudicij exone-*

**Totum Sena-
tum ac no-
bilitatem
grauiter re-
darguit.**

rare debeo. Testis est Deus qui solus scrutatur corda & renes, non alio me animo hac esse proloquutum. Porro quod ad rem ipsam attinet, hoc etiam adiucio. Circa Constitutionem hanc vestram in hoc grauiter peccatum esse, quod quum vos, amplissimi viri, Regni proceres, disertè professi sitis, & iureiurando vosmet obstrinxistis, nihil vos vnquam contra sanctam Ecclesiam molituros, hanc nihilominus legem tulistis, vos in hoc regno soli, cura consensum reliquæ Christianitatis, quæ totius Ecclesiæ vnitatem, pacem, & concordiam dissoluit; quum nemo nesciat Ecclesiam vniuersam vnicum, integrum, & indiuiduum corpus esse, ideoque in iis quæ ad religionem spectant, sine communi & generali consensu nihil statui debere. Atqui non sum nescius quæ sit potissima condemnationis meæ causa. Illa sane quod nouas has nuptias nunquam approbare voluerim. Verum enimverò, hoc nunc tempus discordiarum, hic locus dissentientium opinionum est. Confido autem, diuina bonitate ac misericordia fretus, fore vt quemadmodum Paulus Stephanum persecutus est vsque ad mortem, & tamen iidem nunc vnanimes agunt in cælo, sic plane nos qui nunc discordes sumus in hunc mundo, & de eisdem rebus aliter sentimus, in futuro sæculo concordēs, & cum charitate perfectæ vnanimes, futuri simus. Hac spe fretus, euixè Deum precor, vt vos omnes conseruet, ipsumque imprimis dominum Regem, ei que bonos semper consultores dare dignetur. Hæc vltima fuerunt ad illud tribunal celeberrimū Mori verba, ab his qui astiterunt excerpta, & olim Lutetiæ, recenti rei memoria, typis excusa. Verba certè nobilissimo Christi Martyre digna; quæ & veritatem fortiter confitetur, & latam sententiā nulla indignatione prosequitur, & (quod caput est) dum Stephani meminit Stephanum imitatur, orās pro persecutoribus suis: Nec orans tantum, sed & caput totius mali digito demonstrans, dum Regi bonos consultores exoptat. Fundi enim nostri vel

totius

**Orat pro per-
secutoribus
suis.**

totius terræ potius calamitas hæc erat quod malis *Schismatis Anglicani origo, mali consiliarii & ignavi episcopi.*
 consiliis Rex aurem præbuit. Regi de nouis tunc nuptiis nihil planè cogitanti VVolsæus Cardinalis per interpositam personam primus mortalium suggessit. Homo ambitiosus videns se Papatu quæ ambiebat excidisse, Caroli Imperatoris commendatione (quam certò sibi promittebat) frustratus, tum vt de Carolo se vindicaret, tum vt cum Rege Galliarum nouas amicitias faceret, curat de primis nuptiis iam per annos 20. sine scrupo continuatis scrupum iniici: vt illis solutis, cum sorore Regis Francisci Galli & Henrico Rege nouas fabricaret. Sed malum consilium consultori pessimum. Nouæ nuptiæ non iâ cum Galla, sed cum Bolenia, VVolsæi primum posteaque totius status Ecclesiastici & religionis in Angliâ interitus fuit. Quòd si eo tempore sicut Tho. Morus sic cæteri Consiliarii regii, si sicut Ioannes Roffensis Episcopus sic cæteri Episcopi, ex fide & conscientia rem tractassent; si quod verè sentiebant Regi respondissent, si non ad gratiam sed pro eo quod veritas postulabat & conscientia cuiusque dictabat locuti fuissent; nec illæ infauftissimæ nuptiæ tam horrendas clades ac strages in Angliâ dedissent, nec nouus ille & antichristianus Regis titulus vniuersam in Angliâ religionem pessundedisset. Concludit igitur Tho. Morus suam pro tribunali defensionem, nō solum vt nobilissimus veritatis orthodoxæ confessor, & propugnator disertus, sed etiam vt prudentissimus Regis Consiliarius.

DE IIS QUÆ CONDEMNATIONEM

& beatam viri mortem intercesserunt.

CAPVT XIX.

Sermone finito, vel potius per Iudices interrupto, (neque enim viri grauissimi & disertissimi sapien-

*A patre dam-
natus filius be-
nedictionem
petit.*

*Margareta
Mori filia
rui in am-
plexu patris*

sapientiam ac libertatem magis sustinere poterāt, quam S. Stephani orationem liberrimam obdurati Iudæi) abducitur è Iudicii loco & ad carcerem re-ducitur Morus, securi de more prolata, condem-nationis indicio. Hic vero miserandum plane & i-mpia condemnatione mirabilius accidit spectaculū. Ioannes quidem Morus, vnicus Mori filius, patri è iudicio redeunti ad pedes prouoluitur, benedictio-nem paternam flexis genibus nec sine lachrymis petens. Verum illud vt genti nostræ vñtatissimum minus mouit: etsi pater per literas postea (quas suo loco inferemus) hoc filii sui officio eo tunc tempore ac loco plurimum se oblectatum fuisse scribat. Cæterum quum paulò extra Iudicii locum pro-gressus Morus esset, ecce tibi filia eius Margareta Ropera (sic vnicè patri chara, vt vel ad eius solum aspectum si nihil in Moro supra hominem fuis-set, vehementer commoueretur, vt ex præcedenti-bus satis liquet } non turbæ tantum se immiscet patrem visura aut ei valedictura, sed pectore plus-quam virili & acerrimis amoris stimulis incitata, per mediam populi turbam, perque satellitum ar-ma semet iniecit, & ad parentem penetrauit. Quū & mulier esset, & natura cum primis verecundā, tamen & metum & pudorem excusserat vel im-potens animi dolor, vel (quod magis credo) immē-sa dilectionis vis. Accedens enim in charissimi pa-tris collum ruit, & arctissimo complexu aliquan-diu tenuit, nihil aliud locuta quam, *Ab mi Pater.* Mouit stipatores tamen si duros hoc spectaculum. Sed Morum ipsum talis filiæ in tali articulo, tam expressa charitas, tam valida dilectio, tam fortis & imperterritus amor, quo tandem modo non solum commouere, sed etiam non nihil è constan-tiæ statu dimouere potuisset, nisi diuina quædam vis, qua mortis sententiam nihil exterritus exce-pit,

pit, (imò ea excepta & fortius loquebatur & agebat constantius) nunc quoque mentem eius occupasset, ne quid naturæ cederet, aut de constantiæ gradu vel minimum mouveretur: Cum enim generosissima mulier, dignissima tali patri filia, secum omnes naturæ doctes afferens, omnia pietatis signa, omnia quæ in liberis iucunda esse parentibus solent, eo in loco quò vix ulli viro patere aditus videbatur, prius penè in sinu patris hæsit, quàm aduenientem pater vidisset; quales doloris stimuli quàm acres patris animo esse poterant, talis præsertim patris, qui quum omniū suorum natura amantiſſimus esset, præcipuo tamen amore Margaretam dilexerat? Quas verò doloris faces ei admouisse par est, quum aliquandiu in eius complexu nihil effari valens adhærescebat? quas quum inde vix auellebarur? Quæ verò tormenta iam & eraciatus animi, cum semel auulsa, iterum eadem pietate percita, eodem cum impetu rediit, & vi maiore ægrè abstrahi potuit? Quanto hic robore animi opus erat, quanta consolatione illi, cui ipsa naturæ consolatio dolores omni morte grauioribus obiciebat? Atqui sic his omnibus restitit Morus, ut proflus inuictus dici possit. Ita voce, *Inuictum* vultu, gestu ostendit se omnes naturæ insultus *Mori pectus*, superasse, & omnia quæ infra cælum dolorem facere hominibus soleant vicisse. Nihil enim de oris constantia & grauitate remittens, filiæ respondit se quæcunque pateretur, *Mori verba* nisi innocens patere *tur*, Dei tamen voluntate pati? illum arcana pectoris *ad filiam*, sui nosse. Proinde suam ipsa pietatem ad Dei voluntatem accommodaret, & maximo tolerantia bono in patris casu videretur. Hæc ille in primo congressu. Nam quum secunda viç postquam decem aut duodecim passus digressa reuertisset, colloque iterum in hæsisset, nihil quidem dixit, sed tacenti lachry-

lachrymæ erumpebant, vultu tamen à constantia nihil dimoto. Id tantum abeunti mandauit, vt Deum pro anima patris deprecaretur. Fuit porro & altera eius filia non natura, sed educatione Margareta Gyge D. Clementis postea vxor, quæ illum similiter eodem tempore amplexa & osculata fuit. Sed & filius quoque Ioannes accepta patris benedictione, osculum quoque dedit, & accepit. Hi omnes postea attestati sunt, ex ore Mori quum illum oscularentur, miri odoris fragrantiam sese hausisse. Certe ad hunc suorum lamentabilem concursus, ad hos amplexus & oscula, non solum ex populari turba permulti, sed & ex ipsis satellitibus aliqui erant, qui à lachrymis sibi temperare non poterant. Id quod certe mirum non est quum (vt Cardinalis Polus scribit) Externi homines qui Morum nunquam nouerant, tantum dolorem ex eius morte acceperunt tamen, vt quum quæ de ea scripta circumferrebantur legissent, lachrymas tenere non potuerint, hominique externo non alia re quàm fama sibi noto illa lachrymarint. Ac mihi planè * tãto intervallo hæc de illius morte scribenti, qui nō tam multas priuatim amoris causas cum eo habui, sed virtutis potius & probitatis ergo, quodque patriæ vtilissimum esse scirem, eum amari & colui, sic tamen & testis est mihi Deus } inuito lachrymæ oboriebantur, vt scriptionem maximè impedirent, & ipsas sæpè literas delerent, vt vix vltra progredi possem. Hæc de seipso Cardinalis Polus.

Externi Mori mortem cū lachrymis ex ceperunt.

* Romæ script. p. 11.

De vnitatē Ecclesiastica lib. 3.

Reductus ad carcerem Morus, grauiorem in via quàm in ludicio tentationem expertus, & victoriam maiorem adeptus, sciens quia hora eius veniret vt transeat de hoc mundo ad Deum, quarto post condemnationem die, qui fuit Iulii quintus & feria secunda, postremam suam epistolam carbone scribit (neque enim calami copia fuit) ad suauissimam & charissimam filiam suam Margaretā.

Roperam;

Roperam : quam ex Anglico in Latinum versam (quia postremum est quod Morus scripsit, virique sancti spiritum, humanitatis tamen non oblitum redolet) hic subiiciam.

Benedicat tibi Deus, dilecta filia, & marito tuo, & Vltima Mori puerulo tuo, & tuis omnibus, & meis liberis vniuersis, epistola ad & omnibus ex sacro fonte susceptis, atque amicis omni- Margaretam bus. Commenda me, quum commodum fuerit, filiae meae Roperam. Ceciliae, quam vt Deus consoletur precor. Benedictionem illi meam impartio, omnibusque liberis eius; & roga illam vt pro me precetur. Mito illi strophium Sed & virum eius generum meum vt Deus consolari velit, precor. Filia mea Dancea habet imaginem illam in pergameno depictam, quam per te mihi dedit domina Couiers. Nomen eius dorso inscribitur. Dic illi me multum rogare vt illam imaginem tu remittas eidem dominae in memoriam mei, vt pro me oret. Vehementer probo Dorotheam Coly: (hæc postea vxor fuit Ioannis Harrisii Secretarii Thomæ Mori, estque adhuc hodie Duaci superstes.) Sis precor illi beneuola & fauens. (Erat quippe Margaretæ Roperæ pedissequa, & sæpius ad carcerem missa à Domina sua intercurrebat, deferens munuscula Moro.) Scire velim virum hæc illa sit de qua ad me scripsisti. Sin minus, faueas quantum potes illi alteri afflicte, atque etiam Ioannæ Alanae filiae meae. {Hanc sic vocat, quia Margaretæ Roperæ altera pedissequa erat, & apud Morum educata.) Benigne quæso ei respondeas. Hodie enim apud me sollicitauit, vt tibi eam commendarem. Multum tibi sum, mea Margaretæ, molestus. Sed malè me haberet, si diutius quam die crastino. Est enim vigilia sancti Thomæ Diem mortuariensis (cuius videlicet Translatio septima tibi prædicit. Iulii in Anglia Catholica, & alibi extra Angliam celebrari est solita) & Octaua sancti Petri. Cras itaque vehementer gestio ad Deum migrare. Esset, enim dies mihi valde conueniens. Nunquam mihi

magis

magis placuisti, quam quum postrema vice osculata me es. Multum enim delector, quum dilectio filialis & pura charitas huius mundi ceremonias non expectat. Vale charissima filia, & or a pro me. Ego pro vobis & omnibus amicis vestris orabo, ut suauiter in cælo nos mutuo conspiciamus. Ago gratias de liberalitate vestra. Mitto nunc filia mea Clementi (hæc erat Margareta Gyge vxor Ioan. Clementis Doctoris Medici) lapidem eius arithmeticum: simulque illi & filiolo meo è fonte suscepto, omnibusque eius, diuinam benedictionem & meam impartio. Saluta quæso meo nomine, quum opportunum fuerit, filium meum Ioannem Morum. Placuit mihi vehementer bona eius indoles. (Nempe quia ex iudicio exeunte patre benedictionem eius petierat. } Benedicat illi Deus, eiusque vxori optima, filia mea; cui velim ut impensè faueat, quod & meritò facere debet. Quòd si possessionum mearum hæres fiat, videat ne meam voluntatem in eo quod sororem eius Danicam concernit, violent. Denique Augustino & Thomæ (erant hi Ioanni Moro filii iam nati } & qui nascentur ab illis, benedicat Deus. In hac Thomæ Mori postrema epistola facile agnoscas & spiritum planè diuinum ac nisi cœlestia sapientem; & animum prorsus tranquilum, nullaque perturbatione agitatū; & denique hominem suorum non immemorem, sed qui ad vltimum vsque spiritum non minus boni patris, quàm fortissimi Confessoris officium faciat. Spiritus eius planè diuinus, nihil nisi benedictiones loquitur. Omnibus suis & singulis bene precatur. Quasi alter iacob filiis ac nepotibus suis, non è lecto, sed è carcere benedicit; & gratias spirituales impartit. Omnium quoque se precibus commendat ex spiritu humilitatis & timoris Dei, quem ad vltimum vsque vitæ halitum, tanquam certissimum reliquarum omnium virtutum custodē, retinuit. Sed nunquid ille spiritus prophetiæ fuit, & quædam

Spiritus Mori diuinus.

1.

2.

quædam familiaritas cum Deo, quòd diem mortis suæ in hac epistola prædicit? *Male, inquit, me haberet; si ultra diem crastinum moleſtus tibi essem.* Et certe in illo crastino passus est. Sed quare illum crastinum, magis quam perendie aut ex sequentibus diebus aliquem Morus sibi ad mortem destinauit; nisi quòd id quasi diuinitus sceleratum accepit? Quare in hunc quartum post condemnationem diem has postremas literas distulit? Nam post condemnationem Margareta filia quotidie ad patrem suum Dorotheam mittebat; nec carceris custos; Mori amicus, accessum aliquando prohibuit. Sed non nisi quarto post die suis omnibus valedicit. Non nisi quintum diem passionis suæ diem fore prædicit. Certè illud constat, hunc diem Morum vehementer exoptasse, siue illum prædouerit, siue singulariter à Deo expetierit. *Esset, inquit, ille dies mihi conueniens:* Et quare? quia dies ille Translatio erat sancti Thomæ Cantuariensis, etsi non publicè festus, tamen in Ecclesiis magnò opere celebratus: erat quoque Octaua S. Petri Apostolorum principis. Rectissimè igitur hunc sibi diem Morus optauit; suauissimè hunc suo Martyri diem Deus conceſsit: in quo & Patroni eius cuius nomen gerebat; & sancti Apostoli pro cuius primatu sanguinem fundebat, celebris à fidelibus memoria fiebat. Illo enim die magis eos ad intercedendum pro se propitios, optimus Catholicus Morus habiturum se non dubitabat, in quo die Catholici omnes eorum intercessionem còmunibus votis expetebant: edoctus videlicet celebritatem Sanctorum hunc finem & fructum habere, *ut illis proficiat ad honorem, nobis autem ad salutem:* & illi pro nobis intercedere dignentur in cælis; quorum memoriam hic agimus in terris. Has ecclesiæ voces optimè tenuit Morus, vitæ uocatione laicus, sed vitæ totius sanctitate & in-

Cur autem mortis suæ diem Morus exoptauit.

In Liturgiâ Catholica.

noentia Ecclesiasticus. Si enim ideo sancti hono-
rantur vt pro nobis intercedant, non dubium quin
quo tempore magis ab ecclesia honorantur, eo
tempore maiorem intercessionis fructum ecclesia
percipiat Multum igitur desiderauit Thomas Mo-
rus: (& desiderium cordis eim tribuit ei Dominus, quod
& de martyribus canit Ecclesia) eo die dissolui
& esse cum Christo, quo die vt eo foeliciter perue-
niret à sanctis qui magis ei peculiare patroni e-
rant, magis se adiuuandum & commendandum

*Dies patroni
magis propi-
us.*

sperabat. Quis fidelis orthodoxus in die patroni
sui certius & fidelius auxilium à Deo non expe-
ctet? Quis nescit Hispanos in die S. Iacobi (qui pa-
tronus est gentis) & confidentius pugnare, & ad-
mirabiles victorias esse saepe consequutos? Sic An-
gli & Galli quum Catholica tota gens erat, in fe-
stis Sanctorum Georgii & Dionysii magna saepe
& præclara facinora edebant. Non igitur im-
merito in Translatione gloriosa S. Thomæ mar-
tyris, patroni sui, transferri quoque ex his tenebris
ad lucem, & Martyr fieri Thomas Morus voluit.

Potro pro Christo moriturus quis non optaret ip-
so Natalis, aut passionis, aut resurrectionis, aut
Ascensionis Christi Seruatoris die, mortem oppete-
tere? Certe multos in martyrologiis legimus ipso
Resurrectionis & passionis Dominicæ die à per-
secutoribus ethnicis trucidatos & nobili martyrio
perfunctos esse. Atqui S. Petrus ecclesiastici ordi-
nis ac status primus ac Princeps à Christo institutus
est. Pro huius in terris primatu (quem totius or-
bis magistrum vocat Chrysostomus Homil. 51. in
Matth. totius ecclesiæ gubernacula suscepiss: scribit Da-
mascenus in orat. de Transfigur. Domini, vter-
que Græcus: quem Henricus in Anglia D. Petro
exipere sibi que sacrilegè vendicare aulus est?) Tho-
mas Morus capitis supplicium luiturus & nobilif-
simam

*Sapores Rex
Persarum v-
no Passionis
Dominicæ
die 100. Chri-
stianos vari-
is tormentis
sustulit. So-
zom. lib. 1.
cap. 9.*

*Henrici sa-
crilegium.*

firmam confessionem facturus; quidni in Octava S. Petri ut id fieret, merito exoptaret? Optavit igitur, & *voluntate labiorum eius non fraudavit eum Dominus*: quod ut de omnibus martyribus canit ecclesia, ita singulariter de martyre Moro cantare poterit. Hunc spiritum seu prædictionis propheticæ, seu certe familiaritatis cuiusdam divinæ hæc postrema Mori epistola loquitur: Tranquillitatem animi omnia epistolæ verba loquuntur: in qua sic de rebus variis amanter disponit, ac si non in carcere damnatus & cras moriturus, sed domi suæ liber & aliquod profecturus disponderet. Postremo suorum immemor non est ad exemplum Christi qui in ipsa Cruce, matris suæ curam dilecto discipulo demandavit. Vnâ cum hac epistola postrema misit ad filiam Margaretam Cilicium suum cum flagello, panno utrumque obuoluens; quo in suum corpus disciplinam exercere solebat. Certus quippe de crastino martyrio (non à Rege aut iudicibus aut custode monitus, neque enim hoc fieri solet nisi sub vesperam sequentis diei, sed ut iam dictum est) vel diuinitus admonitus vel bonitati divinæ confidens; certus de fine certaminis & gloriosa victoria, arma pugnæ spiritualis deposuit & tela remisit; ne sane in aliorum quàm charissimorum suorum manus venirent; & ut illum suum occultissimum mortificandi modum externos omnes celaret: postremo ne in carcere relicta vel affectata sanctitatis & hypocrisis suspensionem, vel contumeliæ & irrisuionis occasionem darent. Atque hæc de ipsa condemnatione Mori, deque iis quæ eam sequuta sunt, hætenus.

*Trāquillitas
mentis post
condemna-
tionem.*

*Cilicium &
flagellū cum
remittit.*

CAPVT 20.

Proverb. 28.

Preparatio
ad mortem.

Math. 11.

Thomas Morus accepta mortis sententia & ad carcerem reductus Cal. Iulii an. 1535 se ad mortem proximam componit, nihil plane animo consternatus, nihil turbatus, sed totus non modo tranquillus (vt iam ostensum est) verum etiam plane hilatis more suo ac iucundus vt mox ostendetur. Interim tamen timorem Dei nunquam deponens (*beatus enim homo qui semper est pauidus*) postremis illis diebus in carceris sui angustiis lincto totus obuolutus, ad instar cadaueris in terram deponendi, mirificeque seipsum flagellans obambulat. O sanctum virum qui tanta tam innocenter tamdiu passus, sic tamen in seipsum seuerus est ac si atrocissima flagitia per totam vitam delicate & luxuriose viuens perpetrasset. Væ nobis delicatulis qui fastu turgidi, inuidia liuidi, avaritia sordidi, luxuria fædi ac spurci, nihil tamen vel pro Christo vel pro nobis ipsis durum & asperum sustinere volumus. *Sed regnum cælorum vim patitur, & violenti rapiunt illud.* Quod optimè sciens Thomas Morus, vsque ad vltimum vitæ diem seuerus in seipsum esse & vim sibi ipsi facere voluit. Nempe optimè sciebat strenuos in agone cursores quo propius metam attingunt, eo alacrius & celerius currere. Quum iam dies mortis vel vitæ potius Moro aduenisset, educitur ex carcere in planitiem castri seu turris Londinensis, iam propter diuturni carceris squalorem, vt præter morem barbatus idque prolixè, ita facie pallida ac macilenta, crucem rubream manu gestans, oculis in cælum elatis, veste seruili & vilissima indutus. Quum enim in honesta veste procedere voluisset, togamque de camelot in-

lot induere quam ei in carcere Bonifacius donauerat, tum in amici gratiam tum ut eam togam carnifici daret, fecit custodis vel avaritia vel im-*Vili veste indutus ad patibulum pro-*
 probitas ut serui sui togam, vilissimi panni quem *cedit.*
 nos griseum vel friseum vocamus, indutus prodi-
 ret, vir tantus, tam celebris, tantis dignitatibus per-
 functus. Sed fuit hæc vestis Thomæ Moro verè nu-
 ptialis vestis: vel quia Christo pauperi in ea assimi-
 latus, vel quia ad nuptias Agni & Calicem Christi
 bibendum in ea properavit. Thomæ Mori ad lo-
 cum supplicii exeuntis viam effigiem egregie fa-
 brefactam ostendit olim mihi Margareta Gyge Io-
 an. Clementis vxor, quæ morienti adfuit & mor-
 tuum eum alia Margareta sepeliuit: & iuxta illam
 quam vidi effigiem prodeuntis gestum ac vultum
 descripsi. Transeunti mulier quædam vinum ob-
 tulit, quod recusavit dicens; *Christum in sua passione*
non vino sed felle potatum fuisse. Alia quædam muli-
 er magnis clamoribus eum interpellans de chartis
 quibusdam suis quas dum Cancellarius erat, apud
 eum deposuerat, hoc responsum accepit *Bona mu-*
lier; quod ad chartas tuas attinet, habe quæso ad vnius
horule patientiam. Tunc enim à chartarum tuarum cu-
 ris, reliquoque omni onere, Regia Maiest pro sua bonita-
 te me penitus liberabit. Denique ab alia adhuc mu-
 liercula interpellatus, quæ grauem sibi ab illo Can-
 cellario iniuriam factam exclamabat (siue serio
 hæc diceret, siue subornata) grauitè respondit *Tu-*
am causam optime memini, & si nunc mihi in illa causa
ferenda sententia foret, non aliter prorsus pronunciarem.
 Fuit eodem tempore qui consilii & orationis cau-
 sa ad eum in media turba accurrit, de quo supra di-
 ximus. Cap. 6. Ad patibuli locum quum ventum
 esset, theatrum conspexurus, manum cuidam
 porrigens, iqua me quæso (inquit) ad conscen-
 huac. In descensu nemini molestus fuero. Vbi con-

*Confessio Mori
ultima.*

*Spiritus Ros-
sensis & Mo-
ri.*

*Gal. 5.
Psalm. 50.*

*Charitas Mo-
ri in carni-
cem.*

Beata mors.

scendisset, verba ad populum facturus à prætore prohibetur. vnde breuissime dixit. *Ego fratres contessor me & fidelem Regi, & seruum Dei, & in fide Catholica moriturum.* Hæc quidem ille, sed qui vnus erat toto regno Regi fidelissimus: vnus seruus Dei maximus & innocentissimus: vnus non tantum in fide, sed etiam pro fide Catholica moriturus. His dictis, vtroque genu flexo, psalmum. 50. *Miserere mei Deus* clara voce recitauit, sicuti Rossensis canticum illud. *Te Deum laudamus.* Rossensis enim diuina exultatione repletus totus lætus ac gaudens ad patibulum festinauit, abiecto senectutis suæ baculo, & eodem die quo pati debuit, in lecto securissimè vsque ad horam bene matutinam dormiens, & lac pro ientaculo petens. Morus spiritu humilitatis & timoris plenus, poenitentiae precem non laudis canticum recitare voluit. Vterque spiritus Deo placuit & à Deo fuit. Nam & *fructus spiritus gaudium est* teste Apostolo, & *sacrificium Deo spiritus contribulatus*, teste Dauide. Quamquam neque sancto timore vacuus erat Rossensis, neque sancta lætitia destitutus fuit Morus. Recitato enim psalmo & finita prece alacriter surgens primum carnifici veniam de more petenti, & osculum charissimum porrexit, & angelotum aureum dedit, & ei hæc verba dixit. *Tu mihi hodie maius beneficium præstabis, quàm mortalium quisquam aut hætenus præstitit aut præstare poterit.* Illud vnum tua causa doleo ceruicem tibi tam curtam præscindendam, vt metuum ne non te possis commodè & cum honore tuo expedire. Sed & antea rogauerat filiam & alios amicos, vt si qua in re possent carnifici suo gratificari, id omnino facerent. Denique quum velare cum carnifex vellet, ego (inquit) meipsum velabo: moxque linteo ipse suo quod secum detulerat faciem obuoluit, & lubens ac rectissimè Caput
trunco

trunco imposuit, quo statim reciso, anima in cœ-
 lum euolauit; & qui conspectu hominum seipsum
 priuauit oculos sibi suos obuoluens, in conspectū
 Dei & angelorum repente peruenit. O beatam a-
 nimam vnico capitis ictu ad cœlestia & sempiter-
 na gaudia translata. Iam tunc experiebaris More
 verissimum quod sepius antea dicere solebas. Non
 difficulter fieri posse vt capite toto quis minuatur,
 nihil tamen lædatur. Capite minutus iaces: sed in
 quo læsus es, qui breui dolore perfunctus tempo-
 ralem vitam, quæ seni & valetudinario longa esse
 non potuit, cū sempiterna cōmutasti: Infami mor-
 te, hominū iudicio sublatus es. Sed quid tibi detri-
 mēti accessit, qui nō cœlesti tantū gloria, sed im-
 mortali apud homines virtutis tuæ famā perfrue-
 ris? A tuis charissimis ad momentū diuelleris. Sed
 quomodo id tibi molestū esse potuit, qui certō cō-
 fidis eos propterea in perpetuū tibi felicità societate
 iungēdos? Honoribus & fortunis spoliatus more-
 ris. Sed quid hoc tibi nocuit copiosissima mercede
 iam in cœlo donato, nisi de eo quis ambigat quod
 ipsa veritas de Mori similibus dixit *Gaudete & ex-
 ultate quia merces vestra copiosa est in cœlo.* Et sic qui-
 dē Thomas Morus pro veritate Primatus Pontifi-
 cii, pro vnus supremi ecclesiæ Capitis assertionē,
 quā quo sane Primatu & Capite supremo, pax, ordo,
 & vnitas totius ecclesiæ depēdet; quo Capite subla-
 to omnibus hæresibus aperitur ianua, & lupi libe-
 re in ouile grassantur: quod vel vnus Angliæ exē-
 plum cæteras gētes docere potest; carcerē primum
 & bonorū rapinam passus, post etiā mortem ipsam
 fortiter oppetiit. Sic ille omnibus suis laboribus
 defunctus, beatus in cœlo regnat; in terris verò
 non à bonis tantum sed ab ipsis etiam improbis
 celebrem laudem adeptus est: eius mortem omni-
 bus vt indignissimam deplorantibus; nemine

Matth. 5.

*Rex Henricus
sublatū Mo-
rum deple-
rat.*

*Morus Regi
charissimus.*

*Anna Bole-
nia occisi Mo-
ri causa.*

proptus & nisi forte qui impio Regi adularentur) factum probantibus. Nam & Rex ipse Henricus quum ad eum perlatum esset, sumptum iam esse de Thoma Moro supplicium & forte autem tunc alea ludebat) otus attonitus, est ne, inquit, iam de eo actum? Illis qui nuncium perferebant affirmantibus, Annam suam Boleniam quæ juxta confidebat respiciens, Tu, inquit, huius viri necis causa es. Moxque è loco consurgens & in cubiculum sese proripiens, amatè fleuit. Fuit certe Regi Henrico Thomas Morus à prima fere ætate charus. Inter ætatem viriusque non adeo magnum discrimen erat. Morus septem annis maior natus. Quum Rex anno ætatis. 18. ad regnum pervenisset, Morus eo tempore pulchro epigrammate Regiæ inaugurationi gratulatus fuerat. Rex ut erat ipse bonis literis atque philosophiæ impensè deditus & in illis plus quam mediocriter institutus (neque enim primogenitus patris fuit, sed Arthuro fratri seniori superstes regnum obtinuit) ita doctos & literatos mirè dilexit. Morus igitur quinto aut sexto regni anno, quum adhuc Londinensis esset Syndicus, ad legationes obeundas à Rege assumitur, nec ita multo post in Consilium Regium coopratur. Vingtigitur & amplius annis (nam anno regni. 27. Morum è medio sustulit) Regi vixit ita charus, ita fidelis, ita per varios honorum gradus continuè euectus, ut nemo magis. Eius igitur mors ita violenta & fæda, & contra omnem iusticiam illata, non potuit non in tam longa, tam fideli, tam officiosa amicitia, etiam ipsi tyranno non displicere. Sed vicit amor Boleniæ carnisque imensa cupiditas. Rex enim, ut multi asserunt, voluit Morum in perpetuo carcere viuum asservare. Sed Anna Bolenia conquiescere non potuit, donec ut altera Herodias, Thomæ caput resectum videret. Quo

tamen

tamen illa spectaculo non diu gauisa est. Nam ante unius anni circulum reuolutum, eodem in loco quo passus est Morus propter iustitiam & innocentiam, decollata est illa propter adulterium & incestum.

Sed nunc priusquam ad alias de Thomæ Mori morte non nostras sed exterorum querelas veniamus, quid de Capite & corpore sancti Martyris actum fuerit, commemorabitur. Caput iussu regis à Margareta ad pontem Londinensem pallo affixum est, ubi per aliquot dies, fere per integrum mensem mansit, donec propter alia capita affigenda Rex enim Henricus ubi semel primos digitos cruentauerat, usque ad humeros alieno cruore se intinxit, quum illud deponendum & in flumen subiectum proiiciendum erat, Margareta Ropera ad omnem rei bene gerendæ occasionem intenta, diligenter ad hoc tempus inuigilans, corrupto pecunia carnifice cuius erat capita deiicere, patris sui Caput quod ipsa cum aliis diligentissime obseruauerat, recuperauit. Erant signa adeo certa Capitis, ut nemo qui cum cognouisset in vita, non cognouisset post mortem. Non tantum ex defectu unius dentis quo uiuus carebat, verum quia tanto pene pulchritudine facie conspicua erat atque dum uiueret, in quo illud mirabantur sui quod pili barbæ præ canicie prius albescentes, in abscisso capite velut rufi apparebant, Hoc caput à Margareta Ropera quam diu uiueret, diligentissime asservatum est, aromatibus curiose conditum: & hodie adhuc apud aliquem suorum custoditur. Corpus defuncti à Margareta Ropera cum altera Margareta Clementis coniuge in sacello D. Petri quod in ipso Castro Londinensi est, sepultum fuit, cæteris custodæ hoc permittente.

Corporis sepultura.

Contigit autem circa sancti corporis sepulturam

quod meritò miraculi speciē habere potest. Margareta Ropera eius diei summo matie peragrabat sanctissimas ecclesias, & eleemosynas pauperibus plena manu distribuebat, iamque omnibus elargitis, cum post sumptum de patre supplicium ad carcerem properaret paternum corpus sepulturæ mādatura (quod ei custos promiserat sub beneplacito regio quod facillè impetratum fuit) exhaustis iam oculis, præ festinatione nec novas acceperat pecunias, nec syndonem quo corpus inuolueretur secum tulerat. Itaque mire tristis ac sollicita quid faceret, monetur ab ancilla Dorothea (Harrasii post vxore) vt de proximo linteum accipiat. Quomodo, inquit, id faciam quum nihil pecuniæ reliqui habeam? Credent tibi, ait ancilla Quamquam inquit Margareta) longè à domo absim, nec his hominibus nota existam, tu tamen vade & periculum facito. Ancilla prudēs & cauta ad vicinam tabernam deflectens postulat quantum sufficere potuit: de precio conuenit. Mox velut quærendæ pecuniæ causa manum in petam misit; eo animo vt diceret præter spem sibi euenisse quò minus adessent pecuniæ, sed si crederetur sibi se quàm primū id quod conuenerat à domina sua allaturam & redditurā.

Syndonis precium miraculose inuentum.

Ecce autem quum certò ancillæ constaret nihil se prorsus pecuniæ habere, tamen iam in pera iustū syndonis precium reperit, nec vno teruncio plus minusve, quàm eo tempore ex pacto solui oportebat. Hæc mihi Dorothea ista adhuc superstes & hic Duaci agens sæpius & constanter retulit. Accepto igitur non sine miraculo syndone, duæ istæ Margarete cum ancilla alterius Dorothea, corpus sepulturæ honestissimè mandarunt. Camisia in qua passus est, sanguine eius tincta à Margareta Clementis vxore asseruata est, quæ mihi totā aliquando & integram ostendit, & bonam eius partem dono de-

no dedit; siue illam à principio altera Margarèta concesserit; siue quòd (ea multo citius defuncta) post eius obitum acceperit.

Atqui non ita multo post in totam Mori fami- *Sequitur in*
liam ira Régis defæuit: Alicia vxor de propriis æ- *familiam*
dibus expulsa, & pensione sola 20 librarum annua *Mori.*
illi assignata (reliquis omnibus ad Morum pertinē-
tibus fisco regio addictis) in ipso pæno Chelsey sa-
tis tenuem egit vitam. Margarèta Ropera coram
Consiliariis Regiis conuenitur, acculata quòd ca-
put patris quasi reliquæ loco asseruaret, quodque
libros & scripta eius adhuc penes se retineret. Quæ
respondit se caput paternum recuperasse sepeliendi
studio, ne piscibus esca foret: scripta & libros vix a-
lia se habere quam quæ iam typis excusa essent; ex-
ceptis perpauca familiaribus epistolis, quas ad sui
consolationem vt seruare permetteretur, supplex
rogauit. Opera amicorum dimissa fuit, quum sola
ex fœminis {quæ in familia Mori multæ erant} ve-
xata fuisset. Viri ad vnum omnes, Ioannes Morus,
Ioannes Clemens, Gulielmus Roperus, Aegidius
Heron, Ioannes Dancæus ob iusiurandum reiecti
in carceres coniecti sunt. Cæterum omnes tādē,
alijs alio serius aut citius, magnorum virorum
studio dimissi sunt.

Sed nunc ad ipsam Morum redeamus. Huius *Mori mar-*
viri mors quum solus ex laicis esset, & maximæ *tyrium quæ*
dignitatis atque existimationis vir, qui Religio- *illustre.*
nis tunc primum in Anglia labefactari cœptæ cau-
sam vsque ad sanguinem tueretur, exemplo illo
suo plus quàm credi potest, genti nostræ profuit.
Neque enim vel tot Carthusianorum Patrum
atque aliorum monachorum neque ipsius Rossen-
sis sanctissimi & doctissimi licet episcopi mors
(etsi non minus haud dubiè coram Deo pretiosa)
sic populum & omnes hominum ordines com-
mouit,

mouit, sicut vnus Mori. Cæteri omnes quum ex
 cleris essent, clericalem statum aliquo humano af-
 fectu defendere potuisse, hominibus male suspi-
 cibus videri poterant. In Moro nihil tale suspicari
 quisquam potuit. In cæteris sola pietas & eruditio
 sacra elucebat. In Moro præter notissimam piete-
 tem & innocentiam, prudentia rerum agendarum,
 legum Britannicarum peritia, plurimi & amplis-
 simi gesti in Republ. magistratus eminebant: ho-
 minisque tanti in tali causa constantiam, mirifice
 commendabant. Certe eius viri fama, & illustri
 martyrii memoria quantam nobis pueris in An-
 glia celebritatem habuerit, quos ad Catholicam
 amplectendam & retinendam fidem stimulos ad-
 diderit, & ego optimè recordor & mecum innum-
 meri testabuntur. Morus profecto quum viueret
 sapientiæ laude sic excelluit, vt oraculum Angliæ
 haberetur, non tantum in causis forensibus quan-
 do ius dicebat, sed etiam in duabus istis causis gra-
 uissimis, diuortii regii, & Primatus Pontificii. Nec
 id tantum quum libertate gauderet, honoribus in
 Rep. floreret; sed etiam victus & in carcere quum
 esset, omnes ab illo pendebant. Ad illum laici, ad
 illum presbyteri, ad illum V Vilsonus Doctor, ad
 illum Ioannes episcopus Rossensis per litteras mi-
 serunt; vt mentem ac iudicium eius his de rebus
 explorarent. Henricus Rex quanto studio, quo co-
 natu, qua contentione egerit vt vnum Morum in
 suam sententiam pertraheret, præcedentia decla-
 rarunt. Certe Germinius Gardinerus vir nobilis &
 doctus ac laicus, quum octo annis post pro eodem
 Primatu Pontificio martyrium subiret, in loco sup-
 plicii nullam aliam apud populum rationem af-
 ferre voluit, cur ipse in illa causa mortem oppete-
 ret, quam quia Carthusianorum pia simplicitas,
 Rossensis episcopi incredibilis doctrina, Thomæ
 Mori

Mori singularis sapiētia cum vt hoc faceret admo-
nere videbatur. Innumeri exemplo Mori in fide &
obedientia Romanæ Ecclesiæ perstiterunt; multi
capitis discrimen adierunt. Certe Pastor ipse paro-
chialis Thomæ Mori, D. Laïke, ad omnis sui exem-
plum, nobili quoque martyrio perfunctus est, vt
nostri annales testantur. Ac de Mori quidem vita,
rebus gestis, ac beata morte hætenus. *Corporis ha-*
bitus.

Corporis statura mediocris erat, bona ac iusta. Complexio
ad phlegmaticam accedebat. Colore albus & sub-
pallidus fuit. Facies ei læta, aspectus hilaris ac dele-
ctabilis: vultus venustus ac generosus Senatoriam
grauitatem repræsentans. Oculi glauci, mediocres,
non nimium micantes sed amicabiles. Frons lata.
Capilli recti non crispī, colore subnigri & subflauī.
Ceruix ei brevis & crassa. Nutriuit comam more
Senatorum & magnorum tūc temporis magistra-
tuum. Hic habitus, hæc qualitas corporis fuit, vt
qui eum viderunt nobis prodiderunt.

CLARORVM ET DOCTORVM VIRORVN
de Thomæ Mori necē iudicia.

CAPVT XXI.

NON abs re fore iudicaui, si quid extra An-
glia fines viri docti & celebres de Thomæ
Mori morte iudicauerint, hunc in locum
adferrem. Reginaldus Polus S. R. E. Cardinalis Ro-
mæ tunc agens quum hæc in Anglia prima ferue-
ret persecutio, in libris ad Henricum Regem pro
Ecclesiasticæ vnitatis defensione de exteriorum
querelis circa hanc Thomæ Mori iniquissimam
mortem, sic per apostrophē ad Angliam scribit:
Tuus Anglia, Pater, tuum decus; tuum columen; in Lib. 1.
conspēctu tuo innocens ad supplicium ducebatur: tuum
quidem natura fluius; conditione ciuis; verū benefi-
cij

cis Pater , qui plura paterni in te animi signa ediderat ,
quàm ullus vnquam indulgentissimus pater in vnicum
& charissimum filium: sed nulla re magis tibi parentem
ostendit quàm ipso exitu; qui tua præcipue causa , ne salu-
sem tam proderet, vitam amiserit. Quare si quod in hi-
storis Græcorum de Socrate legitur , quèm iniquo apud
Athenienses iudicio circumuentum , vt nunc apud te
Morum, morte affectum esse constat ; cùm aliquando post
in theatro quo populus ad spectacula conuenerat , ex tra-
gædia quadam recitaretur ; Interfecistis , Interfeci-
stis virum omnium Græcorum optimum , statim
ad illa verba , tam acerbam recordationem Socratis o-
mnium animos subiisse , & quamuis poeta cum illa scri-
beret nihil minus quàm de Socrate cogitasset } vt totum
theatrum gemitu & lachrymis , impleretur : ex quò
paulò post, populi iussu sũt in authores mortis quesitum:
& qui inueniri potuerunt, occisi sunt ; reliqui exilio mul-
tati : statua etiam Socrati publicè in foro propõita : si i-
gitur illi causam habuerunt cur eodem tempore & iusto
odio in authores sceleris & misericordiæ in hominem in-
nocentissimum ac virtutibus clarissimum incenderentur
cum illa quæ dixi modo verba in theatro recitarentur;
quantò nunc iustiore & odio & misericordia commoueri
debes ciuitas Londinensis, quæ eadem illa verba non do-
mi in theatro tuo semel ab aliquo histrione casu prolata,
sed omnibus iam Christiani nominis locis à grauisimis
viris , tum cum maximè serio loquuntur , tibi sæpius
exprobata exsistere cogenis. Interfecistis , interfecistis
hominem omnium Anglorum optimum. Hæc Polus;
qui propter generis nobilitatem (ex regio Anglo-
rum stemmate natus) & propter vocationis suæ
dignitatem, & propter excellentem eruditionem,
ac denique propter virtutem & probitatem ac
morum incredibilem gratiam ac suauitatem, sum-
mis in Europa viris notus & gratus quum esset,
plurimorum & maximorum virorum de Mori
morte

morte iudicia facile potuit cognoscere, nullo modo voluit fingere aut simulare Quod etiam exempla subiecta perspicue confirmabunt. Erasmi verba primum proferemus, qui etsi tacito suo nomine hæc scripsit (adhuc enim in Anglia amicos habebat quos retinere cupiebat) tamen stilus & modus scribendi apertissime clamant authorem illum esse, maxime cum in epistolis eadem fere sed sparsim scripserit. Illud satis constat Morum & Rossensem Erasmi quæ nulla in Regem malevolentia peccasse sed simplici sincere raque conscientia (si errauerunt) errasse. Hoc sibi penitus In libello P. persuaferant, hoc medullitus infixum habebant, sanctum, M. ad Cassapium, Regi honorificum, regno salutare esse quod tuebatur Agrip- tur. Silere cupiebant si licuisset: sed patienter ac placide pati apud mortem exceperunt, Regi regnoque bene precantes. At Ioan. Stelsius in atrocibus etiam criminibus magnam culpæ partem excusat simplex ac pura conscientia, animusque non lædendi an. 1536. de sed bene merendi cupidus. Tum apud efferas etiam morte Thonationes frequenter eximie virtuti præstantique doctrinæ Mori. In- næ honor est habitus. Platoni apud Aeginetas iuxta ci- dem libellus uitatis constitutionem capite plectendo, profuit Philoso- Basileæ perphi cognomen. Diogenes impune penetrauit in castra Phi- Episcopium. lippi regis Macedonum, ad quem pro exploratore addu- excusus an. tus libere exprobrauit Regi insaniam, qui non contentus 1563. autho- suo regno, semet conijceret in periculum ne perderet o- rem præfer- minia Non impune tantum sed etiam cum munere dimis- G. Courinum- sus est, non ob aliud nisi quod esset philosophus. Quemad- Nucerinum- modum Monarcharum in eruditos benignitas plu- Philippo Mō- rimum honesti nominis illis conciliat, ita duris tra- tano scriben- tati plurimum inuidiæ constant illis. Quis nunc non tem- execratur Antonium qui Ciceronem ferro peremit: Barbari ty- Quis non detestatur Neronem qui Senecam occide- ranni doctis- rit? Nec minimum gratiæ decessit Octauii Caesaris no- pepercerunt. mini qui Ouidium apud Getas relegauit. Quum Rex Galliarum Ludouicus 12. regnum adeptus pararet diuortium cum Ludouici Regis 11. filia, res displicuit qui-

quibusdam bonis, ex quibus Ioannes Standock; & huius discipulus Thomas in concione nihil aliud dixerant, nisi Deum orandum esse; ut Regi inspiraret bonum consilium. Quae apud populum dicuntur ad seditionem spectant. Et hi deliquerant aduersus Regis edictum, Rex tamen nihil aliud quam vertere solum iussit; nec quicquam ademit facultatum. At idem negotio quod agebat confecto eos reuocabat. Hac moderatione Rex ille & suo consu-

Mori mortem etiam aduersarii deplorabant.

Morus in omnes benignus.

luit instituto, & grauem inuidiam euitauit: quod vterque esset Theologus; vterque sanctitatis opinione commendatus. At Thomae Mori mortem deplorant & ij quorum instituto pro viribus aduersabatur. Tantus erat hominis in omnes candor, tanta comitas, tantaque benignitas. Quem ille vel medioeriter eraditum ab se dimisit indonatum? Aut quis fuit tam alienus de quo non studuerit bene mereri? Multi non fauent nisi suis: Galli Gallis; Germani Germanis, Scotis Scotis. At ille in Hibernos, in Gallos, in Germanos; in Scotos amicus fuit animo. Hac natura benignitas sic Morum omnium animis penitus infixit, ut non secus ac parentem aut fratrem plorent extinctum. Ipse vidi multorum lachrymas qui nec viderant Morum; nec vllò officio fuerant ab eo affecti. Ac mihi quoque dum hac scribo nolenti ac repugnanti lachrymae prosiliunt: Quod egregias animas vulnerauit illa securis quae Mori caput amputauit? Hac Erasmus. Nā paulò post oblitus fabulae personā planè prodit his verbis Proinde mihi gratulantibus quod talem haberem amicum in tanto rerum fastigio collocatum (Morum videlicet Cancellarium regni Angliae) respondere soleo non prius illi de dignitatis accessione me gratulaturū quam iuberet ipse, Hac iam in sua persona Erasmus, ut non sit dubiū totum hoc scriptum Erasmicum fuisse. Nam de amicitia aliqua inter Morū & G. Courinum Nucerinū, vel P. Moritanū nusquam aliquid reperi vel audiui. Ioannes Cochlaeus Theologus in Germania doctissimus;

statim

Ioan. Cochlaei querela-

statim post Roffensis ac Mori martyrium scripsit pro eis defensionem contra Richardum Sampsonem Anglum qui Regis causam tuebarat: contra quem etiam suos libros in defensionem vnitatis Ecclesiasticæ Cardinalis Polus edidit. In eo libro Cochleus inter alia plurima quæ in Mori laudes effusè scribit; sic de morte habet: ad proceres & Cōsiliarios Henrici Regis sermonem conuertens, quibus quàm ipsi Regi maluit Mori necem imputare. *Quid laudis aut fauoris consequi potuistis ex ea crudelitatem quam in Thomam Morum exercuistis? vir erat humanitate; moribus, affabilitate; facilitate; facundia; prudentia; vita innocentia, ingenio, doctrina cunctis tum notus & laudatus, tum amabilis & admirabilis; dignitate præterea supremus Regis Iudex & Regi proximus; conspicuus; in Republica maxima cum laude ab adolescentia usque versatus; splendidis legationibus functus; atque in senectam iam vergens canescente capite venerandus. Qui honorifice impetrata à Rege missione; priuatim domi vixit cum vxore, filiisque & nepotibus; nullius criminis reus vnquam; ac ne suspectus quidem, nemini molestus; nemini gravis, omnibus præsto, mansuetus & comis. Hunc consuluistis rapi è domo sua; è dulcissimo rectè pietque Philosophantium contubernio; ob nullam aliam causam; nisi quòd impietates vestras iustificare noller; obsistente sua conscientia, & timore Dei; animæque suæ salute. Creditis ne illud facinus vestrum vlli ætati aut sexui placuisse; aut vnquam placitum esse? Non fiet. Vos ipsi plus nocuistis, quàm illi: vos ipsas enim fecistis homicidas, & reos sanguinis innoxij in perpetuum. Illum verò & Deo cunctisque celorum exercitibus, & hominibus acceptissimum; laudatissimumque effecistis Martyrem; Deo sine fine viuere & regnare. Vos hanc reatui & infamie maculam nunquam delebitis. Scriptum est enim. Ipse notabit & decipientem, & eum qui decipitur. Adducit Consiliarios in stultum finem, & Iudices in stuporem. Balthe-*

Iob. 12.

um Regum dissoluit, & præcingit fune renes eorum.
Hæc hætenus Cochleus. Huic adiungam Paulum
Iouium Episcopum Nuceriaum scriptorem cele-
brem, qui in Elogiis doctorum virorum de Tho.

In Elogiis ti-
tul. 89.

Pauli Iouij
de Mori nec.
iudicium.

Moro eiusque iniquissima morte sic scribit Fortu-
na impotens, & suo more instabilis, insauisq; virtu-
ti si utquam superbe & truculenter iocata est sub Hen-
rico nuper & in Britannia immanissime defecit, prostra-
to ante oculos Th. Moro, quem Rex paulo ante præla-
tus eximie virtutis admirator ad summos honores ex-
tulerat: ut inde cum fatali oborta insania mutatus in
feram, crudeli mox impetu præcipitem daret, quod ipse
furentis tyranni nefarie libidini, vir omnibus religio-
nis atque iustitiæ numeris longè optimus atque sanctis-
simus adulari noluisse. Dum enim ille uxorem repudi-
are, pellicem inducere, filiamque & Mariam } magno pro-
bro abdicare properaret. Morus scrinij magister, pietas
tis ac innocentie suæ reus, causam ad tribunal dicere co-
actus, impio iudicio ita damnatus est, ut latronum mo-
re teterrimo supplicij genere necaretur, nec fas esset di-
lacerata membra propinquorum pietate sepelire. Sed
Henricus vel hoc vno facinore Phalaridis æmulus, eri-
pere non potuit, quin ad sempiternam iniustitiæ sceleris
memoriam, Mori nomen in Ytopia perenni constanti
laude frueretur. Hæc Paulus Iouius, qui etsi genus
moris aliud describit, quàm quod Morus susti-
nuit, tamen non aliud refert quàm quod senten-
tia lata complectebatur ut supra ostensum est, v-
bi etiam cur in mitiorem poenam ea mutata sen-
tentia fuerit, diximus. Nunc Erasmo Belgæ, Co-
chlero Germano, & Paulo Iouio talo, Guliel-
mum Paradinum Gallum adiungerhus, ut quasi
ex omnibus Christiani orbis prouinciis, de fæda
& infami Thomæ Mori occisione, iudicium pro-
feratur. Scripsit ille afflictæ religionis Britanice
exegeta. In eo libro sic scribit. Iam in alterum an-
num Angliæ turbæ ac simulas processerant cum

Pag: 20. Lug
duni apud
Turnesium
an. 1555.

mense Iulia Ioannes Fischerus Roffensis Episcopus Lon-
 dinum in vincula traducitur: quod diuortium; quodque
 recens legem in Pontificatum latam damnare videretur.
 Eius consilii particeps fuit Thomas Morus vicecomes Lō-
 dinensis, vir linguarum literarumque omnis generis su-
 pra aulicorum captum peritia clarissimus, ac moribus in-
 culpatissimus. Ii quum Deo potius quàm hominibus ob-
 sequendum putarent, atque in ea sententia obfirmassent
 animum, à qua nec precibus, nec præmiis, nec sollicitatio-
 nibus, multo minus propositis mortis terribilimentis di-
 duci digelli-que vnquam potuere, damnati sunt capitis:
 quod supplicium constanti animo vterq; subiere. Hæc il-
 le. Longum esset ex aliis authoribus quæ in hanc
 sententiam scribuntur, in hunc locum adferre.
 Certe quotquot de rebus horum temporum scri-
 pserunt, Thomæ Mori iniquissimam mortem
 grauiter deplorant: Rouerus Pontanus Germa-
 nus in Indice suo rerum memorabilium: Laurenti-
 us Surius copiose ad annum 1535. Ioannes Fon-
 tanus in historia nostri temporis Gallicè conscri-
 pta copiosè quoque Onuphrius Patavinus in Pau-
 lo tertio. Nicolaus Cardinalis Capuanus in literis
 Principum Gallicis. Ioannes Secundus Hagiensis
 Nænam scripsit de morte Tho. Mori, quæ ad ma-
 nus meas non peruenit. Addam his omnibus Ca-
 tholicis scriptoribus (vt Carionem & Sleidanum
 taceam qui etiam de Thoma Moro honorificè lo-
 quuntur) hominem alienæ & aduersæ religionis
 Ioannem Riuium Atthendoriensem, qui & de Re-
 gis crudeli facto, & de Thomæ Mori laudatissima
 pietate in hæc verba scribit. *Qui in Principis aula ver-*
satur, eum quæ in rem fore Principis persuasum habet,
libera conscientia potius in medium adferre, si quando
adhibitus in consilium fuerit, quàm ad gratiam loqui at-
que auribus blandiri, neque aut laudanda vituperare,
aut crimine digna laudare oportet, etiã si forte magno ipse

Lib. 6.

Ioan. Riuium
 lib. 2. de cō-
 scientia.

in metu sit, ne aut vtilia suadentem, aut liberè consulentē non gratia modo non excipiat, sed maneat etiam pena. Et paulo post exemplo Papiniani nobilissimi Iure-
 consulti adducto, qui defendere parricidium An-
 tonini Imperat. iussus, mori satius esse duxerit, quā
 impium illud reclamante conscientia defendere
 facinus, subiungit Talis & nostra memoria nuper ille
 singulari vir & doctrina, & sanctitate præstans, atque
 vnicum patriæ suæ decus & ornamentum Tb. Morus, qui
 quoniam in nouum matrimonium Regis Britannici, aliā,
 repudiata vxore priore, ducere vxorem cupientis cōsen-
 tire, contraque animi sententiam comprobare noluit: pri-
 mum in vincula coniectus, vir optime & de Rege ipso,
 & de tota Britannia meritis, postquam quod rectum ipse
 & fas primumque ducebat, optime mentis suæ conscientia
 fretus ad extremum pertinaciter tueri pergeret, ab impi-
 issimo parricida, & deterrimo crudelissimoque Tyranno
 est supplicio affectus. O inauditam hoc seculū immanita-
 tem, & ingratiudinem atque impietatem Regis singula-
 rem, qui virum integerrimum & sanctissimum, & cum
 eiusdem ipsius tum gloriæ atque vtilitatem patriæ studio-
 sissimum qui recta & honesta suaderet, dissuaderet con-
 traria, tam diu squalore carceris macerare & conficere,
 ac nullius demum sceleris compertum ac deuietū, nec in-
 nocentem modo, sed & prolixè de ipso meritum, & Consi-
 liarium denique vnum omnium fidelissimum (heu nefas)
 morte multare sustinuerit. Hæcine tandē præmia Rex,
 hanc gratiam fidei ac benevolentiae erga te suæ? Hunc ex
 seruitio fidei fructum vir optimus, hoc operæ præciū re-
 fert: Te verò beatum & æternæ iam compotem felicitatis
 atque salutis, More, qui capitis prius subire periculum,
 quàm aliquid contra conscientiam probare; ac pluvius, de-
 nique facere ius & æquum, fas & pium, quàm vitam ip-
 sam malueris. Sed dum hac mortali vita orbaris, ad ve-
 ram & immortalē migras. Ex hominum consortio dum
 tolleris, in diuorū numerū referis. Hæc Ioannes Riuus

homo

Ioan Riuus
 Lutheran. de
 Mori morte
 querela.

Henrici 8.
 instare pre-
 hensio.

homo plane Lutheranus, in hac tamen causa propter omnibus notissimam Th. Mori innocentiam, Regisque barbaram in eum crudelitatem, verissima narrans. Non est opus ut ego his aliquid addā, aut vel Th. Mori laudibus, vel regis Henrici iustæ reprehensioni quicquam adiiciam. Nemo Anglus Catholicus: vel verius, vel acrius vtrumque efferre potuit, quam fecit hic Germanus Lutheranus. Sed tanta veritatis vis, ea pietatis lux, & iustitię claritas est, ut etiam ab alienis adeoque aduersariis dissimulari aliquando nequeat. Illud postremo loco ponam quod à fide dignis accepi, nobilissimum in hac causa & sempiterna memoria dignum testimonium. Carolus 5. Imperator, Princeps non minus iudicio acer, quam bello fortis & fœlix, audita Rossensis & Mori nece, Thomæ Elioto tunc Henrici apud eum legato hæc verba dixit. *Ego si in meis regnis duo huiusmodi lumina haberem, quamlibet munitissimam civitatem potius periclitari sinerem, quam me illis priuari, nedum iniuste tolli permitterem.* Hæc ille. Præstantissimi Principis præclarum Elogium fuit. Et verò res loquitur, causa mortis iniquissima, genus infame, Mori patientia admirabilis, pietas, eruditio, aliæque virtutes incomparabiles loquuntur, fœlicem tam nobili martyrio Morum, infamem tali iudicio Henricum. Certè Henrici Regis crudele factum & seposita facti iniustitia manifestà) tria magnopere aggrauant. Primum quia ob eam legem Morum interficit, quam nec dicto nec facto lælit: quæ religionis causam non Reip. politiam concernebat & in qua qui conscientiæ consulebat suæ, non in Regem rebellis, sed ut plurimum homo meticulosus iudicari poterat) quam denique sic approbare recusat, ut tamen non improbet, vel cæteros qui eam approbant damnet. Quo certe animo utcūque dissentiente nihil potuit esse inno-

Caroli .c. Imperatoris iudicium.

Regis crudelitas ex trib. ostenditur.

1.

*Thomæ Mori
martyrium
multis modis
illustre.*

2. centius, magis integrum & sincerum nihil. Secundo qui talem virum tantæ eruditionis, virtutis, integritatis, tanti ingenii, ea morum suauitate & lenitate præditum, omnibus charum, nemini noxiū è medio sustulerit. Hoc etiam in fonte aliquam veniam merebatur: & perpetui carceris damnatio grauis fuisset pœna. Tertio qui virum de se, de regno, de religione ea quam Rex ipse colebat, optimè meritum: qui tot & tanta Regi obsequia, maxima cum laude sua maxima Regis voluptate præstitisset: tot aliis Consiliarium, toties Legatum, tam variis muneribus functum, summo denique magistratu gesto, decollauerit. Rursum ab altera parte Mori sic sublatis gloriam & immortale decus multa sunt quæ augent & amplificunt. Primum, quod in causa diuortii Regii vtrunque contra Regem semper sensit, tamen apertè, ingenuè, candidè, integerrimè ea in re cum Rege ipso sic egerit, vt nec ipse Rex offenderetur, aut saltem offendi videretur.
2. Secundo quod iam ex vna recusatione spoliatus bonis omnibus, & ad perpetuos carceres damnatus, nouoque iuramento vexatus, nec dicit nec facit quicquam. Potuit certè dixisse & vere ac fortiter dixisse, legem hanc nouam esse in Deum impiam, in sedem Apostolicam rebellem, in totā Ecclesiam sacrilegam, in populum violentam, in seipsa absurdam. Nihil horum dicit, sed nec improbat omnino. Solum tacet, ac conscientiam lædat.
3. Tertio quod varia & grauiissima patiatur, amplæ fortunæ rapinam, honorum amplissimorum iacturam, familiæ dulcissimæ contubernium, vxoris, liberorum, & vndecim nepotum: libertate denique tota, ac vita ipsa priuatus.
4. Quarto quod cum hæc patiatur, nulla alia fuit causa quàm purus Dei amor, & offensæ diuinæ timor. Qua mente nihil sanctius esse potuit.
5. Quinto quod in causa nunquā antea

antea controuersa & absque villo ferè exemplo, veritate tamen magno studio explorata & fide firmiter fundata, mori non recusat Sextò quòd solus ille ex Senatoribus Regiis Regi veritatem dicere, non ad gratiam loqui, non adulari, nō suum Principem fallere, honores vero non solum non ambire, sed nec collatos cum animæ suæ periculo retinere voluerit. Hæc omnia Thomæ Mori cándorem animi singularem, modestiam longè maximam, innocentiam clarissimam, fortitudinem heroicam, pietatem admirabilem, constantiam verè Christianam, integritatem laudatissimam manifestè loquuntur.

Habes, amice & candide Lector, quæ de Thomæ Mori viri clarissimi & præstantissimi vita, moribus, rebus gestis, atque illustri martyrio, colligere potui & collecta describere. Deus pater misericordiarum, afflictissimæ genti nostræ, in horrendo schismate & sub hæretica tyrannide, tricesimum {vno minus} nunc laboranti annum, merito sanguinis dilecti filii sui, & tot in Anglia Martyrum, atque imprimis Thomæ Mori, sanctis precibus; clementer tandem propitiari dignetur; & ad communem Catholicæ Ecclesiæ gremium aberrantem reducere: Cui sit omnis honor & gloria in omnem æternitatem.

Amen.

FINIS.

B 4

EPI.

EPITAPHIUM THOMAE MORI, QVOD PAVLO POST ABDICATVM CANCELLARII munus ipse sibi composuit, & sepulchro suo in parochiali sua ecclesia affixit.

* Sed hanc totam gloriam infame schismatis & tyrannidis subsecuta penitus oblitterarunt.

Thomas Morus, vrbe Londinensi, familia non celebri, sed honesta natus, in literis utcunque versatus, quum & causas aliquot iuuenis egisset in foro, & in vrbe sua pro Shyreuo ius dixisset, ab inuictissimo Rege Henrico octauo, (cui vni Regum omnium * gloria prius inaudita contigit, vt fidei defensor, qualem & gladio se & calamo verè præstitit, merito vocaretur) adscit⁹ in Aulam est, delectusque in Consilium, & creatus Eques, Proquæstor primùm, post Cancellarius Lancastriæ, tandem Angliæ miro Principis fauore factus est. Sed interim in publico regni Senatu lectus est orator populi; præterea legatus Regis nonnumquam fuit, aliàs alibi; postremò verò Cameraci, comes & collega iunctus principi legationis Cuthberto Tonstallo, tum Londinensi, mox Dunelmensi Episcopo; quo viro vix habet orbis hodie quicquam eruditius, prudentius, melius; ibi inter summos Christiani orbis Monarchas rursus resecta fœdera, redditamque mundo diu desideratam pacem, & lætissimus vidit, & legatus interfuit.

Quam Superi pacem firment, faxintque perennem.

In hoc officiorum vel honorum cursu quum ita versaretur, vt neque Princeps optimus operam eius improbareret, neque nobilibus esset inuisus, neque iniucundus populo; furibus autem, homicidis, Hæreticisque molestus; Pater eius tãdem Ioannes Morus Eques, & in eum iudicium ordinem à Principe cooptatus, qui Regius confessus vocatur, homo

civilis,

ciuilis, innocuus, mitis, misericors, æquus & integer, annis quidem grauis, sed corpore plusquam pro ætate viuido, postquam cò productam sibi vidit vitam, vt filium videret Angliæ Cancellarium, satis in terra iam se moratum ratus, lubens migravit in cælum. At filius defuncto patre cui quamdiu supererat comparatus, & iuuenis vocari consueverat, & ipse quoque sibi videbatur, amissum iam patrem requirens, & editos ex se liberos quatuor, ac nepotes vndecim respiciens, apud animum suum coepit per senescere. Auxit hunc affectum animi subsequuta statim velut adpetentis senii signum, pectoris valetudo deterior. Itaque mortalium harum rerum satur, quam rem à puero penè semper optauerat, vt vltimos aliquot vitæ suæ annos obtineret liberos, quibus huius vitæ negotiis paulatim se subducens, futuram posset immortalitatem meditari, eam rem tandem (si cæptis annuat Deus) indulgentissimi Principis incomparabili beneficio resignatis honoribus impetrauit: atque hoc sepulchrum sibi, quod mortis eum nunquam cessantis adrepere quotidie commonefaceret, translatis huc prioris vxoris ossibus, extruendum curauit. Quod ne superstes frustra sibi fecerit, neve ingruentem trepidus mortem horreat, sed desiderio Christi lubens oppetat, mortēque vt sibi non omnino mortem, sed ianuam vitæ foelicioris inueniat, precibus eum, Lector optime, spirantem precor, defunctumque prosequere.

SEQV VNTVR VARIA DO.

ſtorum virorum ſeptigrammata in lau-
dem Thomæ Mori.

Varia virtutes Mori: per Authorem.

EST virtutis amans, cui nulla scientia cordi est.
Sunt literis clari, quos virtus non tamen ornat.
Est qui virumque tenet; tractare at publica nescit
Munera. Sunt hæc qui sæliciter omnia possunt;
Sed quibus infæuste res tota domestica currit.
Inueniunt alium cui sint hæc omnia: at idem est
Moribus insuavis, seuernus, durus, aggressus.
Hic sectatur opes, alius conquirat honores,
Et maculat multas hoc uno crimine laudes.
Est qui hæc cuncta tenet, vitio quoque pietus ab omni:
Sed moriens latet, atque obscura morte quiescit.
Vnus erat Morus, nulli i. pietate secundus,
Ingenio, 2. literis clarus, qui 3. munera gessit
Maxima: qui 4. contemptor opum, 5. contemptor honorum,
6. Familiam & proles rara virtute gubernat.
7. Candidus & suavis Regi populoque iucundus.
8. Martyrio illustri concludit cuncta beatus,
Virtutum fuit hæc Encyclopædia Mori.

Varia eruditio Morti per eundem.

VIs fore in literis, quis, & quid esset
Thomās ille moris decus suorum.
Orator fuit elegans, disertus.
Festum fuit, & Poeta suavis,
Non Græcum secus ac Latina callens,
Nec calles modo, sed riuus illa
Linguarum hand secus Adlocutus acer,
Quam legum fuerat Britannicarum,
Scribenda historia, artifex peritus.

*Res gesta satis hoc docent Richardi
 Anglorum grauis & ferit tyranni.
 Quantus Philosophus, docere possunt
 Leges Vtopiae recens repertae.
 In sacris literis Patrumq; libris
 Quid Morus valuit, probant labores
 Quos contra haereticos domi forisq;
 Scribendo tulit: hos libris Latinis
 (Sunt testes Pomeranus & Lutherus)
 Illos vernaculis pie refutans.
 Ingens è quibus edidit volumen:
 Anglis fructiferum, elegans volumen.
 Nec vult dogmatibus vacare solis;
 Sed per quos pietas salusque mentis
 Augmentum capiat, dedit libellos,
 Angli quos auidè legunt libellos.
 Nec quicquam vtilius legi fatentur.
 Qui pro dogmatibus legenda scripsit,
 Dat pro dogmatibus caput securi.
 Hic maior calamus, liberq; maior:
 Hunc, hunc posteritas librum reuoluat.*

Nominis ἀπολογία: per eundem.

*More, nec es Maurus, quod vox sonat Anglica Moris
 Nec faunus, quod vox Attica, μῶρος habet.
 Scilicet infausti correxit nominis omen
 Et vigor & candor maximus ingenii.*

De Rege Henrico 8. Roffensi & Mo-
ro: Eiusdem.

*Cur bonus in prima florens Henrice iuuenta,
 Impius in tenebris vltima fata trahis?
 Nempe quia extincti duo maxima lumina regni,
 Roffensis Phœbas, Cynthia Morus erat.
 Praefuit ille sacris; terrenis praefuit iste
 Extinctis, pereunt sacra, prophana simul.*

Iani Vitalis Itali.

*Dum Morus immerita submittit colla securi,
Et flent occasum pignora chara suum;
Imò, ait, infandi vitam dessete Tyranni.
Non moritur, facinus qui graue morte fugit.*

Ioannis Secundi Hagienfis.

*Quis iacet hic truncus? cuius caput ense recisum est?
Quæ natus in tetro sanguine canities?
Hic est ille Thomas Morus. Sic fata rependunt
Tristia multa bonis, & bona multa malis.
Quæ circumfistunt diuæ lugubre cadauer?
Diua tenax veri: sancta Fides. Nemesis.
Quarum prima fuit causa & fuit altera mortis.
Ultrix iniustæ tertia cadis erit.*

Aliud eiusdem.

*State viri. Fortè hos cineres nouisse iuuabit.
Hunc tumulum Morus colla resektus habet.
Ille decus regni quondam & nunc dedecus Angli
Quod tulerat talem, quòd modo sustulerit.
Illi ut salua foret pietas, pridem Aula relictæ est,
Salua ut perduret, vita relictæ modo est.
Fide Thoma, Quantam nolles vindicta paratur,
Regalesq; tuis Manibus inferiæ.*

Iacobi Exerichi Hispani.

*Henricus Morum gladio ingulauit iniquo;
Tam dignum vita quàm fuit ipse necesse.
Mortuus ille tamen viuet per secula cuncta.
Post mortem virtus viuere sola facit.*

Iacobi Latomi Belgæ.

*Quid tibi cum Moro tali indignissima ciue
Angliæ? quid pergis dicere ineptæ tuum?
Tu ferro infontem, nec simplice morte, Catonem
Persequeris: tutò nec licet esse pium.
Proinde sile. Nam quo maculam tibi demeret istam
Ipse sibi patriam condidit Vtopiam.*

Gentiani

Gentiani Herueti Aurelianensis.

Quod capiti quondam Ciceronis rostra fuitre

Hoc est pons capiti, More diserte, tuo.

Ducentes Angli suspiria pectore dicunt,

Doftior & melior nullus in orbe fuit.

Ioannis Vultci Remensis ex libr. 2.

Epigrammatum.

Hic situs est Thomas Morus, tuus, Anglia, vates,

Turba poetarum quem cecidisse gemit.

Dum Regum doctè metuendos admonet enses,

Illum carnificis Rex iubet ense mori!

Illum amor & charites deslent, deslentq; Camæna,

Nec damnum credit, qui sapit, esse leue.

Gallia quid possit, testisq; Britannia; testis

Italia, & semper Græcia testis erit.

Maximiliani Wignacurtii Atrebatii.

Quæ fuit integritas, quæ vis, quæ copia fandi,

Quæ mens, More, tibi: sat tua scripta docent.

Qui Christi fuerit transfixum pectus amore,

Tradita testantur sat tua membra neci.

Scilicet ut miris vixisti doribus auctus,

Te decuit miræ pectore More mori.

Vita tibi fuerat felix: felicior ai mors.

Aeterno vitam munere quæ peperit.

Ordo tuus per te micat vno lumine: sed sunt

Instar multorum lumina multa virum,

Ioannis White Episcopi Vintoniensis in

Diacosio martyrion.

Quin etiam partes vulgato codice nostras

Propugnat Scriptor maximus Vtopiæ.

Fessus ad Authoris melius te scripta remitto.

Rarus in orbe liber: nec tamen Vtopiæ cista

Illius similes imò multo meliores

Inuenies libros, Lector, at Vtopiæ.

Et Mori similes, imò multo meliores

Scriptores videas, Lector, at Vtopiæ.

Alani

Alani Copi Londinensis.

Quis vivente velit Thoma non vivere Moro?

Quis Moro nolit sic moriente mori?

Aliud eiusdem.

Mortuus an Morus qui sic in mortis agone

Vixerat, ut mors sit victa coacta mori?

Imò piis morum meritis nunc vivit. & orbi,

Et pura mentis religionis, Dea.

*Ioannis Foulteri Brittolienſis ad
effigiem.*

Effigiem quamcunque tui ſic fugimus. At non

Tam facile eſt mores fingere, More, tuos.

Quam vellem pictor mihi tam perfectus ad eſſet

Pingere qui verè poſſet utrumque ſimul.

Tum quoque qui vitam totam moresque reſerret

Ille magis multo doctus Apelle foret.

*Henrici Hollandi Vigornienſis S. Theo-
logiæ Licentiati.*

Ergo quid? ad noſtros Siculi venere tyranni?

An terris noſtris Africa monſtra dedit?

Num furit hic Gotthus, dum Symmachus atque Ioan-

Amittunt charum morte furente caput?

(not

Dum iacet Albinus, dumque vrbe Boetius alma

Expulſus Ticini triſtia fata gemit?

Savit Alexander magnus? Clitumque fidelem

Enecat? & vitam Parmenionis habet?

An Nero ſanguineus noſtris dominatur in oris

Atque tibi vitam Senneca doctè rapit?

Hoc facit Henricus, quod tunc Nero peſſimus egit,

Dum te More necat, dum tua colla ſecat.

Senneca morte perit, quia vult Nero, tu quoque More

Dum vult Henricus, ſpicula mortis habes.

Arbitrium pro lege fuit, quod Senneca luxit,

Arbitrium, quod te More perire facit.

Vt non eſt mirum, ſi ſic Nero tollat amicum,

Qui matrem ſatis ſuſtulit auctuam;

Sic non est mirum, si Rex te More necaret,
 Qui serus in matrem seuiit ante suam.
 Non mirum est, aliis si vipera seua noceret,
 Cum propria matri vipera seua nocet.
 Henrici mater sancta est Ecclesia Christi,
 Hanc prius afflixit, quam tibi More nocet.
 Et quia communem nolles pessundare matrem,
 Fata sub inimici rege cruenta subis.
 Quod genus hoc monstriter sic rex barbare frendit?
 An quia vult matri parcere, Mortis obit?
 Non licet ingentis natis defendere matrem?
 An scelus est veram non violare fidem?
 Scilicet Henrico placuit proportio praua:
 Non parcit membro, dum premit ille caput.
 Qui grauiora patrat, non ille minora timebit
 Et scelus audaces ad mala plura facio.
 Culpa trahit culpam: comitatur abyssus abyssum,
 Pœna est peccati pessima culpa sequens.
 Cum rex legitime fecit diuortia sponsæ,
 Venit & ad thalamos Anna Bolena suos;
 Cum rex Iosæum rerum de cardine mouit,
 Fecit & afflicta sorte perire virum;
 Cum rex schisma nouum de formi crimine fecit
 Sedis Apostolicæ debita iura negans.
 Cum rex Pontificem præscripsit, iusque Papale,
 Non passus libros nomen habere Papæ;
 Cum rex in sacris voluit caput esse supremum,
 Assumpsitque sibi Pontificale decus;
 Cum rex lege noua sacratas diruit ades,
 Soluit & è claustris quos pia vota ligant?
 Cum rex diuorum spolians opulenta sepulchra,
 Lusit imaginibus diua Maria tuas;
 Cum rex damnauit clerum de crimine falso,
 Presbyteros multans Pontificesque suos;
 Cum rex omne malum fecit, tunc More uetaris.
 Horrebas oculis tanta videre mala.

Virtus sic Moro placuit, quòd vinere nollet
 Si non virtuti vinere posse detur.
 Dum pietas floret, floret quoq; Morus; at illa
 Quam primum cæpit spreta iacere; iacet.
 Rex pius in summis hunc pro pietate locavit
 Impius afflictum pro pietate necat.
 Moro vita fides. Nam dum manet illa, manebat
 Stante fide stabat: qua pereunte perit.
 Vita sibi pietas: pietate cadente cadebat,
 Quam pius est Morus pro pietate cadens?
 O rex debueris insigni parcere Moro,
 Rara avis est Morus sic super astra volans.
 O rex si multos homines tua sceptrâ regebant;
 At multos Moros non tua sceptrâ regunt.
 Millibus è multis vix Morus cernitur vnus
 Tam doctus prudens tam bonus atque pius.
 Quanta labe tuum regnum populumq; notasti;
 Quam ferit in fontem barbara plaga Morum?
 Quis tibi persuasit tam clarum tollere lumen,
 Quæ mens, quæ ratio, consiliumq; fuit?
 Quæ tua religio parili sic iure necare
 Igne Lutheranos Catholicosq; cruce?
 Hoc liber ille tuus promiserat ante Leon?
 Hoc titulus, regno quem dedit ille tuo?
 Defendis ne fidem veros tollendo fideles?
 Custodem legum legibus ipse necas?
 Iustitiam ne colis iustos feriendo securi?
 Iudicium ne facis iudicis ora premens?
 Consilium curas, & Consiliarius iste;
 Maximus abique vllò crimine morte periit
 Incidis nervos, vt corpus fortius esset?
 Extinguis lumen, clarius vt videas?
 Vt sit perfectum, scindis de corpore membrum?
 Euulsis oculis cernere fronte cupis?
 Equus arare solet terram non vsus aratro?
 Aut sulcare ferum, sed sine naue fretum?

Et tamen ista facis, dum Morum funere tollis,
Quem nullus sana tollere mente velit.

Sed frustra speras tenebras offundere Moro.

Morus ubique volat docta per ora virum.

Fortior Henrico Stapletonus; penna securi;

Illam mori fecit: vincere penna facit.

Aliud eiusdem.

Queris Aristides cur pulsus ab urbe fugatur?

Alter non causa est, quam quia iustus eras.

Queris cur Socrates truculenti venena bibeas?

Id fuit in causa, vir fuit ille bonus.

Queris cur magnus fuit ille Boetius exult?

Nempè quod ille bonus, veriloquusq; fuit.

Queris cur Morus submittit colla securi?

In promptu ratio est: optimus ille fuit.

Aliud eiusdem.

Quando tuam mortem recolo celeberrime Moro,

Tunc venit in mentem Tullius ille meam.

Ille fori lumen facundo clarus ab ore.

Tuq; fori lumen, tuq; disertus eras.

Ille pater patriæ, patriæ decus atque Senatus,

Tuq; pater patriæ, tuq; coronâ patrum.

Dum furit Antonius, fatis occiditur ille:

Dum furit Henricus, tu quoque fata subis.

Dum cadit ille, sua cum lingua Fulvia ludis,

Dum cadis ipse, tua morte Bolena canit.

Dum perit ille, caput rostris affigitur illis,

In quibus hic causas dixerat ante suas.

Dum peris ipse, tui capitis damnaris in aula,

In qua pro regno dicere iura soles.

In multis antibus similes, par laus manat ambob;

Dispar at in multis gloria, dispar honor.

Dicitur vti Cicero Romanos vincere scripto,


Morus sic Anglos puriloquente stylo

Plurima scribebat Cicero, sic plurima Morus,

Plura tamen Mori quam Cicero: erant.

In multis vicit Ciceronem Morus: in ipso
 Vicit subiecto materiaque libri.
 Vicit in ingenio: quis par in acumine Moro?
 Vicit doctrina, iudicioque gravi.
 Vicit honore loci: nam Cancellarius iste
 Vno anni vnus Consule maior erat.
 Vicit in ardenti vera pietatis amore:
 Vicit & in mortis nobilitate sua:
 Morus erat vates festiuo carmine ludens,
 Insignique potens arte Poëta fuit.
 Morus erat Iurisprudens vix maior in orbe:
 Philosophus summus si quis in orbe fuit.
 Morus erat custos legum, princepsq; Senatus,
 Supremus Iudex, Concilijq; caput.
 Nec latuit Morum diuini pagina verbi,
 Sic ferit hæreticos: sic regit ille fidem.
 Morus erat speculum vitæ, fideique parons
 Insignis: Martyr denique Morus erat.
 Tindallus, Frithus, Barnesius, atq; Lutherus
 A Mori calamo vulnera magna ferunt.
 Non sat habet scriptis tales confutdere pestes,
 Sed pia confirmat sanguine scripta suo.
 Plura quid hic dicam? vix hæc bene singula dixi,
 Vincor ab ingenio More disertè tuo.
 Londinense decus, decus Oxoniense fuisti:
 Vrbs fuit illa parens, ista magistra fuit:
 Tu decus Angligenum, regalis tu decus Aula,
 Tu decus Europæ, tu decus orbis eras.
 Tu monstrum ingenij: miracula sunt tua dicta,
 Deliciæ iuuenum, deliciæq; senum.
 Obuior ingenti magnarum pondere rerum:
 Laus Mori nostro carmine maior erit.
 Qui minor est Moro, non nouit pingere Morum:
 Hoc si quis poterit, tu Stapleton facis.

F I N I S.



INDEX RERVM HOC OPVSCVLO COMPRE- HENSARVM.

A.

A bbas VVestmonasteriensis, schismaticus, Thome	
Moro contrarius	302
Abortiuus vite redditus	115
Alexandri III. Pontif. Rom. moderatio. 35. aduersionis	
grauis ad regem Anglia	100
Ambitio cleri	89
Ambrosij factum in Imperatorem	34
Ambrosius noluit relinquere Ecclesiam suam.	31
Americani quomodo vocent S. Thomam Apost.	22
Amicabilis Mori indoles	216
Amor Thome Apostoli in Christum eximius	4
Andreas Masius vir doctus	13
Anglia Rom. Ecclesie feuditaria	92
Anglie Reges sepe violarunt libertatem Ecclesiasticam	28
Angli haeretici in Sanctos, praecipue in S. Thomam Cant.	
contumeliosi 24. laicoccephali	ib.
Animalia in VVinternania vtrum sint irreplegibilia	218
Animarum in purgatorio libellus supplex	189
Anna Bertona monialis Anglia fatidica	297
Anna Bolena pellex Henrici VIII. regis. 234. tripudiat & saltat, in quem finem. 235. causa mortis Mori	
356	
Antonius Bonuissus	214
Apothegmata Thome Mori insignia.	272. &
seq.	
Appellare qui permittantur	76
Apostolos praecipue colit Ecclesia. 2. eorum infirmitas	
Christi gloriam augeat	10

I N D E X

<i>Articuli Anglicani quibus se S. Thomas Cantuar. opposuit</i>	32
<i>Aulam abhorret Morus</i>	230
<i>Aulicus quidam Anglus quantopere opes suas auxerit.</i>	242.
<i>Anari senis similitudo</i>	273
B.	
<i>Barbari tyranni doctis pepercerunt</i>	363
<i>Beatus Rhenanus</i>	209
<i>Brixius Mori inimicus. 159. eius amicitiam non curat</i>	
<i>Morus</i>	214
<i>Budæus Mori amicus</i>	204
C.	
<i>Ceca mulier sanatur</i>	110
<i>Calixti Pontif. sententia de excommunicatione</i>	73
<i>Cancellarij dignitas in Anglia</i>	172
<i>Canonizatio S. Thomæ Cantuar.</i>	58
<i>Canonizatio Sanctorum fit à Rom. Pont.</i>	52
<i>Carbone scribit Epist. Morus captivus</i>	306
<i>Caroli V. de nece Mori iudicium</i>	369
<i>Catharina Regina Angliæ iudicium de Moro</i>	229
<i>Christus quomodo via, veritas, vita.</i>	9
<i>Chrysost. mortuus pacem dat populo. 19. Imperatricem</i>	
<i>Ecclesia excludit.</i>	34
<i>Charitas Mori in carnificem</i>	354
<i>Cilicium gestat Morus. 227. quale</i>	128
<i>Comites duo Germani reconciliantur</i>	121
<i>Comparatio Henrici II. & VIII. Angliæ regum 56. Thomæ Mori cum latrone</i>	282
<i>Comprobatio Miraculorum S. Thomæ</i>	129
<i>Confessionis D. Thomæ Apost. utilitas. 3. fructus</i>	9
<i>Copti qui dicantur</i>	13
<i>Condatum & elegans dictum Mori</i>	286
<i>Crux inuenta in Sepulchro S. Thom. Apost.</i>	15. 20
<i>Crucem ferens vadit in Curiam S. Thom. Cant.</i>	31
<i>Cuthbertus Tonsallus quis</i>	166
	Dele-

D.

<i>Delectatio peccato acquisita pernicioſa</i>	277
<i>Demonſtratio inſignis neminem odio habendum</i>	225
<i>Deploratur Eccleſiæ iniuria</i>	90
<i>Doctores Eccleſiæ defuncti honorandi</i>	1
<i>Dies patroni magis propitiuſ</i>	350
<i>Dinitia ſeculi præcipitium. 241. non numerandæ inter bona. 277 earum contemptor Moruſ</i>	241
<i>Duodecim virorum iudicium</i>	339

E.

<i>Eccleſiæ Doctores defuncti honorandi</i>	1
<i>Eccleſiæ anima libertas</i>	63
<i>Eccleſiæ libertatem Angliæ reges ſepè violarunt.</i>	28
<i>Eccleſiæ iniuria deploratur</i>	90
<i>Eccleſiæ principes Chriſtianos corripit vt mater, Ethni- coſ tolerat vt pupulloſ</i>	143
<i>Edeſſeni S. Thom. Apoſt. ſemper coluerunt</i>	11
<i>Eleemoſynæ vilitas</i>	277
<i>Elizabet ha filia Regiſ VIII. ſpuria</i>	298
<i>Ephreſion Eremita pecuniam in flumen proijcit</i>	244
<i>Epicoſopus increduluſ cogitur agnoſcere miracula S. Tho- ma Cant.</i>	125
<i>Epicoſopi mali Eccleſiæ libertatem produnt. 67. comparât gratiam regiſ Eccleſiæ diſpendio. 68. cauſa ſchiſmatis Anglicani</i>	943
<i>Epicoſopi duo diſcordes reconciliantur</i>	126
<i>Epicoſopi Angli appellarunt contra S Thomam in fauorẽ rapioꝝum. 75. eorum ſrinola regiſ excuſatio</i>	78
<i>Equeſ torquatuſ calcuio liberatur</i>	111
<i>Erasmus a Moro amatuſ. 192. conatur Brixium Moro a- micuſ facere. 214. cuiuſ ſuperbia. 193. querela de mor- te Mori</i>	303
<i>Eruditio ſine pietate quid ſit</i>	161

F.

<i>Familia Mori vexata</i>	319
<i>Faminiſ optime conuenit literarum peritia</i>	255
<i>Filiuſ</i>	

I N D E X

Epistola Thomae Mori à patre ad mortem ducto petri benedictionem

344

C

<i>Gentiles Indi S. Thomam Apost. venerantur</i>	17
<i>Germanus Brixius scripsit Antimarum</i>	159
<i>Germanis prædicant S. Thom. Apost.</i>	12
<i>Glorie fuga ab infantia homini instillanda</i>	256
<i>Græcam linguam promouit Morus, 193. calluit Mori filia.</i>	264
<i>Gregorij Nazianzeni vox ad Imp.</i>	34
<i>Grynæus Lutheranus. 216 eius de schola Mori iudiciū</i>	269
<i>Guilielmus Lilius socius studiorum Mori</i>	196
<i>Guilielmus Latimerus</i>	ib.
<i>Guilielmus Montioius</i>	196
<i>Guilielmus Varamus Archiepiscopus Cant. regni Cancellarius. 236. resignat</i>	ibid.
<i>Guillemi Neubrigenfis inepta & iniqua censura</i>	37

H.

<i>Hæretici sustulerunt hypocrisim, sed impudentiam substituerunt</i>	278
<i>Hæreticorum odiū in S. Thomam Cant. 26. criminatio contra Morum. 242. dissensiones quibus similes. 279. scripta etiam breuia nimis proluxa</i>	282
<i>Henrici II. Angliæ regis lex contra Ecclesiasticos. 29. articuli contra libertatem Ecclesiæ. 42. insolentia & superbia. 33. crudelitas in S. Thomam. 66. peccatum suum agnoscit. 39. excusatur de morte S. Thomæ. 91. implorat opem Pont. Rom..</i>	92
<i>Henricus VIII. Angliæ rex S. Thomæ Cant. ossa combussit. 25. 58. monasteria Angliæ quando euerterit. 42. agit Antipapam & Antichristum. 55. & seq. diuortium facit cum vxore Catherina. 293. ducit Annam Bolenam. 298. abiurat Rom. Pont. potestatem. 299. Phalaris æmulus. 340. eius sententia contra S. Thomam</i>	Cau.

R E R V M.

<i>Cant. 42. contra Thomam Morum. 340. impudentissi- ma calumnia. 50. ingratitude. 314. iniquitas. 330-com- paratio cum Henrico II. 56. sacrilegium. 330. iusta re- prehensio. 368. crudelitas.</i>	369
<i>Merculeo morbo vir illustris liberatur</i>	110
<i>Hieronymus Buslidianus</i>	208
<i>Humilitas Tho. Mori</i>	311. 314
<i>Humilitate Christiana nihil sublimius</i>	256

I.

<i>Imago S. Thomæ Cant. in Anglia primum omnium deie- iecta</i>	25
<i>Impij & heretici vocant Martyres proditores</i>	55
<i>Impiorum labor</i>	276
<i>Incarnationē suam Morus beneficium interpretatur</i>	324
<i>Indiam Orientalem docuit S. Thomas Apost.</i>	14
<i>Indi quomodo S. Thomam appellant</i>	21
<i>Ingratitudo hominum</i>	278
<i>Ioannis Coleti laus</i>	163
<i>Ioannes Cochleus</i>	209. 364
<i>Ioannes Crocus</i>	197
<i>Ioannes Grocinus</i>	296
<i>Ioannes Lascarico</i>	208
<i>Ioannis Mori ingenium paterno simile</i>	259
<i>Ioannis Riuij de nece Mori querela</i>	368
<i>Ioannis Eleemosynarij stratagemata</i>	304
<i>Ioanna Regina Franciæ puerperij dolore liberatur.</i>	128
<i>Ioanna Castellæ regina curatur</i>	126
<i>Ioannes Rossensis. 200. eius laus</i>	312
<i>S. Iodoci cænobium in Arthesia</i>	108
<i>Itinerarium Sancti Thomæ Apostoli repudiatum.</i>	16
<i>Inrare pro primatu Pont. quis cogi potest, non contra pri- matum</i>	331

L.

<i>Leges locales quatenus approbandæ</i>	312
<i>Lepidissimum Mori factum</i>	287
<i>Libertas anima Ecclesiæ</i>	63

I N D E X

<i>Literarum peritiam ſeminis conuenire</i>	255
<i>Lodonicus Vines Mori amicus</i>	212
<i>S. Ludgeri Epifcopi pietas</i>	219

M.

<i>Malapur ciuitas Indie Orientalis. 15. ſepulchro S. Thomæ Apoſt. clara.</i>	ib.
<i>Margareta Ropera Mori filia doctiſſima 264. & ſeq. cōualeſcit Mori precibus. 223 quomodo patrem tentarit, 313. ruit in amplexus patris morituri. 344. ſeruatur caput patris.</i>	357
<i>Martinus Dorpius Mori amicus quis & qualis. 206. inducitur à Moro ad Græcarum literarum ſtudium 207</i>	
<i>Martyrium Mori illuſtre</i>	359. 370
<i>Miracula varia S. Th. 110. & ſeq. corū comprobatio</i>	129
<i>Miraculum circa ſepulturam Mori</i>	358
<i>Monaſticus ſtatus in Anglia collapſus</i>	162
<i>Mos optimus in Anglia</i>	156
<i>Mori & Mortoni collatio</i>	
<i>Mortonus quis fuerit</i>	157
<i>Mors. S. Thomæ Cant. Angliæ ſalutiſera</i>	38
<i>Mors vocatur annus</i>	87
<i>Mortuus reſuſcitatus ad interceſſionem S. Thom. 112. 114</i>	
<i>Mortis perpetua expectatio</i>	272
<i>Mortis metum quomodo vicerit Morus</i>	308
<i>Mundus carceri ſimilis</i>	278

N.

<i>Nemo odio habendus</i>	225
<i>Norberti Epifcopi Magdeburgenſis conſtantia</i>	59
<i>Nulla lex ſilentium punit</i>	337

O

<i>Obedientia filialis Tho. Mori in ſuprema dignitate</i>	156
<i>Opes ſuas Morus non auxit</i>	241
<i>Orationis Mori vis</i>	223
<i>Origo ſchiſmatis in Anglia</i>	292

P.

<i>Paralytici admiranda curatio</i>	118
<i>Peſto-</i>	

R E R V M.

<i>Pastores loquentes placentia</i>	274
<i>Pauli Iouij de Mori morte iudicium</i>	366
<i>Peccatores vani</i>	273
<i>Pecuniæ superflui vsus pueris noxijs</i>	156
<i>Persecutio S. Thomæ Cant. eiusq; causa. 28. Thomæ Mori</i>	
297. eiusq; ad eam sustinendam præparatio	303
<i>Petrus Ægidius</i>	208
<i>Philippus Berqualdus</i>	ibid.
<i>Philippus Comes Flandriæ à secreto morbo liberatur</i>	128
<i>Picus Mirandula quantus fuerit</i>	162
<i>Poëmata Thomæ Mori</i>	240
<i>Penitentia sera</i>	275
<i>Penitentia Henrici II. Regis Angliæ</i>	39
<i>Prædictiones Mori de regno Angliæ</i>	234
<i>Præjagium de ortu Thomæ Mori</i>	154
<i>Primatum Pontif. cur Morus abrogare noluerit</i>	310
<i>Principes Christianos Ecclesiæ corripit vt mater, Ethni-</i>	
cos sustinet vt pupillus	103
<i>Prognostica futura hæresis</i>	277
<i>Prosperitas fallax</i>	276
<i>Puillanimitatis error</i>	275

Q.

<i>Quadrilogus liber de vita S. Thomæ Cant.</i>	17
---	----

R.

<i>Ratio non est fidei inimica</i>	279
<i>Reges Angliæ sepe violant libertates Ecclesiæ</i>	28
<i>Reginaldus Polus quis & qualis</i>	198
<i>Richardus Riche Sollicitatoris generalis contra Morum</i>	
vafricies	320
<i>Rossensis letus moritur</i>	324
<i>Rom. Pont. auctoritas imploratur</i>	90
<i>Rossæus Th. Mori liber qualis.</i>	186. & seq.

S.

<i>Sacerdotis nomine indignus quis</i>	40
<i>Sancti cur certis locis velint honorari. 109, aliquando in</i>	
tribulatione deficiunt. 85. canonizantur à Ro. Pont. 52	

I N D E X

Sapores Rex Persarum persecutor	350
Schisma Anglicanum parturiens obstetricante S. Thoma	
Cant. abortum facit. 70. eius origo.	292. 343
Schola Thomæ Mori. 250. ab exteris laudata.	262
Scorpionis ictu mulier liberatur	113
Sententia contra Morum	340
Sepulchrum Tho. Apost. vbi 15. quàm gloriosũ 20 & seq.	
Seueritas disciplina ex charitate exercenda	83
Sex articuli Anglicani quibus se S. Th. Cant. opposuit	32
Sicariorum qui S. Tho. Cant. occiderunt immanitas . 47.	
nomina	138
Silentium nulla lex punit. 387. Mori non fuit maleuolum	
sed necessarium	ibid.
Soror S. Thom. Cant. fit Abbatisa	39
Spiritus Mori & Rossensis	354
Spiridion animum reensat	244
Spiritualia cur non placeant.	272
Spoliata Ecclesia Cant. absente S. Thoma	68
Spoliatores excommunicati	67
Stanislaus Cracouiensis Episcopi constantia	59
Stratagema Mori	304
Studium discendi in S. Thoma Apost.	4
Superbiæ absurditas	276
Syndonis pretium miraculosè repertum	358

T.

Tentationes Mori variæ & multiplices	305 & seq.
Tentator ridiculus	322
Templa S. Tho. in Germania & Septentrione. 12. India	
Orientali	18
Translatio S. Thomæ Cant. in Anglia celebrari solita	122
Thomas Apost. quantus. 3. totum orbem percurrit. 10. Ma-	
gos baptizauit. 11. Germanis prædicauit. 12. item AE-	
thiopibus & alijs multis gentibus. ibid. Abassinis. 13.	
in Orientali India. ibid. in America. 21. Apostolus	
Indiæ cur. 22. ab Americanis quomodo appelletur.	
	22. p. 113

R. E. R. V. M.

22. eius amor in Christum, & zelus in discendo. 3. 4. incredulitas non tam certa, nec tam magna ut multi putant. 6. & sequent. nobilissima confessio. 7. incredulitatis fructus 8. mors. 17. miraculum. 17.. 18. 20. communicat mortuus viuos

19

Thomas Cantuariensis Archiepiscopus regi se opponit Ecclesie libertatem frangenti. 30. crucem ferens vadit in curiam. 31. regi quantum licuit placere studuit. 39. ad tempus cedit regi. 40. suspendit seipsum ab officio. 41. secutus est exempla Sanctorum Pontificum 58. monet Episcopos officij sui. 61. culpat eorum ignaviam. 62. innocentiam suam probat. 63. a suis reucllus. 64. vadit in exilium & cur. ib. promotionem suam defendit. 68. optat Martyrium. 69. hortatur regem ad resipiscentiam. 79. patronus regis. 91. arguit Episcopum de quibusdam peccatis. 94. in Ecclesia occiditur. 50. eius mortis historia. 47. & seq. eruditio. 28. persecutionis causa. ibid. & 35. Zelus bonus. 39. mors Ecclesie Anglicane vtilissima. 38. miraculis illustrata. 39. canonizatio. 53. fortitudo laudata. 84. sanctitas & virtutes admirabiles. 88. humilitas. 102. laus exultantis. 104. miracula varia. 110. & seq. eorum comprobatio 129. eius vitam qui scripserint. 22. heretici Angli quomodo eum appellent.

25

Thomas Cramnerus Archiepiscopus Cant. homo leuis Moro cantrarius

301

Thomas Cronuellus natus ad ministerium tyrannidis.

192

Thomas Eliotus

197

Thomas Linacer

196

Thomas Lupsetus,

ibid.

Thomas Morus Consiliarius regius. 170. Cancellarius regni. 171. Orator populi. 178. iudex integerimus. ibidem. adhuc iuuenis exactionibus Regis se opponit. 181. hereticis molestus, licet nullum occiderit. ibid. Vtopiam scripsit. 184. & multa alia.

alia. 186. & seq. septem annos legit Patres ut Prima-
tum Pontif. Rom. intelligat. 90. 3. o. bonarum litera-
rum magnus amator 12. & viroꝝ doctozum 196.
Grynæum Lutheranium in Anglia versantem diligen-
ter observat. 216. magnus dissimilandi artifex. 217.
maximè authoritatis & fidei. 303 ministra. in Eccle-
sia. 220. liberat suis precibus quendam à graui tenta-
tione. 224. ciuiciã gerit, & seipsum flagellat. 227. ab
aulica vita vita abhorret 230. quare 232. diuitiarum
contemptor. 241. insignis paterfam. 246. liberorum e-
ducationem omnibus alijs antepōit. 261 uxorem fa-
cetiè ludit. 28. diuortium regis improbat. 293. primas
iuramentum regis de diuortio & schismate recusat.
300. iudicium calumniam refellit. 301. citatur ad iu-
diciū. 305. in carcere. 306. carbone scribit episto-
lam. ib. mortis metum quomodo vicerit. 308. in carce-
rationem suam beneficium interpretatur. 324. mundo
superior. 326. innocentiam suam demonstrat. 327. quin
decim menses detentus in carcere 333. orat pro perse-
cutoribus suis. 342. vili veste indutus ad patibulum
procedit. 35. decollatur.

355.

Thome Morigenus, educatio & studia. 154. obedientia &
humilitas. 156. insignis ingenium. 159. pietas. 161. officia
in Repub. 168. insignis laus. 173. ridicula accusatio 178.
eruditio multiplex. 18. infatigabile studium. 19. vi-
ta senè religio. 2. 9. preces quotidiane. 220. ora-
tionum vis. 223. charitas erga proximum. 224. 31. cor-
poris exigua cura. 126. prædictiones. 234. legationes.
238. pietas & orandi studium. 248. domus schola
Christiane relig. 250. progenies. 252. schola. 2. o. ap-
ophthegmata. 272. facetiæ. 281. constantia 285. cordatè
dictum. 286. stratagemata prudens. 304. persecutio &
& eius causæ. 297. fiducia in Deum. 314. sanctissimū
pectus. 31. examinationes. 327. & seq. tentationes.
304. & seq. nobilissima veritatis confessio. 341. mortē
aduersarij deplorant.

364

Thome

R E R V M.

<i>Thomæ Volfai Card. ambitio.</i>	285. 343.
<i>Thonstallus Mori amens quantus</i>	201. & sequent. scripsit
<i>quadam</i>	203
<i>Tunica Ioseph mors sanctorum</i>	87
V.	
<i>Versio Bibliorum heretica cui similis</i>	280
<i>Viros illustres martyrio affectos honorat Ecclesia</i>	291
<i>Visio Rumaldi</i>	109
<i>Visus inueni nobiliss. restituitur</i>	117
<i>Vitam S. Thom Cant qui scripserint.</i>	26
<i>Voluptariorum error</i>	274
<i>Vtopia Thomæ Mori qualis libellus. 184 & seq. item</i>	239
<i>Vxor Mori incarcerationum virum tentat sed frustra</i>	321
<i>Vxores Mori Musica</i>	247
Z.	
<i>Zelus S. Thomæ Apost. erga Christum</i>	4
<i>Zelus S. Thomæ Cant. 39. Mori contra hereticos.</i>	221

F I N I S.



COLONIAE,
Excudebat Stephanus Hemmerden,
Sumptibus Bernardi Gual-
theri.

ANNO M. DC. XII.

